

1898

ՄԱՏԵՆԱՀԱՐ “ՄԱՍԻՍԻՍ”, ԲԻՒ 33

ԱՂԵՔՍԱՆԴՐ ՏԻՄՈՒ

ԿՈՄՄ ՄՈՆԹԵ-ՔՐԻՍՏՈ

Ե. Ե. Զ. ՀԱՏՈՐ



PRINTED IN BULGARIA

1938
Տպագրութեան ԱԱՍԻՍ,
ՍՈՅԱՏԱ.

84
7-60

ՄԱՍԵՆԱՀԱՐ “ՄԱՍԻՍ”, ԹԻՒ 33

ԱՐԵՔՍԱՆԴՐ ՏԻՒՄԱ

ԿՈՍՄ ՄՈՆԹԵ-ՔՐԻՍՏՈ

Զ. ՀԱՏՈՐ



PRINTED IN BULGARIA

1938
Տպագրութիւն “ՄԱՍԻՍ”
ՍՈՅԱԿԱՆ

ԿՈՄՍ ՄՈՆԹԻ-ՔՐԻՍԹՈ

Ա. ԳԼՈՒԽ

Ե Ր Ե Ւ Ո Յ Թ Ը

ինչպէս ընդհ. դատախազը տիկին Տանկլարի ըստն
էր, Վալանթին ապաքինած չէր տակաւին։
Պարտասած և ուժաբեկ, անկողինը պառկած էր և իր
սենեակին մէջ տիկին ար Վիլֆօրէն իմացած էր այն ա-
մէն դէպքերը, զորս քիչ մը առաջ պատմեցինք, այսին-
քըն՝ էօմէնի փախուսոր և Անտրէա Գավալգանթիի կամ
աւելի ճիշտը, Պենէտէթթոյի ձերբակալութիւնը, ինչպէս
անոր վրայ ծանրացած մարդասպանութեան ամբաս-
տանութիւնը։

Սակայն Վալանթին այնչափ տկար էր, որ այդ
պատմութիւնը այնքան ազդեցութիւն չգործեց իր վրայ,
որչափ պիտի ընէր, եթէ իր սովորական առողջութեան վի-
ճակին մէջ գտնուէր։

Իրօք իր հիւանդ ուղեղին մէջ և աչքերուն առջեւ
տարօրինակ գաղափարներով և մտածածին խորհուրդնե-
րով խառն աղօտ գաղափարներ ու անորոշ կերպարանք-
ներ կը ներկայանային, որոնք զրեթէ անմիջապէս կ'ան-
յայտանային և իր զգացումները կ'արթնցնէին։

Յերեկը Վալանթին իր գոյաւթեան վրայ գոնէ ապաշնով էր, որովհետեւ Նուարթիէ ինքզինքը իր թոռան սենեակը տանել կու տար և հոն կը մնար իր հայրական խանդաղատագին նայուածքը անոր վրայ յառելով։ Յետոյ Վիլֆօր ալ դատարանէն դառնալով՝ մէկ-երկու ժամ իր հօրը և զաւկին քով կ'անցընէր։

Ժամը վեցին Վիլֆօր իր սենեակը կը քաշուէր։ Ժամը ութին պ. ա'Ավրինեի կու գար՝ ծաղկատի աղջկան համար պատրաստուած գիշերուան դեղը ինք բերելով։ Յետոյ Նուարթիէն ալ իր սենեակը կը տանէին։

Կերջապէս երբ ամէն մարդ հիւանդին սենեակին կը հեռանար, բժիշկին կողմէ որոշուած հիւանդապահուէի մը Վալանթինի վրայ կը հսկէր, և ան ալ ժամը տասնին կամ տասնըմէկին, Վալանթինի քնացած միջոցին, կը հեռանար։

Վար իջնելու տաեն՝ Վալանթինի սենեակին բանալիները պ. աը Վիլֆօրին կը յանձնէր. այնպէս որ միայն տիկին աը Վիլֆօրի և փօքը էտուարի սենեակներէն անցնելով հիւանդին քավը կարելի էր երթալ։

Ամէն առառ Մորէլ Նուարթիէի սենեակը կ'երթար, Վալանթինի վրայ լսուր առնելու համար։ Սակայն զարմանալի բան որ օրէ օր Մորէլի մտահոգութիւնը կը նըւաղէր։

Նախ որ Վալանթին ալ օրէ օր աւելի կ'աղէկնար, թէեւ ջղային սաստիկ տագնապի մը ենթակայ էր։ Երկրորդ՝ իր չփոթութեան մէջ Մօնթէ-Քրիսթոյի դիմած տաեն՝ կամսը իրեն ըստծ չէ՞ր որ եթէ Վալանթին երկու ժամէն չմեռնէր, պիտի ազատէր։

Վալանթին կենդանի էր և չորս օրեր ալ անցած էին։

Այդ ջղային տագնապը Վալանթինը անհանգստութեան կը յատնէր անոր քնացած, կամ աւելի ճիշտը, անոր թմրութեան տաենն իսկ։ Այն տաեն գիշերային լըսութեան և կրակարանին վրայ դրուած սպիտակ կիճէ ցայգականթեղին էիս մթութեան մէջ այն ստուերները կը տեսնէր, որոնք հիւանդներու սենեակը կը լեցուին և իրենց քստմելի թեւերովը սենեակը կը շարժեն։

Այն տաեն իրեն այնպէս կը թուէր թէ մերթ իր մօրուն կը տեսնէ, որ իրեն կը սպառնար և մերթ Մորէլը, որ իր բազուկները իրեն կ'երկարէր և մերթ իր սովորական կեանքին օտար եղող էակներ, ինչպէս Մօնթէ-Քրիսթօ կոմոք։

Իր զառանցանքի ժամերուն, մինչեւ իսկ կարասիները շարժուն ու թափառիկ կ'երեւէին, և այս բանը առառան մինչեւ ժամը երկու կամ երեքը կը տեւէր։ Յետոյ ծաղկատի աղջիկը ծանր քունի մը մէջ կ'ընկղմէր և մինչեւ առառ կը քնանար։

Հօժէնիի փախուստին և Պինէտէթթոյի ձերբակալութեան լուրերը լսած իրիկունը Վիլֆօրի. ա'Ավրինեիի և Նուարթիէի մեկնելէն յետոյ, Վալանթինի զառանցանքին առարկաները սկսած էին երեւէլ։ Աչն-Ֆիլիփ եկեղեցին ժամացոյցը տասնըմէկ կը հնչէր և Վալանթինի հիւանդապահուէին, բժիշկէն պատրաստուած ըմպելին հիւանդին ձեռքին մօտ սեղանին վրայ դնելէն և սենեակին դուռը փակելէն հտքը, ծառաներուն քով երթալով՝ երեք ամիսէ ի վեր ընդէ։ զատախաղին աղետալի պատմութիւնները մտիկ ըրած էր։ Այդ միջոցին հիւանդին զգուշութեամբ փակուած սենեակին մէջ անտակնկալ տեսարան մը պարզըւած էր։

Գրեթէ տասը վայրկեանէ ի վեր հիւանդապահուէին հեռացած էր անկէ։

Վալանթին ժամէ մը ի վեր ամէն գիշերուան ջերմին ենթակայ, ակամայ իր զլուխը կը յանձնէր ուղեղին, յուզումնալից, միօրինակ և նուանդապին աշխատութիւնը շարունակելու համար, որ անդադար կը յոդնէր, նոյն դաղափարներէն և նոյն ժամացածին տեսիլներէն։

Եւ ահա, ցայգականթեղին պատրոյգէն տարօրինակ ձանձնչներ կը ցայտէին և անոր դողդոջուն ցոլացումին մէջէն Վալանթինի այնպէս կ'երեւէր, թէ կրակարանին մօտ պատին խոռոչաւոր կողմը գտնուող գրադարանին մեղմօրէն բացուիլը կը տեսնէր, առանց անոր ծխնիներուն ձայնը լսուելու։

Ուրիշ տաեն Վալանթին կրնար զանդակին մետաքսէ

ժապաւէնը ձեռք տռնել և օդնութիւն կանչել։ Սակայն իր այդ կացութեանը մէջ զարմանքը գրաւող բան մը չկար։

Այնպէս համոզուած էր որ զինքը շրջապատող երեւոյթները իր զառանցանքին արդիւնքն են։ Որովհետեւ ամէն առառ կը տեսնէր որ զիշերուան երեւոյթներուն հետքը անգամ չէր մնար և ցերեկուան լոյսին հետ աներեւոյթ կ'ըլլային անոնք։

Դրան ետին մարդկային դէմք մը տեսնուեցաւ։

Վալանթին իր տեսնդին մէջ այդ տեսակ բաներու ընտանեցած ըլլալուն՝ չէր վախնար անոնցմէ։ Միայն թէ իր աչքերը լաւ մը բացաւ, որպէսզի տեսնէ թէ Մորէլն է եւ բեցողը։

Երեւոյթը իր անկողնոյն մօտենալով կեցաւ։ Խօրին ուշադրութեամբ մտիկ ընողի մը կերպարանքը ունէր ան։

Այդ միջոցին կանթեղին լոյսը գիշերային այցելու դէմքին զարկաւ։

— Ան չէ, մրմնից հիւանդը։

Ու կարծելով թէ երազ կը տեսնէ, սպասեց որ մարդը աներեւոյթ ըլլայ, ինչպէս երազի ատեն կը պատահի, և կամ ուրիշ անձի փոխուի։

Իր բազկերակը բռնեց և անոր ուժդին բարախումը զգալով՝ միաքը եկաւ որ այդ տարաժամ երեւոյթները անհետացնելու լաւագոյն միջոցը գեղը խմելն էր։ Իր յուզումները հանդարտեցնելու նպատակաւ բժիշկէն խընդրած այդ ըմպելիին զովութիւնը վալանթինի ջերմը թեթեւցնելով ուղեղը կը հանդարտեցնէր և քիչ մը ատեն տագնապը կը նուազէր։

Ուստի վալանթին իր ձեռքը երկնցուց, որպէսզի զեղը պարունակող գաւաթը առնէ։ Բայց իր դողդոջուն բազուկը անկողնէն դուրս երկարած միջոցին՝ երեւոյթը առաջուընէ աւելի չուտով երկու քայլ եւս մօտեցաւ անկողնոյն և ծաղկատի աղջկան այնչափ մօտ հասաւ, որ հիւանդը անոր չնչառութիւնը լսեց և այնպէս կարծեց թէ իր ձեռքը կը բռնէ։

Այս անգամ մտացածին, կամ աւելի ճիշտը, ճշմարիտ երեւոյթը սաստկացուց վալանթինի զգացումները։ Հիւանդը սկսաւ իր թմրութիւնը թօթվել և արթնութիւ-

նը սառուզել։ Տեսնելով որ տեսածը ցնորք մը չէ և խելքը գլուխն է՝ վախցաւ։

Վալանթինի ձեռքը բռնելուն նպատակն էր արգիլել զայն։

Վալանթին ձեռքը քաշեց մեղմօրէն։

Այն ատեն, երեւոյթը, որուն աչքերը իր վրայէն չէին հեռանար և որուն նայուածքը աւելի պաշտպանողական կ'երեւէր քան թէ սպառնական, գաւաթը առաւ, ճրագին մօտեցուց և կարծես անոր թափանցկութիւնը ու յատկութիւնը քննելու համար ըմպելիին նայցաւ։

Բայց այդ առաջին փորձով չբաւականացաւ։

Այդ մարդը, կամ աւելի ճիշտը այդ երեւոյթը, որ խիստ կամաց քալելուն, իր քայլերուն ձայնը օթոցին վըրայ չէր լսուեր, դգալ մը ըմպելիէն առաւ ու խմեց։

Վալանթին այդ գործողութիւնները խոր ապշութեամբ կը դիտէր։

Անշուշտ կը կարծէր որ այդ երեւոյթը շուտով աներեւոյթ պիտի ըլլար և անոր տեղ ուրիշ տեսարան մը պիտի պարզուէր։ Սակայն մարդը փոխանակ սառուերի մը պէս աներեւութանալու՝ իրեն մօտեցաւ և գաւաթը վալանթինին երկարելով՝ յուզուած ձայնով մը ըսաւ։

— Խմեցէ՛ք հիմա...

Վալանթին սարսուաց։

Առաջին անգամն էր որ այդ երեւոյթներէն մէկը կենդանի ձայնով կը խօսէր իր հետ։

Բերանը բացաւ որ ձայն մը հանէ, բայց մարդը շըրթունքներուն վրայ դրաւ մատը։

— Պ. Մօնթէ-Քրիսթօ կոմսն է, մրմնից վալանդին։

Ծաղկատի աղջկան աչքերուն մէջ նկարուած սարսուկը, անոր ձեռքերուն զողդոջիւնը, վերմակին տակ կծկուելու համար ըրած արագ շարժումը յայտնի կը ցուցնէին իր համազմանը դէմ ունեցած վերջին պայքարը։ Այդպիսի պահու մը Մօնթէ-Քրիսթօյի ներկայութիւնը, գաղտնի, երեւակայական ու անըմբոնելի պատի մը մէջէն իր սենեակը մանելը անկարելիութիւններ կ'երեւէին վալանթինի գրգոսւած մտքին։

— Մարդ մի' կանչէք և մի վախնաք, ըստ կոմսը, կասկածի մը երեւոյթն ու մտահոգութեան մը ստուերն անգամ ձեր որտէն հեռացուցէք, ձեր առջեւը երեցած մարդը, որովհետեւ այս անգամ իրաւունք ունիք, Վալանթին, տեսածնիդ առերեւոյթ տեսիլ մը չէ, ձեր առջեւը երեցած մարդը այնպիսի խանդաղատալի հայր մը և այնպիսի պտառաւոր բարեկամ մըն է, որ երբեք մտքերնէդ անցուցած չէք:

Վալանթին պատառխան մը չկտաւ տալու: Իրեն հետ խօսողին ձայնէն այնչափ կը վախնար, որ իր ձայնը անոր հետ խառնելու կը սոսկար: Սակայն իր սարսափահար նայուածքը կ'ուզէր բաել. «Եթէ ձեր դիտաւորութիւնները անմեղ են, ինչո՞ւ ուրեմն այս պահուս հոս կը գտնուիք»:

Իր հիանալի խորամտութեամբը՝ կոմսը ծաղկատի աղջկան սրտէն բոլոր անցածները հասկցաւ:

— Մտիկ ըրէք, ըստ, կամ գոնէ երեսս նայեցէք: Աչքերս կարմրած են և դէմքս սովորականէն աւելի գունատ է: Պատճառը սա է որ չորս գիշերէ ի վեր վայրկեան մը աչքս չդոցեցի, չորս գիշերէ ի վեր ձեր վրայ կը հըսկեմ, ձեզ կը պաշտպանեմ ու ձեր Մաքսիմիլիէն բարեկամին համար կը պահպանեմ ձեզ:

Ուրախութենէն, հիւանդին այտերը կարմրեցան իսկոյն, օրովհետեւ կոմսին արասասանած անունը իր կասկածը փարատեց:

— Մաքսիմիլիէն... կրկնեց Վալանթին, այդ անունին արտասանութիւնը քաղցր թուելուն համար: Ուրեմն Մաքսիմիլիէն ամէն բան խօստովանեցաւ ձեզի:

— Ամէն բան, ինծի ըստ որ իր կեանքը ձեր կեանքէն կախում ունի և ես խօստացայ որ ձեզ մահուընէ առատեմ:

— Խօստացա՞ք մահուընէ ազատել զիս:

— Այո՛:

— Ուրեմն բժի՛չկ էք գուք:

— Այո՛, և այս միջոցիս Աստուած ինձմէ աղէկ բըժէկ մը չէր կրնար զրկել ձեզի, հաւատացէք ինծի:

— Իմ վրաս հսկեցիք, կ'ըսէք, յարեց Վալանթին մտահոգութեամբ մը, բայց ուրկի՞ց, ես չտեսայ ձեզ: Կոմսը իր ձեռքը գրադարանին կողմը երկարեց:

— Այս դրան ետին պահուըտած էի, ըստ, և այս դուռը քովի տանը մէջ կը բացուի, զոր ես վարձած եմ:

— Վալանթին ամօթիսած հպարտութեան շարժումով մը աչքերը գարձուց և խիստ մեծ սոսկումով մը ըստ:

— Պարոն, ձեր այդ ըրածը տարօրինակ անիսնեմութիւն մըն է և ձեր շնորհած պաշտպանութիւնը թշշնամանքի մը կը նմանի:

Վալանթին, ըստ կոմսը, ձեր վրայ այնչափ երկար ատեն հսկելու միջոցին՝ իմ աեսածներու էին ձեր սենեակը եկողները, ձեզի համար պատրաստուած կերակուրները և ըմպելիները: Երբ այդ ըմպելիները վտանգաւոր երեւէին ինծի, հիմակուան պէս ներս կը մտնէի, գաւաթնիդ կը պարպէի և այն թոյնին տեղը առողջարար ըմպելի մը կը դնէի, որ ձեզի համար պատրաստուած մահուան տեղ՝ կեանք կը շնորհէր ձեզի:

— Թո՛յն և մա՛հ կ'ըսէք, գոչեց Վալանթին, կարծելով թէ նորէն զառանցանքի մէջ կ'իյնայ, ի՞նչ խօսքեր են ատոնք, պարոն:

— Լո՛է՛, աղջիկու ըստ Մօնթէ-Քրիսթօ, իր մատը շրթունքներուն վրայ դնելով, այո՛, թոյն ըսի և կը կըրկնեմ, մահ պատրաստուած էր ձեզի համար: Բայց նախ խըմեցէք սա դեղը: (Կոմսը գրանէն սրուակ մը հանեց ու անոր պարունակած կարմիր ջուրէն քանի մը կաթիլ բաժակին մէջ կաթեցուց): Ասկէ ետքը ուրիշ բան մի առնէք այս գիշեր:

Վալանթին ձեռքը երկարեց, բայց գաւաթին չդպցուցած սոսկումով ետ քաշեց:

Մօնթէ-Քրիսթօ գաւաթթը առաւ և կէսը խմելէն յետոյ՝ Վալանթինին ներկայացուց: որ ըմպելիին մնացեալը խմեց ժպտագին:

— Ո՛հ, այո՛, ըստ ծաղկատի աղջիկը, իմ գիշերային դեղերուս համը ունի, այն ըմպելիին, որ սրտիս զուգաթիւն և ուղեղիս հանդարտութիւն կու տայ: Շնորհաւ

կալ եմ, պարոն, չնորհակալ եմ։

— Ահա այս կերպով չորս գիշեր կարող եղաք ապրելու, Վալանթին, ըստ կոմսը։ Սակայն ես ի՞նչպէս կ'ապրէի ո՛հ, ի՞նչ անտանելի ժամեր կ'անցընէի և ի՞նչ ահանելի տառապանքներու կը մատնուէի, երբ ձեր գաւաթին մէջ մահացու թոյնին դրուիլը կը տեսնէի և կը վախնայի որ մի գուցէ զայն կրակարանին մէջ թափելու ատեն չունեցաւ, դուք խմէք։

— Գաւաթիս մէջ մահացու թոյն դրուիլը տեսնելով՝ տառապանքներ կը կրէիք, կ'ըսէք, պարոն, յարեց Վալանթին սոսկումով։ Ուրեմն՝ եթէ գաւաթիս մէջ թոյն դրուիլը տեսաք, անշուշտ թոյնը դնող անձն ալ տեսած էք։

— Այո՛, տեսայ, պատասխանեց կոմսը։

Վալանթին իր անկողնին մէջ հլաւ նստաւ, ձիւնէն աւելի սպիտակ կուրծքը բանուած բարակ կտաւով ծածկելէ յետոյ, որ զառանցանքի պաղ քրտինքով խօնաւցած ըլլալէն զատ՝ սոսկումի սառած քրտինքն ալ կը սկսէր անոր խառնուիլ։

— Դուք տեսա՞ք զայն, յարեց նորատի աղջիկը։

— Այո՛, ըստ կոմսը երկրորդ անգամ ըլլալով։

— Այդ ի՞նչ սոսկալի խօսք է որ կ'ընէք, պարոն։ Ինձի հաւատացնել ուզածնիդ դժոխային բան յըն է, ի՞նչ, իմ հօրս տա՛ն և իմ սենեակիս մէջ ու իմ վշտի անկողնոյս մէջ կ'ուզեն սպաննե՞լ զիս։ Ո՛հ, հեռացէք ասկէ, պարոն, դուք իմ խիղճա կը փորձէք և աստուածային բարութեան դէմ կը հայոյէք։ Անկարելի է, պարոն, չի կրնար ըլլալ։

— Միթէ այն ձեռքէն թունաւորուղներուն մէջ առաջի՞նն էք դուք, Վալանթին։ Ձեր շուրջը պ. աը Սէն-Մէրանին, տիկին տը Սէն-Մէրանին և Պարուային մեռնիլը չտեսա՞ք։ Պ. Նուարթիէին մեռնիլն ալ պիտի չտեսնէի՞ք, եթէ այդ ծերունին երեք տարիէ ի վեր սօվորութիւն ըրած չըլլար իր գեղերուն մէջ թէյը գործածել և թոյնին դէմ թոյնով պայքարիլ։

— Ո՛հ, Աստուած իմ, ըստ Վալանթին, ուրեմն

այս է պատճառը որ գրեթէ ամիսէ մը ի վեր մեծ հայրս կը պնդէ որ իր ըմպելիները գործածեն։

— Անոր ըմպելիները կէս մը չօրցած նարինջի կեղեւի պէս դառն համ մը ունին, այնպէս չէ^o, հարցուց Մօնթէ-Բրիսթօ։

— Այո՛, այո՛։

— Ո՛հ, հիմա ամէն բան կը հասկնամ, ըստ Մօնթէ-Բրիսթօ։ Ուրեմն ձեր մեծ հայրն ալ գիտէ որ ձեր տան մէջ թունաւորիչ մը կայ և գուցէ թունաւորիչն ալ կը ճանչնայ, Դուք անօր խիստ սիրելի թոռը ըլլալնուղ՝ ձեզ մահացու թոյնէն զգուշացուցեր է, և այդ մահացու թայնին վարժուած ըլլալնուղ ազդեցութիւն չէ գործած։ ահա ի՞նչպէս դուք կենդանի մնացած էք դեռ։ Պատճառը չէի կրնար հասկնալ, որ չորս օր առաջ այնպիսի զօրաւոր թոյնով թունաւորուած ըլլալէ յետոյ տակաւին չէք մեռած։

— Բայց ո՞վ է այդ թունաւորիչը, այդ մարդասպանը։

— Ես ալ ձեզի կը հարցնեմ, Դիշերը ձեր սենեակը մէկուն մտնելը տեսած չէ՞ք միթէ։

— Այո՛, Շատ անգամ կը կարծէի թէ ուրուականներ կը տեսնեմ, որոնք ինձի կը մօտենային, կը հեռանային և աներեւոյթ կ'ըլլային։ Բայց կը կարծէի որ իմ տենդիս տագնապէն առաջ կկած երեւոյթներ էին անոնք և հիմա ալ երբ դուք սենեակս մտաք, երկար տաեն կարծեցի թէ կամ կը զառանցեմ և կամ կ'երազեմ։

— Ուրեմն ձեր կեանքին թշնամի եղող անձը չէ՞ք ճանչնար։

— Ո՛չ, ըստ Վալանթին։ Բայց ի՞նչ պատճառաւ իմ մահուանս պիտի փափաքի։

— Ուրեմն հիմա պիտի ճանչնաք զայն, ըստ Մօնթէ-Բրիսթօ ականջ դնելով։

— Ի՞նչ կերպով, հարցուց Վալանթին իր շուրջը նայելով սարսափանար։

— Որովհետեւ այս գիշեր ոչ տենդ ունիք և ոչ զառանցանքի մէջ կը գանուիք։ Վասնզի այս գիշեր արթուն

էք: Ահա կէս գիշեր կը հնչէ, և մարդասպաններուն ժամանակը կէս գիշերն է:

— Տէր Աստուած, տէր Աստուած, ըստ Վալանթին, իր ճակտէն մարդարտի նման վազած քրտինքը սրբելով ձեռքովը:

Իրօք, ժամացոյցը կէս գիշեր կը հնչէր յամբ և տիրագին, անոր իւրաքանչիւր հնչիւնը ծաղկատի աղջը-կան սրտին վրայ պղինձէ ուռի հարուածներ կ'իջեցնէին կարծես:

— Վալանթին, շարունակեց կոմսը, բոլոր ուժերնիդ ամփափեցէք, ձեր սրտին բարախումը զսպեցէք, ճայներնիդ ձեր կոկորդին մէջ արդիմցէք, քուն ձեւացուցէք և պիտի տեսնէք, այս՝ պիտի տեսնէք:

Վալանթին կոմսին ձեռքը բռնեց:

— Կարծեմ թէ շուկ մը կը լսեմ, ըստ, հեռացէք հոսկէ:

— Մնաք բարով, պատասխտնեց կոմսը, և կամ ցը տեսութիւն:

Յետոյ այնպիսի տիրուր և հայրական ժպիտով մը, որմէ ծաղկատի աղջկան սիրտը երախտազիտութեան զգացումով շարժեցաւ, գրադարանին դրան մօտեցաւ, սաքին ծայրերուն վրայ կոխելով։

Բայց զայն գոցելէն առաջ, երեսը վերստին դարձընելով, ըստ,

— Շարժում մի՛ ընէք բնաւ, ճայն մի՛ հանէք, թողձեղ քնացած կարծեն, եթէ ոչ՝ գուցէ օդնութեան հասնեւ լէս առաջ՝ սպաննել ուզեն ձեղ։

Ու այդ սոսկառիթ պատուէրէն յետոյ՝ կոմսը գրան ետին աներեւոյթ եղաւ, որ իր վրայ գոցուեցաւ լոռոթեամբ։

Բ. ԳԼՈՒԽ

ԼՈԿԻ ԽՈԹ

Վալանթին առանձին մնաց, Սէն Ֆիլիք հկեղեցին ժամացոյցէն ետ մնացող երկու ուրիշ ժամացոյցննը կէս գիշեր հնչեցին յաջորդաբար։

Յետոյ՝ քանի մը հեռաւոր կառքերու ձայներէն զատ ամէն կողմ լութիւնը տիրեց։

Այս ատեն վալանթինի բովանդակ ուշադրութիւնը իր սենեկին ժամացոյցին վրայ կեդրոնացաւ, որուն ճօճանակը երկվայրկեանները կը նշանակէր։

Երկվայրկեանները հայրելով դիտեց որ անոնք իր սրտի բարախումէն կրկնակի աւելի յամը էին։

Սակայն դարձեալ կը տարակաւոէր։ Անմեղ Վալանթին չէր կրնար երեւակայել որ մէկը իր մահուան փափի: Ինչո՞ւ համար, ի՞նչ նպատակաւ, և ի՞նչ չարութիւն գործած էր որ թշնամի մը ունենայ։

Վախ մը չունէր որ քնանար։

Սոսկալի մատծում մը միայն իր միտքը գրաւած էր, Աշխարհի մէջ անձ մը կար որ զինքը սպաննելու փորձ ըրած էր, և դարձեալ պիտի փորձէր։

Ի՞նչ պիտի ընէր Վալանթին, եթէ այս անգամ նոյն անձը թոյնին չազդեցէն տաղտկացած, Մօնթէ Քրիսթոյի ըսածին պէս սուրի դիմէր, եթէ կոմսը օդնութեան հասնելու ատեն չունենար, եթէ վերջին վայրկեանին հասնելով՝ Մօրէլը չկարենար տեսնել։

Այս մատծումին մէջ, որ իր դէմքը կապոյտ աըժգունութեամբ մը և սառած քրտինքով մը պատեց, Վալանթին պատրաստուած էր զանգակին ժապաւէնը քաշելու և օդնութիւն կանչելու։

Բայց իրեն այնպէս թուեցաւ թէ գրադարանին դըրան մէջէն կոմսին աչքերուն փայլիլը կը տեսնէ, այն աչքերուն որոնք իր վրայ կը հսկէին և այն աստիճան զինքը ամօթահար կ'ընէին, որ ծաղկատի աղջիկը մտովի կը հարցնէր թէ արդիօք կոմսին այս անխորհուրդ բարհուամութեան փոխարէն պիտի կրնա՞ր իր հրախտագիտութիւնը յայտնել։

Այդպէս երեսուն վայրկեան և Վալանթինի համար երեսուն անվերջ դարեր անցան։

Վերջապէս ժամացոյցը հնչեց։

Նոյն միջոցին կոմսը գրադարանին տախտակը քերեց եղունգովը, հազիւ լսելի ըլլալու աստիճան, որով Վար-

լանթինին կ'իմացնէր թէ միշտ կը հսկէ և կը հրաժայէր
որ արթուն կենայ:

Վալանթինի այնպէս թուեցաւ որ գրադարանին դի-
մացի կողմը, այսինքն էտաւարի սենեակին մէջ տախտա-
կամածին վրայ ունաձայներ կը լսէ:

Իր գրեթէ հեղձամղձուկ չնչառութիւնը արգիւլով՝
ականջ դրաւ: Փականքին երկաթը կոնչեց և դուռը ծըխ-
նիներուն վրայ դարձաւ:

Վալանթին. որ արմուկին վրայ կրթնած էր, հազիւ
ատեն ունեցաւ ինքզինքը անկողնոյն վրայ ձգելու և աչ-
քերը թեւերուն տակ պահելու:

Անպատճ սոսկումով, յուսումսվ և դողդոջումով
սպասեց:

Մէկը անկողնոյն մօտենալով վարագոյրը բացաւ:
Վալանթին իր բոլոր ոյժերը ամփոփեց և հանդարտ.
օրէն քնացողի մը պէս կը չնչէր:

— Վալանթին, ըսաւ ձայնը մեղմօրէն:

Մաղկատի աղջիկը իր սրախն մինչեւ խորը սարու-
ռաց, բայց չպատասխանեց երբեք:

— Վալանթին, կրկնեց նոյն ձայնը:

Վալանթին դարձալ լուռ կեցաւ: Խօսք տուած էր որ
արթուն ըլլալը չյայտնէ բնաւ:

Այն ատեն լոռութիւնը տիրեց:

Միայն վալանթինի գաւաթին մէջ հեղուկի մը
թափուելուն անզգալի ձայնը կը լսուէր:

Այն ատեն ծաղկատի աղջիկը համարձակեցաւ իր եր-
կնցուցած թիւին տակէն իր արտեւանունքը կիսով չափ բա-
նալու:

Գիշերագեստով կին մը տեսաւ, որ սրուակի մը
հեղուկը իր գաւաթին մէջ կը պարպէր:

Այդ կարձ միջոցին գուցէ Վալանթին իր չնչառու-
թիւնը արգիւլած կամ անտարակոյս շարժում մը ըրած
էր, որովհետեւ կինը անձկութեամբ կանգ տուաւ և դէպի
հիւանդին անկողինը ծոեցաւ, որպէսզի լաւ մը տեսնէ թէ
Վալանթին քնացած էր ստուգիւ:

Տիկին աը Վիլֆօրն էր ան:

Վալանթին իր մօրուն ճանչնալով, այնքան ուժգին
կերպով սարսոաց: Որ շարժում մը պատճառեց իր ան-
կողնոյն:

Տիկին աը Վիլֆօր իսկոյն պատին տակ քաշուեցաւ
և հոն անկողնոյն վարագոյրին ետին ապաստանած, Վա-
լանթինի ամենաթեթեւ շարժումն իսկ լոռութեամբ և ուս
շադրութեամբ կը դիմէր:

Մաղկատի աղջիկը Մօնթէ-Քրիսթոյի սոսկալի խօս-
քերը յիշեց: Իրեն այնպէս թուեցաւ որ մօրուին միւտ
ձեռքը երկար և սուր դաշոյն մը կը փայլէր:

Այն ատեն Վալանթին իր կամքի գօրութիւնը օգ-
նութեան կանչելով՝ ջանաց իր աչքերը զոցելու, որ սովո-
րաբար այնքան բնական է մեր զգայարանքներուն հա-
մար, երբ վախու կ'ենթարկուին, բայց այդ միջոցին
գրեթէ անկարելի կ'ըլլար կատարել, որովհետեւ անյագ
հետաքրքրութենէն՝ կ'օւզէր իր աբտեւանունքը բանալ և
ճշմարտութիւնը ստուգել:

Սակայն աիկին աը Վիլֆօր Վալանթինի չնչառու-
թեան կանոնաւոր ձայնը նորէն լսելով և ապահովապէս
կարծելով օր հիւանդը քնացած է, իր թեւը երկնցուց և
անկողնոյն զլիխն կողմի ամփոփուած վարագոյրին ետին
կէս մը պահուըտած, իր սրուակին մէջ մնացած հեղուկը
պարպեց:

Եթոյ այնքան զգուշութեամբ և անձայն հեռացաւ,
որ Վալանթին չիմացաւ:

Միայն բազուկին աներեւութանալը տեսած էր: Որ քը-
սանըհինգ տարեկան մանկամարդ ու գեղեցիկ կնոջ մը
կլոր և յատղաշ բազուկն էր և իր գաւաթին մէջ մահուան
հեղուկը կը թափէր:

Անկարելի է Վալանթինի զգացածը նկարագրել: Թիս-
կին աը Վիլֆօրի մէկուկէս վայրկեան իր սենեակը կնցած
միջոցին:

Գրադարանին վրայ եղունգի քերում մը լսելով, նո-
րատի աղջիկը անզգայութենէն սթափեցաւ:

Վալանթին իր գլուխը սոսկումով վեր առաւ:
Գրադարանին դուռը երկրորդ անզամ իր ծինինե-
րուն վրայ դարձաւ և Մօնթէ-Քրիսթօ երեւցաւ:

- Բաէք հիմա, դեռ կը աարակուսի՞ք, գոչեց կոմոք:
 — Ո՞հ, տէր Աստուած, մրմնջեց ծաղկատի աղջիկը:
 — Տեսա՞ք:
 — Ախոս'ս:
 — Ճանչցա՞ք զայն:
 Վալանթին հառաշանք մը արձակելով, պատասխանեց.
 — Այս', բայց անհաւատալի կ'երեւի ինծի:
 — Ուրեմն կը նախընտրէք մեռնիլ և Մաքսիմիլիէնի ալ մահուան պատճառ ըլլալ...
 — Ո'վ Աստուած, Տէր Աստուած, յարեց ծաղկատի աղջիկը, գրեթէ շուարած: Բայց այս տունէն պիտի չկըրնա՞մ մեկնիլ և ազատիլ արդեօք...
 — Վալանթին, ձեզ հալածող ձեռքը ամէն տեղ ետեւնուդ պիտի հասնի: Դրամի ուժով ձեր ծառաները պիտի կաշառուին և մահը ամէն երեւոյթներով ձեր առջեւը պիտի նիրկայանայ թէ՝ ազրիւրէն խմած ջուրերնուդ և թէ ծառէն կարած պառուղներնուդ մէջ:
 — Բայց դուք ըսիք թէ, թոյնէն չվնասուելու համար, մեծ հայրս նախազգուշութեամբ զօրացուցած է զիս:
 — Մէկ տեսակ թոյնէն և այն ալ վոքր քանակութեամբ գործածուած տաեն: Կրնան թոյնը փոխել կամ քանակութիւնը աւելցնել:
 Կոմու գաւաթը առաւ և իր շրթունքները թրջեց անոր մէջ գտնուած հեղուկով:
 — Ահա, ըսաւ, արդէն փոխած են: Այս անգամ ըեւեկնի թոյնով չեն թունաւորեր ձեզ: այլ պարզ թմրեցուցիչ դեղով մը, անոր հոտէն կը ճանչնամ: Ո՞հ, Վալանթին, Վալանթին, եթէ ձեր գաւաթին մէջ տիկինաը Վիլֆորի գրած այս ըմպելին խմէիք, անշուշա կորսուած էիք:
 — Բայց, տէր Աստուած, գոչեց նորատի աղջիկը, ինչո՞ւ արդեօք զիս կը հալածէ:
 — Ա'յնչափ քաղցր ու բարեսիրտ էք և այս եղեռնագործութեան չէք հաւատար, որ չէք ըմբռներ, Վալանթին:
 — Իրաւունք ունիք, որովհետեւ անոր չարութիւն մը ըրած չեմ, ըսաւ նորատի աղջիկը:

- Պատճառը սա է որ զուք հարուստ էք, Վալանթին, որովհետեւ երկու հարիւր հազար ֆրանք եկամուտ ունիք, և դուք այդ երկու հարիւր հազար ֆրանք եկամուտը անոր զաւկէն կը յափշտակէք:
 — Ինչո՞ւ, իմ հարստութիւնս անոր չի վերաբերիր, իմ ծնողքէն ժառանգած եմ զայն:
 — Անտարակոյս, և ահա այդ պատճառաւ է որ պ. և տիկին աը Սէն-Մէրան մեռան, որպէսզի դուք անոնց հարստառթիւնը ժառանգէք, ահա այդ պատճառաւ է որ պ. Նուարթիէ ալ ձեզ իր ժառանգորդը ըրած օրէն՝ թաւնաւորուելու ենթակայ եղած էր, և դուք ալ այդ պատճառաւ պիտի մեռնէիք, Վալանթին, որպէսզի պ. աը Վիլֆոր ձեր հարստութիւնը ժառանգէ, և ձեր եղբայրը անոր միակ զաւակը մնալով ձեր հօրը հարստութիւնը ժառանգէ:
 — Էտուար, ո՞հ, խե՛ղճ տղայ անո՞ր համար է որ այս չափ ոճիրներ կը գործուին:
 — Ո՞հ, վերջապէս հասկցա՞ք:
 — Ո՞հ, տէր Աստուած, մի՛ թողուր որ այսչափ եղեռնագործութեանց մեղքը անոր վրայ ծանրանայ:
 — Հրեշտակ մըն էք, Վալանթին:
 — Բայց իմ մեծ հայրս թունաւորելէ ետ կեցա՞ծ են:
 — Անշուշտ մտածեր են որ ձեր եղբայրը բնականար բոլոր հարստութեանց աէր պիտի ըլլայ, եթէ զինքը ժառանգութենէ զրկել չուզեն: Վերջապէս պ. Նուարթիէն ալ թունաւորելը անօգուտ ըլլալէն զատ՝ կրկնապէս վըտանգաւոր էր:
 — Եւ այդ կանոնագործութեան գաղափարը կնո՞ջ մը մտքին մէջ ծնունդ առած է: Ո՞հ, Աստուած իմ, Աստուած իմ:
 — Մաքերնիդ բերէք թէրուզ քաղաքը, պանդոկին ձողաբարձը և այն կապոյտ վերաբերուով մարդը, որուն ձեր մօրուն հարցումներ կ'ընէր դեղերու մասին: Այն ժամանակէն ի վեր այդ գժոխային գաղափարով առգործած էր ուղեղը:
 — Ո՞հ, պարսն, գոչեց ծաղկատի սիրուն աղջիկը,

աչքերը արտասուաթոր, եթէ այդպէս է՝ կը տեսնեմ որ
մեռնելու դատապարտուած եմ:

— Ոչ, վալանթին, ոչ! Անոր լարած որոգայթները
գուշակած եմ: Զեր թշնամին յայտնուելով յաղթուած է:
Պիտի ապրիք դուք, վալանթին, և անշուշտ պիտի ապ-
րիք՝ սիրելու և սիրուելու, երջանիկ ըլլալու և աղնիւ
սիրտ մը երջանկացնելու համար: Բայց ապրելու համար,
վալանթին, պէտք է որ բոլորովին վստահ ըլլաք իմ վը-
րաս:

— Հրամայեցէք, պարոն, ի՞նչ ընելու եմ:

— Պէտք է որ իմ տալիք գեղս կուրօքն առնէք:

— Ո՛հ, վկա՛յ ըլլայ երկինք, գոչեց վալանթին՝ որ
եթէ ես աշխարհի մէջ առանձին ըլլայի, յօժարակամ լպի-
տի ուզէի մեռնիլ:

— Մէկուն պէտք չէ որ վստահիք և ոչ իսկ ձեր հօրը:

— Բայց հայրս այդ ահոնելի ոճիրին մասնակից չէ,
այնպէս չէ՝ պարոն, ըսաւ վալանթին, ձեռքերը միա-
ցնելով:

— Ո՛չ, սակայն ձեր հայրն ալ, որ դատական ամ-
բաստանութեանց վարժուած անձ մըն է, պէտք է կասկա-
ծէր որ իր տան մէջ յաջորդաբար պատահած մահերը ըլլ-
նական չեն: Զեր հայրը պարտաւոր էր ձեր վրայ հսկելու
և այս ժամուս իմ տեղս ան ըլլալու էր: Այս գաւաթը
պարզելը, մարդասպանին ետեւէն իյնալը անոր պարտքն
էր: Ճիւաղին դէմ ճիւաղ պէտք է, մրմիջեց կոմու: իր
խօսքը մեղմաձայն վերջացնելով:

— Պարոն, ըսաւ վալանթին, ապրելու համար ամէն
բան ընելու պատրաստ եմ: Աշխարհիս մէջ երկու էտակ-
ներ կան, որոնք ա՛յնչափ կը սիրեն զիս, որ եթէ ես մեռ-
նիմ, անոնք ալ պիտի մեռնին, ատոնք են՝ մեծ հայրս
և Մաքսիմիլիէնը:

— Ինչպէս ձեր վրայ հսկեցի, անոնց վրայ ալ պի-
տի հսկեմ:

— Ուրիմ, պարոն, պատրաստ եմ ձեր հրամանը կա-
տարելու: Ի՞նչ որ կ'ուզէք՝ ըրէք ինծի, ըսաւ վալան-
թին:

Յետոյ կամաց ձայնով մը յարեց:

— Տէր Աստուած, Տէր Աստուած, գլխուս ի՞նչ պի-
տի գայ արդեօք:

— Ի՞նչ որ ալ գայ. Վալանթին, չըլլայ որ վախ-
նաք, Եթէ անհանգստութիւն յը զգաք, ձեր տեսողու-
թիւնը, լսողութիւնը, շարժողութիւնը կորսնցնէք, բնաւ
մի՛ վախնաք: Եթէ առանց ո՛ւր ըլլալնիդ զիտնալու ար-
թնաք, եթէ շիրիմի կամ դագաղի մը մէջ իսկ գտնուիք,
պէտք չէ որ վախնաք: Խսկոյն խելքերնիդ գլուխնիդ բերէք և
մտավի ըսէք. «Այս պահուս իմ ու Մաքսիմիլիէնի բարօ-
րութեանը փափաքող բարեկամ մը, հայր մը և մարդ մը
իմ վրաս կը հսկէ»:

— Աֆսո՛ս, ափսո՛ս, ի՞նչ սսուկալի վիճակ է աս:

— Վալանթին, ձեր մօրուն ամբաստանելը նախա-
մեծար կը համարէ՞ք:

— Ո՛հ, հարիւր անգամ նախամեծար կը համարեմ
մեռնիլ քան թէ այնպիսի բան մը ընկել:

— Ոչ, պիտի չմեռնիք դուք, և ի՞նչ որ պատահի,
կը խօստանա՞ք որ բնաւ պիտի չվշտանաք և պիտի յու-
սաք միշտ:

— Մաքսիմիլիէնը միտքս պիտի բերեմ:

— Ամենասիրելի աղջիկս էք իդուք, Վալանթին, ես
միայն կրնամ ազատել ձեզ և պիտի ազատեմ:

Վալանթին ծայրայել վախին մէջ ձեռքերը իրարու-
յիացուց, (որովհետեւ կը զգար որ Աստուծմէ ոյժ ինդրե-
լու ատենը հասած էր) աղօթք ընելու համար ելաւ՝ ան-
կապ խօսքեր յրմիջելով և մոռնալով որ իր սպի-
տակ ուսերը երկար մազերէն զատ օւրիշ ծածկոյթ չու-
նէին և իր գիշերազգեստին նուրբ ասեղնագործութեա-
նը տակ սրտին բարախումը կը նշմարուէր:

Կոմուր իր ձեռքերը ծաղկատի աղջկան թեւին կոթըն-
ցուց մեղմօրէն, թաւիշէ մեծագին վերմակով մինչեւ ա-
նոր վիզը ծածկեց և հայրական մպիտով մը ըսաւ:

— Աղջիկս, հաւատացէք իմ անձնուիրութեանս, ինչ-
պէս Աստուծոյ բարութեանը և Մաքսիմիլիէնի սիրոյն կը
հաւատաք:

Վալանթին երախտապարտ նայուածք մը ձգեց անոր
վրայ և իր անկողնոյն մէջ տղու մը պէս հանդարտ կեցաւ:

Այն ատեն կոմսը իր բաձկոնին գրպանէն շաքարահատերու զմրուխտէ առուփը հանեց, անոր ոսկի կափարիչը բացաւ և Վալանթինի աջ ձեռքին մէջ դրաւ ոլոռնի մեծութեամբ կլոր շաքարահատ մը:

Վալանթին միւս ձեռքովը առաւ զայն և ուշադրութեամբ նայեցաւ կոմսին երեսը:

Կեհօթեան և կարողութեան ցոլացում մը կը տեսնուէր այդ աներկիւղ պաշտպանին դիմագծերուն վրայ:

Յայտնի էր որ Վալանթին իր նայուածքով կը հարցնէր թէ կլլելո՞ւ համար է:

— Այս, պատասխանեց կոմսը:

— Վալանթին շաքարահատը բերանը տանելով կլլեց:

— Մնաք բարով, զաւակս, նորէն կը տեսնուինք, ըստ կոմսը: Ասկէ ետքը հանդարտ պիտի քնանամ, որովհետեւ ազատեցաք:

— Գացէք, ըստ Վալանթին, ի՞նչ որ ալ պատահի, կը խոստանամ որ պիտի չվախնամ:

Մօնթէ-Քրիսթօ երկար տաեն իր աչքերը ծաղկատի աղջկան վրայ յանեց, որ իր տուած թմրեցուցիչ դեղին զօրութենէն յաղթաւած, կամաց կամաց քնացաւ:

Այն ատեն կոմսը առաւ գաւաթը, անոր պարունակութեան երեք մասը կրակարանին մէջ պարպեց, որպէս զի կարծուի թէ գաւաթին մէջէն պակսածը Վալանթին խմած է, և գիշերուան սեղանին վրայ դրաւ զայն:

Եհտոյ գրադարանին դուռը երթալով աներեւոյթ եղաւ, Վալանթինի վրայ վերջին ակնարկ մըն ալ ձգելէն յետոյ, որ տիրոջ ոտքերուն տակ հանդչող հրեշտակի մը վստահութեամբ ու անմեղութեամբը կը քնանար:

Գ. ԳԼՈՒԽ

ՎԱԼԱՆԹԻՆ

Յայգականթեղը՝ ջուրին վրայ լողացող իւղին վերօջին կաթիլները սպառելով, Վալանթինի կրակարանին վըրայ կը վառէր ատկաւին:

Կարմրագոյն բոլորակ մը անօր սպիտակ կիճը կը գունաւորէր և լուսաւոր բոցը իր վերջին կայծերը կ'արձակէր, որոնք անշունչ մարմիններուն հոգեվարքի վերջին ջղաճգութիւններն էին գոգցես:

Առկայծ և աղետալի լոյս մը նսկմ ցոլացում մը կ'արձակէր նորատի աղջկան սպիտակ վարագոյրներուն և սաւաններուն վրայ:

Փողոցին բօլոր աղմուկները դադրած էին և ներքին լուսթիւնը սոսկալի էր:

Այն ատեն իտուարի սենեակին դուռը բացուեցաւ և արդէն մեզի ծանօթ գլուխ մը դրան դիմաց գանուած հայելիին մէջ երեցաւ:

Տիկին տը Վիլֆօրն էր ան, որ թոյնին ազդեցութիւնը տեսնելու համար ներս կը ժանէր:

Պահ մը սեմին վրայ կեցաւ, ականջ դրաւ և գրեթէ ամայի սենեակին մէջ միայն ճարգին հազիւ լսելի կայծերուն պլալումները լսեց, յետոյ կամաց մը սեղանին մօտեցաւ, որպէսզի տեսնէ թէ Վալանթինի գաւաթը պարպըւած էր:

Ինչպէս ըսկնք, գաւաթին մէջ ըմպելիին դեռ մէկ քառորդը մնացած էր:

Տիկին տը Վիլֆօր առաւ զայն և զնաց մօխիրին մէջ պարպեց, մօխիրն ալ խառնեց, որպէս զի աւելի զիւրութեամբ ծէց: Եհտոյ զգուշութեամբ գաւաթը լուաց, իր թաշկինակովը սրբեց զայն և սեղանին վրայ դրաւ նորէն:

Եթէ մէկուն նայուածքը այդ սենեակին մէջ թափանցել կարենար, պիտի տեսնէր որ տիկին տը Վիլֆօր իր աչքերը Վալանթինի վրայ դարձնելու և անկողնոյն յօտենալու կը վարանէր:

Ճրագին աղօտ լոյսը, տիրող լուսթիւնը, գիշերային մեղապարա գործը անտարակոյս իր խզմի խայթին կը պատշաճէին, որովհետեւ թունաւորիչը իր գործէն կը վախնար:

Վերջապէս սիրտ տուաւ, վարագոյրը վերցուց և անկողնոյն վրայ հկելով՝ Վալանթինին նայեցաւ:

Մաղկատի աղջկան շունչը դադրած էր և կիսաբաց

ակուաներուն մէջէն կենդանութիւնը յայտնող շունչին շուգին չէր ելլեր:

Իր սպիտակացած շրթունքները շարժելէ դադրած էին:

Իր աչքերը գոգցես մօրթին տակէն մղուած մանիշակագոյն շոգիով մը քօղարկուած էին և անոր կոպերը ուռեցնող գնատկներուն վրայ աւելի սպիտակ կ'երեւէին: Իր երկար սեւ արտեւանունքները կը գծուէին մոմի պէս դեղին մօրթի մը վրայ:

Տիկին աը Վիլֆօր իր անշարժութեանը մէջ եռանողագին զգացում մը դնելով՝ այդ դէմքը դիտեց: Յետոյ սիրտ առաւ և վերմակը վերցնելով, ձեռքը նորատի աղջեկան սրտին վրայ դրաւ:

Վալանթին անշունչ ու սառած էր: Իր ձեռքին տակ մատներուն երակները կը բարախէին, ուստի սոսկումով մը ետ քաշեց ձեռքը:

Վալանթինի թեւը անկողնէն դռւրս կախուած էր:

Ուսէն մինչեւ արմուկը, այդ թեւը մէրմէն Բիյլոնի երեք Շնորհքներու արձաններէն մէկուն թեւին կը նըմանէր: Սակայն արմուկէն մինչեւ դաստակը եղած մասին ձեւը կարկամած ըլլալուն, ձեւը փոխուած էր և իր դեղեցիկ դաստակը, որ պիրկ կ'երեւէր և մատները անջատ, կահենիին վրայ կոթնած էր:

Եղունգներուն ծայրը կապուտագոյն էր:

Տիկին աը Վիլֆօր ա'լ տարակոյս չունէր: ամէն բան լմնցած էր: Իր փափաքած այդ սոսկալի գործը վերջապէս ի գլուխ հանած էր:

Թունաւորիչը ալ գործ չունէր այդ սենեալին մէջ:

Այնչափ զգուշութեամբ հեռացաւ, որ ակներեւ էր թէ օթոցին վրայ ոտնածայն հանելէն կը վախնար: Բայց մինչեւ մեկնիլը՝ անկողնոյն վարագոյրը վեր բռնած էր և իր նայուածքը մահուան այդ տեսարանին վրայ յառած, որ ձգողական անդիմադրելի զօրութիւն մը ունի, մինչ մեռեալը միայն անշարժ կը կենայ և իր կերպարանքը այլայլած, գաղանիք մը կ'ունենայ, բայց զզուանք չի պատճառեր:

Վայրկեանները կ'անցնէին և տիկին աը Վիլֆօր չէր

կրնար ձեռքէն թօղուլ այն վարագոյրը, զոր պատանքի մը պէս Վալանթինի գլխին վրայ բռնած էր:

Մտածումի մէջ թաղուեցաւ:

Ոճրի մը վրայ մտածելը խղճի խայթէ առաջ կու գայ:

Նոյն պահուն կանթեղին կայծերը պլպլացին:

Այդ ձայնէն տիկին աը Վիլֆօր սարսուաց և վարագոյրը ձեռքէն թողուց:

Նոյն միջոցին կանթեղը մարեցաւ և սենեակը ահարկու մթութեան մը մէջ ընկղմեցաւ:

Ժամացոյցն ալ նոյն լոին մթութեան մէջ ժամը չորսուկէս հնչեց:

Թունաւորիչը այդ կրկնակի շարժումէն վախցած, խարխափմամբ սենեակին դուռը գտաւ և ճակատը քըրտինքով ու անձկութեամբ պատած, իր սենեակը հասաւ:

Մթութիւնը երկու ժամ ալ տեսեց:

Յետոյ աղօտ լոյս մը սենեակին վանդակապատճերէն ներս թափանցեց: Կամաց կամաց աւելի լուսաւորուելով՝ սենեակին առարկաներուն և մարմիններուն գոյնը և ձեւը երեւան հկան:

Այն ատեն հիւանդապահուէիին հազին ձայնը սահնողուխին վրայ լսուեցաւ և քիչ մը ետքը Վալանթինի սենեակը մտաւ, ձեռքը գտաւթ մը բռնած:

Հօր մը կամ սիրահարի մը առաջին նայուածքը իսկոյն պիտի վճուէր որ Վալանթին մեռած էր: Բայց այդ վարձկան կնոջ համար Վալանթին քնացած է:

— Սէկէ, ըստ հիւանդապահուէիին, գիշերուան սեղանին մօտենալով, գեղին մէկ մասը խմեր է և գաւաթին երկու երրորդ մասը պարապ էր:

Յետոյ վառարանին մօտեցաւ, կրակը վառեց և թիկնաթոռի մը վրայ նստաւ: Թէեւ իր անկողնէն նոր ելած էր, սակայն Վալանթինի քնացած միջոցին պահ մը ինքն ալ հոն քնացաւ:

Ժամացոյցը ութը հնչելուն պէս արթնցաւ ան:

Այն ատեն ծաղկատի աղջկան ծանր քունին վրայ զարմացած և անկողնէն դուրս տարածուած ձեռքէն վախ-

նալով, որ քանի մը ժամ առաջ տեսած դիրքին մէջ մնացած էր, անկողնոյն մօտեցաւ և անոր պաղ շրթունքները ու սառած կուրծքը դիտեց:

Ուզեց թեւը մարմոյն մօտեցնել, բայց թեւը այնպէս մը պրկուցաւ, որմէ հիւանդապահուհի մը չէր կրնար խարսուիլ:

Այն ատեն սոսկալի ձայն մը հանեց և դէպի դուռը վաղելով աղաղակեց:

— Հասէ՞ք, հասէ՞ք:

— Ի՞նչ կայ, պատասխանեց ա'Ավրինեիի ձայնը, սանդուխին վարէն:

Բժիշկին այցելութեան սովորական ժամը հասած էր:

— Ի՞նչ կայ գոչեց վիլֆօր, իսկոյն իր դահլիճն դուրս նետուելով, Պարոն բժիշկ, օգնութեան կանչելու ձայն մը լսեցի՞ք:

— Այո՛, այո՛, վեր ելլենք, պատասխանեց ա'Ավրինեի, Ծուտով Վալանթինի սենեակը երթանք:

Բժիշկին ու հայրը չհասած՝ նոյն յարկին վրայ սենեակներուն եւ նրբանցքներուն մէջ գտնուող ծառաները հիւանդին սենեակը վազած էին, և Վալանթինը իր անկողնոյն վրայ գունատ ու անշարժ տեսնելով, ձեռքերնին դէպի երկինք կը վերցնէին ու խելայեղ մարդու մը պէս կը դեղեւէին:

— Տիկին աը Վիլֆօրը կանչեցի՞ք, շուտով տիկին աը Վիլֆօրը արթնցութէք, գոչեց ընդհ. դատախազը սենեակին դռնէն, ուր կարծես չէր համարձակեր մանել:

Բայց ծառաները փոխանակ հնագանդելու՝ պ. ա'Ավրինեիին երեսը կը նայէին, որ Վալանթինի մօտ վազելով՝ իր թեւերուն մէջ առաւ զայն:

— Աս ալ լմացած է... յըմնջեց բժիշկը, անկողնոյն վրայ դնելով զայն: Տէր Աստուած, Տէր Աստուած:

Վիլֆօր սենեակին մէջ նետուեցաւ:

— Ի՞նչ ըսիք, պարոն բժիշկ, գոչեց, ձեռքը դէպի երկինք բարձրացնելով, ըսէք, պարոն բժիշկ... պարոն բժիշկ...

— Կ'ըսեմ թէ Վալանթին մեռած է, պատասխանեց ա'Ավրինեի, հանդիսաւոր և սոսկալի ձայնով մը:

Պ. աը Վիլֆօր, իր սրունգներուն ոյժը կորսնցուցած, Վալանթինի անկողնոյն վրայ ինկաւ:

Բժշկին խօսքերուն և հօրը ձայներուն վրայ, ծառաները գաղտնի անէծք կարդալով, սարսափահար փախան:

Նրբանցքներուն և սանդուխներուն վրայ անոնց աճապարատ ստանձայները և յետոյ ստորին բակին մէջ մեծ շարժում մը լսելի եղաւ:

Յետոյ ձայները դադրեցան:

Ամէնքն ալ անիծեալ տունէն հեռացած էին:

Այդ միջոցին տիկին աը Վիլֆօր իր ցայդազգեստին մէջ թեւը կէս մը անցուցած, դուռը բացաւ:

Պահ մը սեմին վրայ կեցաւ՝ ինչ պատահած ըլլալը հօն գտնուազներուն հարցնել ձեւացնելով և ըմբոստ արտասուքներու քանի մը կաթիլներ իրեն օգնութեան կանչելով:

Յանկարծ քայլ մը կամ թէ ըսենք սսակեւն մը ըրաւ դէպի ի յառաջ՝ թեւերը սեղանին վրայ տարածելով:

Տ'Ավրինեին տեսած էր, որ հետաքրքրութեամբ սեղանին վրայ հակած և զաւաթը առած էր: Վատահ էր որ գիշերը Վալանթին խմած էր անոր պարունակութիւնը:

Գաւաթին մէջ ըմպելիին դեռ մէկ երրորդ մասը մը նացած էր, ճիշտ մոխիրին մէջ թափուածին չափ:

Եթէ այդ վայրկեանին Վալանթինի ոգին թունաւորիչին առջեւ ներկայանար, այնչափ տպաւորութիւն պիտի չգործէր:

Ստուգիւ, Վալանթինի գաւաթին մէջ իր դրած հեղուկին գոյնը ունէր ան և որուն միւս մասը Վալանթին խմած էր:

Գաւաթին մէջինը թոյն մըն էր զօր ճանչնալու համար պ. ա'Ավրինեի չէր կրնար խսրուիլ և այդ միջոցին ուշադրութեամբ կը դիմէր:

Անարակայս, Աստուած հրաշք մը զործած պիտի ըլլար, որպէս զի ոճրագործութեան մէկ հետքը, մէկ ապացոյթը կամ մէկ նշանը մնայ, թէեւ մարդասպանը չյայտնելու համար այնքան դգաւութիւններ ի զործ գըրած ըլլար:

Մինչ տիկին աը Վիլֆօր Սոսկումի արձանին նման անշարժ մնացած էր և Վիլֆօր իր գլուխը մեռեալին ան-

կողնոյն սաւաններուն մէջ պահած՝ իր շուրջը տեղի ունեցածները չէր տեսներ, ա'Ավրինեի պատուանին մօտեցաւ, որպէսզի գաւաթին պարունակութիւնը աւելի լաւքննէ։ Մատին ծայրովը կաթիլ մը անկէ առնելով՝ համը նայեցաւ։

— Ա'հ, մըմջեց բժիշկը! բեւեկնի թոյն չէ այս անգամ։ Տեսնենք ի'նչ է։

Այս ըսկով Վալանթինի սենեակին պահարաններէն մէկուն քով փաւթաց, որ դեղավաճառի խանութ մը դարձած էր. եւ իր արծաթ արկղիկին մէջէն օրուակ մը բորակածինի թթուածին հանեց, անկէ քանի մը կաթիլ գաւաթին մէջ կաթեցուց, իսկոյն անոր պարունակութիւնը արեան փախուեցաւ։

— Ա'հ, ըստ ա'Ավրինեի, ճշմարտութիւնը երեւան հանող դատաւորի մը սարսափին հետ դժուար ինդիր մը լուծող գիտունի մը ուրախութեամբը լցուած։

Տիկին Վիլֆօր շուարած իր շուրջը կը դառնար։

Իր աչքերը շողեր արծակելով նուազեցան։

Ու դեղեւելով, ձեռքով դուռը փնտահց եւ աներեւոյթ եղաւ։

Վայրկան մը ետք, տախտակամածին վրայ մարմնոյ մը անկման հեռաւոր ձայնը լսուեցաւ։

Բայց մարդ ուշադրութիւն չդարձուց անոր։

Հիւանդապահուհին քիմիական լուծույթը դիտելով զրադած էր։

Վիլֆօր միշտ ինքզինքը կորսնցուցած էր։

Միայն պ. ա'Ավրինեի իր աչքերը տիկին աը Վիլֆօրի վրայէն հեռացուցած չէր եւ անոր աճապարանքով դուրս ելլելը դիտած էր։

Վալանթինի սենեակին դրան վարագոյրը բացաւ եւ իր նայուածքը էտուարի սենեակին մէջէն մինչեւ տիկին աը Վիլֆօրի սենեակը թափանցեց, գետինը անշարժ տարածուած տեսաւ զայն։

— Գնա՛. տիկին աը Վիլֆօրի օգնութեան հասիր, ըստ բժիշկը, խօսքը հիւանդապահուհիին ուղղելով, տիկին աը Վիլֆօր նուազեցաւ։

— Բայց օրիսրդ Վալանթինը, կակազեց հիւանդապահուհին։

— Օրիսրդ Վալանթին ա'լ օգնութեան պէտք չունի, ըստ ա'Ավրինեի, օրովհետեւ օրիսրդ Վալանթին մեռաւ։

— Մեռա՛ւ, մեռա՛ւ, գոչեց Վիլֆօր հառաչելով ու իր պղնձէ սրտին համար անլուր եւ անծանօթ վիշտերը մորմոքելով,

— Մեռա՛ւ, կըսէք, գոչեց երկրորդ ձայն մը, ո՞վ ըստ թէ Վալանթին մեռաւ։

Բժիշկն ու Վիլֆօր երեսնին դարձուցին եւ դրան սեմբուն վրայ Մորէլը տեսան, որ գունատ, այլայլած եւ սոսկալի երեւոյթ մը ունէր։

Ահա թէ ի'նչ պատահած էր երիտասարդին։

Սովորական ժամուն նուարթիէի սենեակը տանող դոնակէն ներս մտած էր։

Սովորութեան հակառակ դուռը բաց գտած էր։

Ուստի պէտք չունեցաւ զանգակը հնչեցնելու։

Ներս մտաւ, զաւիթին մէջ վայրկեան մը սպասեց ունէ ծառայ մը կանչելու համար, որ զինքը ծերունի նըւարթիէի քով տանի։

Բայց մէկը չպատասխանեց։

Ինչպէս ըսինք, ծառաները տունէն հեռացած էին։

Մորէլ այդ օրը մտահօգութեան մատնուելու պատճու չունէր։

Մօնթէ Քրիսթօ իրեն խոստացած էր որ Վալանթին պիտի ապրի եւ մինչեւ այն օրը իր խոստումը ճշտիւ կատարած էր։

Այէն իրիկուն կոմոը աղէկ լուրեր տուած էր. զորս նուարթիէ ալ հետեւեալ տոտու կը հաստատէր։

Սակայն տան մէջ եղած ամայութիւնը իր զարմանքը գրաւեց, երկրորդ եւ երրորդ անգամ ձայն հանեց, նոյնպէս պատասխան չստացաւ։

Այն ատեն որոշեց վեր ելլել։

Նուարթիէ գուռը միւս զոներուն պէս բաց էր։

Ծերունին իր սովորական տեղը թիկնաթոռին վրայ նրած էր,

Իր խոշոր բացած աչքերը կարծես ներքին սոսկում մը կը յայտնէին, սոսկում մը զոր իր դիմագծերուն վրայ տարածուած տարօրինակ գունատութիւնն ալ կը հաստատէր:

— Ի՞նչպէս էք, պարոն, հարցուց երիտասարդը, առանց մտահոգութիւնը փարատած ըլլալու:

— Աղէկ եմ, ըստ ծերունին, աչքը գոցելով, աղէկ եմ:

Բայց իր կերպարանքը կը ցուցնէր թէ սրտին անձ կութիւնը կ'աւելնար հետպհետէ:

— Ի՞նչ կը մտածէք, շարունակեց Մորէլ, բանի մը պէտք ունի՞ք. կ'ուզէ՞ք որ ծառաներէն մէկը կանչեմ:

— Այս՝, ըստ նուարթիէ:

Մորէլ զանգակին չուանը ձեռք առաւ եւ զայն փըրցնելու չափ քաշեց, բայց մարդ չեկաւ:

Այն ատեն նուարթիէի մօտ դարձաւ:

Ծերունին դէմքին տժգունութիւնը ու անձկութիւնը աստիճանաբար կ'աւելնային:

— Տէր Աստուած, ըստ Մորէլ, բայց ի՞նչո՞ւ արդեօք մէկը չի դար: Տան մէջ հիւա՞նդ մը կայ արդեօք:

Նուարթիէի աչքերը իրենց կապիճներէն դուրս պիտի ցայտէին կարծես:

— Բայց ի՞նչ ունիք, շարունակեց Մորէլ, կը սարսափեցնէք զիս... Վալանթին հիւա՞նդ է...

— Այս՝, այս՝, ըստ նուարթիէ:

Մաքսիմիլիէն բերանը բացաւ որ խօսի, բայց իր լեզուն չկրցաւ հնչիւն մը արտաքերել:

Գլուխը զեղեւեցաւ եւ կարասիի մը կոթնելով կեցաւ:

Յետոյ ձեռքը դէպի դուռը երկարեց:

— Այս՝, այս՝, ըստ ծերունին:

Մաքսիմիլիէն դէպի սանդուխը վաղեց, երկու սոտիւնով վեր խոյացաւ, մինչ նուարթիէ ալ գոգիս իր հաեւէն պոռալ կուզէր:

— Աւելի շուտ, աւելի՛ շուտ վազեցէք:

Վայրկեանէ մը երիտասարդը տան միւս մասերուն

պէս առանձնացած քանի մը սենեակներուն մէջէն անցաւ եւ մինչեւ վալանթինի սենեակը հասաւ:

Դուռը հրելու պէտք չունեցաւ, որովհետեւ կոնակի վրայ քաց էր ան:

Առջի լսած ձայնը հեծկլալու ձայն մըն էր,

Այսի մը մէջէն տեսնելու պէս՝ սեւ կերպարանք մը նշմարեց, որ ծնրադրած իր դէմքը անկողնին ճերմակեղէններուն մէջը կորսուած էր:

Վախը, սոսկալի վախը, իր սոտքերը սեմին վրայ զամած էր:

Այն ատեն ձայն մը լսեց, որ կ'ըսէր թէ Վալանթին մեռած էր, և երկրորդ ձայն մը արձագանգի պէս անոր կը պատասխանէր:

— Մեռա՛ւ, մեռա՛ւ:

Դ. ԳԼՈՒԽ

ՄԱՔՍԻՄԻԼԻԷՐ

Վիլֆօր գրեթէ ամօթապարտ եղաւ, իր բուռն վիշտերուն մէջ տեսնելով որ օտարական մը ներս կը մտնէ:

Քսանընդինդ տարիէ ի վեր վարած սոսկալի պաշտօնին շնորհիւ առնականութեան տիրացած էր:

Պահ մը չփոթահար, աչքերը Մորէլի վրայ դարձուց:

— Ո՞վ էք դուք, պարոն, ըստ, որ այսպէս մահ պատահած տուն մը կը մտնէք անխորհրդապահօրէն: Դուրս կէք, պարոն, դուրս ելէք:

Սակայն Մորէլ անշարժ կեցած էր: Իր աչքերը տակն ու վրայ եղած անկողնոյն անոելի տեսարանին և անօր մէջ պառկած տժգոյն դէմքին վրայէն չէր կրնար հեռացնել:

— Դուրս կէք, կը լսէ՞ք, զոչեց Վիլֆօր:

Մինչ ա'Ավրինեի կը յօտենար, Մորէլը դուրս հանելու համար:

Երիտասարդը այլայլած դէմքով մը բոլոր սենեակը, զիսկը և երկու մարդիկը դիտեց, պահ մը վարանում ցուս

ցուց, բերանը բացաւ որ խօսի, սակայն պատասխանելու խօսք մը չգտնելով, թէեւ շատ մը աղետալի գաղափար. ներ ուղեղը գրաւած էին, ձեռքերը յազերուն մէջ խօթած, ետ դարձաւ, այնպէս որ Վիլֆօր և ա՞Ավրինեի վայրկեան մը իրենց մտածումէն սթափած, անոր եսեւէն նայելով, իրարու երես նայեցան, որով ըսել կ'ուզէին.

— Խե՞նթ է:

Այդ դէպքէն յահայ հինգ վայրկեան չանցած՝ սանդուխին վրայ ծանր ոտնաձայներ լսեցին և քիչ մը ետքը Մորէլը տեսան, որ գերմարդկային ուժով մը նուարթէն Թիկնաթոռով մէկտեղ գրկած, տան առաջին յարկը կը բերէր:

Սանդուխին վրայ հասնելուն պէս՝ Մորէլ թիկնաթոռ գետինը դրաւ և անուակներուն վրայ քալիցնելով, մինչեւ Վալանթինի սենեկը տարաւ ծերունին:

Երիտասարդը այդ ամէնը կը կատարէր իր սաստիկ յաւզումէն կրկնապատկուած ուժով:

Բայց ամէնէն աւելի սսոկալին Վալանթինի մօտեցած միջոցին նուարթիէլ դէմքին ստացած երեւոյթն էր, ուր մտային բոլոր կարողութիւնը կը տեսնուէր և որուն աչքերը իրենց բոլոր ոյժը կ'ամփոփէին, որպէսզի միւս ըզգայարանքներուն թերութիւնները լրացնեն,

Ուստի անոր բացավառ նայուածքը ու աժգոյն դէմքը սարրափելի թուեցան Վիլֆօրի:

Ամէն անգամ որ իր հօրը հետ դէմ առ դէմ գտնուէր, միշտ սսոկալի դէպք մը պատահած կ'ըլլար:

— Տեսէք ի՞նչ ձիւն բերին Վալանթինի գլխուն, գոչեց Մորէլ, մէկ ձեռքը թիկնաթոռին յենարանին կը թնցաւցած, զար մինչեւ անկողնոյն քով տարած էր, և միւս ձեռքը Վալանթին երկարած, ահսէք, հայր իմ, տեսէք:

Վիլֆօր քայլ մը ետ քաշուեցաւ և զարմանքով նայեցաւ այն երիտասարդին երեսը, որ գրեթէ իրեն անծանթ էր և նուարթիէն իր հայրը կը կոչէր:

Այդ միջոցին ծերունիին նոգեկան բոլոր կարողութիւնը կարծես աչքերուն մէջ կեդրանացաւ, որոնք արիւ,

նով լեցուեցան: Իր վզին երակները ուռեցան: Լուսնոտի մը մօրթը պատող կապոյա գոյնին նման գոյն մը իր վիզը, այտերն ու քունքը պատեց: Ներքին ազդու յաւզման ձայն մը կը պակսէր անոր:

Այդ ձայնը, որ իր համբութեամբը աւելի սսոկալի և լոռութեամբը աւելի կակծեցուցիչ էր, իր մօրթին ծակոտիքներէն դուրս ելաւ գոգցաւ:

Տ'Ավրինեի ծերունիին մօտ վագեց և կազդուրիչ ու գելից հեղուկ մը հատոտել տուաւ անօր:

— Պարոն, գոչեց այն ատեն Մորէլ, կաթուածահարին անշարժ ձեռքը բռնելով, այս պարոնները ո՛վ ըլլալս և ի՞նչ իրաւամբ հսու գտնուիլս կը հարցնեն ինծի: Դուք որ ամէն բան գիտէք, ըսէք, կ'աղաջնմ, ըսէք:

Երիտասարդին ձայնը հեծկլտանքով մարիցաւ:

Իսկ ծերունիին հեւ ի հեւ չնչառութիւնը գրեթէ կը ցնցէր իր կուրծքը: Կարծես թէ օրհասականի առաջնորդող ատգնապին մէջ կը գտնուէր:

Վերջապէս ծերունիին աչքերէն արտասուքը սկսաւ բխիլ: Կաթուածահարը երիտասարդէն աւելի երջանիկ էր, որ կը հեծկլտար, բայց չէր կրնար լալ: Իր գլուխը ծռել չկրնալուն՝ աչքերը գոցուեցան:

— Հսէք, շարունակեց Մորէլ, հեղձամղձուկ ձայնով մը, ըսէք որ ես անոր նշանածն էի: Հսէք որ օրիսրդը իմ ազնիւ բարեկամուհիս և աշխարհի մէջ միտկ ոիրոյ առարկա էր: Հսէք, ըսէք որ այս դիտակը ինծի կը վերաբերի:

Ու երիտասարդը իր ուժին մեծութիւնը ցուցնելէն յետոյ՝ վհատած՝ անկողնոյն առջեւ ծնկան վրայ ինկաւ և իր կծկած ձեռքերովք բռնեց գայն:

Երիտասարդին վիշտը այն աստիճան կսկծալի էր, որ տ'Ավրինեի իր յուզումը ծածկելու համար, գլուխը միւս կողմէ դարձուց, իսկ Վիլֆօր այն մագնիսական զօրութենէն մղուած, որ մեզ դէպի այն անձերը կը քաշէ, որոնք մեր կորսնցուցած անձը սիրած են, ձեռքը երիտասարդին երկնցուց, առանց ուրիշ բացատրութիւն մը խնդրելու:

Վակայն Մորէլ բան մը չէր տեսներ, Վալանթինի սառ

ուած ձեռքը բռնած էր և չկրնալով արտասուել, անկողնոյն սաւանները կը խոժնէր մռնչելով:

Պահ մը սինեակին մէջ միայն հեծկլառւքներու, անէծքներու և աղօթքներու ձայներ կը լսուէին: Բայց այդ ամէնուն մէջ շուրջ մը կը լսուէր: Ծերունիին սոսկալի և սրատառչ չնչառութիւնն էր ան, որ ամէն մէկ շունչին, նուարթիէի կուրծքին մէջ անոր կենդանութեան տարրերէն մէկը կը խորտակէր կարծես:

Վերջապէս Վիլֆօր, որ ամէնէն աւելի կը պահէր պաղարիւնութիւնը, պահ մը իր տեղը Մաքսիմիլիէնի ձգելէն յետոյ, բերանը բացաւ,

— Պարոն, ըստ Մաքսիմիլիէնին, կ'ըսէք թէ վաւանթինը կը սիրէիք և անոր նշանածն էիք: Զեր այդ սէրը իմացած չէի և ձեր որոշումէն տեղեկութիւն չունէի: Սակայն իբրև անոր հայրը՝ կը ներեւ ձեզի, որովհետեւ կը տեսնեմ որ ձեր վիշտը անպայման անկեղծ և ճշմարիտ է: Մանաւանդ որ մեծ վիշտեր ունենալուս՝ սրախ մէջ բարկութեան տեղ տալու ատեն չունիմ: Սակայն ինչպէս կը տեսնէք, ձեր յուսացած հրեշտակը աշխարհէս բաժնուած է: Մարդոց սիրոյն պէտք չունի ա՛լ, քանի որ այս ժամուս Աստուած կը պաշտէ ան: Ուստի ձեր հրաժարական ողջոյնը առ առէք անոր տիսուր դիակին, զոր մեր մէջը ձգած է, վերջին անգամ մըն ալ բռնեցէք անոր ձեռքը, զոր կը յաւսայիք թէ ձերը ըլլար և յաւիտեանն բաժնուեցէք անկէ: Վալանթին հիմա քահանայէ զատ ուրիշ մէկուն պէտք չունի:

— Կը սիսալիք, պարոն, զոչեց Մորէլ մէկ ծնկան վրայ ելլելով ու մինչեւ այն ատեն զգացած ցաւերէն աւելի ազգու ցաւ մը զգալով: Կը սիսալիք, պարոն, վալանթին՝ իր այդ մահուանը մէջ՝ ոչ միայն քահանայի այլ և վրէժինդրի մը պէտք ունի: Պ. աը Վիլֆօր, քահանան կանչել տուէք, ես պիտի ըլլամ անոր վրէժինդիրը:

— Ի՞նչ ըսել կ'ուզէք, պարոն, մմորջեց Վիլֆօր, Մորէլի այդ զառանցանքէն վախնալով:

— Էսել կ'ուզեմ, շարունակեց Մորէլ, թէ դուք երկու անձ կը ներկայացնէք, պարոն, հայր էք և ընդ:

դատախազ: Հայրը բաւական լացաւ, ընդէ. դատախազը հիմա թող իր գործը սկսի:

Նուարթիէի աչքերը բոցավառեցան: Տ'Ավրինեի անոր մօտեցաւ:

— Պարոն, շարունակեց երիտասարդը, ներկայ գըտ նուողներուն դէմքերուն վրայ յայտնի երեւցած զգացումները ըմբռնելով, ես ըսած գիտեմ եւ ըսելիքս ինծի չափ աղէկ գուշք ալ գիտէք: Վալանթին սպաննուած մեռաւ:

Վիլֆօր գլուխը խոնարհեցուց, ա'Ավրինեի քայլ մըն ալ յառաջացաւ եւ նուարթիէ աչքերովը այս' ըսաւ:

— Պարոն, շարունակեց Մորէլ, այնպիսի ժամանակի մէջ կ'ապրինք, ուր մէկը հթէ վալանթինի չափ նորատի: Գեղեցիկ եւ սիրելի ալ չըլլայ, չի կրնար յանկարծ աշխարհէս աներեւոյթ ըլլալ, առանց հասկցնելու անոր աներեւոյթ ացման պատճառը: Ախո՛ս, պարոն ընդէ. դատախազ, աւելցուց Մորէլ աւելի ազգու՝ ձայնով մը, պէտք չէ գթալ, գործուած ոճիրը իմացուցի ձեզի, պարտքերնիդ է մարդասպանը փնտոնել:

Ու իր անողոք աչքերը Վիլֆօրի վրայ յառեց, որ իր նայուածքովը մերթ նուարթիէն օգնութիւն կը խնդրէր եւ մերթ ա'Ավրինեին:

Սակայն Վիլֆօր իր հօրմէն ու բժիշկէն օգնութիւն գանելու տեղ տեսաւ որ անոնք ալ Մորէլի չափ անողոք էին:

— Այո՛, ըստ ծերունին:

— Անշուշտ, յարեց ա'Ավրինեի:

— Պարոն, պատասխանեց Վիլֆօր, ջանալով այդ երեք անձերուն կամքին եւ իր ներքին յուզմանը դէմպայքարիլ, պարօն, կը սիսալիք, իմ տանս մէջ ոճիր գործուած չէ: Ճակատագիրս է, որ կը հարուածէ զիս եւ Աստուած զիս կը փորձէ: Այդպիսի բան մը մտածելը սոսկում կը պատճառէ ինծի: Իմ տանս մէջ մէկը սպաննուած չէ:

Նուարթիէի աչքերը բոցեր կ'արձակէին: Տ'Ավրինեի խօսելու հայար բերանը բացաւ:

Մորէլ ձեռքը երկարելով լուս թիւն հրամայեց:

— Ես կ'ըսեմ որ այս տան մէջ մարդասպան մը կայ, գոչեց Մորէլ, ձայնը մեղմացնելով, բայց առանց իր սոսկալի արտասանութիւնը փոխելու: Զորս ամսէ ի վեր չորս հոգի զո՞ն եղան անոր: Ես ալ կ'ըսեմ որ ասկէ չորս օր առաջ արդէն Վալանթինը թունաւորելու փորձ ըրին, բայց պ. Նուարթիէլի ի գործ դրած նախազգաւշութեանց շնորհիւ իրենց փորձը ի ղերեւ ելաւ: Սակայն թոյնին տեսակը փոխելով՝ այս անգամ յաջողեցան: Ես ալ կ'ըսեմ որ դուք ալ ինծի պէս այս ամէն եղածները գիտէք, ու բովնետեւ պարոնը իրրեւ բարեկամ, առաջուընէ ամէն բան իմացուց ձեզի:

— Ո՞հ, կը զառանցէք, պարոն, ըստ Վիլֆօր, ի զուր ջանալով վիճիլ այնպիսի խնդրոյ մը վրայ, որուն մէջ իր յաղթուած ըլլալը կը զգար:

— Կը զառանցեմ կ'ըսէք, շատ լաւ, թող այդպէս ըլուայ, գոչեց Մորէլ: Ուրիմն թո՛ղ պ. ա՛Ավրինեին իմ տեղո խօսի: Պարոն, հարցուցէք թէ արդեօք տակաւին կը յիշէ այն խօսքերը, որոնք այս տան պարտէզին մէջ ձեզ ձեզի ըստ տիկին տը Սէն Մէրանի մեռած իրիկունը, մինչ երկուքնիդ, դուք եւ պարոն բժիշկը, ինքզինքնիդ մինակ կարծելով, աղետալի մահուան վրայ կը խօսէիք, որուն մէջ ձեր ճակատագիրը եւ Սոստուած անիրաւարար կը զրպարտէք:

Վիլֆօր եւ ա՛Ավրինեի իրարու երես նայեցան:

— Այս', այս', մաքերնիդ բիրէք ըստ Մորէլ: Ասկանջովս լսեցի այն խօսքերը, զորս դուք լուսթեան եւ առանձութեան մէջ կը կարծէիք ըսել: Պ. տը Վիլֆորի մեղադրելի ներողամտութիւնը տեսնելով՝ եթէ նոյն իրիկունը ամէն բան յայտնէի ոստիկանութեան, անտարակոյս անոր մեղսակիցը պիտի չըլլայի, ինչպէս հիմա քու մահս ուանդ մեղսակիցն եմ, ո՛վ Վալանթին, իմ սիրասուն Վալանթինս: Սակայն մեղսակիցը վրէժինդիր պիտի ըլուայ: Այս չորրորդ մարդասպանութիւնը ամէնուն յայտնի ու ակներեւ է, եւ եթէ հայրդ քեզ թողու, Վալանթին, կ'երդնում որ քու սպանիչդ ես պիտի փնտոեմ ու պատժեմ:

Այս տնդամ բնութիւնը կարծես վերջապէս գթաց եռիտասարդին ներքին բուռն յուզմանը, որուն ուժգնութիւնը իր կեանքին պիտի վնասէր: Մորէլի վերջին խօսքերը կոկորդին մէջ մարհցան: Իր կուրծքը հեծկանոք դուրս բխեց եւ այնչափ երկար ատեն ընդվզող արտասուքը սկսաւ իր աշքերէն հոսիլ: Գլուխը խոնարհեցուց եւ նորէն ծունկերուն վրայ ինկաւ Վալանթինի անկողնոյն քով:

Այն ատեն կարգը ա՛Ավրինեին եկաւ:

— Ես պ. Մորէլին հետ կը միանամ, գործուած յանցանքին դատաստանը պահանջելու, ըստ ուժգին ձայնով, որովհետեւ սիրտս կը յուզուի երբ կը մտածեմ որ իմ վատներողամտութեամբս մարդասպանը քաջալերած եղայ:

— Տէր Աստուած, Տէր Աստուած, մրմնջեց Վիլֆօր վհատած:

Մորէլ գլուխը վեր առաւ, տեսնելով որ ծերունիին աչքերը արտասովոր կերպով կը Փայլէին:

— Ահա, ըստ տեսէք պ. Նուարթիէն խօսիլ կ'ուղղէ:

— Այս', պատասխանեց Նուարթիէ այնպիսի ակներենշանով մը, որ ցոյց կու ատր թէ խեղճ անզօր ծերունիին բոլոր կարողութիւնները նայուածքին մէջ կեղրոնացածէին:

— Մարդասպանը կը ճանչնա՞ք, ըստ Մորէլ:

— Այս', պատասխանեց Նուարթիէ:

— Մեղ պիտի ճանչնէ՞ք, գոչեց երիտասարդը: Մը արիկ ընենք, պ. ա՛Ավրինեի, մտիկ ընենք:

Նուարթիէ հէգ Մորէլին ախուր ժպիտ մը ուղղեց, աչքերու այն քաղցր ժպիտներէն մէկը, որ այնչափ անգամ Վալանթինի երջանկութիւն պարգեւած էր: Իր ուշադրութիւնը յառեց:

Յետոյ նայուածքը գէպի գուռը ուղղեց:

— Կ'ուղէք որ դո՞ւրս ելլեմ, պարոն, գոչեց Մորէլ ախրութեամբ:

— Այս', ըստ Նուարթիէ:

— Ափո՞ս, ափո՞ս, բայց գթացէք իմ վրաս, պարոն:

Ծերսւնիին աչքերը դրան վրայ յառած մնացին ան-
գթորէն:

— Գոնէ պիտի կրնա՞մ վերտառնալ, հարցուց Մո-
րէլ:

— Այս՛:

— Առանձի՞ն դուրս պիտի ելլեմ:

— Ոչ:

— Ո՞վ պիտի գայ հետո, պ. ընդհ. դատախա՞զը:

— Ոչ:

— Պ. բժի՞շկը:

— Այս՛:

— Պ. աը Վիլֆորի՞ հետ առանձին մնալ կ'ուզէք:

— Այս՛:

— Բայց ձեր խօսքերը պիտի կրնա՞յ հասկնալ:

— Այս՛:

— Ո՞հ, ըստ Վիլֆոր, գրեթէ ուրախանալով որ
այդ խնդրոյն վրայ իր հօրը հետ առանձին պիտի խօսի,
ո՞հ, անհոգ եղէք, իմ հօրս խօսքերը լաւ կը հասկնամ:

Ընդհ. դատախազը այդ խօսքերը ուրախ շեշտով
ըստ ատեն, իր ակռաները սաստկութեամբ կը կափկա-
փէին իրարու վրայ:

Տ'Ավրինեի, Մորէլի թեւը մտնելով, երիտասարդը
մօտակայ սենեակը տարաւ:

Այն ատեն բոլոր տան մէջ տիրող մեռելական լոռւ-
թենէն աւելի խօրին լոռութիւն մը տիրեց:

Վերջապէս քառորդ մը ետքը երերուն քայլ մը լըս-
ուեցաւ, եւ Վիլֆոր այն սենեակին սեմերուն վրայ երեւ-
ցաւ, ուր տ'Ավրինեի եւ Մորէլ կը գտնուէին՝ մէկը մը.
տածումներու մէջ ընկղմած եւ միւսը խեղդուելու մօտ:

— Եկէք, ըստ:

Նուարթիէի թիկնաթոռին մօտ տարաւ զանոնք:

Այն ատեն Մորէլ ուշադրութեամբ Վիլֆորի երեսը
նայեցաւ:

Ընդհ. դատախազին երեսը կապարի գոյն ստացած էր:
Ժանդապոյն խօրշեր իր ճակատը կ'ակօսէին: Զեռքը ըըռ-
նած գրիչին՝ մատներուն մէջ ճարճատումավ փշրուելուն
ձայնը կը լսուէր:

— Պարտններ, ձեր պատմույ խօսքը կը խնդրեմ, որ
այս սօսկալի գաղտնիքը մեր միջեւ գաղտնի մնայ, ը-
ստ հեղձամձուկ ձայնով մը, խօսքը ուղղելով տ'Ավրին-
եին ու Մորէլին:

Երիտասարդը ու բժիշկը շարժում մը ըրին:

— Կերգուցնցնեմ ձեզ..., շարունակեց Վիլֆոր:

— Բայց ո՞վ է չարագործը, ըսէք, մարդասպանը
յայտնեցէք մեզի, յարեց Մորէլ:

— Անհոգ եղէք, պարոն, դատաստանը պիտի տես-
նուի, ըստ Վիլֆոր, Հայրս յանցաւորին անունը
յայտնեց ինձի, ան ալ ձեզի պէս վրէժինդրութեան ծարա-
ւի է: սակայն ինձի պէս ձեզի երգում ընել կու տայ որ
գործուած յանցանքը գաղտնի պահէք: Այնպէս չէ, հայր իմ:

— Այս՛, ըստ նուարթիէ հաստատամարէն:

Մորէլ սօսկումի եւ չնաւատալու շարժում մը ըրաւ:

— Ո՞հ, գոչեց Վիլֆոր, Մաքսիմիլիէնի թեւէն ըըռ-
նելով, երբ հայրս, այն անսղոք մարդը, զոր դուք կը
ճանչնաք, ձեզ այսպիսի տուաջարկ մը կընէ, պատճառը սա
է որ գիտէ թէ Վալանթինի վրէժը սօսկալի կերպով պիտի
լուծուի: Այնպէս չէ, հայր իմ:

Ծերունին նշան ըրաւ թէ այս՛:

Վիլֆոր շարունակեց:

— Հայրս կը ճանչնայ զիս, եւ ես խստացայ անոր:
Ուստի այս մասին ապահով եղէք, պարոններ, Երեք օր
կը խնդրեմ ձեզէջ, միայն երեք օր, որ սատիկանութեան
խնդրած պայմանաժամէն ալ քիչ է, եւ երեք օրէն, իմ
զաւկիս համար լուծած վրէժս ամէնէն անտարբեր մարդաց
սրտին մինչեւ խօրը պիտի սարսկցնէ: Այնպէս չէ, հայր
իմ:

Այդ խօսքերը ըսելով՝ ակռանքը կը կրճտէր եւ ծե-
րունին թմրած ձեռքը կ'երերցնէր:

— Այդ խօստումները պիտի կատարուին, պարոն
նուարթիէ, հարցուց Մորէլ, մինչ պ. տ'Ավրինեի իր նայ-
ուածքովը նոյնը կը հարցնէր ծերունիին:

— Այս՛, ըստ նուարթիէ զառն ուրախութեամբ մը,

— Երդում ըսէք ուրեմն, պարոններ, ըստ աը Վիլ-
ֆոր, երարու միացնելով տ'Ավրինեի եւ Մորէլի ձեռ-

քերը, երդում ըրէք որ իմ տանս պատւոյն պիտի խնամ
յէք եւ վրէժինդրութեան հոգը ինծի պիտի ձգէք:

Տ'Ավրինեի երես դարձուց և խիստ տկար ձայնով
մը այս' մրդնջեց: Բայց Մորէլ իր ձեռքը դատաւորին
ձեռքերուն մէջէն քաշեց, դէպի անկօղինը նետուեցաւ, իր
շրթունքները Վալանթինի սառած շրթունքներուն վրայ
փակցուց եւ յուսահատութեան մէջ ընկղմած անձի մը պէս
երկար հառաչանք մը արձակելով խոյս տուաւ:

Ինչպէս ըսփնք, բոլոր ծառաները աներեւոյթ եղած էին:

Ուստի պ. աը Վիլֆօր ստիպուեցաւ տ'Ավրինեին
խնդրել, որ այս անթիւ ու փափուկ ձեւակերպութիւնները
կատարէ, որոնք մէջ քաղաքներու մէջ հարկեցուցիչ են
կասկածելի պարագաներու մէջ պատահած մահերու առ-
թիւ:

Իսկ Նուարթիէի վիճակը սոսկալի էր: Անոր դէմքը
անշարժ էր, լոիկ վիշտ մը կը յայտնէր և արդառնք կը թա-
փէր անձայն:

Վիլֆօր իր դահլիճը յատաւ: Տ'Ավրինեի գնաց քա-
ղաքապետական բժիշկը կանչելու, որ մեռեալներու քըն-
նութեան պաշտօնը ունէր եւ որուն մեռեալներուն բժիշկ
անունը կու տային:

Նուարթիէ բնաւ չուզեց իր աղջկան քովէն բաժնը-
ւիւ:

Կէս ժամ ետքը պ. տ'Ավրինեի իր պաշտօնակցին հետ
վերադարձաւ: Փողոցին դռները գոցուած էին եւ որովհե-
տեւ գոնապանն ալ միւս ծառաներուն հետ փախած էր,
Վիլֆօր ստիպուեցաւ անձամբ երթալ դուռը բանալու:

Սակայն սանդուխին անդաստակին վրայ կեցաւ, Մեռ-
եալին սենեակը մտնելու ոյժ չունէր ա'լ:

Ուստի երկու բժիշկները առանձին մինչեւ Վալանթի-
նի քով գացին:

Նուարթիէ մեռեալին պէս գտնուատ եւ անոր պէս ան-
շարժ եւ անձայն, անոր անկօղնոյն մօտ կը գտնուէր:

Մեռեալներու բժիշկը իր կէս կիանքը դիակներու
հետ անցնող մարդու մը անտարբերութեամբ մեռեալին
մօտեցաւ, նորատի աղջկան վրայ ծածկուած սաւանը վեր-
ցուց եւ անոր շրթունքները միայն կէս մը բացաւ:

— Ո'հ, խեղճ աղջիկ, կատարելապէս մեռած է, ըսաւ
տ'Ավրինեն հառաչելով:

— Այօ', պատասխանեց բժիշկը լակոնական ոճով,
Վալանթինի դէմքը ծածկող սաւանը նորէն գոցելով:
Նուարթիէ կամաց մը խորդաց:

Տ'Ավրինեի անոր նայեցաւ ու տեսաւ որ ծերունիին
աչքերը շողեր կ'արձակէին:

Բարեսիրա բժիշկը հասկցաւ որ Նուարթիէ իր թու-
ռան երեսը տեսնել կուզէր:

Անկողնոյն մօտեցաւ, եւ երբ մեռեալներուն բժիշկը
Վալանթինի շրթունքներուն դպած մատերը քլորախառն
ջուրի մէջ կը լուար, տ'Ավրինեի նորատի աղջկան հան-
դարտ եւ տժգոյն երեսը բացաւ, որ ննջող հրեշտակի մը
երեսին կը նմանէր:

Նուարթիէի աչքերուն մէկ ծայրը երեւցած արտա-
սուքներու կաթիւ մը բարի բժիշկին շնորհակալութեան
նշանը եղաւ:

Մեռեալներուն բժիշկը Վալանթինի սենեակին մէջ
սեղանի մը վրայ իր գլխաւոր վկայութեան արարողթու-
թիւնը կատարելէն յետոյ, տանը բժշկին առաջնորդու-
թեամբը սենեակէն դուրս ելաւ:

Վիլֆօր անոնց վար իջնելը լսելով, իր դահլիճին դուշ
ոը ելաւ:

Քանի մը խօսքով իր շնորհակալութիւնը յայտնեց
բժիշկին եւ տ'Աւրինեին դասնալով, ըսաւ,

— Հիմա քահանայ մը պէտք է:

— Եկեղեցական մը ունի՞ք, որպէսզի անոր լանձնէք
Վալանթինի համար աղօթք ընելը, հարցուց տ'Ավրինեի:

— Ոչ, ըսաւ Վիլֆօր, ամէնէն մօտ բնակող քահա-
նան կանչեցէք:

— Ամէնէն մօտ գտնուողը, ըսաւ բժիշկը, իտալացի
բարի աբրայ մըն է, որ ձեր տան քովի առունը բնակելու
եկած է: Կ'ուզէ՞ք որ երթալու ատենս իմացնեմ անոր:

— Տ'Ավրինեի, ըսաւ Վիլֆօր, համեցէք, կ'աղաչեմ,
պարոնին ընկերանալու, Ահա տանս բանալին, որպէսզի

կարենաք ուղած ատեննիդ մտնել ու ելլել, Քահանան էն.
աերնիդ բերէք եւ իմ խեղճ զաւկիս սենեակը տարէք:

— Կը փափաքի՞ք անոր հետ խօսիլ, բարեկամ:

— Առանձին մնալ կ'ուղեմ, Կը ներէք ինծի, այնպէս
չէ: Քահանայ մը անշտաշ բոլոր վիշտերը կը հասկնայ,
հայրական վիշտն անգամ:

Ու Վիլֆօր ա'Ավրինեիին բանալի մը՝ տալով, օտար
բժիշկը երկրորդ անգամ բարեւեց և իր դահլիճը մտաւ,
ուր սկսաւ աշխատիլ:

Տեսակ մը խառնուածքի տէր մարդոց համար աշխա-
տութիւնը ամէն վշտերու գէմ դարման մըն է:

Փողոցին դուռը իջած ատեննին եկեղեցականի հա-
գուստով մարդ մը տեսան, որ մօտակայ դրան սեմին վը-
րայ կանդնած էր:

— Անա ձեզի յիշած քահանաս, ըսաւ մեռեալներուն
բժիշկը, խօսքը ա'Ավրինեիին ուղղելով:

Տ'Ավրինեի եկեղեցականին մօտենալով ըսաւ.

— Պարոն, կը բարենածի՞ք մհծ ծառայութիւն մը
մատուցանել թշուառ հօր մը. պ. աը Վիլֆօր ընդհ. դա-
տախազին, որ իր զաւակը կորսնցաւ:

— Ո'հ, պարոն, պատասխանեց քահանան բուն իտա-
լական արտասանութեամբ մը, այո՛, գիտեմ, մեռեալը անոր
տան մէջ կը դտնուի:

— Ուրեմն հարկ չկայ իմացնելու ձեզ թէ ի'նչ տե-
սակ ծառայութիւն կը սպասէ ձեղմէ:

— Հիմա ես անձամբ պիտի գայի, պարոն, ըսաւ
քահանան: Մեր կոչումն է մեր պարաքը կատարելու հա-
մար պատրաստ գտնուիլ միշտ:

— Մեռեալը ծաղկատի աղջիկ մըն է:

— Այո՛, գիտեմ, տունէն փախչող ծառաներէն իմա-
ցայ, նոյնպէս իմացայ որ անոր անունը Վալանթին է և
արդէն անոր համար աղօթք ըրի:

— Շնորհակալ եմ, շնորհակալ եմ, պարոն, ըսաւ
ա'Ավրինեի: Ուրեմն քանի որ ձեր սուրբ պաշտօնը սկը-
սած էք ի գործ դնել, համեցէք շարունակել զայն, Եկէք
մեռեալին քով, ձեր պարտքը կատարելու: Սուգի մէջ

ընկղմած ամբողջ ընտանիք մը երախտապարտ պիտի ըլլայ
ձեզ:

— Կու գամ, պարոն, պատասխանեց աբբան եւ կը
համարձակիմ ըսելու որ խիստ ջերմեռանդօրէն պիտի աղօ-
թիմ:

Տ'Ավրինեի բռնեց աբբային ձեռքէն եւ առանց Վիլ-
ֆօրի հանդիպելու, որ իր գահինը փակուած էր, մինչեւ
Վալանթինի սենեակը տարաւ զայն: Դիապատիկները յա-
ջորդ գիշեր պիտի զային իրենց գործը կատարելու:

Երբ սենեակը մտան, նուարթիէ ուշադրութեամբ նա-
յեցաւ աբբային: Անտարակոյս իրեն վրայ մասնաւոր
քան մը տեսաւ, որ իր նայուածքը անոր վրայէն չհուա-
ցուց:

Տ'Ավրինեի ո'չ միայն մեռեալը, այլեւ կենդանի ծե-
րունին ալ աբբայի խնամքին յանձնեց եւ աբբան խոս-
տացաւ Վալանթինի համար աղօթել ու նուարթիէի հոգ
տանիլ: Անտարակոյս իր աղօթելու տաեն չընդմիջուելու և
նուարթիէն իր վիշտերուն մէջ ազատ ձգելու համար, ա'Ավ-
րինեին մեկնելուն պէս՝ ոչ միայն բժիշկին զուրս ելած
դրան, այլ եւ տիկին աը Վիլֆօրի սենեակը տանող պար-
զունակները դրաւ:

Ե. ԳԼՈՒԽ

ՏԱԿԱՆԱՐԻ ՍՏՈՐԾԳՐՈՒԹԻՒՆԸ

Հետեւեալ առառւ տիսուր եւ ամպամած էր օդը:
Դիապատիկները գիշերանց իրենց սգալի պաշտօնը
կատարած էին: Անկողնին վրայ տարածուած մարմինը
մեռեալներուն տիսուր պատանքին մէջ կարած էին, այն
պատանքին մէջ որ մեռեալին կեանքին մէջ իրեն սիրելի
եղած բանին մէկ վերջին նշանը կը կը, թէեւ մեռեալ-
ները հաւասար ըլլան:

Այդ պատանքը տասնըհինգ օր առաջ ծաղկատի աղ-
ջկան գնած բարակ կտաւի ընտիր կտար մըն էր:

Այդ գործին հայար կանչուած մարդիկը, չլուսցած
նուարթիէն Վալանթինի սենեակէն իր սենեակը տարած

էին եւ ամէնուն ակնկալութեան հակառակ, ծերունին բնաւ գժուարութիւն ցոյց տուած չէր իր թոռան մարսնոյն քովէն հեռանալու:

Արբայ Պիւզոնին մինչեւ լուսնալը անոր վրայ հըսկած էր, եւ առառն միայն իր տունը գացած էր, առանց մէկը կանչելու:

Ժամը ութին ատենները ա'Ավրինեի գալով՝ Վիլֆօրը տեսաւ, որ նուարթիէի սենեակը կ'երթար, ինքն ալ անոր ընկերացաւ, որպէսզի իմանայթէ ծերունին գիշերը ինչպէս անցուցած էր:

Անկողնոյ տեղ ծառայող մհծ թիկնաթոռին վրայ քաղցր եւ ժպատիսոն քունի մը մէջ գտան զայն:

Երկուքնին ալ զարմացած, սեմին վրայ կցան:

— Տեսէք, ըսաւ ա'Ավրինեի, խօսքերը ուղղելով Վիլֆօրին, որ իր քնացող հօրը կը նայէր, աեսէք, ի'նչպէս բնութիւնը կարող է ամէնէն սաստիկ վիշտերը հանդարացնել: Անշուշա չենք կրնար ըսել թէ պ. նուարթիէն իր թոռը չէր սիրեր, սակայն քնացած է:

— Այս', իրաւունք ունիք, պատախանեց Վիլֆօր զարմանքով մը. քնացած է եւ խիստ տարօրինակ կ'երեւի այդ բանը, որովհետեւ ամենափոքրիկ խոչընդոտ մը ամբողջ գիշերներ անոր քունը կը փախցնէ:

— Վիշտը յաղթած է անոր, պատախանեց ա'Ավրինեի:

Ու երկուքնին միասին ընդհ. դատախազին դահլիճը վերադաշտան:

— Հաւատացէք, ըսաւ Վիլֆօր, իր չաւրուած անկողինը ա'Ավրինեին ցուցնելով, որ աչքերս չգոցեցի: Վիշտը երբեք չի յաղթեր ինձի: Երկու գիշեր է որ անկողին մտած չեմ: բայց առոր փոխարէն, իմ գրասեղանս նայեցէք, աէլ Աստուած, երկու օրուան եւ երկու գիշերուան մէջ ո'րչափ գիր գրեցի... որչափ անգամ այս թըթածրարները խառնեցի... եւ Պէնէտէթթօ մարդասպանին ամբաստանագիրը արձանագրեցի...: Ո'վ աշխատութիւն, աշխատութիւն, դռն իմ սէրս, ուրախութիւնս եւ բարկութիւնս ես, քեզմով կը յաղթեմ բոլոր վիշտերս:

Ու զողդոջուն ձեռքով մը սեղմեց ա'Ավրինեիի ձեռքը: — Ինձի պէտք ունիք, հարցուց բժիշկը: — Ոչ, ըսաւ Վիլֆօր, միայն թէ ժամը տասնըմէկին կը խնդրեմ որ գաք, յուղարկաւորութիւնը կէսօրին տեղի պիտի ունենայ... Ֆէր Աստուած, խեղճ զաւակս, խեղճ աղջիկս:

Ընդհ. դատախազը աչքերը դէպի երկինք բարձրացուց եւ հառաջանք մը հանեց:

— Ընդունելութեան սրահը դո՞ւք պիտի գանուիք, հարցուց ա'Ավրինեի:

— Ո՛չ, ազգական մը ունիմ, որ այդ տիսուր պաշտօնը կատարելու յանձնառու պիտի ըլլայ: Իսկ ես պիտի աշխատիմ, պարօն բժիշկ: երբ կ'աշխատիմ ամէն ինչ կը մոռնամ:

Սուգիւր, բժիշկը դեռ դուռը չհասած՝ արդէն ընդհ. դատ միազը աշխատութեան նստած էր:

Սանդուխին անդաստակին վրայ՝ ա'Ավրինեի այն ազգականին հանդիպեցաւ, որուն վրայ Վիլֆօր խօսած էր: Այդ անձը մեր պատմութեան, ինչպէս նաև այդ ընտանիքին մէջ աննշան մէկն էր, այնպիսի անձերէն էր, որոնք ծնած ատեննին աշխարհիս օգտակար ըլլալ ուխտած են:

Ճշմարտութիւնը կը յարգէր, սեւ զգեստներ հազած էր, թեւին վրայ սեւ չղարչ մը կապած էր, և այդպիսի հանդէսի մը մէջ ներկայ գտնուող մարդու մը դէմքը առած էր առժամեայ կերպով:

Ժամը տասնըմէկին յուղարկաւորութեան կառքերը բակը խոնուեցան եւ Յօպուր Սէնթ. Օնօրէ փողոցը ժողովրդեան մըմունջներով լեցուեցաւ, որոնք հարուստներու ուրախութեանց կայ սուգին հաւասարապէս կը փափաքին եւ գքսուհիի մը ամուսնութեան երթալու չափ փութկութութիւն կը ցուցնեն հանդիսաւոր յուղարկաւորութեան ներկայ գտնուելու համար:

Կամաց կամաց մեսելական սրահը լեցուեցաւ եւ ամէն առաջ մեր ճանչցած հին բարեկամները եկան, որոնք հին Տպրէ, Շաթօ-Ռոնօ եւ Պօչան: Յետոյ եկան երեւելի

ժողովրդականներ, գրագէտներ և պաշտօնատարներ: Պ.
աը Վիլֆոր իր բարձր պաշտօնով ու անձնական արժանիւ-
քովը փարիզիան ընկերութեան մէջ առաջնակարգ դիրք
մը կը գրաւէր:

Ազգականը գուոը կեցած էր և ամէն մարդ կ'ըն-
դունէր: Ճիշտը ըսելով՝ անտարբեր մարդոց համար սփո-
փանք մըն էր այդպիսի անտարբեր դէմք կը տեսնելը, որ
հոն գացողներէն պատիր կերպարանք և կեղծ արտասուք
չէր պահանջեր, ինչպէս հայր մը, եղբայր մը կամ նշա-
նած մը պիտի պահանջէր:

Իրարու ծանօթ եղողներ ակնարկով իրար կը կան-
չէին, խմբակներ կազմելու համար:

Այս խմբակներէն մէկը կը բաղկանար Տըպրէէն,
Շաթօ-Ռընոյէն և Պոշանէն:

— Խե'ղճ աղջիկ ըսաւ Տըպրէ, ուրիշներուն պէս ինք
ալ այն ցաւալի դէպքին վրայ ակամայ քանի մը խօսք
ընելով, խե'ղճ աղջիկ, որչա'փ հարուստ և ի'նչքան գեղե-
ցիկ էր: Երբեք մտքերնէդ կ'անցնէ՞ր այդ բանը, Շաթօ-
Ռընօ, երբ ասկէ երեք շաբաթ կամ առ առաւելն այսիս մը
առաջ իր ամուսնութեան պայմանագրութիւնը ստորա-
գրելու եկանք և չկոցանք ստորագրել:

— Ստուգիւ, բնաւ մտքէս չէր անցներ, ըսաւ Շա-
թօ Ռընօ:

— Կը ճանչնայի՞ք զայն:

— Տիկին աը Մորսէրֆի պարահանդէսին մէջ մէկ
երկու անգամ հետը խօսեցայ, Հիանալի աղջիկ մը երեւ-
ցաւ ինծի, թէեւ քիչ մը տիսուր: Ուր է անոր մօրուն,
զիտէ՞ք:

— Մեզ ընդունող սա պարոնին կնոջը այցելութեան
գնաց:

— Ո՞վ է այս պարոնը:

— Ո՞ր պարոնը:

— Մեզ ընդունողը, Երեսփոխ, Ժողովին անդա՞մ է:

— Ոչ, ըսաւ Պոշան, ամէն օր մեր պատուելիները
աեսնելու դատապարտուած եմ, բայց այդ դէմքը անոնց
մէջ տեսած չեմ:

— Այդ մահսւան վրայ ձեր լրագրին մէջ խօսեցա՞ք:
— Անոր մէջ յօդուած մը կայ, բայց իմ չէ, այն-
պիսի յօդուած մը, որ անտարակոյս պ. աը Վիլֆորին հա-
ճանի պիտի չժուի: Կարծեմ անոր մէջ ըստուած է թէ ընդհ,
դատախազը տնչուշա աւելի պիտի յուզուէր, եթէ այդ
չորս մեռեալները ուրիշ տան մէջ պատահէին յաջորդա-
բար:

— Մակային, ըսաւ Շաթօ-Ռընօ, ա'Ավրինեի՝ որ մօ-
րըս բժիշկն է՝ կը հաստատէ որ պարոն ընդհանուր դա-
տախազը մեծ յուսահատութեան մատնուած է:

— Բայց ո՞վ կը փնտոէք, Տըպրէ:

— Պ. աը Մօնթէ-Քրիսթօն կը փնտոեմ, պատասխա-
նեց երիտասարդը:

— Հոս գալու միջոցիս ծառուղիին վրայ անոր
հանդիպեցայ, ըսաւ Պոշան, որ իր սեղանաւորին տունը
կ'երթար: Կարծեմ թէ հիմա անկէ բաժնուած է:

— Իր սեղանաւորին կ'ըսէք, իր սեղանաւորը Տանկ-
լարը չէ, հարցուց Շաթօ-Ռընօ, խօսքը Տըպրէին ուղ-
ղելով:

— Կարծեմ թէ ան է, պատասխանեց անձնական քար-
տուղարը. թէեւ շփոթութեամբ մը: Բայց պ. աը Մօնթէ-
Քրիսթոյէն զատ ուրիշներ ալ կան, որոնք եկած չեն: Մօ-
րէլը չեմ տեսներ հոս:

— Մորէլ ըսիք, միթէ Մորէլ կը ճանչնա՞յ զանոնք,
հարցուց Շաթօ-Ռընօ, կարծեմ թէ, միայն տիկին աը Վիլ-
ֆորին ներկայացաւ:

— Հոգ չէ, գալու էր, ըսաւ Տըպրէ: Այս իրիկուն ի՞նչ
բանի վրայ պիտի խօսի, այս յուղարկաւորութիւնը օր-
ուան լուրն է: Բայց լունք, ան ոստիկանութեան պաշ-
տօնեան՝ որ իր վշտակցութիւնը պիտի յայտնէ լացող ազ-
գականին:

Երեք երիտասարդները դրան մօտեցան, որպէսզի ոս-
տիկանութեան պաշտօնեային փոքրիկ ատենաբանութիւնը
լսեն:

Պաշանի ըսածը ստոյդ էր:
Յուղարկաւորութեան հանդէսին գալու ատեն Մօն-

թէ-Քրիսթօն ահսած էր, որ Շոսէ-ա'Անթէն փողոցը Տանու կլարի տունը կ'երթար:

Սեղանաւորը տեսնելով որ կոմսին կառքը իր տան բակը կը մտնէր, զայն դժմաւորելու գացած էր ախուր, բայց քաղցր դէմքով մը:

— Ո՞հ, կոմս, ըսաւ, ձեռքը Մօնթէ-Քրիսթոյին երկարելով, արդեօք ձեր վշտակցութիւնը յայտնելու եկաք: Ստուգիւ դժբախտութիւնը իմ տանս մէջ կը բնակի, այնպէս որ երբ ձեզ ահսայ, իւրօվի կը հարցնէի թէ արդեօք ևս ալ խեղճ Մօրսէրքի ընտանիքին դժբախտութեան պատճառ եղած: Այդ բանով կը ստուգուի առակին սա խօսքը: «Ո՞վ որ ուրիշին գէշ կ'ուզէ, գէշը իր գլուխը կու զայ»: Իրաւ կ'ըսիմ, հաւատացէք որ իմ միաքս Մօրսէրքին գէշութիւն ընել չէր: Մօրսէրք ինծի պէս ոչինչէ առաջ ե. կած եւ ինծի պէս ամէն բան իր վաստակովը ձեռք բերած ըլլալուն՝ հպարտանալու չէր, բայց ամէն ոք իր պակասութիւններն ունի: Ո՞հ, զգուշացէք, կոմս, մեր ժամանակակից մարդիկը... Բայց ներեցէք, դուք մեր ժամանակին չէք վերաբերիր, դուք երիտասարդ էք... Մեր ժամանակակիցները այս տարի խիստ դժբախտ են, ասոր վկա՛յ է խստասիրած ընդհ. զատախազը, վկա՛յ է Վիլֆօր, որ իր աղջիկն ալ կորսնցուց, կարճ խօսքով, Վիլֆօր իր բոլոր ընտանիքը կորսնցուց տարօրինակ պարագաներու մէջ: Մօրսէրք անպատճեցաւ եւ ինքինքը սպաննեց: Ես ալ գարշելի Պէնէտէթթոյին եղեռնազործութեամբ խայտառակռւեցայ, ասկէ զատ...

— Առկէ զատ ի՞նչ ունիք, հարցուց կոմսը:

— Ավաս'ս, չէ՞ք գիտեր միթէ:

— Նոր դժբախտութիւնը մը պատահեցաւ:

— Աղջիկս...

— Օրիորդ Տանկլարը:

— Էօժէնին բաժնուեցաւ մեզմէ:

— Տէր Աստուած, ի՞նչ կ'ըսէք:

— Այս', սիրելի կոմս, ո'քան երջանիկ էք եղեր ոչ կին ունիք եւ ոչ զաւակ:

— Այնպէ՞ս կը կարծէք:

— Ո՞հ, այս':

— Ուրեմն օրիորդ էօժէնին...

— Այդ թշուառականին ըրած նախատինքին չկրնալով հանդուրժել, ճամբորդելու համար հրաման խնդրեց ինձմէ:

— Մեկնեցա՞ւ:

— Անցեալ գիշեր:

— Տիկին Տանկլարի՞ հետ:

— Ոչ, ազգականուհի մը հետ... փոքր կորսւս մը չէ այս, որովհետեւ իր բնաւորութիւնը ճանչնալուս, մէկ մըն ալ ֆրանսա դառնալուն վրայ կը տարակուսիմ:

— Ընտանեկան վիշտերը, սիրելի պառն, ըսաւ Մօնթէ-Քրիսթօ, անհանդուրժելի են այն խեղճ մարդուն համար, որուն զաւակը իր բոլոր հարսաւութիւնն է, սակայն միլիոնատէրի մը համար անցաւոր բաներ են անոնք: Փիլիսոփաները ի՞նչ կ'ուզեն թող ըսեն, փորձառու մարդիկ իրենց գործերովը կը հաստատեն անոնց ըսածին հակառակը: Դրամը ամէն բանին մէջ յարդուս միխթարութիւն կը պարզեւէ, հետեւաբար զուք ալ ո'եւէ մարդէ աւելի սփոփանք կրնաք զանել եւ դրամին զերագոյն զօրութիւնը կը ճանչնաք, զուք որ հարսաւութեան կողմէ թագաւոր մըն էք եւ կարողութիւննիդ ամէն բանի կը հասնի:

Տանկլար կազմնակի ակնարկ մը ձգեց կօմսին վրայ, որպէսզի ահսնէ թէ զինքը կը հեղնէ՞ թէ կատակ կ'ընէ:

— Այս', ըսաւ, ստուգիւ հարսաւութիւնը մարդու կը միխթարէ եւ ես պէտք է միխթարուիմ, հարսւսաւ ըւլալուս համար:

* — Այնչափ հարսւսաւ էք որ ձեր հարսաւութիւնը բուրգերու կը նմանի, եթէ կործանել ուզէ մարդ՝ պիտի չըհամարձակի եւ եթէ համարձակի իսկ՝ պիտի չկարենայ:

կօմսին այս բարեսիրած վատահութեանը վրայ ժպենցաւ Տանկլար:

— Ըսածնիդ ինծի կը յիշեցնէ որ հոս եկած ատեննիդ հինգ փոքր վճարագիրներ չինելու վրայ էի: Արդէն երկուքը ստորագրեցի. կը բարեհաճի՞ք թոյլատրել որ մնացեալ երեքն ալ ստորագրեմ:

— Լյնցուցէք, սիրելի պառն, լմնցութէք:

Վայրկեան մը լոռւթիւն տիրեց, մինչ սեղանաւորը
իր գրչին ձայնը կը հանէր եւ կոմոը ցեղունին ոսկեզօծ
քիւերուն կը նայէր:

— Սպանիական պարտաթուղթե՞ր են ասոնք, հար-
ցուց Մօնթէ-Քրիսթօ, Հայիթիվ թէ Նափոլիի:

— Ոչ, ըսաւ Տանկլար, իր ամբարտաւան ծիծաղովը,
Ֆրանսայի Պանքային վրայ քաշուած կրողի նվճարելի տոմ-
սեր են: Նայեցէք, աւելցուց սեղանաւորը, պարոն կոմս,
դուք որ հարստութեան կողմէ կայսր մըն էք, ինչպէս որ
ես թագաւոր մըն եմ, այս մեծութեամբ թուղթի շատ
կտորներ տեսած էք որոնք մէկ միլիոնի արժէք ունե-
նան:

Տանկլարին կողմէ գոռոզութեամբ ներկայացուած
հինգ կառը թուղթերը կշռելու համար, Մօնթէ Քրիսթօ իր
ձեռքն առաւ զանոնք եւ կարդաց.

«Ֆրանսայի Պանքային անօրէնը բարեհաճի վճարել
իմ հրամանիս եւ ի հաշիւ իմ ունեցած դրամագլխոյս, մէկ
միլիոն: ՊԱՌՈՆ ՏԱՆԿԼԱՐ»

— Մէկ, երկու, երեք, չորս, հինգ, ըսաւ Մօնթէ-
Քրիսթօ, հինգ միլիոն, կեցցե՛ս, այս ի՛նչ գումարներ
են, իշխանդ կրեսոս:

— Ահա այսպէս գործեր կ'ընեմ, ըսաւ Տանկլար:

— Հիմանալի են, ստուգիւ, յանաւանդ որ եթէ այդ
գումարը կանխիկ վճարուի, ինչպէս տարակոյս չունիմ:

— Կանխիկ պիտի վճարուի, ըսաւ Տանկլար:

— Որքան լաւ ըան է այսպիսի վարկ մը ունենալը:
Ստուգիւ, միայն Ֆրանսայի մէջ այսպիսի գործեր կ'ընենք
թուղթի հինգ կտորներ հինգ միլիոն արժեն, մարդ մին-
չեւ որ չտեսնէ՛ չի հաւատար:

— Կը տարակուսի՞ք:

— Ոչ:

— Այնպիսի ձայնով մը կ'ըսէք որ... Բայց կեցէք,
զրօննելու համար կ'ուզէ՞ք գրագրիս հետ պանքան եր-
թալ, պիտի տիսնէք որ նոյն գումարին արժէքը ստանա-
ւավ գուրս պիտի ելլէ:

— Ո՛չ, ըսաւ Մօնթէ-Քրիսթօ հինգ տոմսերը ծալելով,
ոչ, իստ հետաքրքրական բան մըն է ատ եւ ես անձամբ
կ'ուզեմ փորձել: Զեր վրայ վեց միլիոնի վարկ ունէի, ինը
հարիւր հազար ֆրանքը առի, հինգ միլիոն հարիւր հա-
զար ֆրանք ինծի պարտք ունիք: Զեր հինգ կտոր թուղ-
թերը կ'առնեմ, որոնց վրայ ձեր ստորագրութիւնը տես-
նելով, իբրեւ վճարագիր կ'ընդունիմ զանոնք եւ ահա ձեզի
ընդհանուր ընկալագիր մը վեց միլիոն ֆրանքի համար,
որով մեր հաշիւը կանոնաւորած կ'ըլլանք, Առաջունէ
պատրաստած էի զայն: Պէտք է ըսել որ այսօր դրամի
խիստ պէտք ունիմ:

Ու մէկ ձեռքով Մօնթէ-Քրիսթօ հինգ տոմսերը գըր-
պանը դրաւ եւ միւս ձեռքով սեղանաւորին երկնցուց ըն-
կալագիրը:

Եթէ Տանկլարի ոտքին առջեւ կայծակ մը իյնար,
այնքան մեծ սոսկում մը պիտի չպատճառէր անօր:

— Ի՛նչ, կակազեց սեղանաւորը, պարոն կոմս, այս
գումարը դո՞ւք կ'առնէք: Բայց ներկեցէք, այս գումարը
աւանդ մըն է իմ քովս, աղքատանցներուն դրամն է,
այս առտու վճարելու խօսք տուած եմ:

— Ո՛հ, ըսաւ Մօնթէ-Քրիսթօ, ատ տարբեր խնդիր
է եւ ես չեմ պնդեր որ ձիշտ այս հինգ տոմսերը ինծի
տաք: Ուրիշ կերպով վճարեցէք ինծի: Միայն հետաքըր-
քը ութիւննէ շարժած, սոսնք ուզեցի, որպէսզի ամէն մար-
դու կարենամ ըսել թէ Տանկլարի դրամատունը, առանց
կանխագոյն աղդարարութեան եւ առանց հինգ վայրկեան
իսկ պայմանաժամ խնդրելով՝ կանխիկ հինգ միլիոն ֆր-
քանք վճարեց ինծի: Որչա՛փ մէծ համբաւ պիտի շահէիք:
Ահա առէք ձեր վճարատոմսերը եւ կը կրկնեմ, ուրիշ վը-
ճարատոմսեր տուէք ինծի:

Ու հինգ տոմսերը Տանկլարի կը ներկայացնէր, որ
կապոյտ գոյն մը առած, նախ ձեռքը երկնցուց, ինչպէս
անգոլ մը իր առջեւէն առնուած միսի կտորը բռնելու հա-
մար վանդակին մէջէն իր մագիլները կ'երկնցնէ:

Բայց յանկարծ միտքը փոխեց, ինքզինքը զսպեց և
ձեռքը քաշեց:

Յետոյ սկսաւ ժպաիլ եւ իր այլայլած դիմագծերը առ
ւելի հանդարտ երեւոյթ մը առին:

— Ո՞հ, իրօք, ձեր ընկալագիրն ալ դրամ է, ըստ:

— Անշուշտ, եւ եթէ Հոռով գտնուէիք, Թոմուըն եւ
Ֆրէնչ վաճառատունը, ձեզի պէս առանց զժուարութիւն
ցութնելու, իմ ընկալագիրս պիտի վճարէին ձեզի, երբ ի-
րենց ներկայացուէր:

— Ներեցէք պարոն կամս, ներեցէք:

— Ուրիմն այս առմսերը կրնամ առնել:

— Այս՝, առէք, ըստ Տանկլար, իր ժաղերուն ար-
մատէն մարգարիտի նման վազած քրտինքի կաթիւները
որբելով:

Մօնթէ-Քրիսթօ հինգ տոմսերը իր դրպանը դրաւ,
գէմքի այն աննկարագրելի շարժումով, որով ըսել կ'ու-
զէր.

— Մտածեցէք, եթէ զզացած էք, դեռ ատեն ունիք:

— Ոչ, ըստ Տանկլար, ոչ, ստուգիւ պահեցէք վճա-
րատոմսերը: Բայց դուք լաւ գիտէք որ հարուստ մարդ
մը ամենափոքր բաներու ալ ուշադրութիւն կ'ընէ: Այս
դրամը աղքատանցներու համար սահմանած էի եւ ձիշտ
այս տոմսերը չտալով կը կարծէի թէ անոնցէ պիտի դոզ-
նամ, որպէս թէ ուրիշ դրամ մը այս դրամին արժողու-
թիւնը չունի: Ներեցէք, կ'աղաչեմ:

Ու սկսաւ բարձրաձայն ծիծաղիլ, ջղային քրքիջով մը:

— Կը ներիմ, պատասխանեց Մօնթէ-Քրիսթօ քաղ-
ցրութեամբ, եւ այս վճարատոմսերը կ'ընդունիմ:

Ու իր թղթապանակին մէջ զետեղեց զանոնք:

— Բայց, ըստ Տանկլար, հարիւր հաղար ֆրանքի
հաշիւ մը ունինք:

— Ո՞հ, ոչինչ բան է, ըստ Մօնթէ-Քրիսթօ, Տոկոսը
գուցէ նոյն գումարին հաւասար ըլլայ: Պահեցէք զայն եւ
մենք առնելիք տալիք չենք ունենար:

— Կամս, ըստ Տանկլար, կատակ չէ՞ք ըներ միթէ:

— Սեղանաւորներու հետ բնաւ կատակ չեմ ըներ,
պատասխանեց Մօնթէ-Քրիսթօ անպատճի լրջութեամբ մը:

Ու մեկնելու համար դէպի դուռը յառաջացաւ, ձիշտ

այն միջոցին որ սկսեկապանը աղքատանցներու ընդհ:

դրամահաւաք պ. աը Պովիլի գալուստը կ'իմացնէր:

— Կը տեսնեմ որ ձիշտ ատենին հասած եմ ձեր վը-
ճարատոմսերը ընդունելու, ըստ Մօնթէ-Քրիսթօ, եթէ
ոչ ուրիշը պիտի առնէր զանոնք:

Տանկլարի գոյնը երկրորդ անգամ նետեց եւ ան փու-
թաց կոմսէն բաժնուելու:

Մօնթէ-Քրիսթօ պատուվ ողջունեց պ. աը Պովիլը
որ սպասման սրահը ստքի վրայ կեցած էր: Մօնթէ-Քրիս-
թօյի մեկնելէն անմիջապէս յետոյ պ. Տանկլարի գանիճը
հրամցաւցին զայն:

Կոմսին դէմքին լրջութիւնը առժամանակեայ ժպիտի
մը փախուցաւ իսկոյն, երբ աղքատանցներու պարոն
դրամահաւաքին ձեռքը պարտամուրհակներու թղթապա-
նակը տեսաւ:

Դրան առջեւ կառքը կը սպասէր, Կոմսը կառապանին
հրամայեց որ իսկոյն փողերանցը տանի զինքը:

Տանկլար իր շփոթութիւնը զսպելով, դրամահաւաքը
դիմաւորելու եկաւ:

Աւելորդ է ըսել թէ ժպիտն ու քաղցրութիւնը իր
շրթունքներուն վրայ դրոշմուած էին:

— Բարի եկաք, պարոն պարտատէրս, ըստ սեղա-
նաւորը, որպէս ետեւ գրաւ կը դնեմ որ գումարը պահան-
ջելու եկած էք:

— Ձիշտ է գուշակածնիդ, պառոն, ըստ պ. աը Պո-
վիլ, որովհետեւ աղքատանցները իմ միջոցաւս ձեզ կը
ներկայանան: Որբերն ու այրիները իմ բերանովս հինգ
միլիոնի ողարմութիւն մը կը ինդրեն ձեզմէ:

— Որբերուն համար կ'ըսեն թէ ցաւալի վիճակի մէջ
կը զտնուին, խի'զ արարածներ, ըստ Տանկլար, կա-
տակը շարունակելով:

— Ես ալ անոնց անունով ձեզ կը ներկայանամ, ըստ
պ. աը Պովիլ, երէկ նամակս ընդունեցիք հարկաւ:

— Այս՝:

— Ես ալ ընկալագրովս եկայ:

— Սիրելի պ. աը Պովիլ ըստ Տանկլար, ձեր այ-

բիներն ու որբերը թող բարեհաճին քսանըչորս ժամ սպառակ, որովհետեւ պ. ար Մօնթէ-Քրիսթօն, որուն ասկէ դուրս ելլելը տեսաք... տեսաք զայն, այնպէս չէ»:

— Այս՝, ի՞նչ կայ:

— Ի՞նչ կայ, պ. ար Մօնթէ-Քրիսթօն անոնց հինգ միւլոնը առաւ գնաց:

— Ի՞նչպէս:

— Կոմու անսահման վարկ մը ունէր իմ վրաս, վարկ մը՝ զոր Հոռմի Թոմուըն եւ Ֆրէնչ դրայտառնը բացած էր: Այսօր եկաւ հինգ միւլիոնը մէկանդ ուզեց, ու ես փողերանոցին վրայ վճարատում մը տուի անօր: Դրամագըլուխո այդ դրամատան մէջ ձգած ըլլալուս՝ կը վախնամ որ մէկ օրուան մէջ անկէ տասը միւլիոն քաշելս տարօրինակ չերեւի անոր տնօրէնին: Բայց եթէ երկու օրուան մէջ տասը միւլիոն քաշեմ, աւելցուց Տանկլար ժպտագին, հոգ չէ:

— Կատակը մէկդի, գոչեց պ. ար Պովիլ թերահաւատութեամբ, հինգ միւլիոն վճարեցիք կ'ըսէք այն պարոնին, որ հիմա ասկէ դուրս կ'ելլէր: Զիս այնպէս մը բարեւեց, որպէս թէ առաջուընէ կը ճանչնար:

— Գուցէ դուք զինքը չճանչցած ան ճանչնայ ձեզ, որովհետեւ Մօնթէ-Քրիսթօն ամէն մարդ կը ճանչնայ:

— Հինգ միւլիոն:

— Ահա անոր ընկալագիրը: Թովմաս առաքեալին պէս ըրէք, տեսէք եւ չօշափեցէք:

Պ. ար Պովիլ՝ Տանկլարին ներկայացուցած թուղթը առաւ եւ կարդաց.

«Պառոն Տանկլարէն ստացայ հինգ միւլիոն հարիւր հազար ֆրանքի գումարը, զար ուզած ատենը Հոռմի Թոմուըն եւ Ֆրէնչ վաճառատունէն պիտի ընդունի»:

— Թոմուըն եւ Ֆրէնչ վաճառատունը կը ճանչնաք:

— Այս՝, ըստ պ. ար Պովիլ, ժամանակաւ երկու հարիւր հազար ֆրանքի գործ մը ըրի անոր հետ, բայց անկէ ի վեր չեմ լսած անոր վրայ խօսուիլը:

— Եւրոպայի ամէնէն երեւելի վաճառատուներէն մէկն է, ըստ Տանկլար, ընկալագիրը պ. ար Պովիլի ձեռքէն

տոնելով եւ գրասեղանին վրայ նետելով անտարբերութեամբ:

— Միայն ձեր վրայ հինգ միւլիոն ունէր, ի՞նչ կ'ըսէք, ուրեմն նապապ մըն է Մօնթէ-Քրիսթօն կոմու:

— Ստուգիւ ի՞նչ ըլլալը չեմ գիտեր, միայն սա գիտեմ որ երեք անսահման վարկեր ունէր, մէկը իմ վրաս, մէկը՝ Ռոչիլտի եւ միւլու՝ Լաֆիթի վրայ: Հարիւր հազար ֆրանք միայն իբր դրամական շահ ինծի ձգեց:

Պ. ար Պովիլ զարմացման նշաններ ցոյց տաւաւ:

— Պէտք է որ երթամ այցելութիւն մըտամ անոր, ըստաւ, եւ մեզի համար բարեպաշտական նուէր մը խնդրեմ:

— Ո՛հ, ընդունած համարեցէք, ամսուան մը մէջ իր տուած ողորմութիւնները քսան հազար ֆրանքի կը հասնին միայն:

— Ուրեմն կ'երթամ եւ տիկին ար Մօրուէրֆին ու անոր զաւկին օրինակը առաջ կը բերեմ:

— Ի՞նչ օրինակ:

— Իրենց բալմր հարստութիւնները աղքատանոցներուն ձգեցին:

— Ի՞նչ հարստութիւն:

— Հանգուցեալ Մօրուէրֆ զօրավարէն իրենց մնացած հարստութիւնը:

— Ի՞նչ պատճառաւ:

— Որովհետեւ այդպիսի անպատուութեամբ ձեռք բերուած հարստութիւնը մերժեցին:

— Ի՞նչպէս պիտի ապրին հիմա:

— Մայրը իր քաղաքը պիտի երթայ եւ զաւակը զին. ուր պիտի գրուի:

— Ի՞նչ կ'ըսես, յարեց Տանկլար, ահա խղճահարութիւնն ալ այսպէս կ'ըլլայ:

— Անոնց ըրած նուէրը երէկ արձանագրեցի:

— Ո՞րչափ հարստութիւն ունէին:

— Մեծ բան մըն չէր, մէկ միւլիոն երկու երեք հարիւր հազար ֆրանք: Բայց մեր միւլիոններուն վերադառնանք:

— Սիրայօժար, ըստ Տանկլար բոլորսպին բնական ձայնով: Այդ գրամը ստիպողական կերպով կը խնդրէք:

— Այս', մեր դրամարկղին քննութեան օրը վաղն է:
 — Վա՛ղը, ինչո՞ւ անմիջապէս չըրիք այդ խօսքը,
 մինչեւ վաղը դար մը կայ, Վաղը ժամը քանիին պիտի
 կատարուի այդ քննութիւնը:
 — Ժամը երկուքին:
 — Կէս օրին դրամը պատրաստ է, ըստ Տանկլար
 ժպտագին:
 ♫. ար Պովիլ գրեթէ չէր պատասխանած:
 Իր գլխովը այս' կ'ըսէր եւ իր թղթապանակը կը
 դարձնէր ձեռքբուն մէջ:
 — Բան մը կը խորհիմ, որ ձեր գործը կրնայ լը-
 մընցնել, ըստ Տանկլար:
 — Ի՞նչ բան:
 — Մօնթէ Քրիսթոյի ընկալագիրը դրամ ըսել է: Այս
 ընկալագիրը Բոչիլտի կամ Լաֆիթի դրամատունը ներկա-
 յացուցէք, եւ անոնք անմիջապէս կ'ընդունին զայն:
 — Թէեւ Հոռմի մէջ վճարելի ըլլայ, այնպէս չէ:
 — Անշուշտ, միայն հինգ վեց հազար ֆրանքի զեղչ
 մը պիտի կարսնցնէք:
 Դրամահաւաքը գէպի ետ ցատկեց:
 — Ոչ, ոչ, ըստա, կը նախընտրեմ մինչեւ վաղը ըս-
 պասել, Ո՞րքան շուտով գործերնիդ լընցնել կ'ուղէք:
 — Ներեցէք, ըստ Տանկլար մեծ անխոհեմութեամբ
 մը, կարծեցի թէ պակաս գումար մը ունիք լրացնելու:
 — Ո՛հ, ոչ, ըստ դրամահաւաքը:
 — Այդպիսի բաններ կրնան պատահիլ եւ այն ատեն
 մարդ զոհողութիւն կ'ընէ:
 — Փա՛ռք Աստուծոյ, այդպիսի պէտք մը չունիմ,
 ըստ պ. ար Պովիլ:
 — Ուրիմն վաղը, այնպէս չէ՞ սիրելիս:
 — Այս', վաղը, բայց անշուշտ:
 — Բայց կատա՞կ կ'ընէք միթէ: Կէս օրին մէկը զըր-
 կեցէք, որպէսզի հարկ եղած զեկոյցը ընեմ անոր:
 — Ես անձամբ կու գամ:
 — Աւելի լաւ, որովհետեւ ձեզ տեսնելու ուրախու-
 թիւնը կ'ունենամ:

Երկու պարոնները իրարու ձեռք թօթզեցին:
 — Լաւ միաքս ինկաւ, ըստ պ. ար Պովիլ, խեղճ
 օրիսրդ աը Վիլֆորի յուղարկաւորսւթեան պիտի չերթա՞ք:
 Ծառաւղիին վրայ մեռելական թափօրը տեսայ:
 — Ոչ, ըստ սեղանաւորը, Պէնէտէթթոյի դէպքէն
 ի վեր քիչ մը անպատճան եմ եւ տունէն գուրսչեմ ելլեր:
 — Ի՞նչ կ'ըսէք, միթէ դուք յանցանք մը ունի՞ք
 այդ գործին մէջ:
 — Մարկ ըրէք, սիրելիս, ինծի պէս անարատ անուն
 ունեցող մարդը խիստ գիւրազգած կ'ըլլայ:
 — Հաւատացէք որ ամէն մարդ ձեր վրայ կը ցաւի,
 մանաւանդ ձեր աղջկան վրայ:
 — Իս' զն էօժէնի, ըստ Տանկլար խօրունկ հառաջա-
 քով մը, Գիտէ՞ք որ վանք մը պիտի մտնէ:
 — Ոչ:
 — Ա.իսո՛ս, այս, պարոն: Դէպքին հետեւեալ առտուն
 հաւատարիմ բարեկամունիի մը հետ մեկնելու որոշում աը-
 ւաւ եւ իտալիոյ կամ Սպանիոյ մէջ խօտամբեր վանք մը
 փնտուելու գնաց:
 — Ո՛հ, այդ ի՞նչ սոսկալի բան է:
 ♫. ար Պովիլ այդ բացազանչութեան վրայ, միսի-
 թարական խօսքեր ընելէն յիտոյ մեկնեցաւ:
 Բայց հազիւ թէ գուրս ելած էր, երբ Տանկլար ես
 ուանդագին շարժումով մը (զոր Ոսպէր Մաքէր կոչուած
 խաղին Ֆրէտէրիքէնի գերը տեսնողները միայն կը հաս-
 կնան), աղաղակեց:
 — Անմի՛տ:
 Ու Մօնթէ-Քրիսթոյի ընկալագիրը իր փոքր դար-
 բանին մէջ սեղմելով՝
 — Վաղը կէսօրին հկո՛ւր, աւելցուց, վաղը կէսօրին
 ասկէ հեռացած պիտի ըլլամ:
 Յետոյ իր գահելիմին մէջ ֆակուեցաւ: Դրան ֆական-
 քը կրկին դարձնելէն յետոյ, իր դրամարկղին զզրոցները
 պարպեց, յիսուն հազար ֆրանքի չափ պանքտոմսներ հաս-
 ւաքեց, զանազան թուղթեր այրեց, ուրիշ թուղթեր ալ
 բաց տեղը դրաւ եւ սկսաւ նամակ մը զրել, զոր կնքելէն
 յիտոյ հետեւեալ հասցէն գրեց վրան.

«Առ պառոնուհի տիկին Տանկլար»:
— Այս իրիկուն, մըմնջեց, և ձեռքովս անոր գրա-
սեղանին վրայ պիտի դնեմ այս նամակը,
 Յետոյ անցագիրը մը հանելով,
— Լաւ, ըստ, այս անցագիրը դեռ երկու ամիս վա-
ւերական է:

Զ. ԳԼՈՒԽ

ԲԵՐ-ԼԱՇԵԶ ԳԵՐԵԶՄԱՆԱՏՈՒՐ

Ստուգիւ, պ. առ Պովիլ Վալանթինը իր վերջին կա-
յանը տանող յուղարկաւորութեան հանդիպած էր:
 Օգը տիսուր եւ ամպամած էր: Դեղնած տերեւներուն
 համար մահարիթ հով մը արդէն մերկացած ոստերուն վրա-
 յէն կը խէր զանոնք եւ ծառուղիներու մէջ լցուած
 մեծ բազմութեան վրայ կը ձգէր:

Պարօն առ Վիլֆոր բուն Փարիզի ըլլալով, փարիզ-
 եան ընտանիքի մը գիտակը ընդունելու արժանաւոր միակ
 գերեզմանատունը Բէր-Լաշէզինը կը նկատէր: Միւս զե-
 րեզմանատունները գեղջկական եւ ստորին կը թուէին իրեն:

Միայն Բէր-Լաշէզին մէջ բարձր դասու ընտանիք-
 ներ իրենց մասնաւոր գերեզմանը ունէին:

Ինչպէս ասկէ առաջ ահսանք, Վիլֆոր հոն զետին մը
 գնելով իր մասնաւոր շիրիմը շինած էր, որուն մէջ իր
 առաջին կնոջ բոլոր անդամները այնչափ շուտով հաւաք-
 ուած էին:

Շիրիմին ճակատին վրայ հետեւեալ արձանագրութիւ-
 նը կար.

ՍԷՆ-ՄԷՐՍ-ՆԻ ԵԽ ՎԻ-ՅՈՐԻ ԸՆՏԱ-ՆԻ-ՔԸ

Աս էր Վալանթինի մօրը՝ խեղճ Ռընէի վերջին փա-
 փաքը:

Ուստի Սէնթ-Օնօրէ արուարձանէն մեկնող հանդիսա-
 ւոր բազմութեւնը դէպի Բէր Լաշէզ ճամբայ ինկած էր:

Յուղարկաւորները գրեթէ բոլոր Փարիզի մէջէն ան-

ցան, Թանրիի արուարձանը յատն ու մինչեւ գերեզմա-
 նատունը երկարող արտաքին ծառուղիները յառաջացան:

Յիսունէն աւելի կառքեր՝ յուղարկաւոր քսան կառքե-
 րու ետեւէն կ'երթային: Յիսուն կառքերուն ետեւէն հինգ
 հարիւրէ աւելի անձեր ոտքով կը հետեւէին:

Գրեթէ ամէնքը երիտասարդներ էին: Նորատի, գե-
 ղեցիկ եւ պարկեշտ աղջկան իր ծաղիկ հասակին մէջ մահ-
 ուան ժանիքներէն յափշտակուիլը մեծ ազդեցութիւն մը
 գործած էր անոնց վրայ, կայծակի պէս ազդելով:

Բազմութիւնը ֆարիզէն դուրս ելլելու ատեն՝ արա-
 գընթաց կառք մը տեսաւ չորս ձիերէ լծուած, որոնք իս-
 րենց սրունգներուն աճառուտ յօդուածները պողպատէ
 զսպանակներու պէս պրկելով, յանկարծ կեցան:

Այդ կառքին մէջ Մօնթէ Քրիսթօ կոմսը կը գտնը-
 ւէր, որ վար իջնելով, մեռելակառքին ետեւէն ոտքով կը
 յառաջանար:

Շաթօ Ռընօ տեսաւ զայն ու իր կառքէն իջնելով, ա-
 նոր ընկերացաւ:

Պոշան ալ իր վարձած կառքը ձգեց եւ անոնց քովը
 գնաց:

Կոմսը բազմութեան մէջ ամէն կողմ կը դիտէր ու-
 շադիր. մէկը կը փնտոէր յայտնապէս:

Վերջապէս չկրցաւ զսպել ինքզինքը:

— Ուր է Մորէլ, հարցուց անոնց: Պարօններ, ձեզ,
 մէ մէկը անօր ուր ըլլալը գիտէ՞:

— Հանգուցիալին տունը մենք մեզի նոյն հարցումը
 կ'ընէինք արդէն, ըստ Շաթօ-Ռընօ: Բնաւ չտեսանք
 զայն:

Կոմսը լոեց, բայց շարսւնակ իր շուրջը կը դիտէր:
 Վերջապէս զերեզմանատուն հասան:

Մօնթէ Քրիսթոյին սուր նայուածքը յանկարծ, դեղ-
 ձերուն եւ շոնիներուն անտառակին մէջ թափանցեց: Մը-
 տանոգ երեւոյթ մը առաւ, երբ տեսաւ որ խիտ սեւ նշդա-
 րիներուն տակ ստուեր մը կը մտնէր, եւ Մօնթէ Քրիսթօ
 անտառակոյս իր փնտուածը ճանչցած էր:

Այդ շքեղ գերեզմանատան մէջ թաղման հանդէսին

ի՞նչ ըլլալը ամէն մարդ գիտէ։ Սեւազգեաց բազմութիւնը, խօսմքերու բաժնուած, գերեզմանատան ծառուղիներուն մէջ կը ցրուի։ Երկնի ու երկրի լուսութիւնը ամէն կողմէ կը տիրէ, միայն խորածկուած ոստի մը կամ գերեզմանի մը շուրջը գտնուող ցանկի մը քակուելուն ձայնը ու քահանաներու տիսուր երգը կը լսուին, որուն կը խառնուի ծաղիկներու խիտ բայսերուն ետին պահուըտած եւ ձեռքերը յիացուցած կնոջ մը հառաչանքը։

Մօնթէ. Քրիսթոյի դիտած ստուերը Հէլոյիզի եւ Ապէյտի գերեզմանին ետին եռանկիւնի կարգով տնկուած ծառերուն մէջէն անցաւ եւ եկաւ հանգուցեալին կառը քաշող ձիադարմաններուն մէջ մտաւ եւ անոնց հետ յառաջանալով՝ թաղման համար որոշուած տեղը հասաւ։

Ամէն մարդ բանի մը կը նայէր։

Մօնթէ. Քրիսթո միայն այն ստուերին կը նայէր, զոր հազիւ նշարած էին անոր քովը գտնուողները։

Երկու անգամ կոմսը իր կարէգն դուրս ելաւ, որպէսզի տիսնէ թէ արդեօք այդ յարդը զգեստներուն տեսէնք մը կը փնտոէ։

Երբ կեցաւ բազմութիւնը, ճանչցուեցաւ որ այդ ըստուերն էր Մորէլը, որ վերէն վար կոմկուած սեւ վերար, կուովը, զողդոջուն ձեռքերովը, ծոմոտկած զլխարկովը շիրիմին նայող բլրակին վրայ տնկուած ծառի մը կոթնած էր, ուրկէ կատարուելիք թաղման բոլոր արարողութիւնը շատ լաւ պիտի տիսնէր։

Ամէն բան սովորութեան համեմատ կատարուեցաւ։

Քանի մը անձեր, որոնք, ինչպէս միշտ կը պատահի, մեռհալին վրայ ամէնէն քիչ ցաւողներն էին, դամբանականներ արտասանեցին։

Ոմանք վալանթինի կանխահամ մահուան վրայ կը ցաւէին, ուրիշներ անոր հօրը վիշտը կը պատմէին երկարորէն։

Անոնց մէջ քանի մը հանձարեզներ ալ գտնուեցան, որոնք կը պատմէին թէ այդ նորատի աղջիկը պ. ար Վիլֆօրէն շատ անգամ ներօղութիւն խնդրած էր այն յանցաւորներուն համար, որոնց զլխին վրայ պ. դատախազը արդարութեան դաշոյնը կախած էր։

Մօնթէ. Քրիսթո բնաւ մտիկ չէր ըներ անոնց, բանմը չէր տիսներ եւ կամ սապէս ըսենք՝ միայն Մորէլին կը նայէր։ Անոր հանդարատութիւնն ու անշարժութիւնը սոսոկուի տեսարան մը կը պարզէին այն անձին, որ կարող էր երիտասարդ պաշտօնատարին սրտին խորէն անցածը գուշակել։

— Հոն նայեցէք, ըսաւ յանկարծ Պոշան, խօսքը Տըպրէին ուղղելով, տեսէք Մորէլը ուր գացեր միուեր է։

Ու երկուքնին ալ Շաթօ Ռընոյին ցոյց տօւին զայն։

— Որքա՞ն գոյնը նետած է, ըսաւ այս վերջինը սարսուագին։

— Պաղած է, ըսաւ Տըպրէ։

— Ոչ, ըսաւ կամաց մը Շաթօ Ռընօ, կարծեմ թէ անոր սիրտը շարժած է։ Խիստ զգայուն մարդ մըն է Մաքսիմիլիէն։

— Ես չեմ կարծեր, ըսաւ Տըպրէ, օրիորդ ար Վիլֆօրը հազիւ կը ճանչնար... դուք ձեր բերնովը ըսիք։

— Ստոյգ է, սակայն կը յիշեմ որ տիկին ար Մորսէրփի պարահանդէսին մէջ երեք անգամ անոր հետ պարեց։ Կը յիշէ՞ք, կոմս, այն պարահանդէսին մէջ ուր դուք այնչափ տպաւորութիւն գործեցիք։

— Ոչ, չեմ յիշեր, պատասխանեց Մօնթէ. Քրիսթօ, առանց գիտնալու թէ ի՞նչ բանի եւ որո՞ւ կը պատասխանէ, այնչափ միտքը զբաղած էր Մորէլի վրայ հսկելով, որուն այտերը կը գունաւորէին, ինչպէս կը պատահի իրենց շնչառութիւնը զսպել ուղղողներուն։

— Որարողութիւնները վերջացան, Մնաք բարով, պարոններ, ըսաւ յանկարծ կոմսը։

Ու անհրեւոյթ եղաւ, առանց յայտնի ընելու ո՞ր կողմէն երթալը։

Թաղման հանդէսը կատարուած ըլլալով։ Ներկայ գտնուողները դէպի Փարիզ ճամբայ ինկան։

Միայն Շաթօ Ռընօ իր նայուածքովը փնտահց Մորէլը։ Սակայն կոմսին ետեւէն նայած ատեն Մորէլ իր եղած տեղէն աներեւոյթ եղած էր։ Շաթօ Ռընօ ի զուր զայն փնտուելէն յիտոյ, Տըպրէին ու Պոշանին ետեւէն գընաց։

Մօնթէ-Քրիսթօ խիտ ծառերուն մէջ նետուելով՝ լայն գերեզմանի մը ետին պահութացաւ, ուրկէ Մորէլի ամենափաքր շարժումները կը դիտէր: Երիտասարդը կտմաց կամաց Վալանթինի շիրիմին մօտեցած էր, որուն քովէն նախ հետաքրքիրները յետոյ ծառայողները հեռացած էին:

Մորէլ հանդարտ եւ անորոշ կերպով իր շուրջը դիւտեց, բայց իր նայուածքը կոմսին կեցած տեղին հակառակ կողմը դարձուցած տաեն, Մօնթէ Քրիսթօ առանց տեսնըւելու, տասը քայլի չափ ալ մօտեցաւ անոր:

Երիտասարդը ծնկան վրայ եկաւ:

Կոմսը վիզը երկնցուցած, աչքերը միօրինակ երիտա. սարդին վրայ յառած եւ անոր մէկ շարժումը տեսնելուն պէս՝ զոգցես վրան յարձակելու համար ծունկերը ծալլած՝ շարունակ Մորէլի կը մօտենար:

Մորէլ իր ճակատը մարմարին մօտեցուց, երկու ձեռքերովը երկաթէ վանդակները գրկեց եւ մրմնջեց.

— Ո՞հ, Վալանթին:

Կոմսին սիրտը զգածուեցաւ, անոր բերնէն այդ երկու բառերը լսելով:

Քայլ մըն ալ յառաջացաւ եւ Մորէլի ուսին զարնելով ըստաւ.

— Հո՞ս էք, բարեկամ, ձեզի կը փնտոէի:

Մօնթէ-Քրիսթօ կը կարծէր որ երիտասարդը պիտի բարկանայ, զինքը պիտի կշտամբէ եւ յանդիմանէ, սակայն կը սխալէր:

Մորէլ իր կողմը դարձաւ եւ հանդարտ երեւոյթով մը ըստաւ.

— Կը տեսնէք որ աղօթք կ'ընեմ:

Մօնթէ-Քրիսթօ հետազօտիչ նայուածքով մը երիտասարդը լաւ մը քննեց ոտքէն մինչեւ գլուխը, ու այն ատեն աւելի հանդարտ երեւոյթ մը առաւ:

— Կ'ուզէ՞ք որ ձեզ Փարիզ տանիմ, ըստաւ:

— Ոչ, չնորակալ եմ:

— Վերջապէս բան մը կը խնդրէ՞ք:

— Զգեցէք որ աղօթք ընեմ:

Կոմսը, առանց ընդդիմութիւն մը ցուցնելու հեռաւ

ցաւ, բայց գնաց ուրիշ կողմ մը պահութացաւ: Հօն Մորէլի ամէն մէկ շարժումը կը դիտէր: Երիտասարդը վերջապէս ոտքի ելաւ, մարմարէն ճերմկած ծունկերը մաքրեց և Փարիզի ճամբան բռնեց, առանց գլուխը ետին դարձնելու անդամ մը:

Կամաց կամաց քալելով, Բոքէթ փողոցը իջաւ:

Կոմսը Բէր-Լաշէզի առջեւ սպասող իր կառքը ճամբեց և հարիւր քայլ հեռուէն կը հետեւէր անոր:

Մաքսիմիլիէն ջրանցքը անցաւ և ծառուղիներէն Մէուլէ փողոցը մտաւ:

Մորէլի վրայ դուռը գրցուելէն հինգ վայրկեան ետք՝ Մօնթէ-Քրիսթօի համար նորէն բացուեցաւ:

Ժիւլի պարտէզին դրան առջեւ կը գտնուէր և մեծ ուշադրութեամբ Բէնթոնին կը նայէր, որ վարպետ պարտիզպանի մը պէս Պէնկալի վարդենիները տաշտաթաղ կ'ընէր:

— Ո՞հ, պ. կոմս առ Մօնթէ-Քրիսթօն է, գոչեց ժիւլի այն ուրախութեամբ, զոր Մորէլի ընտանիքին իւրաքանչիւր անդամը սօվորաբար կը յայտնէր կոմսին այցելութեան ատեն:

— Մաքսիմիլիէն հիմա ներս մտաւ, այնպէս չէ, տիկին, հարցուց կոմսը:

— Կարծեմ անոր անցնիլը տեսայ, այս՝ ըստ ծաղկատի կինը, բայց կ'աղաչեմ, էմմանուէլը կանչեցէք:

— Ներցէք, տիկին, այս պահուս Մաքսիմիլիէնի մօտ կ'ուզեմ երթալ, յարեց Մօնթէ-Քրիսթօ, խիստ կարեւոր խօսք մը ունիմ անոր ըսելիք:

— Գացէք ուրեմն, ըստ ժիւլի իր քաղցր ժպիտովը մինչեւ սանդուխը անոր ընկերանալով:

Մօնթէ-Քրիսթօ գետնայարկը Մաքսիմիլիէնի բնակարանէն բաժնող երկու յարկերէն վեր ելաւ շուտով:

Սանդուխին անդաստակին վրայ հասնելով՝ ականջ դրաւ, բայց ձայն մը չլսեց բնաւ:

Միայն մէկ ընտանիքի բնակութեան յատկացուած տուներէն շատերուն պէս՝ բակը ապակեպատ դժուռվ մը միայն փակուած էր:

Միայն թէ այդ ապակեպատ դրան վրայ բանալի չկար։
Մաքսիմիլիէն ներոէն պարզունակը դրած էր։ Պա-
տուհաններուն կարմիր մետաքսէ վարագոյրը անկարելի
կ'ընէր դուռնէն ներս տեսնելը։

Կոմսին մտահոգութիւնը իր դէմքին կարմրութենէն
յայտնուեցաւ։ Սրաի յուզման նշանը այդ անկարեկիր
մարդուն դէմքին վրայ դիւրաւ չէր տեսնուեր։

— Ի՞նչ ընելու է հիմա, մրմնջեց։

Ու պահ մը մտածեց։

— Սրդեօք զանգակը հնչեցնեմ, յարեց, ո՛հ, ոչ։
Շատ անգամ զանգակի մը ձայնը, այսինքն այցելութեան
մը լուրը կը փութացնէ Մաքսիմիլիէնի վիշտին մէջ
գտնուողներուն որոշման գործադրութիւնը և այն ատեն
զանգակին ձայնին ուրիշ ձայն մը կը պատասխանէ։

Մօնթէ-Քրիսթօ ոտքէն մինչեւ գլուխը սարսուց և
որովհետեւ իր որոշումները փայլակի արագութիւնը ու-
նէին, արմուկովը հարուած մը տուաւ դրան մէկ ապակիին
ու խորտակեց զայն, Վարագոյրը վերցուց և Մօրէլը տե-
սաւ, որ ձեռքը գրիչ մը. իր գրասեղանին առջեւը կը գըտ-
նուէր և խորտակուած ապակիին շառաչինին վրայ, նըս
տած տեղէն վեր ցատկած էր։

— Բան մը չէ, ըսաւ կոմսը, հազար անզամ ներում
կը խնդրեմ, սիրելի բարեկամ, ոտքս սահեցաւ և արմուկո
դրան զարկի։ Եւ որովհետեւ ապակին խորտակուեցաւ,
ներս մտնելու առիթը չեմ փախցներ։ Տեղերնէդ մի՛ ել-
լէք, անհանգիստ մի՛ ըլլաք։

Յետոյ կոմսը իր թեւը խորտակուած ապակիէն ան-
ցուց և գուռը բացաւ։

Մօրէլ ակներեւ դժուարութեամբ ոտքի ելաւ և Մօն-
թէ-Քրիսթօն դիմաւորեց, աւելի անոր յառաջացումը ար-
գիլելու, քան թէ ընդունելու համար զայն։

— Յանցանքը ձեր ծառաներունն է, ըսաւ Մօնթէ-
Քրիսթօ արմուկը շփելով, որոնք տախտակամածները հա-
յելիի պէս կը փայլեցնեն։

— Վիրաւորուեցա՞ք, պարօն, հարցուց Մօրէլ ցուրտ
շեշտով մը։

— Զեմ գիտեր, բայց դուք հոս ի՞նչ կ'ընէիք, գի՞ր
կը գրէիք։

— Ես։

— Մատերնիդ մելանով աղտօտած կը տեսնեմ։
— Այօ՛, պատասխանեց Մօրէլ, գիր կը գրէի։ Թէև
զինուորական հմ, բայց երբեմն գրելով կը զբաղիմ։

Մօնթէ-Քրիսթօ սենեակին մէջ քանի մը քայլ առա-
ջացաւ։

Մաքսիմիլիէն չկրցաւ արգիլել զայն, բայց անոր ե-
տեւէն գնաց։

— Գի՞ր կը գրէիք, յարեց Մօնթէ-Քրիսթօ յոգնած
նայուածքով մը։

— Արդէն պատիւ ունեցայ ձեզի այո՛ ըսելու, ըսաւ
Մօրէլ։

Կոմսը ակնարկ մը ձգեց իր շուրջը։

— Կաղամարին քով ձեր ատքճանակները ի՞նչ բան
ունին, ըսաւ կոմսը զրասեղանին վրայ դրուած զէնքերը
մատովը Մօրէլին ցացնելով։

— Պիտի ճամբորգեմ, պատասխանեց Մաքսիմիլիէն։

— Բարեկամս, ըսաւ Մօնթէ-Քրիսթօ խիստ քաղցր
ձայնով մը։

— Ի՞նչ կը հրամայէք, պարօն։

— Բարեկամս, սիրելի Մաքսիմիլիէն, կ'աղաչեմ,
վճռական որոշումները վանեցէք ձեր մտքէն։

— Ի՞նչ վճռական որոշումներ։ Կ'աղաչեմ ըսէք՝ ճամ-
բորդութիւն ընելը վճռական որոշում մըն է միթէ, ը-
սաւ Մօրէլ, ուսերը թօթվելով։

Մաքսիմիլիէն, երկուքնիս ալ կրած դիմակնիս
վար առնենք, յարեց Մօնթէ-Քրիսթօ, Մաքսիմիլիէն, չէք
կրնար ձեր կեղծ հանդարտութեամբը խարել զիս, ձեր վը-
րայ ունեցած քիչ մը հոգածութեամբս ձեզ խարել չեմ
կրնար։ Մինչեւ հիմա ըսածներու ընելու, ապակի մը կոտ-
րելու և բարեկամի մը սենեակին գաղտնիքը բռնաբարե-
րելու համար անշուշտ իրական մտահօգութիւն մը, կամ ա-
լու համար անշուշտ իրական մտահօգութիւն մը ունենալու էի։ Մօ-
րէլ, դուք ինքզինքնիդ սպաննել կ'աւզէք։

— Ուր կը գտնէք այդպիսի գաղափարներ, պարոն կոմս, ըստ Մօրէլ սարսուալով:

— Ինքզինքնիդ սպաննել կ'ուզէք կ'ըսեմ ձեզի, և ահա ապացոյցը, շարունակեց կոմսը նոյն ձայնով:

Ու գրասեղանին մօտենալով՝ սկսուած նամակի մը վրայ երիտասարդին գոցած սպիտակ թուղթը վերցուց և նամակը առաւ:

Մորէլ առաջ նետուեցաւ և ուզեց նամակը անոր ձեռքէն առնել:

Մօնթէ-Քրիսթօ գուշակած էր անոր այս շարժումը, ուստի զգուշացաւ և Մաքսիմիլիէնի դաստակէն բռնելով կեցուց զայն, ինչպէս պողպատէ շղթան կը կեցնէ շարժման մէջ եղող մեքենան:

— Կը տեսնէք որ ինքզինքնիդ սպաննել կ'ուզէք, Մորէլ, Ահա հսո զրած էք, ըստ կոմսը:

— Ուրիմն, գոչեց Մօրէլ իր սրտի կեղծ հանդարառութիւնը ակներեւ ուժգնութեան փոխելով, եթէ ըսածնիդ ստոյգ ըլլայ, և եթէ այս ատրճանակին փողը ինծի դէմ դարձնելու որոշած ըլլամ, ո՞վ պիտի արգելք ըլլայ ինծի: Ո՞վ պիտի կարենայ արգիլել զիս:

Երբ ըսեմ թէ իմ բոլոր յոյսերս ոչնչացած են, սիրտս վիրաւորուած է, կեանքս մարած և սուզն ու ձանձրոյթը պատած են զիս, աշխարհս մոխիր դարձած է ինձ համար և յարդկային ո՛ւնէ ձայն իմ սիրտս կը մորմոքէ: Երբ ըսեմ թէ պիտի գթաք իմ վրաս, եթէ թողուք որ մեռնիմ: Եթէ արգիլէք զիս, իսելքս պիտի կորսնցնեմ և պիտի խենթենամ:

Օ՛ն, ըսէք, պարոն, երբ այս խօսքերը լսէք, երբ տեսնէք որ վշտահար սրտով և արցունքներով կ'ըսեմ զանոնք, կրնա՞ք պատասխանի ինծի թէ իրաւունք չունիմ: Պիտի կրնա՞յ մէկը զիս արգիլել որ յետին թշուառը չըլլամ:

Հսէք, պարոն, ըսէք, դուք պիտի կրնա՞ք արգիլել զիս:

— Այսո՛, Մօրէլ, ըստ Մօնթէ-Քրիսթօ այնպիսի ձայնով մը, որուն հանդարառութիւնը երիտասարդին եռան-

դագին յուզման հետ տարօրինակ հակապատկեր մը կ'ընձայէր: Այսո՛, ե՛ս պիտի արգիլեմ ձեզ:

— Դո՞ւք պիտի արգիլէք զիս, կ'ըսէք, գոչեց Մօրէլ այնպիսի ձայնով մը, որուն մէջ իր զայրոյթը և կշտամբանքը կ'աւելնային, դո՞ւք, որ անհեթեթ յայօսվ մը հրապուրեցիք զիս: Դո՞ւք, որ սնօտի խօստամներով արգիլեցիք, խարեցիք և քնացաւցիք զիս, մինչ օգնութեան դիմելով կամ վերջին ջանք մը ընելով, կրնայի ազատել զայն, կամ գոնէ իմ թեւերուս մէջ անոր մեռնիլը կը տեսնէի: Դուք, որ ինքզինքնիդ հանճարեղ, հնարագէտ և ամէն բանի կարող մէկը կը ձեւացնէք և ինքզինքնիդ նախախնամութենէն զրկուած գործակատար մը կը ներկայացնէք, թունաւորուած ծաղկատի աղջկան մը հակաթոյն տալու կարողութիւն չունեցաք: Ո՛հ, շիտակը, պարոն, պիտի ցաւէի ձեր վրայ, եթէ ձեր ընթացքովը սոսկում չպատճառէիք ինծի:

— Մորէ՛լ...

— Այսո՛, դուք ըսիք որ դիմակը վար առնեմ, ահա՛, գոն եղէք, դիմակս վար առի: Այսո՛, երբ նտեւէս զերեզմանատառնը եկաք, դարձեալ պատասխանեցի ձեզ, որովհետեւ իմ սիրտս բարի է: Երբ սենեակս մտաք, թողուցի որ մինչեւ քավս մօտենաք... Բայց որովհետեւ չափը կ'անցընէք, որովհետեւ կը խրոխտաք նոյնիսկ իմ սենեակիս մէջ, ուր իբր գերեզման քաշուած էի, և որովհետեւ կ'ուզէք նոր տառապանք մը պատճառել ինծի այն միջոցին, երբ բոլոր տառապանքները կրած կը կարծէի, կոմս տը Մօնթէ-Քրիսթօ, իմ կեղծ պաշտպանս, կոմս տը Մօնթէ-Քրիսթօ, տիեզերքի ազատիչը, գոն եղէք, որովհետեւ ձեր բարեկամին մեռնիլը պիտի տեսնէք հիմա...

Եւ Մօրէլ յիմարական մալիտով մը երկրորդ անդամ ատրճանակներուն վրայ խոյացաւ:

Մօնթէ-Քրիսթօ ուրօւականի պէս գունատած, բայց իր աչքերը, գոգցես բոցավառ, ձեռքը զէնքին վրայ դրաւ և յիմարին ըստ:

— Եւ ես կը կրկնեմ, որ ինքզինքնիդ պիտի չսպաննէք...

— Արգիլեցիք տեսնեմ, կրկնեց Մօրէլ վերջին յար-

ձակումով մը, բայց առջի անգամուան պէս՝ կոմսին պաղուատէ բազուկէն յաղթուեցաւ:

— Այս՝ պիտի արդիլեմ ձեզ:

— Բայց վերջապէս ո՞վ էք դուք, որ այսպէս ազատ և խորհող արարածներու վրայ բոնաւորական իշխանութիւն մը բանեցնել կ'ուզէք, գոչեց Մաքսիմիլիէն:

— Ո՞վ եմ, կ'ըսէք, յարեց Մօնթէ-Քրիսթօ: Մտիկ ըսէք ուրեմն: Աշխարհիս վրայ միայն ևս իշխանութիւն ունիմ ձեզի ըսելու, թէ Մորէլ չեմ ուզեր որ հօրդ զաւակը այսօր մեռնի:

Ու Մօնթէ-Քրիսթօ թեւերը կուրծքին վրայ խաչաձեւած, այլայլած, բարձր և վեհ դէմքով մը դէպի դողովուն երիտասարդը յառաջացաւ, որ ակամայ այդ մարդուն զօրութենէն յաղթուած. քայլ մը ետ քաշուեցաւ:

— Ինչո՞ւ հօրս խօսքը կ'ընէք, ըսաւ Մորէլ կակազելով: Ինչո՞ւ այսօրուան եղելութեան մէջ անոր յիշատակը կը խառնէք:

— Որովհետեւ ևս այն անձն եմ, որ հայրդ ինքզինքը մեղնի ուզած օրը անոր կեանքը ազատեցի, ինչպէս այսօր դուն ինքզինքդ սպաննել կ'ուզես: Որովհետեւ ևս այն անձն եմ, որ քու ծաղկատի քրոջդ քսակը և ծերունի Մորէլին Փարաւոնը զրկցի: Որովհետեւ ևս կտմօն Տանթէսն եմ, որ մանկութեանդ ատեն ծունկերուս վրայ քու խառալդ տեսած եմ:

Մորէլ ընկճուած և սպասպառ, քայլ մը ետ քաշուեցաւ դեղեւելով:

Եետոյ յանկարծ ուժասպառ: Մօնթէ-Քրիսթօյի ոտքերուն առջեւ խօնարհեցաւ, բարձր ձայն մը հանելով:

Մորէլի աղնիւ և հիանալի բնաւորութեանը մէջ յանկարծական ու կատարեալ վերակենդանութեան շարժում մը առաջ եկաւ:

Ոտքի ելաւ, սենեակէն դուրս ցատկեց և սանդուխին վրայէն բոլոր ուժովը պսոաց.

— Ժիւլի', ժիւլի', կմմանուէ՛լ, կմմանուէ՛լ:

Մօնթէ-Քրիսթօ ալ անոր ետեւէն դուրս նետուիլ ուզեց, բայց Մաքսիմիլիէն կը նախընտրէր մեռնիլ. քանի թէ կոմսին վրայ հրած դրան ծխնիները թողոււ:

Մաքսիմիլիէնի ձայնէն ժիւլի', կմմանուէլ. Բէնըթօն և քանի մը ծառաներ սսսկումով ներս վազեցին:

Մորէլ անոնց ձեռքէն բռնեց և դուռը բացաւ:

— Ծնկան վրայ եկէք, գոչեց հեծկլատանքէն հեղձամդուկ դարձած ձայնով մը, ծնկան վրայ եկէք, ահա' բարերանիս, ահա մեր հօրը ազատարը, ահա...

«կտմօն Տանթէսը» պիտի ըսէր:

Երբ կոմսը անոր թեւէն բռնելով, ընդմիջեց զայն: Ժիւլի կոմսին ձեռքը բռնեց և իր շրթունքներուն մօտեցաւց: Էմմանուէլ իրը իր խնամակալ հայրը ճանչնալով, համբուրեց զայն: Իսկ Մորէլ երկրորդ անգամ ծնկան վրայ ինկաւ և ճակատը տախտակամածին մօտեցուց:

Այն ատեն պղինձէ սիրտ ունեցող մարդը իր սրտին ուսիրէլ զգաց, կիզիչ բոց մը իր կոկորդէն աչքերուն ցայտեց, գլուխը ծոեց և լացաւ:

Քանի մը վայրկեան այն սենեակին մէջ արտասուքի և հեծեծանքի ձայներ լսուեցան, որոնք անշօւշտ հրեշտակ: Ներու անգամ ներդաշնակ պիտի թուէին:

Ժիւլի իր զգացած խորին յօւզումէն հազիւ սթափած, սենեակէն դուրս նետուեցաւ, յարկ մը վար իջաւ, որ Մէյլանի ծառուղիին անծանօթէն նուիրուած քսակը առնէ բերէ:

Այդ միջոցին էմմանուէլ հատկանալ ձայնով մը կոմսին կ'ըսէր:

— Ո՞հ, պարոն կոմս, այնչափ անգամ մեր անծանօթքարերարին վրայ խօսիլը լսելով և անոր համար մեր այնչափ երախտագէտ ու սիրալիր յիշատակ մը պահելը տեսնելով, ի՞նչպէս մինչեւ այսօր կրցաք սպասել և ինքզինքնիդ չնանցուցիք: Ո՞հ, անգթութիւն մեզի համար, և կը համարձակիմ իսկ լսելու, պարօն կոմս, ձեզի համար ալ:

— Մտիկ ըրէք, բարեկամ, ըսաւ կոմսը, կրնամ զձեզ այսպէս կոչել, որովհետեւ տասնըմէկ տարիէ ի վեր առանց ձեր գիւտնալուն՝ իմ բարեկամս էք դուք: Այս գաղտնիքին յայտնուելուն պատճառը մեծ դէպք մըն է, զոր դուք քին վկայ է Աստուած, որ բոլոր կեանքիս մէջ չէք գիտեր: Վկայ է Աստուած, որ բոլոր կեանքիս մէջ որտիս խօսը պահել կ'ուզէի զայն: Մաքսիմիլիէն եղբայր

այնպիսի բռնութեամբ մը հրեւան հանեց իսկոյն, բայց
վստահ եմ թէ զղչացած է:

Յետոյ տեսնելով որ Մաքսիմիլիէն սենեակին մէկ
կողմը միշտ ծնկան վրայ կեցած՝ թիկնաթոռի մը կոթնած
էր, մեղմաձայն յարեց Մօնթէ-Քրիսթօ՝ նշանակալից կեր-
պով սեղմելով էմմանուէլի ձեռքը.

— Հսկեցէք անոր վրայ:

— Ի՞նչ պատճառաւ, հարցուց երիտասարդը զարման-
քով:

— Զեմ կրնար ըսել, սակայն հսկեցէք անոր վրայ:

Էմմանուէլ շուրջանակի ակնարկ մը ձգեց սենեակին
վրայ և Մորէլի ատրանակները տեսաւ:

Իր աչքերը սօսկումով այն զէնքերուն վրայ յառեց
ու իր մատը անոնց բարձրութեամբը կամաց մը վեր առ-
նելով. Մօնթէ-Քրիսթոյի ցոյց տուաւ զանոնք:

Մօնթէ-Քրիսթօ գլուխը խոնարհցուց:

Էմմանուէլ շարժում մը ըրաւ գէպի հրազէնները:

— Զգեցէք, ըսաւ կոմոը:

Յետոյ Մորէլի մօտենալով, անոր ձեռքը բռնեց:

Երիտասարդին սիրար թունդ հանող բռւոն յուզումը
խորին թմրութեան տեղի տուած էր:

Ժիւլի մետաքսէ քսակը ձեռքը բռնած, սենեակ մտաւ
նորէն: Ուրախութեան արտասուքի երկու փայլուն կա-
թիլներ, առաւօտեան ցողի երկու կաթիլներու պէս, իր
այտերէն վար կը գլորէին:

— Ահա մեր յիշատակը, ըսաւ: Մի՛ կարծէք թէ մեր
ազատիչը յայտնուելէն յետոյ ալ սիրելի չէ ինծի:

— Զաւակս, պատասխանեց Մօնթէ-Քրիսթօ՝ կարմրե-
լով, ներեցէք որ այդ քսակը ևս առնեմ: Զիս ճանչնալնէդ
ետքը, չիմ ուզեր որ ուրիշ կերպով յիշէք զիս, բայց եթէ
այն սիրով, զոր կը խնդրիմ որ շնորհէք ինծի:

— Ո՛հ, ըսաւ Ժիւլի՝ քսակը իր սրախն վրայ սեղմե-
լով, ո՛չ, ո՛չ, կ'աղաչեմ, մեղի ձգեցէք զայն: Կրնաք օր
մը բաժնուիլ մեղմէ, և օր մը գժբախտաբար պիտի բաժ-
նուիք, այնպէս չէ:

— Կաւ գուշակեցիք, ակկին, պատասխանեց Մօնթէ-

Քրիսթօ ժպտելով, ութը օրէն պիտի մեկնիմ այս քաղա-
քէն, ուր այնչափ մարդիկ, որոնք երկնքի վրէժինդրու-
թեանը արժանի էին, երջանիկ կ'ապրէին, մինչ հայրս ա-
նօթութենէ և վիշտէն մեռաւ:

Մօնթէ-Քրիսթօ իր մօտալուտ մեկնումը իմացնելով,
իր աչքերը Մորէլի վրայ յառեց և գիտեց որ «պիտի մեկ-
նիմ այս քաղաքէն» խօսքերը իր թմրութենէն սթափե-
ցուցած էին Մորէլը:

Այն ատեն հասկցաւ, որ իր բարեկամին վիշտը հան-
դարտեցնելու համար վերջին պայքար մը պէտք էր: Ժիւ-
լիին ու կմմանուէլին ձեռքը բռնելով, զօրս սեղմելէն յե-
տոյ իրարու միացուց, հօր մը քաղցր ձայնովը ըսաւ:

— Սիրելիներս. կ'աղաչեմ. Մաքսիմիլիէնի հետ ա-
ռանձին ձգեցէք զիս:

Ժիւլիին համար յարմար ատենն էր իր թանկազին
յիշատակը առնելու, որուն վրայ մոոցած էր Մօնթէ-Քրիս-
թօ նորէն խօսիլ, և ամուսնոյն հետ դուրս ելաւ աշխու-
ժօրէն:

Կոմսը Մորէլի հետ առանձին մնաց, որ արձանի պէս
անշարժ կեցած էր:

— Օ՛հ, ըսաւ կոմսը՝ իր հրատապ մատովը երիտա-
սարդին ուսին դպիչելով, ինքզինքիդ պիտի գա՞ս, Մաք-
սիմիլիէն:

— Այս՝, որովհետեւ վիշտերս նորէն կը սկսին:

Կոմսը տիսուր վարանումի մէջ ընկդմելով, իր յօն-
քերը պոստեց:

— Մաքսիմիլիէն, Մաքսիմիլիէն, ըսաւ, այդ գա-
զափարները անարժան են քրիստոնեայի մը:

— Ո՛հ, անուգ եղէք, բարեկամ, այսուհետեւ մահը
փնտուելու պէտք պիտի չունենամ, ըսաւ Մորէլ՝ գլուխը
վերցնելով և անպատում ախրութեամբ տոգորուած ժպիտ
մը ուղղելով կոմսին:

— Ուրեմն, ըսաւ Մօնթէ-Քրիսթօ, զէնքը և յուսա-
հատութիւնը մէկդի պիտի դնե՞ս:

— Այս՝, ըսաւ Մորէլ՝ վիշտերուս վերջ տալու հա-
մար ատրանակի մը փողէն կամ դաշոյնի մը ծայրէն ա-
ւելի ազդու միջոց մը ունիմ:

— Ի՞նչ միջոց ունիս, խենթ տղայ։
— Իմ վիշտերս ինքնին պիտի սպաննեն զիս։
— Բարեկամ, մատկ ըրէ, ըսաւ Մօնթէ-Քրիթօ մե-
լամազիկ չեշտով մը։

Օր մը ևս ալ քեզի չափ յուսահատութեան մը մատ-
նուած, նմանօրինակ որոշում տուի ինքինքս սպաննելու
համար։

Օր մը քու հայրդ ալ յուսահատութեամբ ուզեց ինք-
զինքը սպաննել։

Եթէ հայրդ հրագէնին փողը իր ճակտին ուղղած վայր-
կեանին, և երեք օրէ ի վեր բերանս փշրանք չդնելէս յե-
տոյ հացը անկողնոյս քովէն հեռացուցած միջոցիս, մէկը
մօտենար և ըսէր մեղի։

«Ապրեցէք. օր պիտի գայ, որ երջանիկ պիտի ըլլաք
և ձեր կեանքը պիտի օրհնէք»։ Այն ձայնը ո՛ր կողմէն ալ
գալու ըլլար, անշուշտ տարակուսական ժպիտով կամ թե-
րահաւատ անձկութեամբ ականջ պիտի դնէինք անսր։ Ո՛ր-
չափ անգամ հայրդ քեզ գրկելով, կեանքդ օրհնած է, ո՛ր-
չափ անգամ ևս ալ. . .

— Ո՛հ, գոչեց Մորէլ, կոմսին խօսքը ընդմիջելով,
դուք ձեր ազատութիւնը միայն կորսնցուցած էիք, հայրս
ալ իր հարստութիւնը միայն կորսնցուցած էր, իսկ ևս
վալանթինս կորսնցուցի։

— Ինծի նայէ, Մորէլ, ըսաւ Մօնթէ-Քրիսթօ՝ այն
զսեմ ձայնով, որ քանի մը պարագաներու մէջ մեծ և յան-
կուցիչ կը դարձնէր զինքը։ Ինծի նայէ՛, ո՛չ աչքերուս
մէջ արտասուք ունիյ, ո՛չ երակներուս մէջ տենդ և ոչ
սրտիս մէջ աղեալի բարախում մը, սակայն քեզ վըշ-
տերու մէջ կը տեսնեմ, Մաքսիմիլիէն, քեզ, զոր զաւ-
կիս պէս կը սիրեմ։ Մատածէ, Մորէլ՝ որ վիշտը մար-
դուս կեանքին կը նմանի և թէ ապագան միշտ անձանօթ
է մեզի։ Եթէ քեզի կ'աղաչեմ և կը հրամայեմ, որ ապրիս
Մորէլ, անշուշտ համոզուած ըլլալուս համար է, որ օր մը
չնորհակալ պիտի ըլլաս ինծի կեանքդ ապատելուս համար։

— Տէր Աստուած, գոչեց երիտասարդը, ի՞նչ կ'ըսէք,
կոմս, գուցէ երբեք մէկը սիրած չէք դուք։

— Տղայ ևս տակաւին, պատասխանեց կոմսը։
— Զափահաս ըլլալէս ի վեր զինուար եմ, յարեց Մո-
րէլ, ու մինչև քսանընդինդ տարեկան ըլլալս սիրելը ի՞նչ
բան ըլլալը չէի գիտեր, որովհետեւ մինչև այն տարիքս
ունցած զգացումներս սիրոյ անուան արժանի չեն։ Քսա-
նընը տարեկան հասակիս մէջ վալանթինը տեսայ, գրեթէ
երկու տարիէ ի վեր կը սիրեմ զայն և կարող եղայ ինծի
համար գրքի մը պէս բացուած այն սրտին մէջ Տիրոջ ձեռ-
քովը գրուած աղջկան և կորջ առաքինութիւնները կար-
դալու։

Կոմս, վալանթինի հետ իմ երջանկութիւնս անվերջ,
անսահման, անիմանալի, խիստ մեծ, խիստ կատարեալ և
աշխարհային երջանկութիւնէ գերիվեր պիտի ըլլար։ Եւ ո-
րովհետեւ աշխարհս զայն չտուաւ ինծի, կոմս, ըսել է թէ
առանց վալանթինի ինծի համար երկրի վրայ յուսահա-
տութիւնէ ու տառապանքէ զատ ուրիշ բան չկայ։

— Յուսա՛, ըսի քեզի, Մորէլ, կրկնեց կոմսը։
— Եւ ևս կը յարեմ ձեզի, զգուշացէք, կոմս, ըսաւ
Մորէլ, որովհետեւ զիս համոզելու կ'աշխատիք և եթէ հա-
մոզէք զիս, խելքս կորսնցնել պիտի տաք, քանի որ ինծի
կարծել կու տաք թէ վալանթինը պիտի կարենամ տեսնել։
կոմսը ժպտեցաւ։

— Բարեկամօ, հայրս, գոչեց Մորէլ յուզուած սրտով,
զգուշացէք կ'ըսեմ երրորդ անգամ, որովհետեւ իմ վրաս
զանեցուցած իշխանութիւննիդ կը զարհուրեցնէ զիս։ Ուշ
դրէք ձեր խօսքերուն, աչքերս կը շողան, սիրտս կը բոր-
րոքի նորէն և կը վերածնի, զգուշացէք, որովհետեւ գեր-
բնական բաներու հաւատալ պիտի տաք։ Կը հնագանդիմ
ձեզի, բայց ուշ դրէք, ձեր խօսքերը կը յուսադրեն մարդու։

— Յուսա՛, բարեկամ, յարեց կոմսը։
— Ո՛հ, ըսաւ Մորէլ՝ իր յուզման բարձրութենէն
ախրութեան անզունդը իյնալով, ո՛հ, զիս կը ծաղրէք և
այն բարի կամ ինքնասէր յայրերուն պէս կը վարուիք,
որոնք իրենց զաւակին ճիշտրէն ձանձրացած, մեղրածորան
խօսքերով անոնց ցաւը կը հանդարատեցնեն։ Ոչ, բարեկամ,
սխալեցայ ձեր ուշադրութիւնը հրաւիրելուս համար։ Ո՛չ,

բնաւ մի' վախնաք, իմ վիշտս այնպէս սրտիս խորը պիտի թաղեմ և այնպէս անյայտ ու գաղտնի պիտի պահեմ, որ գթալու հօգը անգամ պիտի չունենաք։ Մնաք բարով, բարեկամ, մնաք բարով։

— Ընդհակառակը, Մաքսիմիլիէն, ըսաւ կոմսը, այսուհետեւ իմ քովս և ինձի հետ պիտի ապրիս, ինձմէ պիտի չբաժնուիս և ութը օրէն միասին պիտի մեկնինք ֆըրանայէն։

— Դարձեա՞լ կ'ուզէք որ յուսամ։

— Այս', յուսա' կ'ըսեմ, որովհետեւ ցաւերուդ դարման տանելու միջոցը գիտեմ։

— Կոմս, իմ վիշտս կ'աւելցնէք։ Գլուխս եկած դըժքախտութիւնը սովորական բան մըն է և դուք սովորական միջոցով, այսինքն ճամբորդութեամբ զիս միիթարել կը կարծէք։

Մորէլ արհամարհոտ թերահաւատութեամբ գլուխը շարժեց։

— Ի՞նչ ըսեմ, յարեց Մօնթէ-Քրիսթօ, ես իմ խոստումներուս վրայ հաստատ եմ, թո՛ղ որ անսնց փորձը ցուցնեմ։

— Կոմս, հոգեվարքս երկարելէն ուրիշ բան չէք ըներ։

— Ուրեմն, ըսաւ կոմսը, ո'վ ակարասիրտ մարդ, բարեկամիդ ըրած փորձին համար քանի մը օր չնորհելու ոյժ չունիս։ Հսէ՛, գիտե՞ս ի՞նչ բանի կարող է Մօնթէ-Քրիսթօ կոմսը։ Գիտե՞ս որ երկրային շատ իշխանութեանց կը հրամայէ։ Գիտե՞ս որ Աստուծոյ նկատմամբ այնչափ հաւատք ունի, որ կարող է հրաշքներ գործելու հրաման ստանալ Անկէ, որ ըսած է թէ՛ մարդու հաւատքով կրնայ լեռ մը ստեղծել։ Ուրեմն սպասէ, որ իմ ընել յուսացած հրաշքս տեսնես, եթէ ոչ...

— Եթէ ոչ ի՞նչ կայ, ըսաւ Մորէլ։

— Եթէ ոչ, Մորէլ, ապերախտ պիտի կոչեմ քեզ։

— Մեղքցէք ինձի, կոմս։

— Մաքսիմիլիէն, քեզ այնչափ կը մեղքնամ, որ եթէ ճիշտ ամսէ մը ցաւերուդ դարման մը ընել չկարենամ, լաւ ուշ դիր ըսածներուս, Մորէլ, ես ձեռքովս քեզ այս

ատրճանակներուն և իտալիոյ ամէնէն սոսկալի թոյնօվ լցուն բաժակի մը գիմաթը կը գնիմ, հաւատա' խօսքիս, վալանթինը սպաննող թոյնէն աւելի անվրէզ և աւելի առագաւահ թոյնի մը։

— Կը խոստանա՞ք այդ բանը։

— Այս', որովհետեւ ևս մարդ եմ, որովհետեւ ևս ալ, ինչպէս ըսի, ուղեցի մեռնիլ, բայց դժբախտութիւնը ինձմէ հեռանալէն յետոյ, շատ անգամ մշտնջենական քունի զուարձութիւնները երազեցի։

— Ո՛հ, ստուգիւ կը խոստանա՞ք, կօմս, գոչեց Մաքսիմիլիէն այլայլած։

— Զեմ խոստանար, այլ կ'երդնում, ըսաւ Մօնթէ-Քրիսթօ ձեռքը երկնցնելով։

— Ուրեմն, եթէ մէկ ամիսէն չմխիթարուիմ, ձեր պատիւին վրայ կը խոստանա՞ք, որ զիս ազատ պիտի ձգէք և ինչ որ ընեմ, ապերախտ պիտի չկաչէք զիս։

— Այս', ճիշտ մէկ ամիսէն, Մաքսիմիլիէն։ Այսօր Սիպտեմբեր 5ն է, որ նուիրական թուական մըն է մեզի համար, չեմ գիտեր թէ արդիօք կը յիշե՞ս։ Այսօր, ճիշտ տասը տարի՞է, որ հայրդ կ'ուզէր ինքզինքը սպաննել և սա ազատեցի զայն։

Մորէլ կոմսին ձեռքը բռնեց և համբաւրեց։

Կոմսը ձգեց որ երիտասարդը ուզածը ընէ։ Գիտնալով որ ինքը արժանի էր այդ զգուանքին, ու չարունակեց։

— Մէկ ամիսէն, երկուքնիս ալ սեղանի մը առջե պիտի նստինք և գուն ընտիր զէնքեր ու քաղցր մահ պիտի ունենաս։ Սակայն, ի փոխարէն կը խոստանա՞ս ինձի որ մինչեւ այն ատեն պիտի սպասես և ինքզինքդ պիտի չսպաննես։

— Ո՛հ, գոչեց Մորէլ, ես ալ հիմա կ'երդնում։

Մօնթէ-Քրիսթօ երիտասարդը իր սրտին վրայ քաշեց և երկար ատեն գրկած մնաց։

— Հիմա, ըսաւ կոմսը, այսօրուընէ պիտի գաս իմ տունս բնակելու։ Հայտէին սենենակները քեզի կու տամ և գոնէ այս կերպով աղջկանս տեղը պիտի անցնի աղաս։

— Հայտէն ի՞նչ եղաւ, հարցուց Մորէլ։

— Այս գիշեր մեկնեցաւ:
— Ձեզմէ քամնուելու համար:
— Ինծի սպասելու համար... Պատրաստուէ Շանդ է-
լիզէ փողօցը գալ զիս գտնելու, և մէկը չտեսած՝ ասկէ
դուրս հանէ զիս:

Մաքսիմիլիէն գլուխը խոնարհեցաւց և տղու մը պէս
հնագանդեցաւ:

Է. ԳԼՈՒԽ

Բ Ա Ժ Ա Ն Ո Ւ Մ Ը

Սէն ժէրմէն աէ Բրէ փողօցին այն պանդոկին մէջ,
ուր Ալպէր ար Մորսէրֆ իր մօրը հետ բնակելու գացած էր,
առաջին յարկի սենեակները վարձուած էին խիստ գաղտնի
կեանք վարող անձի մը կողմէ:

Այդ անձը այնպիսի մարդ մըն էր, որուն իրեսը եր-
բեք չէր կրցած տեսնել պանդոկին զոնապանը, ո'չ անոր
դուրս ելլելու և ոչ ներս մտնելու ատեն: Զմեռը իր կզա-
կը կարմիր վզակապով մը կը ծածկէր, ինչպէս կ'ընկն
մասնաւորներու կառապանները, որոնք թարոններուն
դուռը իրենց տիրոջը կը սպասեն, իսկ ամառը՝ դոնապա-
նին սենեակին առջեւէն անցած ատեն, ճիշտ տեսնուելու
միջոցին՝ քիթը կը որրէր:

Պէտք է խոստովանիլ, որ այդ անձը բնաւ լրտեսող
մը չունէր և տարածայնութիւն մը ելած էր որ բարձրասո-
տիձան անձ մըն էր, բայց ինքզինքը յայտնել չէր ուզեր
և մեծ վարկեր ունէր, որով իր գաղանի մանելն ու ելլելը
մէկուն կասկած առթած չէր:

Իր այցելութիւնները սովորաբար որոշ ատեն ունէին,
թէև երբեմն աւելի կանուխ կամ ուշ կ'ըլլային: Բայց
գրեթէ միշտ, ամառ ձմեռ, ժամը 4 ին իր սենեակը կը
դառնար, ուր գիշեր մը մնացած չէր բնաւ:

Զմեռը՝ ժամը 3.30 ին՝ իր բնակարանին մէջ ծառա-
յող գաղտնապահ կինը կը վառէր կրակը:

Ամառը, նոյնպէս ժամը 3.30 ին, նոյն ծառան կը
պատրաստէր զովացուցիչ ըմպելիները:

Ժամը 4 ին, ինչպէս ըսկինք, թագուն կեանք վարող
յարդը կու գար:

Իրմէ 20 վայրկեան ետքը, պանդոկին առջև կառք մը
կը կենար:

Սև կամ մութ կապոյա զգիստներ հագած և միշտ մեծ
քողով մը ծածկուած կին մը կառքէն վար կ'իջնէր, ստուե-
րի պէս գոնապանին սենեակին առջեւէն կ'անցնէր, սան-
դուխէն վեր կ'ելլէր, իր թեթև քայլերուն չնորհիւ ձայն
չհանելու սանդուխին վրայ:

Երբեք պատահած չէր որ մէկը ո'ւր երթալը հարցնէր:
Իր դէմքը, նոյն պանդոկին մէջ ընակող մարդուն
պէս, բոլորզին անծանօթ մնացած էր երկու դռնապան-
ներուն, որոնք իրենց գաղանապահութեան մասին մայ-
րաքաղաքին անթիւ դռնապաններուն մէջ զւցէ եղական
էին և օրինակ ըլլալու արժանի:

Սւելորդ է ըսել, թէ կինը առաջին յարկէն վեր չէր
ելլեր:

Մասնաւոր կերպով մը դուռը կը քերէր և խօսյն կը
բացուէր ան ու կինը ներս մտնելուն պէս կը գոցուէր:

Մեկնելու ատենն ալ նոյն բանը կ'ըլլար:

Նախ անծանօթ կինը միշտ քողով ծածկուած դուրս
կ'ելլէր, իր կառքը կը մտնէր, որ երբեմն փողօցին մէկ
կողմէն և երբեմն միւս կողմէն աներեւոյթ կ'ըլլար: Բան
վայրկեան ետքը՝ անծանօթ մարդն ալ իր վզակապին կամ
թաշկինակին մէջ ծածկուած՝ դուրս կ'ելլէր և աներեւոյթ
կ'ըլլար:

Վալանթինի թաղման և Մօնթէ. Քրիսթօ կամսին կող-
մէ իր սեղանաւորին արուած այցելութեան հետեւեալ օրը,
անծանօթ մարդը, փախանակ կէս օրէն ետքը ժամը 4 ին
գալու, առտուան ժամը 10 ին հկած էր:

Գրեթէ անմիջապէս ետքը, առանց 20 վայրկեան մի-
ջոց ատեն, ինչպէս սովոր էր ընելու, վարձու կառք մը
հասաւ և քողարկուած կինը սանդուխէն վեր ելաւ աճա-
պարանքով:

Դուռը բացուեցաւ ու գոցուեցաւ:
Բայց դուռը չփակուած՝ տիկինը գոչեց.

— Լիւսիէ՞ն, բարեկամու

Դոնապանը, որ առանց ուզելու ափկնոջ ձայնը լսեր էր, առաջին անգամ հասկցաւ որ իր վարձակալին անունը Լիւսիէն էր: Եւ որովհետեւ աննման դոնապան մըն էր, միտքը դրաւ որ իր լսածը կնոջը անգամ չյայտնէ:

— Ի՞նչ կայ, սիրելիս, խօսեցէք, ըսաւ քօղարկուած տիկնոջ շփոթութեան կամ արտօրանքին պատճառաւ անունը յայտնուած անձը:

— Բարեկամ, կրնա՞մ ձեր վրայ վստահ ըլլալ:

— Անշուշտ, ինչո՞ւ չէ: Բայց ի՞նչ կայ, այս առառու ինձ գրած նամակնիդ սոսկալի վարանումի մը մատնեց զիս: Ձեր այդ աճապարանքին և շփոթութեանց պատճառը ի՞նչ է, բաէք չուտավ, սիրաւ հանդարտեցուցէք և կամ բոլորովին սոսկացուցէք զիս:

— Լիւսիէն, մեծ դիպուած մը պատահեցաւ, ըսաւ տիկինը, Լիւսիէնի վրայ հետազօտիչ նայուածք մը ձգելով, այս գիշեր պ: Տանկլար մեկներ է:

— Պ. Տանկլար մեկնե՞ր է, ո՞ւր գացեր է:

— Զեմ գիտեր:

— Զէ՞ք գիտեր, ուրեմն չվերադառնալու մտքով մեկներ է:

— Անտարակոյս: Իրիկուան ժամը 10 ին իր ձիերը Շարանթոնի դուռը տարեր են զինքքը: Հոն լծուած պատրաստ սուրհանդակի կառք մը գտեր, իր սենեկապանին հետ անոր մէջ մտեր է՝ կառապանին ըսելով թէ Թօնթէնէպլօ կ'երթայ:

— Ի՞նչ կ'ելլէ ատկէ:

— Սպասեցէք, սիրելիս, նամակ մը գրեր էր ինծի:

— Նամա՞կ մը:

— Այո՛, կարդացէք:

Ու տիկին Տանկլար իր զրպանէն կնիքը բացուած նամակ մը հանեց ու Տըպրէին ներկայացուց:

Տըպրէ զայն կարդալէն առաջ, վայրկեան մը երկաւեցաւ թէ արդեօք անոր պարունակութիւնը ի՞նչ կրնար ըլլալ, և կամ ինչ որ ըլլար անոր պարունակութիւնը, ի՞նչ ճամբայ ըռնելիքը առաջաւընէ սրոշա՞ծ էր:

Քանի մը երկվայրկեան ետքը, անտարակոյս իր որոշումը տալով, նամակը կարդաց:

Ահա այդ նամակին պարունակութիւնը, որ տիկին Տանկլարին այնչափ մեծ շփոթութիւն մը պատճառած էր:

«Տիկին և խիստ մտերիմ ամուսինս»:

Տըպրէ ակամայ կեցաւ և տիկնոջ երեսը նայեցաւ, որուն մինչեւ աչքերը կարմրեցան:

— Կարդացէ՞ք, ըսաւ տիկինը,

Տըպրէ շարունակեց:

«Այս նամակը ստանալնուղ, ա՛լ ամուսին պիտի չունենաք:

Ո՛հ, սրաերնիդ գող մի՛ հանէք, աղջիկնիդ կորունցնելէ յետոյ ամուսիննիդ ալ կորսնցուցիք, ըսել կ'ուզեմթէ Թրանսայէն դուրս հանող երեսունքառասուն ճամբառ ներէն մէկուն վրայ պիտի գտնուիմ:

Այս ընթացքին բացատրութիւնը պէտք է տամ ձեզի, և որովհետեւ զանոնք կատարելապէս հասկցող կին մըն էք, ձեզմէ չեմ ուզեր պահել, Մարկ ըրէք, ուրեմն:

Այս առառու հինգ միլիոնի վճարում մը կար և ես վճարեցի: Նոյնչափ գումարի ուրիշ վճարում մը գրեթէ անմիջապէս ետքը հարկ եղաւ ընել. ան ալ վաղուան թողուցի:

Վաղուան այդ վճարումը չընելու համար այսօրուընէ կը յեկնիմ. անտանելի պիտի ըլլայ ինձ:

Հսածս կը հասկնաք, այնպէս չէ, տիկին և խիստ թանկագին ամուսինս:

Կը հասկնաք, ըսի, որովհետեւ իմ գործերս ինծի չափ և ինձմէ ա՛լ աւելի լաւ գիտէք: Եթէ ասկէ քիչ առաջ դեռ բաւական լաւ վիճակի մէջ եղող հարստութեանս կէսէն աւելին ո՛ւր երթալը յայտնել հարկ ըլլար, անկարող պիտի ըլլայի: Իսկ դուք, ընդհակառակը, ապահով եմ որ ինքնինքնիդ պիտի ազատէք բոլորովին:

Կիները անվրիպելի ապահովութեան մը կանխաղդացաւմները ունին: Իրենց մասնաւոր գրահաշուով հիանալի հաշիւներ կը լուծեն:

Ես որ իմ հաշիւներէս զատ ուրիշ հաշիւ չէի գիտեր,

անոնց մէջ սխալած օրէս ի վեր ամէն բան կօրսնցուցի:
Անկանս արագութեանը վրայ բնաւ չզարմացա՞ք:

Չոյլ սոկիներս հալեցնելու ատեն, անոնց հրաշէկ
փայլունութիւնը ձեր աչքերը չխտղաեցուց:

Ճշմարիտ կ'ըսեմ, անոնց կրակին մէջ ըլլալը միայն
տեսայ: Յուսանք որ անոնց մոխիրին մէջ քիչ մը սոկի
գտաք:

Այդ մխիթարիչ յայսովն է, որ ես կը հեռանամ, խիստ
խիացի ամուսինս, և այդ պատճառաւ խիղճս զիս չի մե-
ղադրեր ձեզմէ բաժնուելուս համար:

Դուք բարեկամներ ունիք, վերոյիշեալ մոխիրը, և
ինչ որ երջանկացոյնն է՝ ձեր ազատութիւնը, զոր կը փու-
թամ ձեզի շնորհելու:

Այսու հանդերձ, տիկին, ա'լ ժամանակը եկաւ մտեր-
մական բացատրութիւն մը տալու:

Որչափ ժամանակ որ կը կարծէի թէ մեր տանը բա-
րորութեանը և մեր աղջկան հարստութեան համար կ'աշ-
խատիք, փիլիսոփայօրէն աչքս գոցեցի, բայց որովհետեւ
մեր դրամատունը կործանեցիք, չեմ ուզեր ուրիշի հարըս-
տութեան հիմնադիրն ըլլալ:

Զեղի հետ ամուսնացած ատենս հարուստ էիք, բայց
քիչ մը անպատիւ:

Ներեցէք այս համարձակութեամբ խօսելուս համար,
բայց որովհետեւ այս խօսքերը մեր երկուքին մէջ պիտի
մնան, խօսքերս կեղծելու հարկ չեմ տեսներ:

Մեր հարստութիւնը աւելցուցի, և տասնըհինգ տարի
շարունակ աւելնալու վրայ էր, մինչեւ որ ինծի համար ան-
ծանօթ և անհասկնալի աղէտներ վրայ հասան և կործանե-
ցին զայն, կրնամ ըսել թէ առանց երբեք յանցանքը իմս
ըլլալու:

Դուք միայն ձեր հարստութիւնը աւելցնելու աշխա-
տեցաք, որուն մէջ յաջողելնուդ բարոյապէս համոզուած եմ:

Ուստի ձեզի հետ ամուսնացած ատենս պէս կը թո-
ղում ձեզ, հարուստ՝ բայց ո՛չ պատթաւոր:

Մնաք բարօպ: այսօրուընէ սկսեալ ես ալ իմ հաշուիս
աշխատելու կ'երթամ:

Հաւատացէք իմ երախտագիտութեանս, որ ինծի այս-
պիսի օրինակ մը տուիք, որուն հետեւելու պիտի աշխա-
տիմ:

Զեր անձնուէր ամուսինը
ՊԱՌՈՆ ՏԱՆԿԼԱՐ

Այս երկար և դժուարին ընթերցման միջոցին, տի-
կին Տանկլար իր նայուածքը Տըպրէի վրայէն չէր հե-
ռացուցած:

Երիտասարդը մէկ երկու անգամ ակամայ փոխած էր
գոյնը:

Երբ նամակը վերջացուց, կամաց մը գոցեց զայն և
իր մտածումներուն մէջ ընկդմեցաւ:

— Ասոր ի՞նչ կ'ըսէք, հարցուց տիկին Տանկլար որտի
այնպիսի անձկութեամբ մը, զոր դիւրին էր երեւակայել:

— ի՞նչ ըսեմ, տիկին, պատասխանեց Տըպրէ մեքե-
նաբար:

— Այս նամակէն ի՞նչ կը հասկնաք:

— Նամակը պարզ գրուած է, տիկին, և կը յայտնէ
որ պ. Տանկլար կասկածներով մեկնած է:

— Սայոդ է: բայց դուք այդ մասին ուրիշ խօսք
չունիք ինծի ըսելիք:

— Չեմ հասկնար ի՞նչ ըսել կ'ուզէք, յարեց Տըպրէ
բոլորովին ցուրտ շշտով մը:

— Պ. Տանկլար գնաց և մէյ, մըն ալ պիտի չվերա-
դառնայ:

— Ո՛հ, ըստ Տըպրէ, մի՛ հաւատաք այդ խօսքե-
րուն, տիկին:

— Ո՛չ կ'ըսեմ, մէյ մըն ալ պիտի չվերագառնայ: Ես
լաւ կը ճանչնամ զայն, անյօդդողդ մարդ է: Եթէ պ. Տան-
կլար համոզուած ըլլար թէ ես իրեն օգտակար պիտի ըւ-
լամ, միասին կը տանէր զիս: Բայց Փարիզ կը թողու զիս,
որովհետեւ մեր բաժանումը կրնայ իր դիտաւորութեանց
նպաստել: Անկարելի է որ պառոնը իր միտքը փօխէ, ու
ես այսուհետեւ աղատ եմ, յարեց տիկին Տանկլար թա-
խանձագին:

Սակայն Տըպրէ, փօխանակ պատասխանելու, տիկի-
նը իր անձկութեանը մէջ ձգեց:

— ԶԵ՞ք պատասխաներ, պարոն, ըսաւ տիկինը վերջապէս:

— Միայն ձեզի ընելիք հարցում մը ունիմ. ի՞նչ ընելու մտադիր էք:

— Ես ալ այդ բանը ձեզի պիտի հարցնէի, պատասխանեց տիկին Տանկլար սրտի տրոփումով:

— Ա՛հ, ուրեմն խրած մը կը հարցնէք ինձի:

— Այո՛, խրատ մըն է հարցուցածո, ըսաւ տիկինը սրտի անձկութեամբ:

— Ուրեմն, եթէ ինձի խրատ կը հարցնէք, ես կը խրատեմ, որ ճամբորդութիւնը ընէք, պատասխանեց երիտասարդը ցրտութեամբ:

— Ճամբորդութիւնը ընեմ, յրմիջեց տիկին Տանկլար:

— Անչուշտ ինչպէս պ. Տանկլար կ'ըսէ. դուք հարուստ էք և կատարելապէս աղատ: Օրիորդ Էօժէնիին աշմուսնութիւնը ետ ըլլալէն և պ. Տանկլարին աներեւութանալէն յետոյ, անհրաժեշտ է որ Փարիզէն հեռանաք, գոնէ այնպէս կը կարծեմ: Այէն յարդ պէտք է գիտնայ, որ ձեր ամուսինը ձեզ թողուց, հետեւաբար աղքատ կը կարծէ ձեզ: Որովհետեւ սնանկացեալի մը կնոջ հարստութիւնը և տան պերճանքը ներելի չեն: Միայն տասնընինգ օր Փարիզ կ'նալինիդ բաւական է, որպէսզի ամէն յարդու ըսէք թէ ի'նչպէս ձեր ամուսինը ձեզ ձգեց և ձեր ամէնէն մտերիմ բարեկամունիերուն պատմէք թէ պ. Տանկլար ի'նչպէս բաժնուեցաւ ձեզմէ: Յետոյ ձեր տունը, զահարները և ձեր ամուսինէն ձեզի ինկած եկամուտները կը թողուք և դուք ալ կը յեկնիք: Այն տաեն ամէն յարդ ձեր անշահախնդրութիւնը կը գովէ: Այէն յարդ պիտի իմանայ թէ ձեր ամուսինը ձեզ թողուց և պիտի կարծէ թէ դուք աղքատ մնացիք: Ձեր դրամական վիճակը միայն ես կը ճանչնամ և պատրաստ եմ, իբր անկեղծ ընկեր, հաշիւներս տալու:

Տըպրէ որքան հանդարտութեամբ և անտարերութեամբ կը խօսէր, տիկինը սոսկումով և յուսահատութեամբ մտիկ կ'ընէր՝ գունատած և վիճակ:

— Այո՛, պարոն, իրաւոնք ունիք, ըսաւ տիկինը.

առանձին մնացի և բոլորովին առանձին: Մէկը պիտի չըտարակուսի այսպէս մնալուս:

Այդ գոռոզ և բարկասիրտ կինը այդ խօսքերով պատասխանեց Տըպրէի ըսածներուն:

— Սակայն հարուստ էք և խիստ ալ հարուստ, չարունակեց Տըպրէ, իր գրասեղանը բանալով և անոր մէջէն հանած քանի մը թուղթերը սեղանին վրայ դնելով:

Տիկին Տանկլար անոր ըրածին արգելք չեղաւ, զբաղած ըլլալով սրտին բարախումը զսպելու և իր արտասուքը արգելելու, որոնք իր արտեւանունքներուն անկիւնը ծայր կու տային:

Բայց վերջապէս իր արժանապատուութիւնը ամէն բանի յաղթեց, եթէ չկրցաւ սիրաը զսպել, գոնէ յաջողեցաւ իր աչքերէն արտասուք մը չհանել:

— Տիկին, ըսաւ Տըպրէ, վեց ամիս է որ իրարու հետ ընկեր ենք: Դուք հարիւր հազար ֆրանքի դրամագլուխ դրիք և ապրիլ ամսաւն մէջ մեր ընկերութիւնը հաստատուեցաւ:

Մայիսին սկսանք մեր գործերը և նոյն ամսաւն մէջ չորս հարիւր յիսուն հազար ֆրանք շահեցանք:

Թունիսին՝ մեր ըրած շահը ինը հարիւր հազարի բար ձրացաւ:

Յուլիսին՝ այդ գումարին վրայ յէկ միլիոն եօթը հարիւր հազար ֆրանք աւելցուցինք:

Ինչպէս զիտէք, Սպանիոյ պարտաթուղթերու ամիսն է:

Օգոստոս ամսուան սկիզբները երեք հարիւր հազար ֆրանք կորսնցուցինք: Բայց նոյն ամսաւն 15 ին, դրաձեալ շահեցանք և մեր կարսնցուցածը ձեռք ձգեցինք: Մեր ընկերութեան սկսած օրէն մինչեւ երէկ հաշիւները կարգադրելով, զուտ երկու միլիոն չորս հարիւր հազար ֆրանք դրամագլուխ ունինք, այսինքն մէկ միլիոն երկու հարիւր հազար ֆրանք մեզմէ իւրաքանչիւրին:

Ասկէ զատ, շարաւնակեց Տըպրէ, փոխանակագիրներու գործակալի մը հանդարտութեամբ իր յուշատերը քննելով, իմ ձեռքս մնացած գումարներէն գոյացած տոկոսը ութառուն հազար ֆրանքի կը հասնի:

— Բայց, ընդմիջեց տիկին Տանկլար, ի՞նչ կը նշանակեն այդ տօկոսները, քանի որ մեր դրամը բնաւ շահու չդրիք:

— Կը ներէք, տիկին, ըստ Տըպրէ ցուրտ շնչառվ, ձեզմէ թոյլառութիւն ստացած էի այդ դրամը շահագործելու և ես ալ այնպէս ըրի:

Ուստի ձեր հաշուրին քառասուն հազար ֆրանք շահ կ'իյնայ: Ասկէ զատ, ձեր դրած հարիւր հազար ֆրանք դրամագլուխը ունիք, որով ընդ ամէնը մէկ միլիոն երեք հարիւր քառասուն հազար ֆրանք բաժին կ'իյնայ ձեզի:

Անցեալ օր, տիկին, շարունակեց Տըպրէ, հոգ տարի ձեր դրամը պատրաստելու: Կարծես թէ գիտէի որ մօտեր ձեզի հաշիւ պիտի տամ:

Մեր դրամը հոս պահած եմ, որուն կէսը պանքտոմունիր և կէսը՝ վճարելի թուղթեր են:

Տունս բաւական ապահով չէի կարծեր և վախնալով որ նօտարները գաղտնապահ չեն ըլլար ու կալուածները նօտարներէն աւելի ակներեւորէն ձեր վիճակը կը յայտնեն, որովհետեւ, տիկին, առանց ձեր ամուսնոյն հետ ընկեր ըլլալու, չէք կրնար բան մը գնել կամ ստանալ, ուստի այս բոլոր գումարները, որոնք ձեր այսօրուան միակ հարստութիւնն են, այս պահարանին խորը պահուած արկղիկի մը մէջ կնքած եմ: Աւելի ապահովութեան համար ես իմ ձեռքովս հիւսեցի զայն:

Հիմա, տիկին: շարունակեց Տըպրէ: Նախ պահարանը և ետքը արկղը բանալով, ահա հազար ֆրանքնոց ութը հարիւր պանքտոմոներ, որոնք, ինչպէս կը աեսնէք: Կրկաթապատ մեծ նկարատերի մը կը նմանին:

Ասոնց վրայ կ'աւելցնեմ քսանընինդ հազար ֆրանք եկամտւաթերող պարտամուրհակ մը: Իսկ մնացեալ գումարին համար, որ կարծեմ հարիւր տասը հազարի չափ բան մը կը ըռնէ, ահա իմ սեղանաւորիս վրայ քաշուած ի տես վճարելի: Թուղթ մը: Եւ որովհետեւ իմ սեղանաւորս պատահարը չէ, անհոգ եղէք, այդ թուղթը ներկայացուելուն պէս՝ պիտի վճարուի:

Տիկին Տանկլար՝ ի տես վճարելի թուղթը, շահ ըհրող պարտամուրհակը և պանքտոմաներուն ծրարը մեքենապէս առաւ:

Այդ մեծ հարստութիւնը փոքր բան մը կ'երեւէր սեղանին վրայ դրաւած առան:

Տիկին Տանկլարի աչքերը թէև արթունքներով թըրջուած չէին, սակայն սիրալ հեծեծանքով ուղեցած էր: Ուստի մողվեց զանոնք, պանքտոմաներուն պօղպատէ պահարանը մախաղակին ու վճարելի թուղթը և պարտամուրհակը գրպանին մէջ դրաւ, և լոիկ ու գունատ, ոտքի վըրայ կանգնած, սպասեց որ Տըպրէին բերնէն միթթարիչ քաղցր խօսք մը լսէ: Բայց պարապ տեղը սպասեց:

— Հիմա, տիկին, ըստ Տըպրէ, պատուական կեանք մը կրնաք անցընել: Վաթսուն հազար ֆրանքի չափ եկամտւաթերող գումար մը ունիք ձեռքերնիդ. գոնէ մինչև տարի մը գործ ընել չկրցող կնոջ մը համար մեծ բան ըսել է: Զեր բոլոր քմահաճոյքները ի գործ դնելու համար առանձնաշնորհում մըն է տա: Մանաւանդ եթէ ձեր բաժինը ձեզի բաւական չըլլայ, կրնաք ինձէ ուղիլ: Ես պատրաստ եմ ուղեցածս, այսինքն մէկ միլիոն վաթսուն հազար ֆրանքս ձեզ տալու, անշուշտ փոխատութեամբ:

— Շնորհակալ եմ, պարօն, պատասխանեց տիկինը, շնորհակալ եմ, զուք ինքնին կը հասկնաք որ զոնէ երկար ատեն ընկերութեանց մէջ երեւելու յոյս չունեցող խեղճ կնոջ մը պէտք եղածէն շատ աւելի միծ գումար մը կը յանձնէք ինծի:

Տըպրէ վայրկեան մը զարմացած մնաց, բայց ինքզինքին գալով, շարժում մը ըրաւ, որ խիստ քաղաքավարկան ձեւով հետեւեալ նշանակութիւնը կրնար ունենալ.

— Ինչպէս որ կը հաճիք:

Տիկին Տանկլար մինչև այդ վայրկեանը թերեւս բան մը կը յուսար, բայց Տըպրէին անտարբեր շարժումը և ձգած կողմնուկի նայուածքը, ինչպէս նաև անոնց յաջորդող ակնածալից շարժումը և նշանակութիւնը տեսնելով, գլուխը վեր առաւ, դուռը բացաւ, հանդարտորէն և առանց վարանումի, դէպի սանդուխը նետ-

ուեցաւ։ Անարժան համարեց վերջին սղջոյն մը ուղղելու այն անձին, որ զինքը կը թողուր որ մեկնի այդպէս։

— Վա՛ն, ըսաւ Տըպրէ իւրովի երբ տիկինը մեկնեցաւ, գէշ խորհուրդներ են ասոնք։ Թող տունը նստի, վիպասանութիւններ կարդայ, և քանի որ պանքտոմաներու հետ չի կրնար խաղալ, թող «լանսքընէ» խաղայ։

Ու իր յուշատերը նորէն բացաւ և վճարած գումարները զգուշութեամբ ջնջեց։

— Մէկ միլիոն վաթսուն հազար ֆրանք կը մնայ ինծի, ըսաւ։ Ի՞նչ դժբախտութիւն որ օր։ առ Վիլֆօր մեռաւ։ Այս կինը ինծի յարմար էր և ես կրնայի անոր հետ ամուսնանալ։

Ու իր սովորութեան համեմատ, հանդարտօրէն սպասեց որ տիկին Տանկլարի մեկնելէն ետքը քսան վայրկեան անցնի, որպէսզի ինքն ալ դուրս ելլէ։

Այդ քսան վայրկեաններու միջոցին, Տըպրէ ժամացացը իր առջեւը դրած՝ հաշիւններ ըրաւ։

Ազմօտէ, որ տուներուն ներքին կողմը տեսնելու համար անոնց ծածկոյթը կը վերցնէր, զարմանալի տեսարանի մը առջեւ պիտի գտնուէր, եթէ Տըպրէին հաշիւնները ըրած միջացին, Սէն Ժէրմէն աէ Բրէ փողոցին տան ծածկոյթը բանար։

Այն սենեակին վրայ, ուր Տըպրէ տիկին Տանկլարի հետ երկուք ու կէս միլիոն ֆրանք բաժնած էր, ուրիշ սենեակ մը կար, Հոն բնակող մեզի ծանօթ անձերը մեր պատմութեան մէջ բաւական մեծ զիր մը կատարած ըլլաւնուն, պէտք է որ զանոնք երթանք գտնենք։

Մերսէտէս և Ալպէր կը գտնուէին այդ սենեակին մէջ։

Մերսէտէս քանի մը օրուան մէջ շատ փոխուած էր։ Իր խիստ մեծ հարստութեան տէր եղած ատենն իսկ մարդուս ինքնութիւնը յայտնող ամբարտաւան պչրասիրութիւն մը չունէր և հիմա աւելի պարզ զգեստներով չէր ճանչցուեր։ Ո՛չ թէ թշուառութեան անշուք զգեստները հագնելու ստիպուած ըլլալուն համար այդ վիճակին մէջ ինկած էր, ո՛չ, Մերսէտէս փօխուած էր, որովհետեւ իր աչքերը ա՛լ չէին վայլեր, իր բերանը ա՛լ չէր ժպտեր,

յշտնչենական վրդովում մը իր շրթունքներուն վրայ կ'արգիլէր այն արագասահ խօսքերը, որոնք ժամանակաւ իր պատրաստաբան միտքը կ'արտադրէր միշտ։

Մերսէտէսի միտքը բթացնողը իր աղքատութիւնը չէր և իր աղքատութիւնը դժնդակ ցոյց տուողը վհատութիւնը չէր։

Խիստ լուսաւորուած սրահէ մը մթութեան մէջ մըտ նող անձերու պէս՝ Մերսէտէս չափաւոր հարստութեան վիճակին ելլիլով և իր ընտրած նոր շրջանակին մէջ կորսըւելով՝ արքունիքէն խրճիթի մը մէջ ինող թագուհիի մը կը նմանէր, որ յետին չքաւորութեան մէջ իյնալով՝ ո՛չ իր կաւեղէն ամաններէն, զորս ձեռքովը սեղանին վրայ դնելու ստիպուած է, և ո՛չ իր անկողնոյն յաջորդած իւըշատեակին կը ճանչցուի։

Սառւգիւ, գեղանի քաթալանուհին կամ աղնուական կոմսուհին ո՛չ սէգ նայուածք մը և ոչ ալ քաղցր ժպիտ մը ունէր, որովհետեւ աչքերը իր շուրջը պարտցնելով, տխրագին առարկաներէ զատ բան չէր տեսներ։ Իր սենեակը յութ մոխրագոյն թուղթերով պատած էր, զորս խնայող տանտէրերը բոլոր գոյներէն կը նախընտրեն, ամէնէն քիչ աղա բռնող ըլլալուն համար, Գետինը օթոց փոռւած չէր, կարասիները տեսնողին ուշագրութիւնը կը հրաւիրէին և անոնց կեղծ զարդերուն աղքատութիւնը կը յատնանշէին։ Վերջապէս ամէն բան վայելուչ տեսնելու վարժուած աչքերու տղել կ'երեւէին անոնք։

Տիկին աը Մորսէրփ տունէն մեկնելէն ի վեր հոն կը բնակէր։ Ինչպէս անդունդի մը եղբը հասնող ճամբարդի մը գլուխը կը դառնայ, այնպէս ալ կոմսուհիին գլուխը այդ յշտնչենական լուսութեան առջեւ կը դառնար։ Տեսնելով որ Ալպէր իր սրտին գաղտնիքը քննելու համար ամէն վայրկեան գաղտնապէս իրեն կը նայէր, ստիպուած էր իր շրթունքներուն վրայ միօրինակ ժպիտ մը ունենալու, որ աչքերու ժպիտին քաղցր հուրը չունենալով, լոյսի տոլացյան, այսինքն առանց ջերմութեան, լոյսի աղդեցութիւնը կը գործէր։

Միստ կօղմէն, Ալպէր ալ մտազբաղ կ'երեւէր և իր

Վրայ գտնուող փառաւոր հագուստը անհանդիսա կ'ընէր զինքը, որովնեաւ իր վիճակին հետ խոտոր կը համեմատէր: Առանց ձեռնոցի դուրս ելլել կ'ուզէր, բայց իր ձեռքերը խիստ սպիտակ կ'երեւէին իրեն, Ոտքով քաղաքին մէջ պտըմիլ կ'ուզէր և իր կօշիկները խիստ փայլուն կը գտնէր:

Սակայն մայրական և օրդիտական սիրոյ անքակտելի կապերով միացած այդ երկու ազնիւ հոգիները, առանց բան մը ըսելու, յաջողած էին իրարու միաքը հասկնալ և խնայողութեամբ հայթայթել այն ամէն բաները, որոնք կեանքի պահպանութեան համար անհրաժեշտ պէտք են:

Ալպէր վերջապէս կրցած էր իր մօրը ըսել, առանց շփոթութիւն պատճառելու անոր.

— Մայր իմ, ա՛լ ստակ չունինք:

Մերսէտէս բուն չքաւորութիւնը ճանչցած չէր բնաւ: Իր ծաղիկ հասակին մէջ շատ անգամ աղքատութեան վըրայ խորհած էր, սակայն հիմա բոլորովին տարբեր էր: Պէտքը և հարկը երկու հոմանիշ բառեր են, որոնց միջև անսահման անջրպետ մը կայ:

Քաթալանցիներուն մէջ եղած ատեն, Մերսէտէս անթիւ բաներու պէտք ունէր, բայց ուրիշ շատ բաներու ալ կարօտը չէր քաշեր: Ուռկաններ ունէին, որոնցմով ձօւկ կ'որսային, ձօւկերը ծախելով՝ ուռկաններուն նորոգութեան համար պէտք եղածը կը հօգացուէր:

Ատկէ զատ, բարեկամներէ մեկուսացած, միայն սէր մը ունէր, որ իր նիւթական կացութեան երբեք չէր վնասեր: Միայն իր վրայ կը մտածէր, ինչպէս ամէն մարդ իր և դարձեալ իր վրայ կը մտածէ:

Մերսէտէսի ունեցածը քիչ բան մըն էր. բայց իրեն պէտք եղածին առատօրէն կը բաւէր: Սակայն այսօր երկու անձի ապրուստը պիտի հօգար և այն ալ ոչինչով:

Զմեռը կը մօտենար: Ատենօք, մեծ վառարան մը իր տան նախասենեակներէն մինչև զահլիճները կը տաքցնէր: Բայց այսօր այդ մերկ եւ ցուրտ սենեակին մէջ կրակ անգամ չօւնէր: Իր սենեակներուն մէջ ոսկիի գնով յարդարուած ծաղիկներու ջերմանոց մը ունէր, բայց այսօր խեղճ փոքր ծաղիկ մը իսկ չօւնէր:

Բայց իր զաւակը քովն էր...

Գուցէ չափազանց պարտաւորութեան մը սաստիկ եռանդը մինչեւ այն ատեն զանոնք բարձրտգոյն շրջաններու մէջ զօրացուցած էր:

Սաստիկ եռանդը գրեթէ սրտի յափշտակութիւնն է եւ սրտի յափշտակութիւնը անզգայ կ'ընէ մարդը երկրային իրաց:

Սակայն սրտին նեղութիւնը հանդարտած էր եւ պէտք էր կամաց կայաց երազներու աշխարհէն իրական աշխարհին մէջ իջնել դարձեալ:

Իտէալէն յիտոյ պէտք էր իրականութեան վրայ խօսմիլ:

— Մայր, կ'ըսէր Ալպէր ճիշտ այն միջոցին, որ տիկին Տանկլար սանդուխէն վար կ'իջնէր, հաշուենք ըոլոր մեր հարստութիւնը, եթէ կը հաճիս: Մեր ընելիքը որոշելու համար՝ ամբողջ ունեցածնիս գիտնալ կ'ուզեմ:

— Ամբողջ ունեցածնիս, բայց բան մը չունինք, ըստ Մերսէտէս տիրագիին ժպիտով մը:

— Ինչո՞ւ այդպէս կ'ըսես, մայր, նախ՝ երեք հազար ֆրանք ունինք եւ այդ գումարով ապահով եմ որ երկուք նիս ալ պատուական կեանք մը պիտի անցընենք:

— Տղայ ես դուն, ըստ Մերսէտէս հառաչագին:

— Ա.իսո՞ս, սիրելի մայր, ըստ երիտասարդը, դըմբախտաբար շատ դրամ վատնած ըլլալուս համար՝ անոր յարդը կը ճանչնամ: Երեք հազար ֆրանքը մեծ բան ըսել է եւ ես այդ դրամով մեր ապագան ապահովցուցի:

— Դիւրին է ըսելը, սիրելիս, շարունակեց խեղճ մայրը, բայց նախ՝ այդ երեք հազար ֆրանքը պիտի ընդունինք, ըստ Մերսէտէս կարմրելով:

— Բայց կարծեմ որոշած ենք արդէն, ըստ Ալպէր հաստատ ձայնով մը: Այս՝ մանաւանդ չօւնենալնուս համար պիտի ընդունինք: Ինչպէս գիտես, Մարսիլիոյ Մէյլան ծառուղիին փոքր տան պարտէղին մէջ թաղուած են անոնք: Երկու հարիւր ֆրանքով երկուքնիս ալ Մարսիլիա պիտի երթանք:

— Երկու հարիւր ֆրանքո՞վ: Կը կարծե՞ս, Ալպէր:

— Ո՞հ, այդ մասին սուրհանդակներու եւ շոգենաւոներու գրասենեակներէն տեղեկացայ եւ հաշիւը ըրած եմ։ Մինչեւ Շալոն մասնակառքով՝ պիտի երթաս 35 ֆրանքի։ Կը տեսնեմ, մայր, կ'ուզեմ որ թագուհիի մը պէս երթաս։

Ալպէր գրիչ մը առաւ եւ գրեց.

Մասնակառք՝ երեսունընինգ ֆրանք	35
Շալոնէն Լիոն շոգենաւով՝ վեց ֆրանք	6
Լիոնէն Ավինետն շոգենաւով՝ տասնըվեց ֆրանք	16
Ավինետն Մարսիլիա՝ եօթը ֆրանք	7
Ճամբու ծախք՝ յիսուն ֆրանք	50

Գումար՝ ֆրանք 114

Հարիւր քսան դնենք, աւելցուց Ալպէր ժպտելով։ Կը տեսնես որ առատաձեռն եմ, այնպէս չէ, մայր։

— Բայց դուն ի՞նչ պիտի ընես, խեղճ զաւակս։

— Չի՞ս տեսներ, ինձի համար ութսուն ֆրանք պահեցի։ Երիտասարդ մը, մայր, կրնայ իր ամէն հանգստութիւններէն զրկուիլ, մանաւանդ որ ճամբորդելը ի՞նչ ըսել է լաւ գիտեմ։

— Սընթաց կառքովդ եւ սենեկապանի՞դ հետ ճամբորդելը։

— Ամէն կերպով, մայր։

— Շատ լաւ, թող այնպէս ըլլայ, ըսաւ Մերսէտէս։ Բայց այդ երկու հարիւր ֆրանքը ո՞ւրիէ պիտի գտնենք։

— Ահա երկու հարիւր ֆրանք եւ ահա ուրիշ երկու հարիւր ալ։ Տե՛ս, մայր, ժամացոյցս հարիւր ֆրանքի ծախնցի եւ վրան գտնուած զարդերը՝ երեք հարիւրի։ Ո՞րքան երջանիկ եմ եղեր։ Զարդերը ժամացոյցէն երեք անգամ աւելի արժէք ունէին։ Ստոյգ է սա խօսքը թէ՝ «Աւելարդ զարդերը միշտ աւելի դրամ կը բռնեն»։ Ուրիմն հարուստ ենք մենք. քանի որ ճամբորդութեանդ համար պէտք եղած հարիւր տասնըորս ֆրանքին տեղ՝ երկու հարիւր յիսուն ֆրանք ունիս։

— Բայց փոքր պարտք մը ունինք այս պանդոկին։

— Երեսուն ֆրանք միայն, բայց իմ հարիւր յիսուն ֆրանքէս պիտի վճարեմ։ Եւ օրովհեան իմ ճամբորդու-

թեանս համար ճիշտ ութսուն ֆրանք պէտք է, կը տեսնես որ բաւականէն շատ աւելի ունիմ։ Բայց ասով չի լմնար, ասոր ի՞նչ պիտի ըսես, մայր իմ։

Ու Ալպէր ոսկի չարմանդով փոքր պահարանի մը մէջէն հաղար ֆրանքնոց պանքտոմս մը հանեց։ Այս պահարանը իր հին քմահաճոյքներուն մնացորդն էր և կամ գուցէ սիրուն յիշատակ մը այն գաղտնի եւ քողարկուած կիներէն մէկուն, որոնք իր տան փոքր դուռը կը զարնէին։

— Ի՞նչ է ատ, հարցուց Մերսէտէս։

— Հաղար ֆրանք, մայր իմ։

— Բայց ո՞ւրիէ ստացար այդ հաղար ֆրանքը։

— Մարիկ ըրէ, մայր իմ, եւ իրար մի՛ անցնիր։

Ու Ալպէր ոտքի ելլելով, գնաց իր մօրը երկու այտերը համբուրեց, յետոյ անօր առջեւ կեցաւ եւ երեսը նայցաւ։

— Զես կրնար երեւակայել, մայր իմ, թէ ո՞րչափ քաղցր կ'երեւիս ինծի, ըսաւ երիտասարդը որդիական սիրոյ խորին զգացումով մը, ստուգիւ դուն իմ տեսած կիներուս մէջ ամէնէն գեղեցիկը եւ ամէնէն ագնիւն ես։

— Սիրելի զաւակս, ըսաւ Մերսէտէս՝ ջանալով իր արտեւանունքին անկիւնը ծայր տուած արտասուքը զսպե։

— Ստուգիւ, իմ սէրս կրկնապատկելու համար դուն դժբախտ եղար։

— Ես դժբախտ չեմ ո՞րչափ ատեն որ զաւակս քովսէ, ըսաւ Մերսէտէս։ Երբեք դժբախտ պիտի չըլլամ ո՞րչափ ատեն որ քովէս չըաժնուի։

— Ո՞հ, խնդիրը ճիշտ հոդ է, մայր իմ, որոշումնիս գիտես։

— Բայց որոշում մը տուինք մենք, հարցուց Մերսէտէս։

— Այսո՛, որոշեցինք որ դուն Մարսիլիա բնակիս, իսկ ես Ավրիկէ անցնիմ, ուր ձգած անունիս տեղ ընդունած անունս պիտի հոչակեմ։

Մերսէտէս հասաչ մը արձակեց։

— Այսո՛, մայր իմ, երէկուընէ հեծելազօրքի գունդին մէջ մտայ, աւելցուց երիտասարդը, ամօթէն աչքերը խո-

նարհեցնելով, որովհետեւ ինքն ալ չէր գիտեր որ իր նը-
ւաստութիւնը ի՞նչ վսեմութիւն մը կը պարօւնակէր իր
մէջ։ Մայր իմ, կարծեցի թէ մարմինս իմս է եւ ես կըր-
նայի ծախսել զայն։ ուստի, յարեց Ալպէր ջանալով ժապակի,
կարծածէս աւելի սուղ ծախսեցի ինքպինքս, այսինքն եր-
կու հազար Փրանքի։

— Ուրեմն այդ հազար Փրանքը, ըստ Մեծսէտէս
սարսուալով։

— Գումարին կէսն է, մայր իմ, մնացեալը տարիէ
մը պիտի ընդունիմ։

Մերսէտէս աննկարագրելի զգացումով մը աչքերը
դէպի երկինք բարձրացուց եւ իր արտեւանունքներուն
անկիւնը զսպուած երկու կաթիլները ներքին յուզումէն
յորդելով՝ այտերէն վար գլորեցան լոիկ։

— Իր արեան գինը, մըմնջեց մայրը։

— Այս', եթէ սպաննուիմ, ըստ Մորսէրփ ծիծաղե-
լով, բայց ընդհակառակը կ'ապահովցնեմ քեզ, սիրելի մայր
իմ, որ իմ անձս ամենայն զգուշութեամբ պիտի պահպա-
նիմ։ Ապրելու համար հիմակուան ունեցածէս աւելի մեծ
փափաք մը ունեցած չեմ երեք։

— Ասառած իմ, Ասառած իմ, գոչեց Մերսէտէս։

— Բայց ինչու պիտի սպաննուիմ, մայր իմ։ Միթէ
կամորիսիէր, հարաւային այն միւս նէյը սպաննուեցա՞ւ։
Միթէ Շանկարնիէ սպաննուեցա՞ւ։ Միթէ Պըտօ սպաննուե-
ցա՞ւ։ Միթէ Մորէլ, զոր մենք կը ճանչնանք, սպաննուե-
ցա՞ւ։ Անգամ մը խորհէ, մայր իմ, ո'րչափ պիտի ուրա-
խանաս, երբ բանուած համազգեստով գալս տեսնես։ Սառու-
գիւ, խիստ փայլուն պիտի երեւիմ եւ ես այդ գունդին
մէջ մանել ուզեցի պճնասիրութեամբ։

Մերսէտէս հառաչանք մը հանեց, բայց միեւնայն ա-
տեն ջանաց ժապակի։ Այդ սուրբ մայրը լաւ կը հասկնար,
և զոհողութեան բոլոր բեռը իր զաւկին վրայ ձգելը ան-
հանդուրժելի կը թուէր իրեն։

— Կը տեսնես, մայր իմ, յարեց Ալպէր, ահա քեզի
համար չորս հազար Փրանք ապահովուած է։ Այդ չորս հա-
զար Փրանքով երկու տարի կրնաս ապրիլ։

— Կը կարծե՞ս, ըստ Մերսէտէս։

Այդ խօսքերը կոմսուհիին բերնէն փախան և այնպի-
սի զառն ձեւով մը արտայայտուեցան, որ Ալպէր անոնց
բուն միտքը լաւ հասկցաւ։ Զգաց որ սիրտը կը մորմոքի և
մօրը ձեռքը բռնելով, զոր կուրծքին վրայ խանդաղատօրէն
սեղմեց, ըստ։

— Այո՛, մայր իմ, պիտի ապրիս։

— Պիտի ապրի՛մ, գոչեց Մերսէտէս, բայց դուն ալ
պիտի չմեկնիս, այնպէս չէ՞, զաւակս։

— Մայր իմ, պիտի մեկնիմ, ըստ Ալպէր հանդարտ և
հաստատ ձայնով։ Զիս չատ սիրելուդ համար չեմ կարծեր
որ անկործ և անպէտ մնալս ուզես, մանաւանդ որ ես ստո-
րագրութիւն ալ տուած եմ։

— Շատ լաւ, դուն ուզածդ ըրէ, զաւակս, ես ալ Աս-
տուծոյ ուզածը պիտի ընեմ։

— Իմ ուզածս չէ, մայր իմ, այլ բանականութեան և
հարկին պահանջածը։ Երկուքս ալ յուսահատ արարածներ
ենք, այնպէս չէ՞։ Կեանքը ի՞նչ է այսօր քեզի համար։ ո-
չինչ ի՞նչ է ինծի համար, ո՞ն, առանց քեզի ոչինչ, մայր
իմ, հաւատա՛ ինծի։ Առանց քեզի կ'երդնում որ իմ կեանքս
պիտի դադրէր, Հօրս պատույն վրայ կասկածներ ունեցայ
և անոր անունը ուրացայ։ Վերջապէս հիմա կ'ապրիմ։ Եթէ
կը խոստանաս որ տակաւին յուսամ, եթէ սպագայիդ հոգը
ինծի կը թողուս, իմ ոյժս կրկնապատկած կ'ըլլաս։ Այն ա-
տեն ես ալ կ'երթամ Ալճէրիսայի կառավարիչը կը գտնեմ,
որ արդարադատ մարդ մըն է և մանաւանդ ճշմարիտ զին-
ուոր մը, իմ աղետալի պատմութիւնս կ'ընեմ, կ'աղալիս որ
մերթ աչքը իմ վրաս դարձնէ, և եթէ իր խոստումը յար-
գէ, եթէ ըրած գործերս տեսնէ, վեց ամիս չանցած, կա՛մ
պաշտօնատար կ'ըլլամ և կամ կը մեռնիմ։ Եթէ պաշտօնա-
տար ըլլամ, քու բախտդ ապահովուած է, մայր իմ, որով-
հետեւ այն ատեն քեզի և ինծի համար դրամ պիտի ունե-
նամ։ Ասկէ զատ։ նոր անուն մը պիտի կրենք, որով եր-
կուքս ալ պիտի պարծինք, որովհետեւ քու բռն անունդ
պիտի ըլլայ ան։ Խոկ եթէ սպաննուիմ... այն ատեն, սի-
րելի մայր իմ, դուն ալ մեռիր, եթէ կ'ուզես, և այն ա-

տեն մեր թշուառութիւնները ծայրագոյն կէտին հասնելով, վերջ պիտի գտնեն:

— Ծատ լաւ, պատասխանեց Մերսէտէս քաղցր և պերճախօս նայուածքով մը, իրաւունք ունիս, զաւակս, մեզ դիտող և մեր գործերը լրտեսող քանի մը անձերու փորձով ցուցնենք, որ գոնէ գթութեան արժանի ենք:

— Բայց այդպիսի տխուր գաղաքարները հեռացուր մտքէդ, սիրելի մայր իմ, գոչեց երիտասարդը, կ'երդնում որ խիստ երջանիկ ենք կամ գոնէ կրնանք ըլլալ, Դուն խելացի և Աստուծոյ կամքին հնազանդող կին մըն ես, ես ալ կը յուսամ որ հաճոյքներս և կիրքերս պիտի զսպեմ, Պաշտօնի անցնելուս պէս՝ պիտի հարստանամ, Դուն ալ պ. Տանթէսին առւնը մտնելուդ պէս պիտի հարստանաս: Փորձենք, կ'աղաչեմ, մայր իմ, փորձենք:

— Այս, փորձենք, զաւակս, որովհետեւ դուն պէտք է ապրիս և երջանիկ ըլլաս, պատասխանեց Մերսէտէս:

— Ուրեմն մեր որոշումը տալէն յետոյ, աւելցուց երիտասարդը սրտի մեծ հանդարտութիւն մը կեղծելով, այսօր կրնանք մեկնիլ, ինչպէս ըսի, կառքդ բռնած եմ:

— Բայց դո՞ւն, զաւակս:

— Տակաւին երկու երեք օր հոս մնալու եմ, մայր իմ, իրարմէ բաժնուելու սկզբնաւորութիւն մըն է ասիկա և մենք այս բանին վարժուելու պէտք ունինք: Քանի մը յանձնարարականներ և Ափրիկէի վրայ տեղեկութիւններ պիտի ստանամ, Մարսիլիոյ մէջ զիրար կը դանենք:

— Ծատ լաւ, թող այնպէս ըլլայ: Մեկնինք ուրեմն, ըսաւ Մերսէտէս, իր հետաք բերած միակ ցփսին վրան առնելով, որ Քաշմիրի թանկագին սե ցփսի մըն էր:

Ալպէր իր թուղթերը ժողվեց շուտով մը, զանգակը հնչցուց, պանդոկապետին ունեցած երեսուն ֆրանք պարաքը վճարեց և իր թեւը մօրը երկարելով, սանդուխէն վարիջաւ:

Իրենց առջեւէն մէկը կ'իջնէր: Այդ անձը մետաքսէ ըրջազգեստի մը շրջիւնը լսելով՝ ետին դարձաւ:

— Տըպրէ՛, մընջեց Ալպէր:

— Դո՞ւք էք, Մորսէրփ, պատասխանեց նախարարին

քարտուղարը, սանդուխին աստիճանին վրայ կենալով:

Տըպրէին հետաքրքրութիւնը անծանօթ մնալու փափաքին յաղթեց, Ժանաւանդ որ արդէն ճանչցուած էր:

Մտուգիւ, զարմացած կ'երեւէր այդ պանդօկին մէջ Մորսէրփը տեսնելուն, որուն դժբախտութիւնը փարիզի մէջ այնչափ մեծ աղմուկ հանած էր:

— Մորսէրփ, յարեց Տըպրէ:

Բայց կէս մթութեան մէջ տիկին աղ Մորսէրփի թարժագեղ մարմնոյն ձեւը և անօր սե քօղը տեսնելով, Ժպտագին յարեց:

— Ո՛հ, ներեցէք, ձեզ առանձին կարծեցի, Ալպէր:

Ալպէր հասկցաւ Տըպրէի միտքը:

— Մայր իմ, ըսաւ Մերսէտէսին դառնալով, ներքին գործոց նախարարին քարտուղար պ. Տըպրէն իմ նախկին բարեկամո է:

— Ինչո՞ւ նախկին բարեկամիդ կ'անուանէք զիս, ըսաւ Տըպրէ կակաղելով, ի՞նչ ըսել կ'ուզէք:

— Պ. Տըպրէ, այսուհետեւ բարեկամ չունիմ և պիտի չունենամ ալ: Շնորհակալ եմ, որ բարեհաճեցաք ճանչնալ զիս, պարոն:

Տըպրէ երկու աստիճան վեր ելաւ և իր խօսակցին ձեռքը թօթվեց աշխուժօրէն:

— Սիրելի Ալպէր, ըսաւ Տըպրէ աշխուժօրէն, հաւատացէք որ ձեր դժբախտութեան մեծապէս վշտակից եմ և ամէն բանի մէջ ձեզի հաճելի ըլլալու պատրաստ եմ:

— Շնորհակալ եմ, պարոն, ըսաւ Ալպէր ժպտագին: Մեր այդ դժբախտութեան մէջ բաւական հարուստ ըլլալով, ուրիշի օգնութիւնը խնդրելու պէտք չունինք: Փարիզէն մեկնինք և մեր ճամբորգութեան ծախքը վճարեւէն յետոյ՝ հինգ հազար ֆրանք կը մնայ քովիրնիս:

Տըպրէի գէմքը կարմրեցաւ, որովհետեւ կը մտածէր որ իր գրանին մէջ մէկ միլիոն ֆրանք ունէր: Քիչ մը առաջ նոյն տան մէջ երկու կիներ կը գտնուէին, որոնց մէկը իրաւացիօրէն անպատճառած առ կէս միլիոն միլիոն ֆրանքով աղբաւ կը մեկնէր, և միւսը անարժանաբար ֆրանքով աղբաւ կը մեկնէր, բայց իր դժբախտութեան դժբախտութեան մէջ ինկած էր, բայց իր դժբախտութեան

մէջ վսիմ, հարուստ կը գտնուէր քիչ մը դրամով։
Այս համեմատութիւնը շփոթութեան մատնեց իր քաղաքավարական խօսքնը, օրինակին փիլիսոփայութիւնը իր սիրտը ձնշեց։ Քաղաքավարական քանի մը հասարակ խօսքնը կակազեց և վար իջաւ շուտով։

Պաշտօնատան մէջ իր հրամանին տակ զանաւող գրադիրները այն օրը Տըպրէի տխուր դէմքէն ազդուեցան։

Բայց նոյն իրիկունը՝ Մատըլէնի ծառուղիին վրայ, խիստ գեղեցիկ տան մը տէր եղած էր, որ յիսուն հազար Փրանք եկամուտ կը բերէր։

Հետեւեալ օրը, Տըպրէին պայմանագրութիւնը ստորագրած պահուն, այսինքն իրիկուտն ժամը հինգին, աիկին տը Մորսէրֆ իր զաւկին հետ գորովանքով համբուրուելէն յիտոյ, սուրհանդակի մասնակառքը կը հնձնէր, ուրուն դուռը իր վրայ փակուեցաւ։

Լաֆիթի տան բակին մէջ, բոլոր գրասենեակներուն վրայ եղած կամարածե պատուհաններէն մէկուն ետին մարդ մը պահուըտած էր, որ տեսաւ Մերսէտէսի կատք մտնելը ու ճամբայ ելլելը և Ալգէրի հեռանալը։

Այն ատեն այդ մարդը, ձեռքը իր կնճոռոտ ճակատին առանելով, ըստւ։

— Ա. Փօս'ս. արդեօք ի՞նչպէս պիտի կարենամ այդ երկու անմեղներուն երջանկութիւնը վերադարձնել օրմէ զրկեցի զանոնք։ Աստուած կ'օգնէ ինձի։

Է. ԳԼՈՒԽ

ԱՌԻՒԹՆԵՐՈՒ ՓՈՍՔ

Ֆօրս կոչուած բանտին այն մասը, որ ամէնէն վնասակար և վտանգաւոր բանտարկեալները կը պարունակէր, Սէն Պէրնարի բակը կը կոչուի։

Բանտարկեալները իրենց կորովի լեզուովը Սորիծներու Փօսը կը կոչէին զայն՝ հաւանաբար այն տեղի կալանաւորները այնպիսի ակռաներ ունենալնուն համար, ուրոնցմով յաճախ երկաթէ վանդակները և երբեմն բանտա-

պահները կը խածնէին։ Բանտի մէջ բանտ մըն էր ան, Պատերը միւս բանտերու պատին կրկին հաստութիւնը ունէին։

Ամէն օր, բանտապահ մը միաձոյլ վանդակները զգուշութեամբ աչքէ կ'անցընէր։ Այդ բանտապահներուն հերքիւլեան հասակը, պաղ և շհշակի նայուածքը կը ցուցնէին որ բանտարկեալներուն երկիւղ պատճառելու և իշրենց խելացիութեամբը անոնց վրայ տիրելու համար ընտրուած էին։

Այդ մասին բակը բարձր պատերով շրջապատուած էր, որոնց վրայէն արեւը կողմանկի կ'իջնէր, երբ բարոյական և ֆիզիքական գարշութեանց այդ անդունդին մէջ թափանցել արժան դատէր։

Այդ բակին քարայատակին վրայ առաւուընէ մինչեւ իրիկուն՝ թախծագին, վայրենադէմ և ստուերի պէս գունատած կը թափանէին այն մարդերը, որոնք ոստիկանութիւնը տապարին տակ խոնարհեցուցած կը պահէ և որոնց համար միշտ կը սրէ զայն։

Այբողջ պատին երկայնքը ոյանք կը կոթնէին և ուրիշներ կծկած կը նստէին, որովհետեւ պատը ամէնէն տեղի տաք բոնող կողմն էր։

Երկ երկու հոգի կ'ըլլային և իրարու հետ կը խօսակցէին շատ անգամ առանձնակի, աչքերնին անդադար դէպի դուռը յառած, որ երբեմն կը բացուէր այդ տխուրընակարանէն յէկը կանչելու և կամ ընկերութեանց հալոցէն մերժուած նոր աղտեղութիւն մը այն վիճին մէջ փսխելու համար։

Սէն Պէրնարի բակը իր մասնաւոր խօսարանը ունի երկար քառակուսի տեղ մըն էր ան, երկու վանդակապատներով երկու մասի բաժնուած, որոնք իրարմէ երեք սաք հեռաւորութիւն ունէին, որպէսզի այցելուն չըկարենայ բանտարկեալին ձեռքը բոնել, կամ անոր բան մը տալ։

Այդ խօսարանը մութ, խօնաւ և ամէն կերպավ սոսակալի էր, մանաւանդ երբ մտածենք այն վանդակներուն յէջէն կատարուած մտերմական սարսափելի խօսակցու-

թեանց վրայ, որոնք վանդակներուն երկաթը ժանգօտած են։
Սակայն, այդ աեղը որչափ ալ ահոնի ըլլար, բան-
տին արքայութիւնն էր, ուր օրերնին համրուած մարդիկ
իրենց սպասած և փափաքած անձերը տիսնելու հաճոյքը
կ'ունենան։

Առիւծներու Փասէն ելլողը գրեթէ միշտ կա՛մ Աէն Ժա-
գի արգելարանը պիտի երթար, կա՛մ թիարանը և կամ ա-
ռանձին բանտ մը։

Այդ բակին մէջ, որուն նկարագրութիւնը ըրինք և
որուն պատերէն ցուրտ խոնաւութիւն մը կը ծորէր, երի-
տասարդ մը կը պողաէր՝ ձեռքերը զգեստին գրպանը դրած,
Փասին բնակիչները հետաքրքրութեամբ կը դիտէին զայն։

Իր զգեստներուն ձեւէն կրնար ազնուական մը կար-
ծուիլ, եթէ այդ զգեստները պատուած չըլլային, սակայն
մաշած չէին անոնք։ Նոր մնացած մասներուն ասուին ըն-
տիր և մնատաքսի պէս կակուղ ըլլալուն, դիւրութեամբ կը
ստանար իր փայլունութիւնը, որովհետեւ բանտարկեալը
իր փաղաքուշ ձեռքովը կը ջանար նոր երեւցնել զգեստը։

Նոյն զգուշութիւնը ի գործ կը դնէր իր բարակ կտա-
ւէ շապիկը գոցելու համար, որուն գոյնը բոլորովին փոխ-
ուած էր իր բանտ մտնելէն ի վեր և իր ներկուած կօ-
շիկները թաշկինակի մը ծայրովը կը մաքրէր, որուն վը-
րայ զինանշանի թագի մը տակ անունին սկզբնական նը-
շանագրերը բանուած էին։

Առիւծներու Փասին մէկ քանին մասնաւոր ուշա-
գրութեամբ մը կը դիտէին բանտարկեալին ընտիր զգեստ-
ները։

— Ահա իշխան մը, որ ինքինքը գեղեցիկ ցուցնել
կ'ուզէ, ըսաւ գողերէն մէկը։

— Ստուգիւ խիստ գեղեցիկ է, ըսաւ ուրիշ մը, և ե-
թէ սանտար մը և մազի իւղ ունենար, բոլոր սպիտակ ձեռ-
նոցներ կրօղ պարաները պիտի գերազանցէր։

— Իր զգեստները անշուշտ խիստ նոր պիտի ըլլային
և կօշիկները՝ աղուոր, Քիչ պատիւ չէ մեզի, որ մեր մէջը
այսպիսի վայելուշ ընկեր մը ունենանք, ի՞նչպէս անօրէն
մարդիկ են սա անզգամ ոստիկան զինուօրները։ Նախան-
ձուտ մարդիկ, այսպիսի զգեստները կը պատահու։

— Կ'երեւի թէ համբաւաւոր մէկն է, ըսաւ ուրիշ մը։
Ամէն տիսակ գործ ըրեր է, և մէ՛ծ գործեր։ Այս տարի-
քին մէջ, ո՛հ մեծ բան ըսել է։

Եւ այդ սոսկումով խառն զարմանքի առարկայ եղող
անձը կարծես թէ հաճաւթեամբ կ'ընդունէր այն գովեստ-
ները կամ գովեստներու երեւոյթը, որովհեակ անսնց խոս-
քերը չէր լսեր։

Երիւասարդը իր վրան գլուխը շտկելէն յեասյ, զիս-
նետան գոնակին մօտեցաւ, որուն գոնապան մը կոթնած էր։

— Օ՛ն, պարսն, ըսաւ անոր, քսան ֆրանք փոխ
տուր ինծի և ես քիչ ատենէն կը հատուցանեմ քեզի, Եր-
բեք մի՛ վախնար ինձմէ։ Մտածէ որ ես այնպիսի ծնող մը
ունիմ, որ քու ունեցած դրամներուդ չափ միլիոններ ու-
նին... Օ՛ն, քսան ֆրանք միայն, կ'աղաչեմ, որպէսզի
կարենամ մասնաւոր սենեակ մը ունենալ հօս և խցագեստ
մը գնել։ Այս զգեստներովս և կօշիկներովս շատ կը նեղ-
ուիմ, ի՞նչ զգեստ է աս, պարսն, Գավալգանթի իշխանի
մը համար։

Բանտապահը իր կռնակը գարձուց և ուսերը ցնցեց։
Ծիծաղեցաւ իսկ անոր այն խօսքերուն վրայ, որոնք ամէն
մարդու զուարձութիւն կրնային պատճառել։ Այդ մարդը
այդ տիսակ և կամ նմանօրինակ շատ խօսքեր լսած էր։

— Անգութ մարդ մըն ես եղեր զուն, ըսաւ Անտրէա,
կեցիր, քու պաշտօնէդ ձգել կու տամ քեզ։

Այս խօսքին վրայ, բանտապահը գլուխը գարձուց և
այս անգամ բարձրածայն քրքիչ մը արձակեց։

Այն տիսն միւս բանտարկեալները անոր մօտեցան և
շուրջը խմբուեցան։

— Կը լսի՞ս, այս փոքր գումարով զգեստ մը և սեն-
եակ մը պիտի հոգամ, կ'ըսեմ, շարունակեց Անտրէա, որ-
պէսզի կարենամ վայելուչ կերպով ընդունիլ այն այցելուն,
որուն ժամէ ժամ կը սպասիմ։

— Իրաւունք ունի, իրաւունք ունի, ըսին բանտար-
կեալները... Յայտնապէս կը անսնուի որ հաստրակ մարդ-
մը չէ ան։

— Ուրեմն քսան ֆրանքը գուք փոխ տուէք անոր,

Ըստ բանտապահը, իր միւս ուսին կոթնելով։ Միթէ ձեր պարտքը չէ ընկերի մը օգնել։

— Ես այդ մարդոց ընկերը չեմ, ըստ երիտասարդը հպարտութեամբ։ Մի՛ նախատեր զիս, որովհետեւ իշխանութիւն չունիս։

Թողերը մրմունջներով իրարու երես նայեցան և բանտապահէն ու մանաւանդ Անտրէայի խօսքերէն զրգութած, փոթորիկ մը որոտաց աղնուտապետական բանտարկեալին վրայ։

Բանտապահը, փոթորկին աղմկալի կոհակներ հանած ատեն, զանոնք հանդարտեցնելու մասին ապահով ըլլալով, թողուց զանոնք որ անտեղիօրէն կոիւ փնտռողին վրայ խրոխտան և իր առօրեայ երկար պահպանութեանը միջացին զբունելու առիթ մը ներկայացնեն իրեն։

Արդէն գողերը Անտրէայի մօտեցած էին և ոմանք կ'ըսէին։ «Մուճակախա՛զը, մուճակախաղը սկսինք»։

Անխնայ ծեծ մըն էր այս, որ ոչ թէ մուճակներով, այլ մուճակներու երկաթագամ ներբաններով ի գործ կը դրուէր, այդ պարոններուն անհաճոյ եղող ընկերին վրայ։

Ոմանք օճածուկին խաղը կ'առաջարկէին։ Աս ալ ուրիշ տեսակ զօսանքի խ ող մըն էր։ Աւազ, խիճ և խօշոր դրամներ (եթէ ունենային) գալարուած թաշկինակի մը մէջ լեցնելով, իրենց թշնամիին ուսերուն և գլխին վրայ հարուածներ կը տեղացնէին անով։

— Մարակենք մեր գեղեցիկ պարոնը, մեր պարկեատ պարոնը, ըսին ուրիշներ։

Բայց Անտրէա դէպի անոնց դարձաւը իր աչքերը թարթափեց, լեզուավը իր այտերը ուռեցուց և շրթունքները այնպէս կարկափեց, որ այդ նշաններով շատ բաներ ըսել կ'ուզէր աւազակներուն։

Այդ գաղտնի նշանները Քատրուս սորվեցուցած էր իրեն։

Աւազակները Անտրէային իրենցմէ ըլլալը ճանշցան։ Խսոյն բարձրացուած թաշկինակները իջեցուցին և երկաթագամ մուճակը գլխաւոր դահճին ստքն անցաւ։

Այն ատեն քանի մը ձայներ լսելի եղան, որոնք կ'ի-

մացնէին թէ պարոնը իրաւունք ունէր, թէ կրնար պարկելու յարդ մը ըլլալ և թէ բանտարկեալները կ'ուզէին խղճի ազատութեան օրինակը տալ։

Ասոր վրայ՝ բազմութիւնը ետ քաշուեցաւ։ Բայց բանտապահը այնքան զարմացած մնաց, որ խսոյն Անտրէային ձեռքէն բռնեց և սկսաւ անոր վրան խուզարկել, Առիւծներու Փոսին բնակիչներու այդ յանկարծական փոփոխութիւնը կախարդանքէ աւելի նշանակալից յայտնութեան մը վերագրելով։

Անտրէա ձգեց որ բանտապահը իր վրան խուզարկէ, թէև անոր դէմ բողոքեց։

Յանկարծ ձայն մը լսուեցաւ դռնակէն։

— Պէնէտէթթօ՛, կը գոչէր տեսաւչը։

Բանտապահը թողուց զայն։

— Զիս կը կանչին, ըսաւ Անտրէա։

— Խօսարանը հկուր, ըսաւ ձայնը։

— Կը տեսնէ՛ք, այցելութեան եկան ինծի։ Ո՛հ, սիրելի պարոն, հիմա կը տեսնէք թէ ներելի՞ է հասարակ մարդու մը պէս վարուիլ Գավալգանթիի հետ։

Գավալգանթի սե ստուերի մը պէս բակին մէջէն սողոսկելով, կիսարաց դռնակէն դուրս ցատկեց, իր ընկերները ու նոյնինքն բանտապահը զարմանքի մէջ թողլով։

Ստուզիւ, խօսարանէն կը կանչէին զինքը։ Անտրէա իսկ նստագ զարմանքի մէջ չէր գտնուեր։ Խօրամանկ երիտասարդը այդ բանը մանելէն ի վեր փոխանակ գիրեր սւզզելու, իր գործը հետապնդել տալու համար, ինչպէս կ'ընեն հասարակ մարդիկ, կատարելապէս ստոյիկեան լըոսութիւն մը պահած էր։

— Յայտնապէս զօրաւոր անձ մը անշուշտ կը պաշտպանէ զիս, կ'ըսէր իւրովի։ Անյուսաւլի հարստութիւնս, այն դիւրութիւնը որով ամէն դժուարութեանց յաղթեցի, անակնկալ ընտանիք մը, սաացած երեւելի անունս, անձրեւի նման գրպանս թափած սոկին, փառասիրութեանս խսուտացուած խիստ փայլուն խնամութիւնները։ Վերջապէս ամէն բան յայտնի կը ցուցնէ, Հարստութեանս վայրկեամբ մուացումը և պաշտպանիս բացտկայութիւնը կանական մուացումը։

բատեան մատնեցին զիս, այո՛, բայց ոչ բոլորովին և ոչ այ մշտնջենապէս։ Զիս պաշտպանող ձեռքը վայրկեան մը ինձա մէ հեռացաւ, բայց ինքզինքս անդունդին մէջ իյնալու պատրաստ կարծած ատենս՝ այդ ձեռքը նորէն ինծի պիտի երկննայ և զիս պիտի բռնէ։ ինչո՞ւ ուրեմն անխօնեմութեամբ վատնգի մատնեմ ինքզինքս, գուցէ իմ պաշտպանս ալ նեղացնեմ։ Զիս ազատելու համար երկու միջոց ունի։ Մէկը՝ ոսկիի գնով կրնայ փախուստս ձեռք բերել, իսկ միւսը՝ դատաւորներու ձեռքը սեղմել իմ արձակումտ ընդունելու համար։ Ուրեմն, խօսելէ եւ գործելէ առաջ՝ ըսպասենք։ Երբ յայտնի տեսնեմ որ բոլորովին երեսէ ձգուած եմ, այն ատեն...

Անտրէա ընելիքը որոշած էր և անոր յաջողութեան վրայ տարակոյս չունէր։ Թշուառականը յարձակելու ատեն աներկեւղ էր և ինքզինքս պաշտպանելու միջոցին՝ անյաղթելի։

Բանտին թշուառութեանը եւ ամէն տեսակ զրկանքներուն համբերած էր։ Սակայն կամաց կամաց բնականը, կամ թէ ըսենք, սովորութիւնը յաղթած էր համբերութեանը։

Անտրէա իր մերկութեանը, աղտեղութեանը եւ անօթութեանը համար կը նեղուէր ու ժամանակը երկար կը թուէր իրեն։

Այդ ձանձրոյթի ժամուն էր որ տեսչին ձայնը խօսարան կը կօչէր զինքը։

Անտրէայի սիրաը ուրախութենէն խայտաց։ Արդեօք ի՞նչ բանի համար կը կանչէին զինքը։ Հարցաքննիչ դատաւորին այցելութեան համար շատ կանուխ էր, իսկ բանտին կառավարչին կամ բժշկին կողմէ կանչուելու համար՝ շատ ուշ։ Ուրեմն իր սպասած այցելութիւնն էր ան։

Խօսարանին վանդակապատին ետին, անյագ հետաքրքրութեամբ պ. Պէրթուչիոյի թուխ եւ հանճարեղ դէմքը տեսաւ, որ վշտագին զարմանքով մը կը դիտէր երկաթ վանդակները, կղպուած դոները և վանդակապատին ստին շարժող ստուերը։

— Ո՛հ, գոչեց Անտրէա սիրտը շարժած։

— Բարի լո՛յս, Պէնէտէթթօ, ըսաւ Պէրթուչիօ իր խորունկ և հնչուն ձայնովը։

— Դո՞ւն ես, ըսաւ երիտասարդը իր շուրջը զիտելով սարսափահար։

— Զիս ճանչցա՞ր, թշուառական տղայ, ըսաւ Պէրթուչիօ։

— Կոէ՛, լոէ՛, ըսաւ Անտրէա, որ այդ պատերուն սուր լսողաւթիւնը կը ճանչնար։ Այդչափ բարձր մի՛ խօսիր։

— Անշուշտ առանձին խօսիլ կ'ուզէիր ինծի հետ, այնպէս չէ՞։

— Ո՛հ, այո՛, ըսաւ Անտրէա։

— Շա՛տ լաւ։

Եւ Պէրթուչիօ գրպանէն թուղթ մը հանելով, դռնակին ապակիին ետին երեւցած պահապանին նշան մը ըրաւ։

— Կարդա՛, ըսաւ։

— Ի՞նչ է ատ, ըսաւ Անտրէա։

— Քեզ սենեակ մը տանելու, հոն տեղաւորելու և քեզ հետ աղատ տեսնուելու հրամանը։

— Ո՛հ, գոչեց Անտրէա ուրախութենէն ցատկուելով։ Բայց շուտով ինքզինքս գալով, իւրովի ըսաւ։

— Դարձեալ անծանօթ պաշտպանս է, որ զիս չէ մոռցած։ Գաղտնիքը կ'ուզէ իմանալ, որովհետև Պէրթուչիօ ինծի հետ առանձին սենեակի մը մէջ խօսիլ կ'ուզէ։ Բայց իմ գաղտնիքս ես գիտեմ։ Իմ պաշտպանս ղրկած է Պէրթուչիօն։

Բանտապահը քիչ մը ատեն իր պետերէն մէկուն հետ խորհրդակցելէ յետոյ, վանդակապատ երկու դռները բացաւ և առաջին յարկը՝ բակին վրայ նայող սենեակ մը տարաւ Անտրէան, որ ուրախութենէն ինքզինքսն ելած էր։

Ինչպէս բանտաբուն մէջ կ'ըլլայ, սենեակը կիրով ծեփուած էր և անոր զուարթ տեսքը բանտարկեալին հածելի երեւցաւ, կրակարան մը, անկողին մը, աթոռ մը, սեղան մը՝ սենեակին կարասիները կը կազմէին։

Պէրթուչիօ աթոռին վրայ նստեցաւ և Անտրէա անկողին վրայ նետաւեցաւ, իսկ բանտապահը զանոնք հոն թողլով հեռացաւ։

— Օ՞ն, ըսաւ գործակատարը, ըսելիք բան մը ունի՞ս
 — Իսկ դո՞ւն, հարցուց Անտրէա:
 — Առաջ դուն խօսէ...
 — Ո՞հ, ո՞չ, ինծի հաղորդելիք շատ լուրեր ունենաւ լու ես, որովհատե դուն եկար զիս գտար:
 — Շատ լաւ, ես կը խօսիմ: Անառակութիւններդ շարունակեցիր, գողութիւն ըրիր և յարդ սպաննեցիր:
 — Աղէկ, ըսաւ Անտրէա, եթէ այդ խօսքերը ըսելու համար զիս մասնաւոր սենեակ մը բերել տուիր, աւելի լաւ կ'ըլլար որ այդ նեղութիւնը չկրէիր: Բոլոր ըսածներդ գիտեմ, ասոր հակառակ, ուրիշ շատ բաներ կան, զոր ես չեմ գիտեր: Զգիտցած բաներուա վրայ խօսինք, եթէ կը հաճիս: Ո՞վ քեզ հոս զրկեց:
 — Ոհօ՛, ո՞րքան կ'աճապարես, պ. Պէնէտէթթօ:
 — Եիտակ է, և ես ճիշտ նպատակին դիմեցիր: Անօգուտ խօսքեր չընենք, ո՞վ հոս զրկեց քեզ:
 — Եւ ոչ մէկը:
 — Ո՞ւրկից գիտես որ ես բանան եմ:
 — Շատոնց քեզ ճանչցած եմ: Նորաձեւութիւն սիրող յանդուգն անձի մը պէս՝ Շանդ էլիզէի մէջ վայելչօրէն ձի կը հեծնէիր:
 — Շանդ էլիզէ կ'ըսիս... ա՛հ, ուրիմն հօրս վրայ խօսինք քիչ մը:
 — Ուրիմն ո՞վ եմ ես:
 — Դուն իմ հոգեւոր հայրս ես, ո՞վ իմ ազնիւ պարոնս... Բայց դուն չես կարծեմ այն անձը, որ հարիւր հազարի չափ ֆրանք իմ քմահաճոյքիս համար յանձնեց, զորս չօրս կամ հինգ ամսուան մէջ մսխեցի, իտալացի և ազնուական հայր մը գտաւ ինձի, ընկերութեանց մէջ մտցուց զիս և Օթէօյլ այնպիսի ճաշի մը հրաւիրեց, որ Փարիզի ամէնէն երեւելի անձերուն և ընդհ. դատախաղին հետ սեղանակից եղայ, որուն հետ չբարեկամանալուս չարաշար կը ցաւիմ, որովհատե այս միջոցիս կրնար ինձի օգտակար ըլլալ: Վերջապէս դուն չես այն անձը, որ մէկ կամ երկու միլիոնի համար երաշխաւոր պիտի ըլլար ինս

ծի: երբ աղետալի դիպուածը պատահեցաւ... Օ՞ն, խօսէ՛. պատուելի Գորսիքաթի, խօսէ՛...
 — Ի՞նչ կ'ուզես որ ըսեմ:
 — Ես ալ քեզի կ'օգնեմ: Քիչ մը առաջ Շանդ էլիզէի խօսքը կ'ընէիր, ո՞վ իմ արժանաւոր հայրս:
 — Ի՞նչ կ'ելլէ Շանդ էլիզէի խօսքը ընելէն:
 — Շանդ էլիզէի մէջ խիստ հարուստ մարդ մը կը բնակի:
 — Որուն տունը կողոպտելու մտար և մարդ մեռնուցիր, այնպէս չէ՞:
 — Կարծեմ թէ այս':
 — Մօնթէ-Թրիսթօ կո՞մոր:
 — Դուն տուիր անոր անունը, ինչպէս կ'ըսէ պարոն Ռասին... Հոէ՛, անոր գիրկը նետուիմ և զայն որտիս վրայ սեղմելով գոչեմ: «Հա՛յր իմ, հա՛յր իմ», ինչպէս կ'ըսէ պ. Թիքսէրէուր:
 — Կատակը մէկդի, պատասխանեց Պէրթուչիօ, այդ պիսի անուն մը բերանդ առնելու մի՛ համարձակիր:
 — Ա՛հ, ըսաւ Անտրէա, Պէրթուչիոյի ծանրախոհ կերպարանքէն քիչ մը շփոթած, ինչո՞ւ չըսեմ:
 — Որովհետե այդ անունը կրող անձը Աստուծոյ սիրելի ըլլալուն, չի կրնար քեզի պէս թշուառականի մը հայրը ըլլալ:
 — Ո՞հ, ի՞նչ մեծ խօսքեր են...
 — Մեծ հետեւութիւններ ալ պիտի ունենան, եթէ չըզգուշանաս:
 — Սպառնալի՞ք կ'ընես, ես չեմ վախնար... պիտի ըսեմ...
 — Կը կարծես որ քու ցեղիդ թզուկներո՞ւն հետ է գործդ, ըսաւ Պէրթուչիօ այնպիսի հանդարտ ձայնով և անվրէպ նայուածքով մը, որ Անտրէային վրայ մեծ ազդեցութիւն գործեց: Կը կարծես որ գործդ թիարանի չարագործ ընկերներուդ կամ պարզամիտ ապուշներո՞ւն հետ է Պէնէտէթթօ՛, սոսկալի ձեռքի մը մէջ կը գտնուիր: Այդ ձեռքը կ'ուզէ քեզի համար բացուիլ, օգուտ քաղէ անկէ: Կատակ մի՛ ըներ կայծակին հետ, որ վայրկեան մը հանս

դարա կեցած է, բայց կրնայ նորէն որստալ, եթէ իր ա-
զատ շարժմանը մէջ ուզես անհանգիստ ընել զայն:

— Հայրս... կ'ուզեմ գիտնալ թէ ո՞վ է հայրս... ը-
ստւ յամառ երիտասարդք: Թօղ կօրսուիմ եթէ կարելի է,
բայց պէտք է որ գիտնամ: Գայթակղութենէ չեմ վախ-
նար, ընդհակառակը բարիք, համբաւ և խրատ կրնայ տալ
ինծի, ինչպէս կ'ըսէ Պոշան լրագրապիտք: Բայց գութ որ
բարձր ընկերութեանց կը վերաբերիք, թէև միլիոններ և
զինանշաններ ունենաք, միշտ գայթակղութենէ կը վախ-
նաք... Ըսէ՛ք, ո՞վ է իմ հայրս:

— Ես ալ ատ ըսելու եկայ:

— Ա՛ն, զոչեց Պէնէտէթթօ, աչքերը ուրախութեամբ
լիցուած:

Նոյն միջոցին դուռը բացուեցաւ և բանտապահը իր
խօսքը Պէրթուչիոյին ուղղելով.

— Ներեցէք, պարոն, ըստւ, հարցաքննիչ դատաւո-
րը բանտարկեալին կը սպասէ:

— Հարցաքննութեանս վերջն է ա՛լ, ըստւ Անտրէա,
խօսքը գործակատարին ուղղելով... Բայց ի'նչ անպատճ-
միջոցի կու գան մեզ անհանգիստ ընելու:

— Վաղը դարձեալ կու գամ, ըստւ Պէրթուչիօ:

— Աղէկ, ըստւ Անտրէա: Հրացանակիր պարոններ,
պատրաստ եմ ձեր հրամանը կատարելու... Ո՛ն, սիրելի
պարոն, տասնի չափ սկուտ ձգէ հօս, որպէսզի ուզած
տան ինծի:

— Շատ աղէկ, ըստւ Պէրթուչիօ:

Անտրէա իր ձեռքը երկնցուց, բայց Պէրթուչիօ իրը
գրպանէն չհանեց և միայն դրամներուն ձայնը հանեց:

— Օ՛ն, ըստւ Անտրէա ժպտելով, բայց Պէրթուչիօյի
տարօրինակ անտարբերութենէն ընկճուած, արդիօք խար-
սեցա՞յ՝ մտածեց, ու վանդակապատ կառքի մը մէջ մտաւ,
զոր աղցանի կողով կ'անուանեն, Տիսնենք: Ուրեմն վաղը
պիտի տեսնուինք, աւելցուց Պէրթուչիոյին դառնալով:

— Վաղը կը տեսնուինք, պատասխանեց գործակա-
տարը:

Թ. ԳԼՈՒԽ

Դ Ա Տ Ա Ի Ո Ր Բ

Ինչպէս կը յիշեն ընթերցողները, արբայ Պիւզոնի
հանգուցեալին սենեակը Նուարթիէի հետ մինակ մնացած
էր և նորատի աղջկան քով հակողները ծերն ու քահանան էին:

Թերեւոս արբային քրիստոնէական խրատները, թե-
րեւս անոր քաղցր մարդասիրութիւնը կամ համոզիչ խօս-
քերը ծերունին միիթարած էին, որովհետեւ քահանային
հետ խօսելէն ի վեր՝ Նուարթիէ առաջուան պէս փօխանակ
յուսահատելու՝ ամէն բան Աստուծոյ կամքին կը յանձնէր և
այնքան հանդարա կ'երեւէր, որ Վալանթինի վրայ իր ու-
նեցած բուռն ոէրը յիշողներուն զարմանք ազդեց:

Պ. աը Վիլֆօր նորատի աղջկան մեռած առառւընէն
ի վեր ծերունին տեսած էր:

Տան բոլոր ծառաները փօխուած էին: Իրեն համար
ուրիշ սենեկապան մը և Նուարթիէի համար ուրիշ ծառայ
մը եկած էին:

Տիկին աը Վիլֆօրի ծառայելու համար ալ երկու կի-
ներ վարձուած էին:

Դանապանէն սկսեալ մինչև կառապանը փօխուած էր:
Այդ անիծհալ տան զանազան տէրերուն ծառայելու համար
նորանոր գէմքեր կը տեսնուէին և անոնց միջեւ արդէն
իսկ բաւական ցուրտ յաբարերութիւնները կ'արգիլէին:

Եղեռնադատ ատեանը երկու կամ երեք օրէն պիտի
բացուէր և Վիլֆօր իր դահլիճը փակուած, Քատրուսի ըս-
պաննիչին վրայ եղած դատական քննութիւնները տենդոտ
գործունէութեամբ մը առաջ կը տանէր:

Այդ գործը, այն ամէն գործերուն պէս, որոնց Մօն-
թէ. Քրիսթօ կոմսը իսառնուած կ'ըլլար. Փարիզի ընկերու-
թեանց մէջ մեծ աղմուկ հանած էր:

Ապացոյցները համոզիչ չէին, որովհետեւ օրհասական
թիապարատի մը խօսքերուն մէջ կը կայանային անոնք,
այնպիսի անձի մը, որուն ամբատանած մարդը իր թիա-
պարա հին ընկերն էր և կրնար ընկերը ամբատանել կամ
ոխակալութեամբ և կամ վրէժինդրութեամբ:

Միայն դատաւորին խիղճը հանդարտ կ'երեւէր։
Ընդհ. դատախազը վերջապէս իր սոսկալի համոզու-
մին մէջ հաստատուած էր, թէ Պէնէտէթթօ յանցաւոր էր,
և իր տարած այս յաղթութիւնը գոհացում պիտի տար իր
անձնասիրութեան, իր սառած սրտին թելերուն քիչ մը
կենդանութիւն պարզեւելով։

Ուստի Վիլֆօր յառաջիկայ նիստերը սկսելու համար,
անխոնջ աշխատութեամբը դատին պատրաստութիւնները
տեսած էր։ Ունկնդրութեան տոմսակները ընդունելու նպա-
տակով իրեն ուղղուած անթիւ առաջարկներու պատասխա-
նելէն խուսափելու համար՝ ստիպուած էր առաջուընէ աւե-
լի տան մէջ մարդու չերեւիլ։

Ասկէ զատ, խեղճ Վալանթինի մահուընէն ի վեր այն-
չափ քիչ ատեն անցած էր և իր վիշտերը այնչափ նոր էին,
որ մարդ չէր զարմանար հայրը իր պարտականութեան,
այսինքն իր ցաւերը մոոցնող միակ զբաղման մէջ ընկղ-
մած տեսնելով։

Անգամ մը միայն, Պէնէտէթթօյի հօրը բուն անունը
տալու համար Պէրթուչիոյի տուած երկրորդ այցելութեան
հետեւեալ տուառն, Վիլֆօր իր հայրը տեսեր էր։ Դատա-
ւորը աշխատութենէ յոգնած՝ տան պարտէզը իջած էր և
տիրութեան ու խորունկ մտածումներու մէջ ընկղմած՝
թարքուինի պէս, որ եղէզէ գաւազանովը ամէնէն բարձր
մեկոններուն գլուխը կը ջախջախէր, պ. աը Վիլֆօր ալ
գաւազանովը մոլոշավարդերուն երկար ու չորցած բունե-
րը կը կարէր. որոնք նոր անցած եղանակին փթթած ծա-
ղիկներու ուրաւականներուն պէս՝ պարտէզին ծառուղինե-
րուն երկայնքը կանգուն կը մնային։

Արդէն քանի մը անգամ պարտէզին ծայրը, այսինքն
լքուած արտին վրայնայող ծանօթ վանդակապատին մօ-
տենալով, միջտ նոյն ծառուղիէն ետ զարձած էր, միեւ-
նոյն քալուածքով և շարժումավ շրջագայութիւնը շարու-
նակելով, երբ աչքերը մեքենապէս տան վրայ դարձան,
ուր զաւկին բարձրածայն խաղալը կը լսէր։ Գիշերօթիկ
դպրոցէն զգալով կիրակի և երկուշաբթի օրերը մօրը քով
կ'անցընէր։

Պ. աը Վիլֆօր բաց պատուհաններէն մէկուն մէջ պ.
Նուարթիէն տեսաւ, որ իր թիկնաթոռովը մինչև այդ պա-
տուհանին առջեւ բերել տուած էր զինքը, որպէսզի տաք
արեւուն վերջին ճառագայթները վայելէ, որոնք պատշգա-
մը զարդարող բազեղներուն կիսամեռ ծաղիկներուն և ան-
միրգ որթերուն կարմբած տերեւններուն կու տային իրենց
հրաժեխտը։

Ծերունիին նայուածքը միայն կէտի մը վրայ սեւե-
ռած էր, զար Վիլֆօր անկատար կերպով կը տեսնէր։

Նուարթիէի այդ նայուածքը այնչափ քինախնդիր,
այնչափ անբնական և այնչափ անհամբեր էր, որ ընդհ.
դատախազը իրեն ծանօթ այդ դէմքին բոլոր տպաւորու-
թիւնները հասկնալու համար, իր ճամբէն դուրս ելաւ,
որպէսզի տեսնէ թէ այդ ծանր նայուածքը որո՞ւ ուղղը-
ւած էր։

Այն ատեն, կիսամերկ սոտերով խիտ թմրիներու տակ
նուած տեսաւ տիկին աը Վիլֆօրը, որ ձեռքը գիրք մը
մերթ ընդ մերթ ընթերցումը կ'ընդմիջէր իր զաւկին
ժպտելու կամ անոր գնդակը իրեն վերադարձնելու համար։
Ետուար յամառութեամբ սրահէն պարտէզին մէջ կը նե-
տէր գնդակը։

Վիլֆօր գունատեցաւ, որովհետեւ ծերունիին միտքը
կը հասկնար։

Նուարթիէ միշտ նոյն առարկային կը նայէր։ Բայց
յանկարծ իր նայուածքը կնոջ վրայէն ամուսնոյն ուղղեց
և այն ատեն Վիլֆօր այն հրավառ աչքերուն յարձակման
առարկան եղած էր, որոնք իրենց ուշադրութեան նպատա-
կակէտը փոխելով, իրենց լեզուն ալ վոխած էին՝ առանց
կորոնցնելու իրենց սպառնական տրամադրութիւնները։

Տիկին աը Վիլֆօր իր գլխին վրայ պատրաստուած
փոթորիկը չտեսնելով, այդ միջոցին զաւկին գնդակը բըռ-
ներ էր, նշանացի կերպով տղան կը կանչէր։ որ գայ և
համբոյրով մը իր խաղալիկը առնէ, բայց էտուար երկար
տեսն մօրը աղաչանքին զիջանելու չհաճեցաւ։ Հաւանա-
բար մայրական գործով՝ տեղէն շարժելու նեղութեան
համար բաւական վարձատրութիւն մը չէր համարեր տղան։

Ի վերջոյ պատուհանէն արեւածաղիկներուն և դշխոյ. մարտքարիտներուն մէջ ցատկեց և ճակատը քրաբնքով պատած՝ մօրը քով վազեց:

Տիկին տը Վիլֆօր անոր ճակատը սրբեց, իր շրթունքը այդ խոնաւ փղոսկրին վրայ գրոշմեց և զաւակը ճամբեց՝ անոր մէկ ձեռքը գնդակը տալով և միւս ձեռքը ափմը շաքարեղէն լեցնելով:

Վիլֆօր անդիմադրելի ձգողութեամբ մը պարտէզէն դէպի տուն կը յառաջանար:

Բայց ո'րչափ կը մօտենար, ա'յնչափ նուարթիէ իր նայուածքը կը խոնարհեցնէր: Անոր արտեւանունքին հուրը ա'յն աստիճան բորբոքած կ'երեւէր, որ Վիլֆօր մինչես սրտին խորը կը զգար հօրը ազդեցութիւնը:

Սուուգիւ, նուարթիէի նայուածքին մէջ սասափկ յանդիմանութիւն և միեւնոյն ատեն սոսկալի սպառնալիք մը կը նշմարուէր:

Այն ատեն ծերունին իր աչքերը դէպի երկինք բարձրացուց, իր զաւկին յիշեցնել ուզելով թէ՛ ըրած երդումը մոոցած է:

— Շատ լաւ, պարօն, պատասխանեց Վիլֆօր բակէն, որ մըն ալ համբերէ, ես խօսքիս տէրն եմ,

Այդ խօսքերուն վրայ, նուարթիէի սիրտը գրեթէ հանդարտեցաւ և իր նայուածքը անտարբերութեամբ ուրիշ կողմ դարձաւ:

Վիլֆօր իր վերաբերուին կոճակները աշխուժօրէն քաշեց, որոնք զինքը կը խեղդէին կարծեա, կապուտցած ձեռքը ճակտին տարաւ և դահլիճը մտաւ:

Գիշերը հանդարտիկ անցաւ: Տան մէջ ամէն մարդը ըստ սովորութեան քնացաւ: Միայն Վիլֆօր, իր սովորութեան համաձայն, միւսներուն պէս միեւնոյն միջոցին չըքնացաւ, այլ մինչեւ առատուան ժամը հինգը աշխատեցաւ հարցաքննիչ դատաւորներուն վերջին հարցուփորձերը նորէն աչքէ անցընելով, տրուած վկայութիւնները քննելով, որպէսզի հետեւեալ օրուան դատը կարենայ լաւ պարզել:

Հետեւեալ օրը, երկուշաբթի՛ առաջին նիստը տեղի ուիտի ունենար:

Այդ օրուան արշալոյսը տժգոյն և աղետալի թուեցաւ Վիլֆօրի, և առառուան կապոյտ լոյսը վայլեցուց թուլթին վրայ կարմիր մելանով զծուած գիծերը:

Դատաւորը վայլիկեան մը քնացաւ, մինչ իր ճրագն ալ հոգեվարքի մէջ էր: Անոր ճարճատիւնէն արթնցաւ: Մատները արիւնով թաթլսուածի պէս խոնաւ և կարմրաներկ էին:

Նարնջագոյն ամպի երկար չերա մը երկնքին երեսը պատած էր և հորիզոնին վրայ կաղմակի սև նկարուած նուրբ կաղամախիները երկուաքի կը բաժնէր:

Շագանակենիներու վանդակէն անդին՝ առուոյտի դաշտին մէջ՝ արտոյտ մը առատուան իր պարզ երդը երգելով, դէպի երկինք կը բարձրանար:

Արշալոյսին խոնաւ օդը Վիլֆօրի գլխին վրայ իջնելով՝ զովացուց անոր միաքը:

— Արդարութեան սուրը բոնող մարդը, ըստ սոսկումով, պէտք է որ այսօր պատմէ յանցաւորները:

Այն ատեն նայուածքը ակամայ նուարթիէի պատուհանին կողմը դարձուց, ուր առջի իրիկուն տեսած էր ձերունին:

Վարագոյրը զոցուած էր, սակայն իր հօրը պատկերը աչքերուն առջեւէն չէր հեռանար: Այնպէս որ բաց եղածի պէս զող պատուհանին դառնալով, կարծեց թէ դարձեալ հոն կը տեսնէ սպառնալին ծերունին:

— Այո՛, մրմնջեց, անհոգ եղիր:

Ու գլուխը կուրծքին վրայ խոնարհեցուց և դահլիճին մէջ քանի մը շրջան ըրաւ: Ենտոյ վերջապէս, բոլորովին հագուած՝ բազմոցի մը վրայ նետուեցաւ, յոդնութենէն աւելի, մինչեւ ոսկարներուն ծուծը թափանցող պաղութենէն բրտացած անդամներուն հանգստութիւն պարզեւելու, քան թէ քննանալու համար:

Կամաց կամաց ամէն մարդ արթնցաւ տան մէջ:

Վիլֆօր իր դահլիճին մէջէն հետզհետէ լսեց տան մը կենդանութիւնը հաստատող ձայները, այսինքն դռներուն բրտացուիլ և զոցուիլը, սենեկապանուհին կանչելու համար տիկին տը Վիլֆօրի զանգակին հնչիւնը, աղուն առաջին ձայները, որ այդ տարիքին մէջ զանուողներուն պէս առտուները ուրախ կ'արթնար:

Վիլֆօր ալ իր զանգակը հնչեցուց:
 Իր նոր սենեկապանը ներս մտաւ և լրագիրներն ու
 դաւաթ մը թէյ բերաւ:
 — Ի՞նչ է բերածդ, հարցուց Վիլֆօր:
 — Թէյ:
 — Ես թէյ չուզեցի, քեզի ո՞վ ըսաւ որ բերես:
 — Տիկինը: Պարոնը անտարակոյս այսօր սպանութեան
 գործին մէջ շատ պիտի խօսի և զովացուցիչ ըմպելի մը
 խմելու պէտք ունի:
 Սենեկապանը շառագոյն գաւաթը բազմոցին մօտ զըտւ
 նուող սեղանին վրայ դրաւ, որ միւս սեղաններուն պէս
 թուղթերով ծածկուած էր:
 Սենեկապանը դուրս ելաւ:
 Վիլֆօր պահ մը տիսուր դէմքով գաւաթին նայեցաւ,
 յետոյ յանկարծ ջղային շարժումով մը առաւ զայն և պա-
 րունակութիւնը խմեց մէկ ումպով:
 Դուցէ կը յուսար որ այդ ըմպելին մահացու ըլլար և
 այդ միջոցին կը փափաքէր մեռնիլ, այն պարտքէն աղա-
 տելու համար, որ մեռնելէ աւելի դժուար բան մը կը հրա-
 մայէր իրեն: Յետոյ ոտքի ելաւ և իր դահլիճին մէջ պար-
 տեցաւ այնպիսի ժպիտով մը, որ տեսնողին սոսկում պիտի
 պատճառէր:
 Թէյը անվնաս էր և պ. առ Վիլֆօր բան մը չզգաց:
 Ճաշի ասեն պ. առ Վիլֆօր սեղանին չմասնակցեցաւ:
 Սենեկապանը դարձեալ ներս մտնելով, ըսաւ.
 — Տիկինը կ'իմացնէ որ ժամը տասնըմէկ զարկաւ և
 Ատեանը կէս օրին պիտի բացուի:
 — Դիտեմ, ըսաւ Վիլֆօր, ի՞նչ ըսել կ'ուզէ:
 — Տիկինը հագուած պատրաստ է և կը հարցնէ, թէ
 պարոնին պիտի կրնայ ընկերանալ:
 — Ո՞ւր երթալու համար:
 — Դատական պաշտօնատունը:
 — Ի՞նչ ընելու համար:
 — Տիկինը կ'ըսէ, թէ շատ կը փափաքի այդ դատա-
 վարութեան ներկայ գտնուիլ:
 — Ո՞չ, ներկայ գտնուիլ կ'ուզէ, ըսաւ Վիլֆօր գրե-
 թէ սոսկալի ձայնով:

Ծառան քայլ մը ետ քաշուելով, ըսաւ.
 — Եթէ պարոնը առանձին երթաւ կ'ուզէ, տիկնոջ ի-
 մացնեմ:
 Վիլֆօր վայրկեան մը լուս մնաց: Երենոսի գոյն մօ-
 րուքով չըշապատուած տժոյն այտը իր եղունգներովը փո-
 րելու չափ կը քերէր:
 — Բայ տիկնոջ, որ իրեն հետ խօսիլ կ'ուզեմ և կը
 խնդրեմ, որ իր սենեկալը սպասէ ինձի, պատասխանեց
 ի վերջոյ:
 — Շատ լաւ, պարոն:
 — Յետոյ եկուր զիս ածիլէ և հագուեցուր:
 — Անմիջապէս:
 Մտուզիւ, սենեկապանին երթալն ու զառնալը մէկ ե-
 ղաւ, Վիլֆօրը ածիլեց և բոլորովին սև զգեստներ հագուց
 անոր: Յետոյ ըսաւ.
 — Տիկինը իր սենեկալը ձեզի կը սպասէ:
 — Ես ալ անոր մօտ կ'երթամ, ըսաւ Վիլֆօր:
 Ու թեւին տակ թղթածրաբներ առած և գլխարկը ձեռ-
 քը բռնած՝ դէպի կնոջ սենեկալը ուղղուեցաւ:
 Դրան առջև վայրկեան մը կեցաւ և իր կապուացած
 ճակաաէն հոսած քրտինքը թաշկինակովը սրբելէն յետոյ,
 դուռը հրեց:
 Տիկին տը Վիլֆօր անյենարան բազմոցի մը վրայ նըս-
 տած էր և անհամբերութեամբ լրագիրները և նորատիպ
 գրքոյները աչքէ կ'անցընէր, որոնց ընթերցումը վերջա-
 ցնելէն առաջ, փոքր էտուար զանոնք պատուելով կը զուար-
 ճանար:
 Դուրս ելլելու համար հագուած էր, գլխարկը թիկնա-
 թոռին վրայ պատրաստ կը սպասէր և ձեռնոցները դրած էր:
 — Աերջապէս եկաք, պարոն, ըսաւ կինը իր բնական
 և հանդարա ձայնովը: Ո՞րչափ գունատած էք, պարոն, բո-
 լոր գիերը աշխատեցա՞ք միթէ: Ինչո՞ւ մեզի հետ ճաշելու
 չեկաք: Բայք, զիս ձեզ հետ պիտի տանիք, թէ էտուարին
 հետ առանձին պիտի երթամ:
 Տիկին տը Վիլֆօր, ինչպէս կը տեսնուի, պատասխան
 մը ընդունելու համար յաջորդաբար զանազան հարցումներ

ըրաւ, բայց պ. աը Վիլֆօր առանց այդ հարցումներէն մէկուն խսկ պատասխանելու, արձանի պէս պաղ և լուռ մնաց, — Էտուա՛ր, ըսաւ Վիլֆօր հրամայական նայուածք մը ուղղելով զաւկին, գնա՛ սրահը խաղա, սիրելիս, մօրդ հնա քիչ մը պիտի խօսիմ:

Տիկին աը Վիլֆօր իր ամուսնոյն պաղ դէմքը, խրոխտ ձայնը և տարօրինակ պատրաստութիւնները տեսնելով, սարսաց:

Էտուար գլուխը վեր տռնելով, մօրը երեսը նայեցաւ, բայց տեսնելով որ մայրը պ. աը Վիլֆօրի հրամանը չէր հաստատեր, իր կապարէ զինուորներուն գլուխը կտրելով զբաղեցաւ նորէն:

— Էտուա՛ր, գոչեց պ. աը Վիլֆօր այնպիսի խստութեամբ մը, որ աղան օթոցին վրայ ցատկեց, լսեցի՞ր, գնա:

Էտուար, որուն հնա շատ քիչ անդամ այդպէս կը վարուէին, ոտքի ելաւ գունատած:

Դժուար է ըսել, թէ բարկութենէ՞ն գունատած էր թէ վախէն:

Հայրը անոր մօտեցաւ, թեւէն բռնեց և ճակատը համբուրեց:

— Գնա՛, զաւակս, գնա՛:

Էտուար ժպտեցաւ:

Պ. աը Վիլֆօր դրան մօտեցաւ և աղան գուրս ելլելէն յետոյ դրան պարզունակը դրաւ:

— Տէր Աստուած, ըսաւ մանկամարդ կինը իր էրկանը սրախն խորը թափանցող նայուածքով մը անոր երեսը նայելով ու ժպիտ մը կեղծելով, զոր Վիլֆօրի անողոք դէմքը իր շրթունքներուն վրայ սառեցուց, ի՞նչ կայ արդիօք:

— Տիկին, ո՞ւր պահած էք այն թոյնը, զոր սովորաբար կը գործածէք, հարցուց դատաւորը առանց զարձուածի ու իր կնոջ և զրան մէջաեղը կենալով:

Տիկին աը Վիլֆօր զգաց ինչ որ արտօյտը կը զգայ, երբ կը տեսնէ որ ցին թոչունը մահաբեր նեղ շրջանակի մը մէջ կը սահմանափակէ զինքը:

Տիկին աը Վիլֆօր այնչափ գունատեցաւ, որ զոյնը կապոյտի փոխուեցաւ և կերկերուն ու հեղձամդուկ ձայ-

նով մը, որ ո՛չ հառաջանքի կը նմանէր և ոչ ձայնի, ըսաւ. — Պարոն, չեմ հասկնար թէ ի՞նչ ըսել կ'ուզէք:

Ու իր սոսկումին սաստկութենէն ոտքի ելելով, ինքնինքը բազմոցին վրայ նետեց նորէն:

— Կը հարցնեմ թէ ո՞ւր կը պահէք այն թոյնը, որով սպաննեցիք պ. աը Սէն Մէրանը, աներս, զոքանչս, Պարուան և Վալանթին աղջիկս:

— Ո՛հ, պարոն, գոչեց տիկին աը Վիլֆօր՝ ձեռքերը միացնելով, ի՞նչ կ'ըսէք:

— Զեմ սպասեր որ հարցնէք ինծի, այլ պէտք է պատասխան տաք:

— Ամուսնո՞յս պիտի պատասխանեմ թէ դատաւորիս, կակազեց տիկին աը Վիլֆօր:

— Զեր դատաւորին, տիկին, ձեր դատաւորին պիտի պատասխանէք:

Կնոջ գունատութիւնը, մտահոգ նայուածքը և բոլոր մարմնոյն դողդոջումը սոսկալի տեսարան մը կը պարզէր:

— Ո՛հ, պարոն, մրմնիցեց, ո՛հ...

— Զէք պատասխաներ, տիկին, գոչեց անողոք հարցաքննիչը:

Յետոյ իր բարկութենէն աւելի սոսկալի ժպիտով մը յարեց:

— Բայց չէք ալ ուրանար:

Տիկինը շարժում մը ըրաւ:

— Զէք ալ կրնար ուրանալ, աւելցուց Վիլֆօր ձեռքը դէպի անոր երկարելով, յանուն արդարութեան զայն ըըռնելու համար: Այդ զանազան ոճիրները անամօթ ձարտարութեամբ մը ի գործ զրիք, բայց միայն ձեր սէրէն կուրցած, մարդիկը կրնայիք խաբել, Տիկին աը Սէն Մէրանի մահուընէն յետոյ հասկցայ որ տանս մէջ թունաւորող մը կայ, ա՛Մվրինեին ալ իմացուց ինծի: Պարուային մեռնելէն ետքը մէկուն վրայ կասկածեցայ, մեղա՛յ Աստուծոյ, հրեշտակի մը վրայ, ես որ միշտ անմեղին վրայ իսկ կը կասկածիմ, սակայն Վալանթինի մահուընէն ետքը, ալ ինծի համար տարակուսելու տեղի չմնաց, տիկին, և ոչ միայն ինծի այլ ուրիշներուն համար ալ: Երկու անձեր տեղեակ

են ձեր ոճրագործութեան և շատերն ալ կը կասկածին այդ
մասին, Սյսուհետեւ ամէն մարդ պիտի իմանայ: Ինչպէս որ
քիչ մը առաջ կ'ըսէի, տիկին, ձեզի հետ խօսողը ձեր ամու-
սինը չէ, այլ ձեր դատաւորը:

Մանկամարդ կինը երկու ձեռքերուն մէջ պահեց դէմքը:
— Ո՛հ, պարոն, կակազեց, կ'աղաչեմ, հաւանականու-
թեանց մի՛ հաւատաք:

— Այդչափ վատասի՞րտ էք դուք, զոչեց Վիլֆօր ար-
համարնոտ ձայնով մը: Ստուգիւ միշտ դիտած եմ որ թու-
նաւորիչները վատ կ'ըլլան: Բայց դուք որ երկու ձեր և
նորատի աղջիկ մը սպաննելով, անոնց մեռնիլը տեսնելու
քաջութիւնը ունեցաք, կրնա՞ք վատասիրտ ըլլալ:

— Պարո՛ն, պարո՛ն:

— Կրնա՞ք վատասիրտ ըլլալ, շարունակեց Վիլֆօր,
իր ձայնը աստիճանաբար աւելի բարձրացնելով, դուք որ
չորս հոգեվարքներու վայրկեանները մէկիկ մէկիկ համրե-
տիք, դուք որ ձեր զմոխային հնարքները նիւթեցիք և յա-
ջողութեամբ ու զարմանալի ճշառութեամբ թունաւոր ըմպե-
լիները խմցուցիք, արդեօք մոռցա՞ք մտածելու, թէ ձեր ու-
ժիրը յայտնուած ատեն ի՞նչ պիտի ըլլաք: Ո՛հ, անկարելի
է, անշուշտ աւելի քաղցր, աւելի ազդու և աւելի շանթա-
հարիչ թոյն մը պահած էք ձեզի համար, որպէսզի ձեզի
տրուելիք պատիժէն աղատիք... կը յուսամ որ այս հոգը
տարած էք:

Տիկին աը Վիլֆօր ձեռքը երկնցնելով ծնկան վրայ ին-
կաւ:

— Գիտեմ... գիտեմ, ըսաւ, ձեր յանցանքը կը խոս-
տովանիք: Սակայն երբ ա'լ չէք կրնար ուրանալ ձեր ըրա-
ծը, վերջին վայրկեանին դատաւորներուն եղած խոստվա-
նութիւնը ձեր ընդունելիք պատիժը չի կրնար թեթեցնել:

— Պատի՛ժ կ'ըսէք, պարոն, զոչեց աիկին աը Վի-
ֆօր, երկու անգամ է որ այդ բառը կ'արտասանէք:

— Անտարակոյս: Դուք չորս անգամ յանցաւոր ըլլալ-
նո՞ւդ համար կարծեցիք թէ պատիժէ աղատ պիտի ըլլաք:
Այս պատիժը սահմանողին կինը ըլլալնո՞ւդ համար կարծե-
տիք թէ պիտի չպատժուիք: Ո՛չ, տիկին, ո՛չ, ո՛վ որ ալ

ըլլայ, թունաւորիչին պատիժը կառավինատն է, եթէ սա-
կայն, ինչպէս քիչ մը առաջ ըսի, թունաւորիչը իր ամէնէն
շանթահարիչ թոյնէն իրեն համար քանի մը կաթիլ պահե-
լու հոգ տարած չէ:

Տիկին աը Վիլֆօր անբնական ձայն մը հանեց և իր
անոելի ու անյաղթելի սոսկումը այլայլեց դիմագծերը:

— Ո՛հ, կառավինատէն մի՛ վախնաք, տիկին, ըսաւ
դատաւորը, ձեզ անպատուել չեմ ուզեր, որովհետեւ ինք-
զինքս անպատուել է: Ո՛չ, ընդհակառակը՝ եթէ ըսածներս
լաւ լսեցիք, անշուշտ հասկցաք որ կրնաք կառավինատին
վրայ չմեռնիլ:

— Ո՛չ, չհասկցայ, ի՞նչ ըսել կ'ուզէք, կակազեց խեղճ
կինը բոլորովին շփոթած:

— Հսել կ'ուզեմ թէ՝ մայրաքաղաքիս առաջին դատա-
ւորին կինը իր ամօթապարտ գործովը ընտանիքին անա-
րատ մնացած անունը պիտի չպղծէ և մէկ հարուածով իր ա-
մուսնոյն ու զաւկին պատիւը պիտի չուզէ աղարտել:

— Ո՛հ, ո՛չ, ո՛չ:

— Այդ կերպով, տիկին, բարիք մը ըրած պիտի ըլ-
լաք մեզի և ես ատոր համար չնորհակալ կ'ըլլամ ձեզի:

— Շնորհակա՞լ, բայց ի՞նչ բանի համար:

— Զեր ըսած խօսքին համար:

— Ի՞նչ ըսի որ, իմ խելքս գլուխս չէ, ըսածո ալ չեմ
գիտեր, ո՛վ Աստուած:

Ու մազերը թափթփած և շրթունքները փրփրած, ոտ-
քի ելաւ:

— Զեր սենեակը մտած պահուս, ձեր թոյնը ո՞ւր պա-
հելուդ մասին ըրած հարցումիս պատասխանը կու տա՞ք,
տիկին:

Տիկին աը Վիլֆօր իր բազուկները գէպի երկինք բար-
ձրացուց և ձեռքերը իրարու գալարեց ջղաձգօրէն:

— Ո՛չ, ո՛չ, զոչեց, անշուշտ պիտի չուզէք որ գործե-
րը այդ աստիճանին հասնին:

— Կառավինատին վրայ կորսուելնիդ միայն չեմ ու-
զեր, տիկին, կը հասկնա՞ք, պատասխանեց Վիլֆօր:

— Ո՛հ, պարոն, չնորհք ըրէք:

— Բայց կ'ուզեմ որ արդարութիւնը ի գործ դրուի:
Ես պատժելու համար կ'ապրիմ, տիկին, աւելցուց դատաւո-
րը բոցարձակ նայուածքով մը: Եթէ ձեր տեղը ուրիշ կին
մը ըլլար, նոյնիսկ թագուհի մը, գահիծը կը դրկէի: Բայց
ես ձեր վրայ կը գթամ և միայն կ'ըսեմ. «Տիկին, ձեր ա-
մէնէն քաղցր, ամէնէն ապահով և ամէնէն շանթահարիչ
թոյնէն քանի մը կաթիլ պահեցի՞ք ձեզի համար»:

— Ո՞հ, ներեցէք ինձի, պարոն, ձգեցէք որ ապրիմ:

— Ո՞հ, ո՞րչափ վատ էք եղեր:

— Մասձեցէք որ ձեր կինն եմ:

— Թունաւորիչ կին մըն էք դուք:

— Աստուծոյ սիրոյն...

— Ո՞չ:

— Ինձի նկատմամբ ձեր ունեցած սիրոյն համար...

— Ո՞չ, ո՞չ:

— Մեր զաւկին սիրոյն համար, ո՞հ, մեր զաւկին սի-
րոյն համար ձգեցէք որ ապրիմ:

— Ո՞չ, ո՞չ, ո՞չ կ'ըսեմ, եթէ օր մը միայն ձեղ կեն-
դանի թողում, միւսներուն պէս գուցէ մեր զաւակն ալ ըս-
պաննէք:

— Ե՞ս իմ զաւակս սպաննեմ, գոչեց վայրենի մայրը
վիլֆօրի վրայ խոյանալով, ե՞ս իմ կտուարս սպաննեմ...
ա'չ... ա'չ...

Ու իր խօսքը դիւային, յիմարական և սոսկալի ծի-
ծաղով մը վերջացուց:

Տիկին տը վիլֆօր իր ամուսնոյն ոտքերը ինկած էր:
Վիլֆօր անոր մօտենալով, ըստա.

— Տիկին, եթէ դարձիս արդարութիւնը կատարուած
չտեսնեմ, իմ բերնովս պիտի մատնեմ ու իմ ձեռքովս պի-

տի բանտարկեմ ձեզ:

Տիկին տը վիլֆօր, ոգեսպառ և ուժաթափ, մտիկ կ'ը-
նէր անորւ Միայն իր աչքերը կենդանի մնացած էին, ո-
րոնք անոելի նշոյլներ կ'արձակէին անոր վրայ:

— Լսեցի՞ք, ըստ վիլֆօր: Ես դատարան պիտի եր-
թամ մարդասպանի մը դէմ մահուան վճիռը տալու... Եթէ
դարձիս ձեղ կենդանի գտնեմ, այս իրիկուն պիտի բան-
տարկուիք:

Տիկին տը վիլֆօր հառաջանք մը հանեց, ջիղերը
թուլցան և սիրտը մնշուած՝ օթոցին վրայ մնաց:

Ընդհ. դատախազը կարծես կարեկցական շարժում մը
ըրաւ, նուազ խստութեամբ անոր նայեցաւ ու թեթև
խոնարհութիւն մը ընելով.

— Մնաք բարով, տիկին, ըստ մեղմօրէն, միաք
բարօվ:

Այդ ողջոյնը դաշոյնի հարուածի մը պէս իջաւ տիս
կին տը վիլֆօրի սրտին վրայ, որ նուազեցաւ:

Ընդհ. դատախազը դաւրս ելաւ և դուռը կղպեց:

Ժ. ԳԼՈՒԽ

ԵՂԵՌՆԱԴՐԱՏ ԱՏԵԱՆՔ

Պէնէտէթթոյի գործը, ինչպէս դիւանատան և ընկե-
րութեանց մէջ կ'ըսուէր, խոր տպաւորութիւն առաջ բե-
րած էր:

Քաֆէ տը Փարին, կանի ծառուղին և Պուլոնեի ան-
տառը յաճախող կեղծ Գավլալզանթին Փարիզի մէջ գտնուած
միջոցին և իր պերճանքին երկու կամ երեք ամիսներուն
մէջ բազմաթիւ ծանօթներ ունեցած էր:

Լրագիրները ամբաստանեալին թէ՛ Փարիզի և թէ՛
թիապարտութեան մէջ անցուցած կեանքը պատմած էին:
Անտրէա Գավլալզանթի իշխանը անձամբ ճանչցողները ա-
ւելի մեծ հետաքրքրութիւն մը կը զգային անոր հետե-
ւանքը տեսնելու:

Ուստի, ամէնէն աւելի անոր ծանօթները մեծ փափաք
մը ունէին ամբաստանեալներուն նստարանին վրայ տես-
նելու իր շղթայակից ընկերը սպաննող պ. Պէնէտէթթօն:

Շատերը այնպէս կը կարծէին թէ Պէնէտէթթօ եթէ
ոչ զան եղած, գոնէ սխալմամբ ամբաստանուած է:

Պ. Գավլալզանթիի հայրը Փարիզ տեսնելով՝ կը յու-
սային որ իր ազնուազարմ պայազատին պաշտպանութիւնը
պիտի ընէ:

Շատերն ալ, որոնք երիտասարդը տեսած էին և ա-

նոր հաճելի ձեւերը, գեղեցիկ երեւելու փափաքը ու վատոնած դրամները կը յիշէին, թշնամիի մը կողմէ դաւաճանօրէն ամբաստանուած կը համարէին զայն, ինչպէս այս աշխարհիս մէջ շատ անգամ կը պատահի, Անքաւ հարստութիւնները չարութիւն կայ բարիք գործելու միջոցները կ'աւելցնեն ու անլուր զօրութիւն մը կ'ընծայեն:

Ուստի, ամէն մարդ Եղեռնադատ Ատեանը կը դիմէր, ոմանք պարզուելիք տեսարանին վրայ գուարճանալու և ուրիշներ՝ քննադատելու համար:

Առառան ժամը եօթէն սկսեալ. Ատեանին դուռը, վանդակապատներուն մէջ, իրարու ետև կանգնած կը սպասէին: Ատեանին բացուելէն ժամ մը առաջ, սրահը արդէն լեցուած էր առանձնաշնորհուած ունկնդիրներով:

Ատեանը բացուելէն առաջ, շատ անգամ ալ հաքը, մեծ դատեր տեսնուած օրեր, ունկնդրութեան սրահը այնպիսի սրահի մը կը նմանի, ուր զիրար ճանչցողները եթէ խիստ մօտ են, իրարու կը մօտենան, իսկ եթէ բազմաթիւ անձերով, փաստաբաններով ու զինակիրներով բաժնուած են, իրարու նշաններ կ'ընեն:

Այդ օրը աշնան այն գեղեցիկ օրերէն մէկն էր, որ շատ անգամ հեռաւոր և կարճ ամառի մը պակասութիւնը կը լեցնէ: Առառուն պ. աշ Վիլֆօրի տեսած ամպերը մոգական զօրութեամբ ցրուած էին կարծես: Սեպտեմբերի վերջին և ամէնէն քաղցր օրերէն մէկը իր բովանդակ պայծառութեամբ կը փայլէր:

Պոշան, մամուլի թագաւորներէն մէկը ըլլալով, ասմէն կողմէ իր գահն ունէր ու միակնոցովը աջ ու ձախ կը զիտէր:

Պոշան տեսաւ Շաթօ Ռընօն և Տըպրէն, որոնք սոտիկանական պաշտօնեայի մը շնորհիւ լաւ տեղեր գրաւած էին և զայն համոզած էին, որ փոխանակ առջեւնին կանգնելու, ետեւնին կենայ:

Բարի պաշտօնեան անշուշտ գուշակելով, որ իր առջև գտնուած անձը նախարարին դիւանադպիրը և միլիոնատէր մընէ, իր երկու ազնիւ դրացիներուն հետ ակնածանքով վարուեցաւ և թողուց որ Պոշանին քովը եր-

թան, խոստանալով անոնց որ տեղերնին պիտի պահէ: — Հիմա բարեկամնիս պիտի տեսնենք, ըստ Պոշան: — Է՛ն, այս', պատասխանեց Տըպրէ, մեր արժանաւոր իշխանը չէ՞ք ըսեր: Սատանան տանի այդ իտալացի իշխանները:

— Այնպիսի մարդ մը, որուն ազգաբանը Տանթէնէր և անոր ընտանիքին ազնուականութիւնը այդ բանաստեղծին «Երկնային կատակերգութիւն» անուն քերթուածէն առաջ կը սկսի:

— Այս', կախաղանի ազնուականութիւնը, ըստ Շաթօ Ռընօ պաղարիւնութեամբ:

— Պիտի դատապարտուի, այնպէս չէ՞, հարցուց Տըպրէ, խօսքը Պոշանին ուղղելով:

— Բարեկամ, պատասխանից լրագրապետը, կարծիմ այդ բանը ձեզի հարցնել պէտք է: Դահիճին կերպարանքը դուք մեզմէ լաւ կը ճանչնաք: Զեր նախարարին վերջին երեկոյթին նախագահը տեսա՞ք:

— Այս':

— Ի՞նչ ըստ ձեզի:

— Այնպիսի խօսք մը ըրաւ, որ զարմանք պիտի պատճառէ ձեզի:

— Ուրեմն շուտ ըսէք բարեկամ, բաւական ատեն կայ որ այս տեսակ խօսքեր լուծ չեմ:

— Մտիկ ըրէք ուրեմն, Պէնէտէթթօն, ըստ, որ խորամտութեան փիւնիկ մը և խորամանկութեան հսկայ մը համարուած է, խիստ ողորմելի և խիստ անմիտ քսակաւատ մըն է, անարժան այն փորձերուն, զորս իր մահուընէն յետոյ գանկին վրայ պիտի ընեն:

— Սակայն, ըստ Պոշան, իշխանի մը դերը լաւ կատարեց:

— Ձեզի համար, Պոշան, որ այդ խեղճ իշխանները կ'ատէք և կ'ուրախանաք երբ անոնց վրայ անպատշաճութիւններ կը տեսնէք, բայց ո՛չ ինծի համար, որ բնագուտմով ազնուականը կը ճանչնամ և իրբե ազգատոնմական նշաններուն լաւ տեղեակ, որ և է ազնուապետական ընտանիք մը կ'որոշեմ, գոչեց Շաթօ Ռընօ:

— Ուրեմն դուք անոր իշխան ըլլալուն չհաւատացի՞ք
բնաւ։

— Իշխանի ձեւերուն՝ այս'... բայց իշխան ըլլա-
լուն՝ ո՛չ։

— Հաւ, ըսաւ Տըպրէ, բայց ստոյգ կ'ըսեմ որ ամէն
մարդ կրնար իշխան կարծել զայն... Նախարարներու
տունը տեսայ զայն։

— Ո՛հ, այս', ըսաւ Շաթօ. Ռընօ, անոր համար որ
լաւ կը ճանչնան իշխանները։

— Բսածնիդ իրաւ է, Շաթօ Ռընօ, պատասխանեց
Պոշան բարձրածայն ծիծաղելով, խօսքերնիդ հակիրճ և
զուարձալի է։ Զեզմէ հրաման կը խնդրեմ որ այդ խօսքը
ես ալ գործածեմ։

— Գործածեցէք, սիրելի Պոշան, ըսաւ Շաթօ Ռընօ։

— Բայց, ըսաւ Տըպրէ, խօսքը Պոշանին ուղղելով,
եթէ ևս նախագահին հետ խօսեցայ, անշուշտ դուք ալ
ընդ։ Դատախազին հետ խօսած էք։

— Անկարելի էր զայն տեսնել։ Ութը օրէ ի վեր պ.
տը Վիլֆօր իր տան մէջ պահուըտած էր և իրաւունք ու-
նէր։ Հետզհետէ պատահած առանին տարօրինակ վիշտերը
և իր աղջկան ոչ նուազ տարօրինակ մահը...։

— Տարօրինակ մա՛հ, ի՞նչ կ'ըսէք, Պոշան։

— Ո՛հ, այս', չգիտնուլ ձեւացուցէք, քանի որ այս
ամէնը դատաւորներու ազնուականութեան մէջ կը պա-
տահի, ըսաւ Պոշան միակնոցը աչքին փակցնելով և ստի-
պելով որ առանց բռնելու հաստատ կենայ հոն։

— Սիրելի պարսն, ըսաւ Շաթօ Ռընօ, ներեցէք ին-
ձի որ ըսեմ թէ միակնոցը տեղաւորելու համար Տըպրէին
չափ յաջողակ չէք։ Տըպրէ, պ. Պոշանին դաս մը տուէք։

— Հոն նայեցէք, ըսաւ Պոշան, չեմ սխալիր։

— Ի՞նչ կայ։

— Ան է։

— Ո՞վ։

— Կ'ըսէին թէ Փարիզէն մեկնեցաւ։

— Օրիսրդ էօժէնի՞ն, հարցուց Շաթօ Ռընօ, արդեօք
վերադառնէ է,

— Ո՛չ, անոր մայրը։

— Տիկին Տանկլա՞րը։

— Ի՞նչ կ'ըսէք, յարեց Շաթօ. Ռընօ, անկարելի է,
ազջկան փախչելէն տասը օր ետքը ու ամսւանոյն սնանկու-
թենէն երեք օր ետքը հոս գայ։

Տըպրէ թեթեւօրէն կարմրեցաւ և նայուածքը Պոշա-
նին կողմը ուղղեց։

— Քօղարկուած անծանօթ կին մըն է, ըսաւ, գտւցէ
օտարական իշխանունի մը կամ Պավալգանթի իշխանին
մայրը ըլլայ, Բայց կարծեմ թէ խիստ կարեւոր խօսքեր
ընելու վրայ էիք, Պոշան։

— Ե՞ս։

— Այս', Վալանթինի անօրինակ մահուան վրայ կը
խօսէիք։

— Ո՛հ, այս', ստոյգ է, բայց ինչո՞ւ արդեօք տիկին
տը Վիլֆօր չէ եկած։

— Իե՛ղճ կին, ըսաւ Տըպրէ, անշուշտ հիւանդանոց-
ներու համար թուրինջ խոտին ջուրը հանելու և իրեն ու
իր բարեկամունիներուն համար գեղեցկացուցիչ դեղեր շի-
նելու զբաղած է։ Գիտէք որ այս զբօսանքին համար տա-
րին երկու-երեք հազար սկուտ ծախք կ'ընէ, ինչպէս կը
հաւասարուի։ Ինչո՞ւ տիկին տը Վիլֆօր հօս չըլլար, մեծ հա-
ճոյք մը պիտի զգայի զայն տեսնելով։ Ես այդ կինը շատ
կը սիրեմ։

— Ես ալ կ'ատեմ զայն, ըսաւ Շաթօ. Ռընօ։

— Ի՞նչ պատճառաւ։

— Զեմ գիտեր ի՞նչ պատճառաւ կը սիրէ կամ կ'ա-
տէ մարդ։ Հակակրութեամբ կ'ատեմ զայն։

— Եւ կամ բնազդումով։

— Գուցէ... Բայց ձեր խօսքին դառնանք, Պոշան։

— Հետաքրքիր չէ՞ք գիտնալու, պարաններ կրկնեց
Պոշան, թէ Վիլֆօրի տան մէջ չուտ մեռնելուն պատճառը
ի՞նչ է։

— Ստուգիւ, ըսաւ Տըպրէ, երեք ամիսէ ի վեր այն
տան մէջ պատճած սուգը իմ ալ զարմանքս զրաւած է։
Անցեալ օր, Վալանթինի խօսքը բացուած տաեն, տիկինն
ալ նոյնը ըսաւ ինձի։

— Ո՞վ է այդ տիկինը, հարցուց Շաթօ Ռընօ:
 — Ո՞վ պիտի ըլլայ, նախարարին կինը:
 — Ո՞հ, ներեցէք, ըստ Շաթօ-Ռընօ, ևս նախարար
ներուն տունը չեմ երթար որ գիտնամ, այդ հոգը իշխան-
ներուն կը յանձնեմ:
 — Մինչեւ հիմա հանդարտ էիք, պառն, բայց չու-
տով շանթեր կ'արձակէք, Գթացէք մեր վրայ. եթէ ոչ
Դիսուի մը պէս հիմա պիտի այրէք մեզ:
 — Ուրիմն ևս ալ այսուհետեւ քան մը չեմ ըսեր, յտ-
րեց Շաթօ Ռընօ, Պատասխան մի՛ սպասէք ինձէ:
 — Խօսքերնիդ վերջացուցէք, Պոշան, Ես կ'ըսէի թէ
տիկինը անցեալ օր այդ իրողութեանց վրայ տեղեկու-
թիւններ կը հարցնէր: Տօւէք ինծի այն տեղեկութիւննե-
րը, որպէսզի ես ալ անոր հաղորդեմ:
 — Ուրիմն մտիկ ըրէք, պարոններ, Վիլֆորի տան
մէջ այդպէս չուտ մեռնելու համար, պէտք է որ մարդաս-
պան մը զանուի հոն:
 Երկու երիտասարդները սարսուցին, արդէն քանիցս
իրենք ալ նոյն բանը մտքերնուն անցուցած էին:
 — Ո՞վ է այդ մարդասպանը, հարցուցին միատեղ:
 — Էտուար մանուկը:
 Երկու ունկնդիրներուն ծիծաղը բնաւ չփոթութիւն
չպատճառեց Պոշանի, որ իր խօսքը շարունակեց.
 — Այս', պարօններ, այդ արտակարգ տղան է, որ
մարդասպանութիւն կ'ընէ:
 — Կատակ է ըստանիդ:
 — Երեք, Պ. աը Վիլֆորի տունէն ելլող ծառայ մը
բռնիցի երէկ, լաւ մտիկ ըրէք այս պատմութիւնը:
 — Այս', մտիկ կ'ընենք:
 — Վաղը պիտի ճամբիմ զայն, որովհետեւ պ. աը Վիլ-
ֆորի տունը վախուն անօթի կեցած ըլլալուն. խիստ շատ
կերակուր կ'ուտէ, կ'երեւի թէ այդ սիրուն զաւակը դեղի
սրուակ մը ձեռք ձեր է և իրեն անհաճոյ եղողներուն
դէմ կը գործածէ զայն, Ամէնէն առաջ իր Սէն Մէրան
պապը և հանին իրեն անհաճոյ երեւցեր են, իր հեղուկէն
երեք կաթիլ անօնց խմբուցեր է, Յետոյ նուարթիէի ծեռ-

րուկ ծառան իր հակակրութիւնը գրաւեր է, որովհետեւ
մերթ ընդ մերթ զինքը կը յանդիմանէ եղեր: Խորամիտ
սիրուն զաւակը իր հեղուկէն երեք կաթիլ ալ անոր խըմ-
թուցիր է, Նոյնը ըրեր է ինդա Վալանթինին ալ, որ թէն
զինքը չէր յանդիմաներ, բայց էտուար անոր վրայ կը
նախանձի եղեր ու իր հեղուկէն երեք կաթիլ ալ անոր
խմցուցեր է, միւսներուն պէս անոր կեանքն ալ զրաւելով:
 — Բայց ի՞նչ առասպել է ասիկա, որ մեզի կը պատ-
մէք, ըստ Շաթօ-Ռընօ:
 — Այս', ըստ Պոշան, անդիի աշխարհէն եկած ա-
ռասպել մը, այնպէս չէ՞:
 — Տարօրինակ բան է, ըստ Տըպրէ:
 — Ա՞հ, եթէ չէք հաւատար, ըստ Պոշան, վաղը ճամ-
բելք ծառայիս հարցուցէք, տան մէջ եղած տարածայնու-
թիւնը աս էր:
 — Բայց ի՞նչ տեսակ հեղուկ էր և ո՞ւր է:
 — Տղան կը պահէ եղեր:
 — Ո՞վ տուեր է անոր:
 — Իր տիկին մօր աշխատանոցէն առեր է:
 — Ուրիմն մայրը աշխատանոցին մէջ թոյնե՞ր ունի:
 — Ես գիտե՞մ. ընդհ. դատախազի պէս սկսաք հար-
ցումներ ընել ինծի, Ես լսածս կը կրկնեմ և ոչ ուրիշ բան.
Կրնամ ինծի ըստը ցուցնել ձեզի, բայց ուրիշ բան չեմ
կրնար ընել, ինդա ծառան իր սարսափէն կերակուր չու-
տեր եղեր:
 — Անհաւատալի բան է:
 — Ո՞չ, բարեկամ, բնաւ անհաւատալի չէ: Զէ՞ք յի-
շեր անցեալ տարի Ռիշլիէո փողոցին այն տղան, որ իր
եղբայրներն ու քոյրերը սպաննելով կը զուարձանար, ա-
նոնց քնացած ատեն ականջնուն մէջ զնդասեղ խօթելով:
Մեզի յաջորդող սերունդը խիստ չուտ կը յառաջիմէ:
 — Բարեկամ, ըստ Շաթօ Ռընօ, Ես գրաւ կը դնեմ,
որ այդ պատմութեան և ոչ մէկ խօսքին կը հաւատաք
դուք... Բայց Մօնթէ Քրիսթօ կոմսը հոս չեմ տեսներ,
ի՞նչպէս եղեր է որ չէ եկեր,

— Գավալգանթիներէն խարուելուն համար, անշուշտ պիտի չուզէ բազմութեան մէջ երեւիլ, ըսաւ Տըպրէ, ուրովհետեւ երեւութապէս անոնք կեղծ վարկագիրներով իրեն դիմած էին և կօմուր հարիւր հազար ֆրանքի չափ գումար մը կօրսնցուցած է անոնց երեսէն:

— Աղէկ միտքս ինկաւ պ. Շաթօ Ուլնօ, ի՞նչպէս է Մորէլ, հարցուց Պոշան:

— Երեք անգամ իր տունը գացի, ըսաւ Շաթօ Ուլնօ, ու չգտայ: Սակայն, քոյրը մտահոգ չերեւցաւ ինծի և խիստ հանդարտ դէմքով մը ըսաւ ինծի, թէ ինքն ալ երկու կամ երեք օրէ ի վեր տեսած չէր զայն, բայց ապահով էր որ առողջ վիճակի մէջ կը դանուի:

— Ո՛հ, հիմա միտքս ինկաւ թէ Մօնթէ Քրիսթօ կօմուր ինչու հոս եկած չէ:

— Ինչո՞ւ:

— Թատերգութեանս դերասաններէն մէկն է:

— Միթէ կո՞ման ալ մարդ սպաննեց, հարցուց Տըպրէ:

— Ո՛չ, ընդհակառակը զինքը սպաննել ուզեցին: Դիտէք որ այն բարի պ. Քատրուսը կոմսին տունէն ելլելու ատենը իր Պէնէտէթթօ փոքր բարեկամէն սպաննուցաւ: Դիտէք որ անոր տան մէջ գանուեցաւ համբաւաւոր բաճկոնը, ուր այն նամակը կը գանուէր, որ Դավալգանթիի ամուսնութեան պայմանագրութեան ստորագրութեանը արգելք եղաւ: Կը տեսնէ՞ք այն բաճկոնը, որ իբր ապացոյց, դրասեղանին վրայ կախուած է բոլորվին արիւնաթաթաւ:

— Ո՛հ, այս:

— Լոեցէ՞ք, պարոններ, Ատեանը պիտի բացուի, ամէն մարդ իր տեղը:

Ստուգիւ, դատարանին բակին մէջ բարձր ձայներ լսուեցան:

Ոստիկանութեան գործակալը հազարու ազդու ձայնով մը իր երկու բարեկամները կանչեց: Բարապան մը սեմերուն վրայ երեւելով, Պօմարշէի ժամանակին բարապաններուն պէս, խիստ ձայնով մը պօսաց:

— Պարոններ, Ատեանը բացուեցաւ:

ԺԱ. ԳԼՈՒԽ

ԸՄԲԱՍՏԱՆԾԴԻՐԸ

Դատաւորները, սրահին խորունկ լուսթեանը մէջ, իրենց տեղը նստան: Նոյնը ըրին երգուեալ դատաւորները:

Պ. աը. Վիլֆօր ամէնուն ուշադրութեան, և կրնանք իսկ ըսել ամէնուն զարմանքի առարկան, դատաւորի հագուստով իր թիկնաթոռին մէջ նստելէ յետոյ, անխոռվ նայուածքը իր շուրջը ուղղեց:

Այէն մարդ անոր ծանր ու անաչառ դէմքը կը դիտէր: Անոր անկարեկից բնութեան վրայ առանին վիշտեարը ազգեցութիւն մը չէին զործած բնաւ: Մարդկութեան ենթակայ եղած հարուածներուն բոլորվին անզգայ եղող այդ մարդուն գրեթէ սոսկումով մը կը նայէին:

— Զինակիրնե՞ր, ըսաւ նախագահը, ամբաստանեաւ և ներս բերէք:

Այդ հրամանին վրայ, ամէնուն ուշադրութիւնը ա՛լ աւելի գրգռուեցաւ և ամէն մարդ իր նայուածքը դէպի այն դուռը յառեց, ուրկէ Պէնէտէթթօն ներս պիտի մտնէր:

Շատ չանցած, այդ դուռը բացուեցաւ և ամբաստանեալը երեւան եկաւ:

Իր ներկայութիւնը ամէնուն վրայ նոյն ներգործութիւնը ըրաւ և ամէն ոք անոր դէմքին անտարերութիւնը դիտեց:

Իր դիմագները չէին կրեր ներքին խորին յուզման այն ապաւորութիւնը, որ արիւնը դէպի սիրաը կը մղէ և ճակատն ու այտերը կը կարմրցնէ:

Իր ձեռքերը բնաւ չէին դողար, այլ շնարհալիօրէն մէկ ձեռքը զլխարկը բռնած էր և միւսը՝ իր սպիտակ բաճկոնին բացուածքին մէջ միրճած էր:

Աչքերը հանդարտ և փայլուն կ'երեւէին: Սրահը մանելուն պէս, երիտասարդը իր նայուածքը դատաւորներուն և հանդիսականներուն վրայ յառեց ու նախագահին և մանաւանդ ընդէ: դատախազին վրայ աւելի երկար ատեն մնաց:

Անտրէայի քով իր փաստաբանը նստաւ, զոր դատաւ.
ևորը սահմանած էր (որովհետեւ Անտրէա պէտք չունենալով՝
բնաւ կարեւորութիւն տուած չէր անոր): Մութ խարտեաշ
մազերով երիտասարդ մըն էր, որուն սիրաը ամբաստան-
եալին սրտէն հարիւր անգամ աւելի դիւրազզած ըլլալուն,
յուզումէն երեւը կարմրած էր:

Նախագահնը խնդրեց, որ ամբաստանագիրը կարդաց-
ուի որ, ինչպէս գիտենք, Վիլֆօրի այնքան ճարտար և
այնքան անողոք զրչէն ելած էր:

Այբաստանադիրը կարդացուած ատեն, որ բաւական
երկար ատեն տեւեց և կրնար որ և է մէկուն շփոթութիւն
պատճառի, բազմութեան ուշաղրաւթիւնը Անտրէայի վրայ
դարձած էր միշտ, որ սպարտացիի սրտի անխովութեամ-
բը անտարբեր կեցաւ:

Գուցէ Վիլֆօր երբեք այնչափ ազգու և այնչափ պեր-
ճախօս շշառով մը խօսած չէր: Ամբաստանեալին յանցանքը
ամէն ապացոյցներով հաստատած էր: Անոր անցեալը և
մանկութենէ ի վեր ըրած զօրծերը այնպիսի տաղանդով
մը իրարու շաղկապած էր, որ կեանքի ամէն հանգամանք-
ներուն տեղեակ եղաղները և մարդկային սիրաը լաւ ճոնչ-
ցողները միայն կրնան ունենալ:

Միայն այդ ամբաստանագրով բազմութիւնը այնպէս
կը կարծէր, որ Պէնէտէթթօ բոլորովին կորսուած էր և կը
սպասէր որ օրէնքը աւելի նիւթապէս պատժէ զայն:

Անտրէա երբեք ուշադրութիւն չընծայեց իր վրայ
ծանրացած ամբաստանութեան ապացոյցներուն:

Պ. աը Վիլֆօր յաճախ զայն կը դիտէր և անտարա-
կոյս ամբաստանեալին ներքինը հասկնալու կը ջանար,
ինչպէս բոլոր ամբաստանհալներունը շատ անգամ այդ
կերպով հասկցած էր: Պ. աը Վիլֆօր կ'ըսենք, չէր կրցած
և ոչ իսկ անգամ մը անոր աչքերը խոնարհեցնել, թէն
անթարթ և խորին նայուածքով մը անոր կը նայէր:

Վիլֆօր շնթերցումը աւարտելէն յետոյ:

— Ամբաստանեան, ըստ նախագահնը, անունդ և մա-

կանունդ ի՞նչ է:

Անտրէա ոտքի ելաւ:

— Ներեցեք, պարօն նախագահ, ըստ կատարելա-
պէս անխոռվ և յստակ ձայնով մը, կը տեսնեմ որ ձեր
հարցումները այնպիսի կարգով մը կը սկսիք, որ ես պի-
տի չկրնամ պատասխանել: Այնպէս համոզուած եմ, որ սո-
վորական ամբաստանեալ մը չըլլալս պիտի իմանաք աւե-
լի ետքը: Ուստի կը խնդրեմ, որ հաճիք ձեր հարցումները
տարբեր կարգաւ ընկը և ես ձեր ամէն հարցումներուն պի-
տի պատասխանեմ:

Նախագահնը երդուեալ դատաւորներուն նայեցաւ զար-
մանքով, անոնք ալ ընդհ. դատախազին նայեցան:

Բոլոր ներկաները մեծ զարմանք մը յայտնեցին, սա-
կայն Անտրէա չայլայլեցաւ բնաւ:

— Քանի՞ տարեկան ես, հարցուց նախագահնը: Այս
հարցյան կրնամս պատասխանել:

— Այս և ուրիշ ամէն հարցումներուն պիտի պատաս-
խանեմ, բայց կարգաւ:

— Քանի՞ տարեկան ես, յարեց դատաւորը:

— Քանի՞ մը օրէն քսանըմէկ տարեկան պիտի ըլլամ: 1817ին սեպտեմբերի 27էն 28 լուսնաթու գիշերը ծնած եմ:

Պ. աը Վիլֆօր, որ ամբաստանեալին ըսածները կ'ար-
ձանագրէր, այդ թուականը լսելով գլուխը վեր առաւ:

— Ուր ծնած ես, շարունակեց նախագահնը:

— Օթէօյլ, որ Փարիզի մօտերն է, պատասխանեց
Պէնէտէթթօ:

Պ. աը Վիլֆօր երկրորդ անգամ գլուխը վեր առաւ և
այս անգամ Մեղալզայի գլուխը տեսածի պէս՝ Պէնէտէթ-
թթօյին նայեցաւ ու գոյնը կապոյտի փոխուեցաւ:

Իսկ Պէնէտէթթօ բարակ կտաէ թաշկինակի մը ա-
սեղնագործուած անկիւնը իր շրթունքներուն մօտեցուց
շնորհալիօրէն:

— Արհսադ ի՞նչ է, հարցուց նախագահնը:

— Եախ խարեբայ մըն էի, ըստ Անտրէա կատար-
եալ հանդարտութեամբ, յետոյ զող եղայ և մօտերս մար-
զապանսւթեան մէջ ինկայ:

Սրահին բոլոր կողմերէն զայրոյթի ու զարմանքի
մըմանջ մը և կամ թէ ըսենք փոթորիկ մը փրթաւ:

Դատաւորներն անգամ տպշահար մնացին: Երդուեալ-ները վայելուչ երիտասարդէ մը չսպասուած այդ լրբու-թեան վրայ իրենց տհաճութիւնը յայտնեցին:

Պ. աը Վիլֆօր իր մէկ ձեռքը ճակարին կոթնցուց: որ
գունատելէն յետոյ կարմրած էր և կրակի պէս կ'այրէր:

Յանկարծ ոտքի ելաւ և խելացնորի պէս իր շրջը
նայեցաւ: Անշուշտ օդ առնել կ'ուզէր:

— Բա՞ն մը կը փնտոէք, պարոն ընդհ. դատախազ,
հարցուց Պէնէտէթթօ իր ամէնէն քաղցր ժպիտովը:

Պ. աը Վիլֆօր բնաւ չպատասխանեց և իր թիկնա-
թոռին վրայ իյնալու պէս նոտաւ կարծես:

— Կը հաւանի՞ս հիմա քու անունդ ըսելու, ամբաս-
տանեալ, հարցուց նախագահը: Տյարդիօրէն զանազան ո-
ճիրներդ թօւելուդ համար, զորս քու արուեստդ կ'անուա-
նես, և զանոնք դրուատելուդ համար, ատեանս՝ յանուն
մարդկութեան բարոյականին ու պատույն՝ կը պարտա-
ւորուի խստիւ կշամբել քեզ: Թուցէ այս է պատճառը,
որ մինչեւ հիմա անունդ չտուիր, որովհեան անունդ ա-
ռաջնորդող տիտղոսներով կ'ուզես ըսել:

— Կը զարմանամ, պարոն նախագահ, ըսաւ Պէնէ-
տէթթօ, խիստ քաղցր ձայնով մը և քաղաքավարական
ձեւերով, թէ ի՞նչպէս կրցաք իմ մտքիս խորը թափան-
ցել: Ստուգիւ այդ նպատակաւ ձեզմէ խնդրեցի հարցում-
ներուն կարգը փոխել:

Ամէնուն ապշութիւնը կատարեալ եղաւ:

Ամբաստանեալին ըերնէն անպատկառ և լիրը խօսքեր
չէին ելլեր այլեւս:

Ատեանը յուզուած, մութ ամպին տակ կայծակի մը
փայլատակումը կը գուշակէր:

— Օ՞ն, ըստ նախագահը, ըսէ՛, ի՞նչ է անունդ,

— Անունս չեմ կրնար ըսել որովհեան չեմ գիտեր,
բայց հօրս անունը գիտեմ և կրնամ ըսել ձեզի:

Կշագին շլացում մը Վիլֆօրի աչքերը յթագնեց:
Իր այտերէն դառն և անհամբեր քրտինքի կաթիւները
դողդոջուն և անզօր ձեռքին մէջ բռնած թաւոթին վրայ
կը հոսէին:

— Ուրեմն հօրդ անունը ըսէ՛, յարեց նախագահը:
Ծշուկ մը, չնչառութիւն մը անգամ այդ ժողովին
լռութիւնը չէր խանգարեր: Ամէն մարդ կը սպասէր:

— Հայրս ընդհ. դատախազ է, պատասխանեց Անարէա
առանց շփոթելու:

— Ընդհ. դատախազ է, կ'ըսես, գոչեց նախագահը
ապշահար, առանց Վիլֆօրի վրայ երեւցած այլայլութիւնը
ահսնելուն Ընդհ. դատախազը ըսիք:

— Այս, և որովհետեւ անոր անունը գիտնալ կ'ու-
զէք, ըսեմ ձեզի: աը Վիլֆօր է անոր անունը:

Ատեանէն ակնածող և երկար ատեն լուռ կեցող ներ-
կաները իրենց ձայները որոտումի պէս արձակեցին:

Ատեանը անգամ հոգ չտարաւ ներկայ բազմութեան
այդ շարժումը զապելու:

Պէնէտէթթօյի ուղղուած կշամբանքի և նախատա-
կան խօսքերը, որոնց առջև երիտասարդը անտարբեր կե-
ցած էր, ոստիկան զինուորներուն ուժդին շարժումները և
այն ստորին յարդոց հեզնութիւնները, որոնց ձայները
ամէն ժողովի մէջ աղմուկի և գայթակղութեան ատեն ա-
մէնէն աւելի կը լսուին, հինգ վայրկեան տեսեցին և դա-
տաւորները ու բարապանները հազիւ կրցին լռութիւնը
վերահաստատել:

Այդ աղմուկին մէջ նախագահին ձայնը կը լսուէր:
որ կը գոչէր:

— Ամբաստանեալ, արդարութեան ատեանը ծաղրե՞լ
կ'ուզես և կը համարձակի՞ս այդպիսի անօրինակ ընթաց-
քով մը ընդհ. դատախազը անպատաւել:

Տասը հոգի պ. աը Վիլֆօրի քով վաղեցին, որ իր ա-
թոռին վրայ կիսով չափ նուազած էր: Մխիթարական ու
քաջալիկան խօսքեր ուղղեցին անոր, իրենց համակրու-
թեան հաւասարիքը յայտնելու:

Սրանը վերստին հանդարտած էր բացի մէկ կողմէն,
ուր բաւական անձեր խօսմբ մը կազմած, յուզման մէջ
էին և կը շնչէին:

կին մը նուազած էր, կ'ըսէին, ու անոր ոգելից հե-
ղուկ մը շնչել տալով, սթափեցուցած էին զայն:

Այդ աղմուկին մէջ, Անտրէա ժպտախառն դէմքով զէպի ատեան դառնալով և շնորհալի դիրքով մը իր մէկ ձեռքը նստարանին կաղնիէ վանդակին կոթնցնելով, ըստւ.

— Պարոններ, իմ դիսաւորութիւնս ատեանը թշնամանել և պատկառելի ատեանիդ ներկայութեանը անօգուտ գայթակութիւն մը հանել չէ: Քանի՛ տարեկան ըլլալս հարցուցիք ինծի և ես ըսի ձեզի: Ուր ծնելս հարցուցիք և ես պատասխանեցի: Հիմա անունս կը հարցնէք, բայց պիտի չկրնամ ըսել, որովհետեւ ծնողքս լքեցին զիս: Բայց կրնամ հօրս անունը տալ և կը կրկնեմ ձեզ, հայրս պ. աը Վիլֆոր կը կոչուի և ես պատրաստ եմ ապացոյցներով հաստելու:

Երիտասարդին ձայնին մէջ այնպիսի ստուգութիւն մը, հաստատութիւն մը և ուժգնութիւն մը կար, որ բազմութեան աղմուկը լուսութեան փոխուեցաւ: Ամէնուն նայուածք ները վայրկան մը ընդհանուր դատախազին վրայ սողուեցան, որ շանթահար դիսակի մը պէս իր աթոփին վրայ անշարժ մնացած էր:

— Պարոններ, շարունակեց Անտրէա իր շարժումովն ու ձայնովը լուսութիւն խնդրելով, պէտք է իմ ըսածներուս ապացոյցը և յեկնութիւնը տամ ձեզի:

— Բայց, գոչեց նախագահը բարկութեամբ, հարցաքննիչ դատաւորին յայտարարած ես, թէ քու անունդ Պէնէտէթթօ է: Թէ դուն որք մըն ես և հայրենիքդ Քորսիքա է:

— Քննիչ դատաւորին ըսի ինչ որ արժան դատեցի անոր ըսել, որովհետեւ չէի ուղեր խօսքերուս հանդիսաւորութիւնը տկարացնել կամ խափանել, ինչպէս պիտի ըլլար, եթէ իմ գաղտնիքս յայտնէի հարցաքննիչ դատաւորին, Հիմա կը կրկնեմ, թէ ես 1817 սեպտեմբերի 27 էն 28 լուսնալու գիշերը Օթէօյլ ծնած եմ և ընդհանուր դատախազ պ. աը Վիլֆորի զաւակն եմ: Ասոնց մանրամասնութիւնները կ'ուզէ՞ք իմանալ, հիմա անոնքալ ըսեմ ձեզի: Ֆօնթէն փօղոցին թիւ 28 տան առաջին յարկին վրայ, դամասկեան կարմիր կերպասով զարդարուած սենեկի մը մէջ ծնայի: Հայրս զիս թիւներուն մէջ առնելով, մօրս ը-

սաւ թէ մեռած եմ, Հ. և Ն. գրերով նշանակուած կտաւի մը մէջ ամփոփեց զիս, պարտէզ տարաւ և կենդանի թաղեց զիս:

Բոլոր ներկաները սարսուռ զգացին: Երբ աեսան որ ամբաստանեալին խօսքերուն ստուգութեան հետ պ. աը Վիլֆորի սարսափը կ'աւելնար:

— Բայց այդ մանրամասնութիւնները ի՞նչպէս իմացած ես, հարցուց նախագահը:

— Այն պարտէզին մէջ, ուր հայրս զիս թաղեց, պարոն նախագահ, նոյն գիշերը մարդ մը մտած էր, որ հօրս մահացու թշնամին էր և իր քորսիքացիի վրէժխնդրութիւնը լուծելու համար երկար ատենէ ի վեր կը հետապնդէր զայն: Թշնամին խիտ ծառերուն ետին պահուըտած էր և հողին մէջ հօրս բան մը թաղելը տեսնելով, անոր աշխատութեան ատեն դանակի հարուած մը տուած էր անոր: Յետոյ կարծելով թէ թաղուածը գանձ մըն է, փոսը բացած և զիս կենդանի գտած էր: Այդ մարդը Ընկեցիկ Մանուկներու հաստատութիւնը տարաւ զիս, ուր 57 րդ թուով արձանագրուեցայ: Երեք տմիս յետոյ, անոր քոյրը Ռուլիանոյէն Փարիզ եկաւ ու իբրև իր զաւակը առաւ զիս և համը տարաւ: Ահա ի՞նչ կերպով Քորսիքա մեծցայ, թէն Օթէօյլ ծնած էի:

Վայրկեան մը լուսութիւն տիրեց, բայց այնպիսի խորին լուսութիւն մը, որ եթէ սրտի անձկութիւն չըլլար, պիտի կարծուէր թէ սրահը գտատրկ է:

— Շարունակէ, ըստւ նախագահին ձայնը:

— Անշօւշտ կրնայի երջանիկ ըլլաւ այն անձիրուն քով, որոնք զիս չափազանց կը սիրէին շարունակեց Պէնէտէթթօ, սակայն զէպի մօլութիւնները ունեցած բնական հակումս յաղթեց այն ամէն առաքինութեանց զորս զիս որդեգրող մայրս կը ջանար սրտիս մէջ լեցնել: Մոլի կեանքով մեծցայ և ոկսայ օճիրներ գործել: Վերջապէս օր յը, երբ Աստուծոյ կը հայնոյէի այդպիսի գէշ ընթացք մը ունենալուս և այսպիսի սոսկալի ձակատագիր մը ինծի տալուն համար, հայրազիրս ըստւ ինծի: «Մի՛ հայնոյիր Աստուծոյ, թշուառական տղայ, որովհետեւ Աստուած ա-

ուանց բարկաւթեան ստեղծեց քեզ։ Յանցանքը հօրդ է և ոչ քուկդ, հօրդ, որ գմոխքը սահմանած էր քեզի՝ եթէ մեռնէիր, և թշուսութիւնը՝ եթէ հրաշքով մը մահուընէ աւ զատէիր»։ Այն օրէն Աստուծոյ հայնոյելէն ղադրեցայ, բայց իմ հայրս անիծեցի։ Եւ ահա այդ պատճառաւ է, որ քիչ մը առաջուան խօսքերը բերնէս հանեցի, որոնց համար զիս յանդիմանեցիք, պարոն նախագահ։ Եւ ահա առ սոր համար ևս ալ այդ գայթակղութիւնը հանելու պատճառ եղայ, որուն հետեւանքով ամբողջ ատեանը դեռ կը սարսուայ։ Եթէ այսպէս վարուիլս յանցանք մընէ, պատժեցք զիս։ Բայց եթէ համոզուեցաք, որ ծննդեանս օրէն ի վեր իմ ճակատագիրս աղետալի, վշտալի, դառն և ափսոսալի է, ցաւեցէք վրաս։

— Իսկ մայրդ, հարցուց նախագահը։

— Մայրս կը կարծէր որ ևս մեռած իմ, ան բնաւ յանցանք չունի։ Անոր անունը իմանալ չուզեցի և ևս չիմ ճանչնար զայն։

Այդ միջոցին, ինչպէս ըսինք, կնոջ մը շուրջը զըտ նուռղ խմբակի մը մէջէն սուր ձայն մը լսուեցաւ, որ հեծկլաւանքով մը վերջացաւ։

Այդ կինը, որ սաստիկ ջղաձգութեան մը մատնուած էր, սրանէն դուրս հանեցին, Բայց տարած ատեննին, դէմքը ծածկող խիտ քօղը բացուեցաւ և ամէն մարդ տիկին Տանկլարը ճանչցաւ։

Վիլֆօր իսկ ճանչցաւ զայն և ստքի ելաւ, թէև մտային ակարութեան մը մատնուած էր, սոսկումէն ականջները բզզացին և գրեթէ յիմարութիւն մը ուղեղը կը խանգարէր։

— Ապացոյցնօրդ, ըսաւ նախագահը, ի՞նչ ապացոյց ունիս։ Լաւ մտածէ, ամբաստանեալ, որ այդպիսի սարսափելի խօսքեր խիստ զօրաւոր ապացոյցներով պէտք է հաստատել։

— Ապացոյց կը խնդրէք ինձմէ, ըսաւ Պէնէտէթթօ ծիծաղելով։

— Այսո՛ւ։

— Ուրեմն պ. աը Վիլֆօրի երեսը նայեցէք և ինձմէ ապացոյց խնդրեցէք նորէն։

Ամէն մարդ ընդհ. գատախազին նայեցաւ, որ իր վրայ ուղղուած նայուածքներէն ընկճուած, ատեանին մէջտակը յառաջացաւ դողդոջուն քալուածքով, մազերը տակնուվրայ եղած և դէմքը եղունգներուն ճնշումէն ճմլուած։

Դատասրահին մէջ զարմանքի երկար մրժունջ մը տիրեց։

— Հայր իմ, ապացոյց կը խնդրեն ինձմէ. ըսաւ Պէնէտէթթօ, կ'ուզէ՞ք որ ապացոյցներ տամ։

— Ո՛չ, ո՛չ, կակազեց պ. աը Վիլֆօր հեղձամզձուկ ձայնով, ո՛չ, անօգուտ է։

— Ի՞նչ, անօգուտ է կ'ըսէք, գոչեց նախագահը, բայց ի՞նչ ըսել կ'ուզէ՞ք։

— Պարոններ, գոչեց ընդհ. գատախազը, ըսել կ'ուզեմ թէ զիս ճնշող մահացու հարուածին դէմ ի զուր պիտի մաքառիմ։ Կը ճանչնամ որ վրէժխնդիր Աստուծոյ ձեռքը կը գտնուիմ։ Բնաւ ապացոյցի պէտք չկայ, ինչ որ այս երիտասարդը ըսաւ՝ ճշմարիտ է։

Բնութիեան աղէտներուն յաջորդող լոռութեան պէս աըս խուր և անտանելի լոռութիւն մը տիրեց բոլոր հանդիսաւ կաններուն մէջ, որոնց գլխին մազերը քսամնեցան։

— Ի՞նչ, պ. աը Վիլֆօր, գոչեց նախագահը, միթէ կը զառանցէ՞ք, միթէ ձեր մտային կարողութիւնները կորունցուցած էք։ Ամէն մարդ լաւ կ'ըմբռնէ, որ տարօրինակ, անակնկալի և սոսկալի զրպարտութիւն մը ձեր միտքը շփոթած է. օ՛ն, սթափեցէ՞ք։

Ընդհ. գատախազը գլուխը ցնցեց։ Տենդէն տագնասպող մարդու մը պէս իր ակունները ուժգնօրէն կը կափկափէին և մեռելատիպ զունատութիւն մը ունէր։

— Իելքս գլուխս է, պարոն, ըսաւ, միայն մարմինս ակարացած է և տոոր ալ պատճառը դիւրաւ կը հասկցուի։ Այս երիտասարդին ինծի դէմ ըսածներուն մէջ յանցաւոր ըլլալս կը խսութանիմ և այս վայրկեանէն իմ տանս մէջ պատրաստ կը գտնուիմ ինծի յաջորդող պարոն ընդհ. գատախազին հարմանին հնագանդելու։

Ու այդ խօսքերը ցած և գրեթէ խեղդուկ ճայնով մը

արտասանելէն յիտոյ, պ. տը Վիլֆօր դեղեւելով դէպի
դուռը յառաջացաւ, որուն քովը գտնուող բարապանը մե-
քենական շարժումով մը բացաւ զայն:

Բոլոր ատեանը լուռ և ապշահար մնաց այս յայտա-
րարութեան և խոստովանութեան հանդէպ, որ տասնըինդ
օրէ ի վեր փարիզեան բարձր ընկերութիւնը տակնուվրայ
ընող յանկարծական փոփոխութեանց սոսկալի վերջ մը
կռ տար:

— Տեսա՞ք, ըսաւ Պոչան, թող հիմա զան ըսկն թէ
բնութեան մէջ թատերգութիւն չկայ:

— Ստուգիւ, ըսաւ Շաթօ-Ռընօ, ամէնէն լաւը՝ պ.
տը Մորոէրքի պէս ընկլն է: Այսպիսի աղէտէ մը յիտոյ
ատքանակին հարուածը ամէնէն քաղցր բանը կը թուի:

— Սպահութիւն ալ կը գործէ եղեր, ըսաւ Պոչան:

— Ես ալ ատեն մը կը մտածէի անոր աղջկան հետ
ամուսնանալ, ըսաւ Տըպրէ, իսկամ աղջիկը մեռաւ և ազա-
տեցաւ:

— Ատեանը փակուած է, պարոններ, ըսաւ նախա-
գահը և դատը յառաջիկայ նիստին ձգուեցաւ: Պէտք է
գործը վերստին քննիլ և ուրիշ դատաւորի մը յանձնիլ:

Իսկ Անարէա կատարեալ հանդարտութեամբ սրանէն
դուրս ելաւ սոտիկան զինուորներէն շրջապատուած, որոնք
ակամայ ակնածութեամբ կը վարուէին անոր հետ:

— Եղածին ի՞նչ կ'ըսես, պարօն, հարցուց Տըպրէ սո-
տիկանութեան գործակալին, անոր ձեռքը ոսկի մը դնելով:

— Ծանը ոճիրներ գործուած ըլլալու են, պատասխա-
նեց գործակալը:

ԺԲ. ԳԼՈՒԽ

Ն Ե Ր Ո Ւ Մ Ը

Բազմութիւնը թէւ խիստ սեղմուած էր, բայց պ. տը
Վիլֆօրի առջև ճամբայ բացաւ ու ձգեց որ դուրս ելլէ ան:

Մէծ վիշտեր ունիցողին հանդէպ այնչափ ակնածու-
թիւն ցոյց կը տրուի, որ ամէնէն յիտին թշուառութեանը

մէջ իսկ երբեք պատահած չէ որ բազմութեան առաջին
շարժումը համակրութեան զզացում մը չըլլայ:

Ատելի եղող շատ մարդիկ ամբոխին մէջ սպաննուած
են, Սակայն շատ քիչ անդամ թշուառ մը, թէև յանցա-
ւոր ըլլայ, իր մահուան դատաստանին ներկայ գտնուող
մարդոց կողմէ թշնամանուած է:

Ուստի, Վիլֆօր իր խոստովանութեամբը յանցաւոր
ճանչցուած և միայն իր վշտէն պաշտպանուած՝ հանդիսա-
կաններուն, պահապան զինուորներուն և դատական պաշտ-
ունեաններուն մէջէն անցնելով, սրանէն դուրս ելաւ:

Այնպիսի կացութիւններ կան, զօրս մարդ բնագդու-
մով կ'ըմբռնէ, բայց չի կրնար մեկնութիւններ տալ ա-
նոնց: Այսպիսի պարագայի մէջ՝ ամէնէն պերճախօս մար-
դը այն է, որ իր դժբախտութեանց մէջ յուսահատութեան
ազդու և բնական ձայն մը կը հանէ: Հանդիսականները
յուսահատին այդ ձայնին մէջ անոր բովանդակ պատմու-
թիւնը կը տեսնեն և իրաւունք ունին անով գոհ ըլլալու,
մանաւանդ երբ այդ ձայնը կեղծ չէ:

Սակայն անկարելի էր նկարողին դատական պաշտօ-
նատունէն դուրս ելած ատեն Վիլֆօրի ունեցած ընդար-
ժացումը և այն սարսուագին տենովը, որ իր բոլոր չնչե-
րակները կը գողացնէր, ջիղերը կը պրէկը, երակները
պայթեցնելու չափ կ'օւոհցնէր և մահացած մարմայն իւ-
րաքանչիւր մասը անդարմանելի ցաւերով կը բզքտէր:

Վիլֆօր՝ սովորութենէն տառինորդուած՝ բակերուն
մէջէն անցաւ, ուսերուն վրայէն դատաւորի պատմուճանը
նետեց՝ ոչ թէ վայելչութեան համար զայն վրայէն հանե-
լով, այլ իր ուսերուն վրայ ծանր բռո մը և նեսոսի աղե-
տալի պատմուճանը կ'երեւէր իրեն:

Դեղեւելով մինչև Տոփինի հրապարակը հասաւ, ուր
իր կառքը տեսաւ, ձեռքովը դոնակը բանալով՝ կառապանը
արթնցուց ու նստարանին վրայ նետուեցաւ՝ մատովը Սէնթ
Օնօրէ արուարձանին կողմէ ցոյց տալով:

Կառքը ճամբայ ելաւ:

Բախտին հարուածը իր սիրտը կը ճնշէր ու չէր գի-
տեր թէ այնուհետեւ ի՞նչ պիտի գայ գլխուն, որովհետեւ ա-

նոնց վրայ չէր մտածեր, այլ միայն կը զգար և չէր խորս
հեր այն օրէնքին վրայ, ինչպէս կ'ընէ անհագ մարդասս
պան մը, յայտնի յօդուածի մը վրայ մեկնութիւններ ընելով:

— Աստուա՛ծ, կը մրմիջէր շարունակ վիլֆօր, առանց
գիտնալու թէ ի՞նչ կ'ըսէ:

Որովհեակ այդ աղէտին ետին վրէժինդիր Աստուածոյ
ձեռքը կը կարծէր տեսնել:

Կառքը կը յառաջանար արագորէն:

Վիլֆօր կառքին մէջ շարժելով, զգաց որ բան մը
զինքը անհանգիստ կ'ընէր: Զեռքը այդ տուրկային եր-
կնցուց ու տեսաւ որ հողմանար մըն էր ան, զոր տիկին
աը Վիլֆօր բազմոցին և բարձերուն մէջտեղը մոռցած էր:

Այդ հողմանարը մտքին մէջ յիշատակ մը արթնցուց
և այն յիշատակը գիշերուան մէջ լոյս մը եղաւ իրեն համար:
Վիլֆօր իր կնոջը վրայ մտածեց:

— Ո՞ն, կը գոչէր Վիլֆօր կարծելով թէ հրաշէկ եր-
կաթ մը իր սիրաը կը մխուէր:

Ժամէ մը ի վեր իր թշուառութեան միայն մէկ կողմը
աչքերուն առջե ունէր և ահա յանկած միւս կողմն ալ
ոչ նուազ սոսկումօվ ներկայացաւ մտքին:

Իիչ մը առաջ իր կնոջ անողոք դատաւորը եղեր էր,
քիչ մը առաջ ինքը մահուան դատապարած էր զայն:
Կինը՝ սարսափէն զարհուրած, խիղճէն չարչարուած և իր
անստգիւտ առաքինութեան պերճախօսութենէն խաժառակ-
ուած, բացարձակ և գերագոյն իշխանութեան մը դէմ տը-
կար ու տնապաշտպան մնալով՝ այդ պահուն մեռնելու կը
պատրաստուէր գուցէ:

Իր կնոջ դատապարատութիւնն ի վեր արդէն ժամ մը
անցած էր:

Անտարակոյս այդ միջոցին իր բոլոր մեղքերը մտքին
առջե կը բերէր, անոնց համար Աստուածէ թողութիւն կը
խնդրէր, նամակ մը կը գրէր իր առաքինի ամուսնոյն՝ անկէ
ներում խնդրելու համար ծնբաղիր, զոր իր մահուամբը
պիտի գնէր:

Վիլֆօր մանչիւնի նման երկրորդ հառաջանք մը ար-
ձակեց, ցաւով ու բարկութեամբ լիցուած:

— Ո՞ն, զոչեց կառքին բազմոցին վրայ մէկ կողմէն
միւսը զլորելով, կինս միայն ինծի գպչելուն համար յան-
ցաւոր եղաւ: Մեղքը քրտինքի նման ինձմէ զուրս ելաւ ու-
ժանտատենդէ, համարձակէ կամ ժանտախտէ վարակելու
պէս կինս ալ ինձմէ վարակուեցաւ, ու ես կը պատժեմ
զայն... Ո՞ն, համարձակեցայ իսկ անոր ըսկելու թէ՝ «Ա-
պաշխարեցէք և մհոէք»... Ո՞ն, ո՞չ, ո՞չ, թող ապրի...
թող ինձի ընկերանայ... միատեղ կը փախչինք, Ֆրանս
սայէն կը հեռանանք և ուրիշ երկիրներ կը բնակինք որս
չափ ատեն որ աշխարհս կարենայ մեզ կրել: Կառափնատի
խօսքն ըրի անոր... Ո՞վ Աստուած իմ, ի՞նչպէս համար-
ձակեցայ այդ բառը արտասանել: Զէ՞ որ կառափնատը ին-
ծի ալ կը սպասէ... Միատեղ կը փախչինք, այս՛, իմ
մեղքերս անոր կը խոստավանիմ: Ամէն օր նուաստանալով
անոր կ'ըսեմ թէ օձիր մը գործեցի... Ո՞ն, վագրի և օձի
միութիւն մը պիտի ըլլայ մերը, ինձի պէս ամուսինի մը
արժանաւոր կինն է ան... Այս՛, պէտք է որ ապրի և իմ
անօրէնութիւնս անոր յանցանքը թող ծածկէ:

Ու Վիլֆօր կառքին առջեւի պատուհանը շառաչիւնով
մը իջեցուց.

— Ծուտ, աւելի՛ շուտ, գոչեց այնպիսի ձայնով մը,
որ կառապանը նստարանին վրայէն վեր ցատկեցաւ:

Զիերը՝ երկիւղէն մղուած՝ մինչեւ տօւն վազեցին:

— Այս՛, այս՛, կը կրնէր Վիլֆօր իր տան մօանա-
լով, այս՛, պէտք է որ կինս ապրի, պէտք է որ զղայ և
իմ զաւակս մեծցնէ, իմ խեղճ և միակ զաւակս, որ ան-
մեռ ծերունիին հետ ընտանիքիս կոտորածէն ազատեցաւ:
Կինս կը սիրէր զայն և ամէն բան անոր համար ըրաւ: Իր
զաւակը սիրող մօր մը սրտին վրայ յուս դնելու է միշտ:
Կինս պիտի զղայ, մէկը պիտի չիմանայ թէ յանցանք մը
գործեց: Իմ տանս մէջ գործուած օձիրները, որանց մասին
արդէն ամէն մարդ մտահոգ է, ժամանակին հետ պիտի մոռ-
ցուին և կամ եթէ թշնամիներէս սմանք յիշեն զայն, իմ
անցանքներուս ցուցակին մէջ կ'առնեմ զանոնք: Մէկ,
երկու, երեք մեղք աւելի թող ըլլայ: հոգ չէ: Կինս իր
հետը սսկի և մանաւանդ իր զաւակը առնելով, կ'ազատի

այն անդունդէն, որուն մէջ մարդիկ ինծի հետ պիտի իշ-
նան կարծիս: Թող ապրի, տակաւին երջանիկ ըլլայ, քա-
նի որ իր բոլոր սէրը զաւկին նուիրած է, և իր զաւակը
երբեք իրմէ պիտի չբաժնուի: Գոնէ այս կերպով բարիք
մը ըրած պիտի ըլլամ և այս բանը մխիթարութիւն մը
պիտի ըլլայ ինծի:

Ընդհանուր գատախաղը սկսաւ աւելի ազատութեամբ շունչ
առնել, որ ժամէ մը ի վեր գրեթէ արգիլուած էր:

Կառքը տան բակին մէջ կեցաւ:

Վիլֆօր կառքին պատուանդանէն սանդուխին վրայ
ցատկեց: Շուտ դառնալուն համար ծառաները զարմանքի
մէջ տեսաւ, բայց անոնց գէմքին վրայ ուրիշ բան չդի-
տեց: Ոչ մէկը չէր համարձակած խօսք մը ուզգել իրեն:
ըստ սովորութեան, իր առջե կեցան անոնք մինչեւ որ ին-
քը վեր ելաւ:

Նուարթիէի սենհակին առջեւէն անցաւ Վիլֆօր և
կիսաբաց գոնէն ներս երկու հոգիի ստուերը տեսաւ: Բայց
բնաւ հոգ չըրաւ իր հօրը քովը գանուողը հասկնալու: Իր
մատասնջութիւնը ուրիշ տեղ կը քաշէր զինքը:

— Բան մը չէ փօխուած հոս, ըստ Վիլֆօր այն
փոքր սանդուխէն վեր ելլելով, որ իր կնոջը և Վալտնթի-
նի դատարկ սենհակը տանող անդաստակը կը տանէր:

Ամէնէն առաջ դուռը գոցեց:

— Պէտք չէ որ մէկը գայ մեզ անհանգիստ ընէ, ը-
ստւ: Կ'ուզիմ կնոջս հետ ազատօրէն խօսիլ, իմ յանցանքս
անոր յայտնել և ամէն բան պատմել...

Դրան մօտենալով ճարմանդը դարձուց և դուռը բաց-
ուեցաւ:

— Լա՛ւ, ըստւ, դուռը գոցուած չէ:

Այն փոքր սրանը մտաւ, ուր ամէն իրիկուն փոքր
իտուարի համար անկողին մը կը պատրաստէին: Էտուար
թէե գիշերօթիկ դպրոց կ'երթար, բայց ամէն իրիկուն
տուն կը վերադառնար, Մայրը երբեք չէր ուզեր զաւկէն
հեռու գտնուիլ:

Մէկ ակնարկով փոքր սրանին ամէն կողմը դիտեց:

— Մարդ չկայ հոս, ըստւ, անտարակոյս ննջասեն-
հակը կը գտնուիր:

Դէպի այն դուռը խօյացաւ, բայց անոր պարզունա-
կը դրուած էր: ուստի հոն կեցաւ սարսուագին:

— Հէլոյի'զ, գոչեց:

Իրեն այնպէս թուեցաւ, որ կարասիի մը շարժիլը կը
լոէ:

— Հէլոյի'զ, կրկնեց Վիլֆօր:

— Ո՞վ է ան, հարցուց այն անձը, որուն անունը կը
տրուէր:

Այդ ձայնը սովորականէն աւելի տկար երեւցաւ Վիլ-
ֆօրին:

— Բացէ'ք, բացէ'ք դուռը, գոչեց Վիլֆօր, ե'ս եմ:

Բայց այդ հրամանին, իր անձկալից ձայնին հակա-
ռակ, դուռը չբացուեցաւ:

Վիլֆօր ոտքի հարուածով մը դուռը խորտակեց:

Տիկին աը Վիլֆօր իր դահլիճին մէջտեղը կանգնած
էր գունատած, երեսին գծերը այլայլած և սոսկալի ապշու-
թեամբ մը ամուսնոյն երեսը նայելով:

— Հէլոյի'զ, Հէլոյի'զ, ըստ Վիլֆօր, ի՞նչ ունիք,
ըսէք:

Մաղկատի կինը իր պիրկ և կապուտցած ձեռքը անոր
երկարելով:

— Լմիցաւ, պարոն, ըստ այնպիսի հոնդիւնով մը,
որ գոգցին կոկորդը պիտի պատուիր, ի՞նչ կ'ուզէք տակաւին:

Ու երկայնքին գետինը փոսւեցաւ:

Վիլֆօր անոր վրայ խոյացաւ, ձեռքը բռնեց և այն
ձեռքին մէջ ոսկի կափարիչով բիւրեղէ սրուակ մը տեսաւ:

Տիկին աը Վիլֆօր մեռած էր:

Վիլֆօր իր սոսկումէն շուարած, մինչեւ սենհակին
դրան սեմլ ետ քաշուելով, դիմակին նայեցաւ:

— Զաւա՛կս, գոչեց յանկարծ, ո՞ւր է զաւակս, է-
տուա՛ր, էտուա՛ր:

Ու սենհակէն դուրս նետուեցաւ՝ էտուար, էտուա՛ր»
պոռալով:

Այդ անունը այնպիսի անձկայրեաթ ձայնով մը ար-
տասանեց, որ ծառաները ներս վաղեցին:

— Զաւա՛կս, ո՞ւր է զաւակս, հարցուց Վիլֆօր: Տու-
նէն հեռացուցէք, որ չախնէ...

— Պ. Էտուարը վարը չէ, պարոն, պատասխանեց սենեկապանը:

— Անտարակոյս պարտէզին մէջ կը խաղայ, նայեցէք, նայեցէք:

— Ոչ, պարոն, գրեթէ կէս ժամ առաջ տիկինը վեր կանչեց զայն, Պ. Էտուար տիկնոջ սենեակը զնաց և անկէ հաքը վար չիջաւ:

Սառած քրտինք մը Վիլֆօրի ճակատը պատեց: Բարքերը իրենց հաւասարակութիւնը կորսնցուցին և իր ժտածումները խորտակուած ժամացոյցի մը անիւներուն պէս, սկսան իր գլխին մէջ դառնալ անկարգօրէն:

— Տիկին աը Վիլֆօրի սենեա'կը, յրմիջեց, տիկին աը Վիլֆօրի սենեա'կը:

Ու ետ դարձաւ, մէկ ձեռքով ճակտին քրտինքը սրբելով ու միւսովը պատին կոթնելով:

Սենեակը մտնելով, խեղճ կնոջ դիակը պիտի տեսնէր նորէն:

Գերեզման դարձած այդ սենեակիներուն արձագանքը պիտի լսէր: Էտուարը կանչելու համար եթէ խօսէր, գերեզմանին լուսթիւնը պիտի խոնդարէր:

Վիլֆօր զգաց որ լեզուն կոկորդին մէջ բռնուած էր: — Էտուա'ր, Էտուա'ր, կակազեց:

Բայց մանուկը չէր պատասխաներ: Ո՞ւր էր իր զաւակը: ծառաներուն ըստին նայելով իր մօրը սենեակը մտած և անկէ դուրս ելած չէր:

Վիլֆօր քայլ մը յառաջացաւ:

Տիկին աը Վիլֆօրի դիակը տարածուած էր այն զահալիձին դրան երկայնքին, ուր հարկաւ էտուար կը գտնուէր: Տիկնոջ դիակը, ապշանար աչքերով և հնդնական սոսկալի ժպիտով մը դրան սեմերուն վրայ կը հսկէր կարծես:

Դիակին ետին սրահակը բացուած ըլլալով, զահլիձին մէկ կողմը կը տեսնուէին դաշնամուր մը և կտպոյտ սընդուսէ բազմոցի մը ծայրը:

Վիլֆօր երեք չորս քայլ առաջ գնաց և բազմոցին վրայ գաւակը պառկած տեսաւ:

Անտարակոյս աղան կը քնանար:

Խեղճ հայրը աննկարագրելի ուրախութեամբ լեցուեցաւ: Պայծառ լոյսի ճառագայթ մը այն դժոխքը լուսաւուրած էր, ուր Վիլֆօր ինքն իրեն կը մաքառէր:

Ուստի պէտք էր դիակին վրայէն անցնիլ, դաէլիձին մէջ մտնել, աղան գրկել և անոր հետ փախչիլ հեռու, խիստ հեռու երկիր մը:

Վիլֆօր նոյն մարդը չէր ա'լ, մահացու կերպով վիրաւուրուած վագրի մը կը նմանէր, որ իր փշրուած ակուները վերջին վէրքին մէջ կը թողու: Նախապաշարումներէ չէր վախնար այլեւս, այլ ուրուականներէ:

Կիզիչ կրակարանի մը վրայէն անցնելու պէս, դիակին վրայէն ցատկեց և տղուն մօտենալով, իր թեւերուն մէջ առաւ, սեղմեց զայն, շարժեց և անոր անունը տուաւ:

Բայց էտուար պատասխան չտուաւ:

Վիլֆօր իր անյագ շուրթերը անոր այտերուն փակցուց, բայց աղուն այտերը կապուացած և սառած էին:

Անոր պրկուած անդամները չօշափեց, ձեռքը սրտին վրայ դրաւ, բայց սիրաց չէր բաբախեր այլեւս:

Մանուկը մեռած էր:

Էտուարի կուրծքէն չորս ծալլուած թուղթ մը ինկաւ: Վիլֆօր շանթահար եղած՝ ծնկան վրայ ինկաւ:

Էտուար իր հօրը անշարժ թեւերուն մէջէն սահեցաւ և մօրը քովը գլորեցաւ:

Վիլֆօր թուղթը գետնէն առաւ, կնոջ գիրը ճանչցաւ և անհամբերութեամբ կարդաց հետեւեալը.

«Դիակէք որ ես բարի մայր մըն եմ, որովհետեւ իմ զաւակիս համար այդ յանցանքներուն տէրը եղայ:

Բարի մայր մը իր զաւակը միասին չառած չի մեկնիր:

Վիլֆօր չէր կրնար իր տեսածին հաւատաւ, այլ կը կարծէր թէ կը զառանցէ: Դէպի էտուարին մարմինը հակցաւ և էգ առիւծի մը նման, որ իր մեռած կորիւնը կը դիաէ, երկրորդ անդամ ուշագրութեամբ զննեց տղան:

Այն ատեն ողբրմուկ ձայն մը ելաւ սրտէն: — Աստուա'ծ, յրմիջեց, մի՛շա Աստաւած:

Այդ երկու զոհերը զինքը կը զարհուրեցնէին։ Երկու դիակներու քով տունձին մնալու վախցաւ։

Քիչ մը առաջ իրեն ոյժ կու տային բարկութիւնը, որ զօրաւոր մարդոց մեծ զէնքն է, և յուսահասութիւնը, որ հոգեվարքի մէջ եղողին յատկութիւնն է և որմէ Տիտաննեանները գրգռուելով երկինք ելլելու ջանացին ու Այաքս իր բունցքը աստուածներուն ցուցուց։

Սակայն Վիլֆօրի գլուխը ցաւերու բեռին տակ խոսնած՝ ծունկերուն վրայ ելաւ, քրտինքէն խօնացած և ասրսափէն քստմնած յազերը ցնցեց և այն մարդը, որ և ոչ մէկուն վրայ գթացած էր. իր ծեր հայրը տեսնելու գնաց, որպէսզի իր տկարութեանը մէջ մարդ մը գտնէ և կարենայ իր թշուառութիւնը պատմել ու անոր քովը լալ։

Ուստի նոյն սանդուխէն վրա իջաւ և Նուարթիէի սենեակը մտաւ։

Այդ միջոցին, Նուարթիէ՝ իր անշարժութիւնը թոյւատրածին չափ, արբայ Պիւզոնիին խօսքերը մտիկ կ'ընէր սիրայօժար, որ ըստ սովորութեան հանդարտ և պաղկ'երեւէր։

Վիլֆօր, արբան տեսնելուն, ձեռքը ճակտին տարաւ։ Անցելը փրփրալից ալիքի պէս իր մտքին առջև ներկայացաւ. Օթէյօլի ճաշին հետեւեալ առտուն արբային տուած այցելութիւնը և Վալանթինի մահուան օրը արբային իրեն ըրած այցելութիւնը յիշեց։

— Հո՞ս էք, պարոն, ըստ, ուրեմն մեռեալները տանելու համար միայն կու գաք։

Պիւզոնի ոտքի ելաւ, Դատաւորին դէմքին այլայլութիւնը և աչքերուն վայրագութիւնը տեսնելով, հասկցաւ կամ իրեն այնպէս երեւցաւ, թէ Ատեանին մէջ տեսարանը կատարուած է. մնացածը չէր գիտեր։

— Զեր աղջկան մարմնոյն վրայ աղօթելու համար ձեր տունը եկայ։

— Այսօր ի՞նչ ընելու եկաք։

— Եկայ ըսելու, թէ զիս լաւ վարձատրեցիք և այսօրունէ Աստուծոյ պիտի աղաչեմ, որ ինձի պէս գոհ ըլալայ ձեզմէ։

— Տէր Աստուա՛ծ, այս ձայնը արբայ Պիւզոնիինը չէ, գոչեց Վիլֆօր, սարսափահար ետ քաշուելով։

— Ոչ, պատասխանեց արբան և իր կեղծ կուլակը վար առաւ ու գլուխը ցնցեց։ Սեւ երկար մազերը ուսերուն վըրայ ինկան, աժգոյն դէմքը շրջանակելով։

— Պ. աը Մօնթէ. Քրիսթօն է, գոչեց Վիլֆօր ապօւշնայուածքով մը։

— Ան ալ չէ, պարօն ընդէ. դատախազ։ Աղէկ փընտոնցէք և աւելի հեռուն գացէք։

— Այս ձա՛յնը, այս ձայնը արդեօք ո՞ւր լսած եմ առաջին անգամ։

— Առաջին անգամ Մարսիլիա լսած էք ասկէ քսաներեք տարի առաջ, օրիորդ աը Սէն Մէրանի հետ ամուսնացած օրերնիդ։ Ջեր դատական թղթածրարներուն մէջ փնտոնցէք։

— Ոչ Պիւզոնին էք և ոչ Մօնթէ. Քրիսթօն, ո՞վ Աստուած, ուրեմն իմ գաղտնի, անկարեկիր և մահացու թըշնամիս էք դուք։ Մարսիլիայ մէջ ձեզի դէմք բան մը ըրած եմ, ո՞հ, վա՛յ ինձի ուրեմն։

— Այօ՛, իրաւունք ունիս, ճիշտ այդպէս է, ըստ կոմսը թեւերը իր լայն կուրծքին վրայ խաչաձեւելով։ Փնտոէ՛, գտի՛ր։

— Բայց ի՞նչ ըրի քեզի, գոչեց Վիլֆօր, որուն խելքը այն սահմանին վրայ կը ծփար, ուր բանականութիւնը և յիմարութիւնը կը շփթուին այն շամանդաղին մէջ, որ ոչ երազ է և ոչ իսկ արթնութիւն. ի՞նչ ըրի քեզի. ըսէ՛։

— Յամը և սարսափելի մահուան մը դատապարտեցիք զիս, հայրս սպաննեցիք, ազատութեանս հետ սէրէս եւ սիրոյս հետ հարատութենէս զրկեցիք զիս։

— Բայց ո՞վ էք դուք, ո՞վ էք դուք, Տէր Աստուա՛ծ։

— Ես այն խեղճ մարդուն ոգին եմ, զոր դուք իփդղեակին ստորերկրեայ բանտերուն մէջ թաղեցիք։ Իր զերեզմանէն վերջապէս դուրս ելած այս ոգիին Մօնթէ. Քրիսթօ կոմսին զիմակը տուաւ Աստուծ եւ ադամանդներով ու ոսկիով ճոխացուց զայն, որպէսզի այսօր զինքը ճանչնաք։

— Ո՞հ, ճանչցայ, ճանչցայ, ըստւ Վիլֆօր, դուն...
 — Էտմօն Տանթէ՛սն եմ ես:
 — Էտմօն Տանթէ՛սն ես, գոչեց ընդհ. դատախազը,
 կոմսին դաստակէն բռնելով, եկուր ուրիմն:
 Ու սանդուխէն վեր հանեց Մօնթէ. Քրիսթօն, որ չէր
 գիտեր թէ ուր կը տանէր զինքը ընդհ. դատախազը: Նոր
 աղէտ մը կը գուշակէր:

— Տե՛ս, Էտմօն Տանթէս, ըստւ Վիլֆօր իր կնոջը եւ
 զաւկին դիակները կոմսին ցուցնելով, ահա՛, ահ՛ս, վրէժդ
 աղէկ լուծած ես...

Այդ զարհուրելի տեսարանին առջեւ, Մօնթէ. Քրիսթօ-
 յի գոյնը նետեց, հասկցաւ որ իր վրէժմխնդրութեան չափը
 անցած էր, հասկցաւ որ հարկ չկար այնուհետեւ ըսել. «Աս-
 տուած ինձի հետ է եւ զիս կը պաշտպանէ»:

Կոմսը սրտի աննկարագրելի անձկութեամբ, մանկան
 մարմնոյն վրայ ցատկեց, անոր աչքերը բացաւ, երակնե-
 րուն զարկը քննեց եւ միասին առնելով, Վալանթինի սհն-
 եակը վազեց ու դուռը փակեց:

— Զաւա՛կս, գոչեց Վիլֆօր, զաւկիս դիակը կը տա-
 նի: Ո՞հ, անէծք թշուառութիւն եւ մահ տեղան վրադ...

Ուզեց Մօնթէ. Քրիսթօյի ետեւէն երթալ, բայց ինչ-
 պէս երազի մէջ կը պատահի, զգաց որ սաքերը գետինը
 փակած էին, ակնակապիճները պայթեցնելու չափ աչքերը
 բացուած էին, կուրծքին վրայ դրած մատները աստիճա-
 նաբար մօին մէջ կը խրէին, մինչեւ որ եղունգները ա-
 րիւնով ներկուեցան: Քունքերուն երակները ուժգին մտա-
 ծումներով այնքան ուղեցան, որ գանկին խիստ նեղ գըմ-
 բէթը բարձրացուցին եւ ուզեղը բացերու մէջ ընկղմեցին:
 Վիլֆօրի այդ վիճակը քանի մը վայրկեան տեւեց,
 մինչեւ որ կատարելապէս խելայել զարձաւ:

Այն ատեն, բարձր ձայն մը հանելէն յետոյ, սկսաւ եր-
 կար ատեն քրքջալ եւ սանդուխներէն վար վազեց աճա-
 պարանքով:

Քառորդ մը ետքը, Վալանթինի սենեակը բացուեցաւ
 և Մօնթէ. Քրիսթօ կոմսը դուրս ելաւ զունատած, տիսուր
 նայուածքով եւ իր դիմագները, որոնք սովորաբար հան-
 դարտ եւ վայելուչ էին, վշտէն այլայլած էին:

Իր թեւերուն մէջ մանուկը գրկած էր, որուն համար
 ըրած ջանքերը օգուտ մը ունեցած չէին զայն կենդանա-
 ցնելու համար:

Մէկ ծունկը գետինը դրաւ և մանուկը մօրը քովը
 պարկեցուց երկիւղածօրէն, գլուխը անոր կուրծքին վրայ
 դնելով:

Յետոյ ոտքի կանգնելով, դուրս ելաւ և սանդուխին
 վրայ ծառայի մը հանդիպելով, հարցուց:

— Ուր է պ. աը Վիլֆօրը:

Ծառան, առանց պատասխանելու, ձեռքը պարտէզին
 կողմը երկարեց:

Մօնթէ. Քրիսթօ պարտէզին սանդուխէն վար իջաւ,
 գէպի մատնանշուած կողմը յառաջացաւ և Վիլֆօրը տե-
 սաւ, որ իր ծառաներէն շրջապատուած և ձեռքը բան մը
 առած, կատաղութեամբ մը գետինը կը փորէր կարծես:

— Հսս ալ չէ, ըստւ, հսս ալ չէ:

Ու աւելի հեռուն կը փորէր:

Մօնթէ. Քրիսթօ անոր մօտեցաւ յուշիկ քայլերով:

— Պարոն, ըստւ գրեթէ խօնարհ ձայնով մը, զաւակ
 մը կորսնցուցիք բայց...

Վիլֆօր ընդմիջեց զայն, բայց ո'չ աբբային խօսքը
 լսած էր և ոչ մտիկ ըրած էր:

— Ո՞հ, հս պիտի գտնեմ, ըստւ, պարապ տեղը կ'ը-
 սէք թէ հսո չէ: Ես պիտի գտնեմ զայն, եթէ մինչեւ վեր-
 ջին դատաստանին օրը ֆնտուել հարկ ըլլայ:

Մօնթէ. Քրիսթօ սոսկումով ետ քաշուեցաւ:

— Ո՞հ, ըստւ, խենթեցեր է:

Վախնալով որ այդ անիծեալ տան պատերը իր վրայ
 չիւչին, փողոց վազեց, առաջին անգամ՝ ըրածին վրայ
 տատամսատ:

— Ո՞հ, բաւական է, բաւական է այսչափը, վերջի-
 նը ազատենք:

Իր տունը վերադառնալով, կոմսը Մօրէլին պատա-
 հեցաւ, որ իր գերեզմանը մանելու համար Աստուծմէ
 սահմանուած ժամանակին սպասող ստուերի մը պէս՝ Շանդ-
 էլիզէի տան մէջ կը պարտէր անձայն:

— Պատրաստ էք, Մաքսիմիլիէն, վաղը Փարիզէն
պիտի մեկնինք, ըստ ժպտագին:

— Փարիզի մէջ գործ չունի՞ք ալ, հարցուց Մորէլ:

— Ո՛չ, պատասխանեց Մօնթէ-Քրիստօ, և Աստուած
չուզեր որ ուրիշ գործեր ընեմ:

ԺԳ. ԳԼՈՒԽ

Մ Ե Կ Ն Ո Ւ Մ Բ

Այդ դէպքերը բոլոր փարիզիներու խօսակցութեան
առարկայ եղած էին:

Էմմանուէլ և իր կինը, Մէսլէ փողոցին իրենց փոքր
սրահին մէջ խխտ բնական զարմացումով իրարու կը պատ-
մէին այդ դէպքերը:

Մորսէրֆի, Տանկլարի, Վիլֆօրի յանկարծական և
անակնկալ աղէտները իրարու կը մօտեցնէին անոնք:

Մաքսիմիլիէն, որ այցելութեան եկած էր, մտիկ կ'ը-
նէր զանոնք և կամ անոնց խօսակցութեան տաեն, իր սոս
վորական անզգայութեան մէջ ընկլմած, անոնց մօտ կը
կենար:

Ստուգիւ, Էմմանուէլ, կ'ըսէր ժիւլի, կարծես թէ
երէկուան այնչափ հարուստ և այնչափ երջանիկ եղող այդ
անձերը, որոնք իրենց հարստութիւնը, երջանկութիւնը
նկատի առնելով, բոլոր յօյսերնին հաստատած էին անոնց
վրայ, մոցած էին չար ոգիին մասը հանելու, և թէ ան
ալ Բէրոյի հնարած առասպելներուն չար վճուկներուն պէս,
(որոնք հարսանիքի կամ խնջոյքի հրաւիրուելու՝ մոցուած
էին), յանկարծ երեւան ելած էր, անոնց աղետալի մոռա-
ցումին վրէժը լուծելու համար:

— Ո՛հ, ի՞նչ գժրախտութիւններ են ասոնք, կ'ըսէր
Էմմանուէլ, Մորսէրֆին և Տանկլարին վրայ խօրհելով:

— Ո՛հ, ի՞նչ առավազնքներ, կ'ըսէր ժիւլի՝ Վալան-
թինը միտքը բերելով, որուն անունը կանացի բնազդու-
մով մը չէր ուզեր երգորը առջև արտասանել:

— Եթէ Աստուած է զանոնք պատժողը, կ'ըսէր էմ-

մանուէլ, անշուշտ Աստուած, որ ամէն բարիքներուն աղ-
րիւրն է, այդ մարդոց անցեալին մէջ թօղութեան ար-
ժանի բան մը գտած չէ և անոնք անիծուած են:

— Դատողութեանդ մէջ խիւտ չե՞ս, էմմանուէլ, ե-
թէ հայրս հրազէնով իր ուղեղը պայթիցնէր և եթէ հիմա
ըստածիդ պէս մէկը ըսէր. «Այն ժարդը իր պատիժին ար-
ժանի էր», այդ խօսքը ըսողը զիս պիտի չխաբէ՞ր միթէ:

— Այո՛, բայց Աստուած չներեց որ քու հայրդ մեռ-
նի, ինչպէս որ չներեց Աբրահամին՝ իր զաւակը զօհելու:
Նահապետին, ինչպէս և մեզի հրեշտակ մը զրկեց, որ մահ-
ուան թեւերը կէս ճամբան կտրեց:

Իր խօսքը վերջացնելու վրայ էր, երբ զանգակին
ձայնը հնչեց:

— Որչափ ուշանայ մարդ, այնչափ իր բաժանումը
վշտալի կ'ընէ, ըստ Մօնթէ-Քրիստօ: Վստահ ևմ որ Մաք-
սիմիլիէն, իմ հրամանիս համեմատ, ամէն բան կարգա-
դրած է:

— Անցագիրս առի եւ մորթարկոս պատրաստեցի, ը-
ստ Մորէլ իր միօրինակ հանդարտութեամբ:

— Շատ լաւ, ըստ Մօնթէ-Քրիստօ ժպտելով, ընտիր
զինուօրի մը ճշտապահութիւնը ցոյց կուտաք այդ գոր-
ծին մէջ:

— Ուրեմն հիմա պիտի բաժնուի՞ք մեզմէ, ըստ ժիւ-
լի:

— Կառքս գուռը կը սպասէ, տիկին, պէտք է որ հինգ
օրէն Հոռմ հասնիմ:

— Բայց Մաքսիմիլիէն ալ Հոռմ պիտի երթայ, ըստ
էմմանուէլ:

— Կոմսին հետ պիտի երթամ, ուր որ անոր հաճելի
բլլայ, ըստ Մորէլ տխուր ժպտելով մը: Դեռ ամիս մը ա-
նոր տրամադրութեան տակ կը գտնուիմ:

— Տէր Աստուած, տեսէք ի՞նչ կ'ըսէ, պարոն կոմս,

— Մաքսիմիլիէն ինձի պիտի ընկերանայ, ըստ կոմ-
սը, իր համոզիչ քաղցրութեամբը, Ուստի ձեր եղրօր հա-
յար հոգ մի՛ ընէք:

— Մնաս բարով, քոյր իմ, ըստ Մաքսիմիլիէն,
մնաս բարով, էմմանուէլ:

— իր անտարբերութեամբը սիրած կը վիրաւորէ, ըստ ժիւլի: Ո՞հ, Մաքսիմիլիէն, Մաքսիմիլիէն, դուն բան մը ունիս, որ մեզմէ կը պահես:

Մաքսիմիլիէն գրեթէ արհամարհոտ եւ բարկաճայթ նայուածքով մը կոմսին նայեցաւ:

— Երթանք, ըսաւ կոմսը:

— Երթանէդ առաջ, պարոն կօմս, ըսաւ ժիւլի. կը ներէք որ ձեզի ըսեմ անցեալ օրուան...

— Տիկին, ընդիջեց կոմսը անոր երկու ձեռքերը բըռունելով, ձեր ըսելիքը ձեր աչքերուն եւ սրտին մէջ աւելի բացայայտ կարդացի ու սրտիս մէջ ալ զգացի: Վիշտերուն մէջ գտնուող բարերաբներուն պէս պէտք էի ձեզ չըստեսած մեկնիլ: Բայց այդ բանը իմ կամքէս կախում չունէր. որովհետեւ ես տկար եւ ունայնասէր մէկն եմ, իմ նմաններուս ուրախալի, քաղցր եւ տամուկ աչքերը տեսնելը հաճելի է ինծի: Հիմա ես կը մեկնիմ եւ իմ հսասիրութեամբս կ'ըսեմ ձեզի: «Մի՛ մոռնաք զիս, սիրելիներս, հաւանաբար ա՛լ պիտի չտեսնէք զիս»:

— Ա՛լ պիտի չտեսնենք ձեզ, գոչեց էմմանուէլ, մինչ արտասուքի երկու խոշոր կաթիլներ ժիւլիին այտերուն վրայ կը գլորէին, ա՛լ պիտի չտեսնենք ձեզ: Ուրեմն դուք մարդ չէք. այլ հրեշտակ մը, որ մեղյէ կը բաժնուի, այնպիսի հրեշտակ մը, որ երկրի վրայ բարեկ ընելու համար երեւան գալէն յետոյ՝ երկինք կը վերանայ:

— Ո՞հ, մի՛ ըսէք այդ խօսքը, յարեց Մօնթէ-Քրիսթօ աշխաւմօրէն: Երբեք այդ խօսքը մի ընէք, սիրելիներս չըրեշտակները բնաւ չարութիւն չեն ըներ, հրեշտակները ուզած աեղերնին կ'իջնեն, դիպուածը իրենցմէ աւելի զօրաւոր չէ, այլ ընդհակառակը, իրենք դիպուածին վրայ կ'իջիւն: Ո՞չ, էմմանուէլ, ես մարդ եմ եւ որչափ որ անտեղի է ձեր զարմանքը, նոյնչափ ալ Աստուծոյ դէմ են ձեր խօսքերը:

Ու ժիւլիին ձեռքը համբուրելով, որ իր գիրկը նետուեցաւ, կոմսը իր միւս ձեռքը էմմանուէլին երկնցուց:

Յետոյ ակամայ այն առւնէն բաժնուելով, ուր երջանկութիւնը կը բնակէր, նշանացի կերպով Մաքսիմիլիէն:

նը իր հաեւէն կանչեց, որ Վալանթինի մահուընէն ի վեր յուսահատ եւ անզգայ կ'երեւէր:

— Եղբօրս տրամութիւնը փարատեցէք, ըսաւ ժիւլի Մօնթէ-Քրիսթօյի ականջն ի վար:

Մօնթէ-Քրիսթօ անոր ձեռքը թօթվելով, հարցուց ժպտագին:

— Սէնպա նաւասաիին վրայ վստա՞ն էք:

— Ո՞հ, այո՛:

— Ուրեմն խաղաղութեամբ և վստահութեամբ քնացէք:

Ինչպէս ըսինք: սուրհանդակի կառքը կը սպասէր: Զորս հուժկու ձիեր իրենց բաշերը ցցած, ոտքերնին գետինը կը զարնէին անհամբերութեամբ:

Սանդուխին վարի կողմը Ալի կը սպասէր, դէմքը քրափինքէն կը փայլէր և այնպէս կ'երեւէր թէ երկար ճամբայէ մը եկած էր:

— Ծերունիին գացի՞ր, հարցուց կոմսը խափշեկին ուղղելով խօսքը:

Ալի հաստատական նշան ըրաւ:

— Իմ հրամանիս համեմատ, անոր աչքերուն առջեւը նամակը բացի՞ր:

— Այո՛, ըսաւ դարձեալ գերին ակնածութեամբ:

— Ի՞նչ ըսաւ և կամ ի՞նչ ըրաւ:

Ալի լոյսին գնաց, որպէսզի իր տէրը կարենայ զինքը տեսնել, ու իր դէմքը ծերունիին դէմքին նմանցնելով, աչքերը գոցեց, ինչպէս կ'ընէր նուարթիէ, երբ «այո» ըսել կ'ուզէր:

— Լա՛ւ, ըսաւ Մօնթէ-Քրիսթօ, կ'ընդունի երթանքը ուրեմն:

Այս խօսքը հազիւ թէ բերնէն ելած, կառքը արդէն ձամբայ ինկաւ: Ձիերը քարայատակին վրայ կայծերու փոշի մը կը ժայթքեցնէին:

Մաքսիմիլիէն, առանց խօսք մը ընկլու, կառքին մէկ անկիւնը տեղաւորուեցաւ:

կէս ժամ հտքը կառքը յանկարծ կեցաւ:

Կոմսը Ալիի մատին հաղորդակցող մհտաքսէ ժապաւէնը քաշած էր:

Նուպիացին վար իջաւ և դոնակը բացաւ։
Երկինքը աստղագարդ էր։
Վիլժուլիվի զառիվերը հասած էին, ուրկից յոայլ ծո-
վու մը պէս, Փարիզը կը տեսնէին իր միլիոնաւոր լոյսի-
րով, որոնք փոսփորափայլ կոհակներու կը նմանին։ Ստու-
գիւ, կոհակներ են անոնք և մրգածուփ ովկիանոսին կո-
հակներէն աւելի աղմկալի, աւելի դիւրագրգիռ, աւելի
յեղեղուկ, աւելի կատաղի և աւելի անյագ են։ Անսահման
ծովաւն կոհակներուն պէս հանդարատութիւն չեն գիտեր ա-
նոնք, միշտ իրարու կ'ընդհարին, միշտ կը Փարիզին և
միշտ կը սպառեն...

Կոմսը առանձին վար իջաւ և ձեռքով ըրած նշանին
վրայ, կառքը քանի մը քայլ յառաջացաւ։

Այն ատեն, կոմսը թեւերը իրարու պլլած, երկար ա-
տեն հալոցը դիտեց, ուր կը հալէին, կը ձուլուէին և ձե-
մը կ'առնէին այն զաղափարները, որոնք աշխարհու յու-
զելու համար խոռվայոյդ անդունդէն դուրս կը ժայթքէին։
Իր զօրաւոր նայուածքը այդ Բարելոնին վրայ յառելով.

— Մե՛ծդ քաղաք, մրմնից՝ աղօթք ընելու պէս զլու-
խը խոնարհեցնելով և ձեռքերը միացնելով, հաղիւ թէ վեց
ամիս կայ որ քու դռներէդ ներս մտայ, Նախախնամու-
թիւնը զիս կ'առաջնօրդէր հոն և անա յաղթանակով կը
վերագարձնէ։ Քու պատերուդ մէջ իմ ներկայութեանս
գաղտնիքը միայն Աստուծոյ վստահեցայ, որովհետեւ Աս-
տուած միայն կրցաւ իմ սրտիս խորը թափանցել և Աս-
տուած միայն գիտէ որ ես առանց ոխակալութեան և ա-
ռանց գոռոզութեան, բայց ոչ առանց վշտի կը բաժնուիմ
քեզմէ։ Ան միայն գիտէ, որ վստահած զօրութիւնը ոչ ին-
ծի համար և ոչ ալ սնատի պատճառներու համար զործա-
ծեցի։ Ո՛վ մեծդ քաղաք, քու բարախող սրտիդ մէջ իմ
փնտուածս գտայ և չարութիւնը երեւան հանելու համար քու
ընդերքդ յուզեցի։ Հիմա իմ գործս կատարեալէ և պաշտօնս
վերջացած։ Այսուհետեւ ոչ ուրախութիւն կրնաս տալ ինձի
և ոչ տրտմաւթիւն։ Մնաս բարով, Փարիզ, մնաս բարով։

Գիշերային ոգիի մը պէս, իր նայուածքը ուղղեց այն-
լայնատարած դաշտին, յետոյ ձեռքը ճակտին տանելով, կառ-

քը մտաւ, որ իր ետեւէն գոցուեցաւ և բլուրին միւս կող-
մը աներեւոյթ եղաւ՝ փոշիի մրրիկ մը և մեծ շառաչիւն մը
հանելով։

Առանց խօսելու երկու մզոն յառաջացան։

Մորէլ կը մտածէր և Մօնթէ-Քրիսթօ անոր կը նայէր։

— Մորէլ, ըսաւ կոմսը, արդիօք զղջացած էք ինձի
հետ եկած ըլլալնուդ համար։

— Ո՛չ, պարոն կոմս, այլ Փարիզէն բաժնուելուս
համար։

— Եթէ կարծէի որ Փարիզ կենալով երջանիկ պիտի
ըլլաք, Մորէլ, հօն կը ձգէի ձեզ։

— Վալանթինի գերեզմանը Փարիզի մէջ է և Փարի-
զէն բաժնուիլը երկրորդ անգամ զայն կորսնցնել կը նշա-
նակէ։

— Մաքսիմիլիէն, ըսաւ կոմսը, մեր կորսնցուցած
սիրելիները հողին մէջ չեն հանգչիր, այլ մեր սիրտը կը
թաղուին։ Աստուած ուզեց որ այսպէս ըլլայ, որպէսպի ա-
նոնք միշտ մեր հետ ըլլան։ Ես այդպիսի երկու բարեկամ-
ներ ունիմ, որանք միշտ ինձի կ'ընկերանան։ Մէկը կեանք
և միւսը խելք տաւողն է։ Այդ երկուքին ալ ոգին սրտիս
մէջ կենդանի կը մնայ, Տարակուսանքի մէջ անոնց խոր-
հուրդը կը հարցնեմ և եթէ երբեք բարիք մը ըրի, անոնց
խորհուրդովը ըրած եմ։ Զեր սրտի ձայնին հետ խորհրդակ-
ցեցէք և հարցուցէք անգամ մը, թէ միշտ ասանկ տիսուր
դէմք մը ցուցնելո՞ւ էք ինձի։

— Բարեկամ, ըսաւ Մաքսիմիլիէն, սրտիս ձայնը
տիսուր է, թշուառութենէ զատ ինձի բան մը չի խոստա-
նար ան։

— Տկարամիտներուն յատուկ է ամէն բան մութ
տեսնել։ Մարդուս հոգին իր հորեղոնը կը կազմէ։ Զեր հո-
գին տիսուր է և ան է ձեզի փոթորկայոյդ երկինք մը ցոյց
տուողը։

— Պուցէ ստոյգ ըլլայ այդ խօսքը, ըսաւ Մաքսիմի-
լիէն և իր մտածումներուն մէջ ընկղմեցաւ նորէն։

Ուղեւորութիւնը հիանալի արագութեամբ կը կատար-
ուէր, ինչ որ կոմսին կարսղութիւններէն մէկն էր։ Ի-

րենց ճամբուն վրայ քաղաքները ստուերի մը պէս կ'անցանէին։ Ծառերը աշնան ։ ովկրէն թօթափած, հերարձակ հըս. կաներու պէս իրենց դիմացը կ'ելլէին և մօտենալնուն պէս արագութեամբ կը փախչէին։

Հետեւեալ առտու Շալոն հասան, ուր կոմսին շոգենաւը կը սպասէր, Առանց վայրկեան մը կօրսնցնելու. կառքը շոգենաւ փոխադրուեցաւ, Երկու ճամբորդները արդէն շոգենաւ մտած էին։

Այդ շոգենաւը ճամբորդութեան համար շինուած էր, Հնդկական մակոյկի մը կը նմանէր ան և երկու անիւները երկու թեւերու կը նմանէին, որոնցմով ուղեւոր թըռչունի պէս ջուրին երեսը սահելով կը յառաջանար։

Մորէլ իսկ այդ արագընթաց ճամբորդութենչն զըւարձութիւն կը զգար գոգցես և իր մազերը շարժող հովը՝ կարծես իր ճակատին ամպերը կը փարատէր։

Իսկ կոմսը որչափ որ Փարիզէն կը հնառանար, զրեթէ նոյնքան գերմարդկային զուարթութիւն մը կը պատէր զինքը։

Իր հայրենիքը դարձող աքսորականի մը կը նմանէր։ Շատ շանցած, Մարսիլիա քաղաքը երեւցաւ իր սպիտակ չէնքերովը, բարեխառն օդովը ու բազմամարդ բնակիչներովը, այն Մարսիլիան, որ Տիւրոսի և Կարթագենէի կրտսեր քոյրն էր և որոնց յաջօրդեց Միջներկրականին տիրելէն յետոյ, այն Մարսիլիան, որ որչափ ծերանայ, այնչափ կը վերանարգուաւ։

Երկուքնին ալ յիշողութիւննին արթնցնող տեսարան։ ներ ունէին իրենց առջեւ, ինչպէս բալորչի աշտարակը, Սէն Նիֆոլայի բերդը, Բիւժէի խորհրդատունը, աղիսներով յատակուած նաւամատոյները, ուր երկուքնին ալ իրենց մանկութեան մէջ խաղացած էին։

Ուստի, միաբան հաւանութեամբ, Քանըպիէրի առջեւ կերան երկուքնին ալ։

Նոյն միջոցին նաւ մը ճամբայ կ'ելլէր դէպի Ալձէրիս երթալու համար։

Անոր յարկին վրայ խռնուած ճամբորդները, անոնց քեռները, ազգականներուն եւ բարեկամներուն բազմու-

թիւնը, որոնք իրարու հրամեշտ կու տային, կը պոռային և կու լային, և ամէն օր այս տեսարաններուն ներկայ գտնուողներուն անդամ սրտաշարժ երեւցող այս տեսարանը չկրցան Մաքսիմիլիէնի վրայ ազդեցութիւն մը գործել, որովհետեւ երիտասարդը նաւամատոյցին լայն սալաքարերուն վրայ ոտք դնելուն պէս՝ ուրիշ մտածում մը գրաւած էր միտքը։

— Ահա՛, ըսաւ Մորէլ՝ Մօնթէ-Քրիսթոյի թեւէն բանելով, Փարաւոն նաւահանգիստ մտած ատեն հայրս այս տեղ կեցած էր, Մահուընէ և յուսահատութենէ ազատած ձեր մարդը հոս իմ թեւերուս մէջ նետուեցաւ, Երեսիս վրայ անոր արտասուքին ազդեցութիւնը դեռ կը զգամ, Մինակինքը չէր լար, այլ շատ մարդիկ մեզ տեսնելով՝ կու լային։

Մօնթէ-Քրիսթօ ժպտեցաւ։

— Ես ալ հոն էի, ըսաւ կոմսը, փողօցի մը անկիւս նը ցուցնելով Մորէլին։

Այդ խօսքը ըսած ատեն, կոմսին ցոյց տուած ուղղութեամբը վշտագին հեծեծանքի ձայն մը լսուեցաւ և կին մը տեսնուեցաւ, որ ճամբայ ելլող նաւաւն ուղեւորներէն մէկուն նշան կ'ընէր։

Այդ կինը քօղով ծածկուած էր։

Մօնթէ-Քրիսթօ այնպիսի այլայլութեամբ իր աչքերը անօր վրայ յառեց, որ Մորէլ դիւրութեամբ պիտի կը նագիտել զինքը, եթէ կոմսին հակառակ՝ իր նայուածքը նաւաւն ուղղած չըլլար։

— Տէ՛ր Աստուած, գոչեց Մորէլ, ո՛չ, չհ'յ սխալիք, գլխարկովը ողջունող և համազգեստ հագնող երիտասարդը Ալպէր ալ Մորսէրին է։

— Այս՛, ըսաւ Մօնթէ-Քրիսթօ, ես ալ ճանչցայ զայն։

— Ի՞նչպէս, դուք հակառակ կոմմը կը նայէիք, կոմսը ժպտեցաւ, ինչպէս կ'ընէր միշտ, երբ չէր ուղեր պատասխանել։

Ու իր նայուածքը այն քօղարկեալ կնոջ վրայ դարձուց նորէն, որ փողօցին անկիւնը աներեւոյթ եղաւ։

Այն ատեն Մորէլին դարձաւ։

— Սիրելիս, ըսաւ Մաքսիմիլիէնի, այս երկրին մէջ ընելիք դործ մը ունի՞ք։

— Հօրս զերեզմանին վրայ արտասուելու պիտի երաթամ, պատասխանեց Մորէլ ցած ձայնով:

— Շատ լաւ, դաշէք և հոն սպասեցէք ինծի, ևս կուգամ կը գտնեմ ձեզ:

— Ինձմէ կը բաժնուի՞ք:

— Այո՛... ևս ալ բարեպաշտական այցելութիւն մը ունիմ ընելիք:

Մորէլ բռնեց կոմսին իրեն երկնցուցած ձեռքը և գլխի շարժումով մը, որուն տիխրութիւն յայտնելը անկարելի էր, կոմսէն բաժնուեցաւ և քաղաքին արեւելեան կողմը ուղղուեցաւ:

Մօնթէ-Քրիսթօ թողուց որ Մաքսիմիլիէն հեռանայ և նոյն տեղը կցցաւ, մինչև որ երիտասարդը աներեւոյթ եղաւ, Յետոյ գէպի Մէյլանի ծառուղին գնաց, այն անակը մտնելու համար, զոր մեր ընթերցողները ճանչցած են վէպին սկիզբները:

Այդ տունը թմբիներու մեծ ծառուղիին ստուերին տակը կը գտնուէր, ուր անգործ մարսիլիացիները կը շրջագային: Ծերութենէ սեւցած և տկարացած որթատունկի մեծ ոստիքը հարաւային տաք արեւէն դեղնած պատը կը ծածկէին:

Ոտքերու շփումէն մաշած երկու քարէ աստիճաններով տան մէջ կը մտնուէր: Դուռը երեք տախտակներով շինուած էր, որոնք թէւ իրարմէ բաժնուած, բայց սոսունձ և ներկ տեսած չէին բնաւ և համբերութեամբ իսոնաւութեան կը սպասէին որ իրարու մօտեցնէ զիրինք:

Այդ տունը, որ հակառակ իր հոռութեան, իր սիրուն և թշուառ երեւոյթին մէջ զուարթ կ'երեւէր, ատենօք Տանթէսի հօրը բնակարանն էր:

Միայն թէ ծերունին վերնայարկը կը բնակէր, մինչ կոմսը ամբողջ տունը Մերսէտէսի յանձնած էր:

Երկար քօղով կինը մեկնող նաւէն բաժնուելէն յետոյ այդ տունը մտնելով, դուռը գոցած էր ճիշտ այն միջոցին, որ Մօնթէ-Քրիսթօ նոյն փողոցին անկիւնը երեւցած էր, այնպէս որ կոմսը հազիւ թէ տեսած էր զայն:

Սանդուխին մաշած աստիճանները երկար ատենէի վեր ծանօթ էին անոր:

Լաւ գիտէր թէ հին դուռը ինչպէս կը բացուէր, ուրվիհետեւ լայն գլխով զամ մը անոր ներքին փակաղակը կը վերցնէր:

Ուստի, բարեկամի կամ տանտիրոջ մը պէս, առանց գուռը զարնելու և առանց իմաց տալու. ներս մտաւ:

Աղիւսներով յատակուած բակի մը ծայրը փոքր պարտէզ մը կար, ուր արեւը բոլոր ջերմութեամբը և լոյսովը կը թափանցէր:

Այդ պարտէզին մէջ նշանակուած տեղը Մերսէտէս գտած էր այն գումարը, որուն համար կոմսը ազնուօրէն ըսած էր թէ քսանըորս տարի առաջ հոն պահուած էր:

Փաղոցին դոնէն պարտէզին առաջին ծառերը կ'երեւէին:

Դրան սեմերուն վրայ հասնելով, Մօնթէ-Քրիսթօ հեծկլտանքի նման հառաջանք մը լսեց: Այդ հառաջանքը առաջնորդից իր նայուածքը: Վիրմինիայի ծիրանհգոյն երկար ծաղիկներով և խիտ տերեւներով յասմիկի հովանոցի մը տակ Մերսէտէսը տեսաւ, որ նստած կու լար գլխահակ:

Դէմքին վրայէն քօղը հանած էր և երկու ձեռքերուն մէջ պահած, ազատօրէն կը պոռթկար իր հառաջանքներն ու հեծկլտանքները, զորս իր զաւկին ներկայութեանը երկար ատեն զսպած էր սրտին մէջ:

Մօնթէ-Քրիսթօ քանի մը քայլ յառաջացաւ: Մերսէտէս գլուխը վեր առաւ և իր առջեւ յարդ մը տեսնելով, սոսկումի ճիչ մը հանից:

— Տիկին, ըստ կոմսը, ստոյգ է որ այսօւնետեւ չեմ կրնար ձեզ երջանիկ ընել, բայց կրնամ մխիթարել: Բարեկամի մը կողմէ ուղղուած այս մխիթարութիւնը կը բարեհաճի՞ք ընդունիլ:

— Ստուգիւ խիստ թշուառ եմ, պատասխանեց Մերսէտէս, աշխարհիս մէջ առանձին մնացի... Միայն զաւակ մը ունէի, ան ալ բաժնուեցաւ ինձմէ:

— Շատ լաւ ըրաւ, տիկին, յարեց կոմսը: Զեր զաւակը ազնիւ սիրտ մը ունի եղեր, ըմբռնեց որ ամէն մարդ պարտք մը ունի իր հայրենիքին հանդէպ: Ոմանք իրենց տաղանդը, ոմանք իրենց ճարտարութիւնը, ոմանք իրենց

հսկողութիւնը և ուրիշներ իրենց արիւնը պարտական են հայրենիքին։ Զեր մօտ մնալով, իր կեանքը ապարդիւն կերպով պիտի անցընէր։ Անշուշտ պիտի չկրնար ձեր վրշտին վարժուիլ և վատասիրտ մէկը պիտի ըլլար։ Բայց հիմա աղէտներուն դէմ պայքարելով, իր ձախորդութիւնը երջանկութեան պիտի փոխէ ու մեծ և զօրաւոր պիտի ըլլայ։ Զգեցէք որ երկուքնուդ ալ ապագան վերահասատաէ, տիկին։ Կը համարձակիմ խոստանալ ձեզ, որ ձեր զաւակը ապահով պաշտպանութեան մը տակ կը դժուուի։

— Ո՞հ, ըսաւ խեղճ կինը ախրութեամբ գլուխը շարժելով, ես պիտի չկրնամ վայելել այն երջանկութիւնը, որուն վրայ կը խօսիք։ բոլոր սրտովս կը խնդրեմ Աստուծմէ որ անոր չնորհէ։ Այնպիսի յուսահատութեան մէջ կը գտնուիմ, որ ինծի այնպէս կը թուի թէ զերեզմանիս մօտեցած եմ։ Լաւ ըրիք, պարոն, որ զիս մօտեցուցիք այն տեղին, ուր ես ատենօք այնչափ երջանիկ էի։ Մարդ պէտք է իր երջանիկ եղած տեղը մեռնի։

— Աւա՛զ, ըսաւ Մօնթէ-Քրիսթօ, ձեր բոլոր խօսքերը, արկին, իմ սիրատ դառնութեամբ կը լիցնեն և կ'այս րեն, յանաւանդ զիս ատելու իրաւունք ունենալնուդ համար։ Զեր բոլոր աղէտներուն պատճառը ես իմ փոխանակ զիս մեղադրելու, ինչո՞ւ չէք ցաւիր վրաս այն ատեն զիս աւելի թշուառ պիտի ընէիք։

— Ե՞ս ձեզ ատեմ և մեղադրեմ, էտմօն . . . իմ զաւկիս կեանքը աղատող մարդը ատեմ և մեղադրեմ։ Անշուշտ ձեր աղետալի և յահացու դիտաւորութիւնը սպաննել էր պար Մորսէրֆի այն զաւակը, որով ինքը կը պարծենար, այնպէս չէ՞։ Ո՞հ, երեսս նայեցէք և անոր վրայ յանդիմանութեան մը երեւոյթը պիտի չտեսնէք։

Կոմօը իր աչքերը զեր առնելով, Մերսէտէսին նայեցաւ, որ կիսով չափ ոտքի ելած, իր ձեռքերը դէպի անոր երկնցուց։

— Ո՞հ, երեսս նայեցէք, շարունակեց Մերսէտէս ախրազին զգացումով մը, աչքերուս հուրը մարած է այսօր և չի շլացներ ձեր աչքերը։ Անցան այն ատենները երբ էտմօն Տանթէսիս ժպտելու կու գայի այս տան վերնա-

յարկը, ուր իր ծեր հայրը կը բնակէր . . . Այն ժամանակն ի վեր սրչափ թախծագին օրեր անցան, որոնք իմ և այն ատենին միջեւ անդունդ մը բացին։ Ե՞ս ձեզ մեղադրեմ, էտմօն, ե՞ս ձեզ ատեմ, սիրելիս, ո՛հ, ո՛չ, ես ինքնքինք կը մեղադրեմ և կ'ատեմ։ Ո՞հ, ո՛րքան թշուառ եմ եղեր, գոչեց Մերսէտէս ձեռքերը միացնելով և աչքերը դէպի երկինք բարձրացնելով, և զեռ անպատիժ մնացեր եմ։ Հրեշտակներու յատուկ եղող երեք երջանկութիւնները, այսինքն հաւատք, անմեղութիւն և սէր ունէի, բայց ի՞նչ թշուառ եմ եղեր, որ Աստուծոյ վրայ տարակուսեցայ։

Մօնթէ-Քրիսթօ քայլ մը յօտենալով, իր ձեռքը անոր երկարեց լոիկ։

— Ո՞չ, ըսաւ Մերսէտէս, կամաց մը ձեռքը քաշելով, ո՛չ, սիրելիս, մի՛ դպչէք ինծի։ Դուք խնայեցիք իմ անձիս, թէւ ձեր պատմած անձերուն մէջ ամէնէն յանցաւուրը ես ըլլայի։ Ուրիշները ատելութեամբ, հարստանալու վափառվ կամ հսասիրութեամբ յանցաւոր եղան, իսկ ես՝ վատութեամբ։ Անոնք փափաք մը ունէին, բայց ես՝ վախ մը . . . Ո՞չ, ձեռքս մի՛ սեղմէք, էտմօն, կը զգամ որ սիրալիր խօսք մը կը մտածէք. բայց մի՛ ըսէք ինծի, ուրիշի չի համար պահեցէք զայն, այսուհետեւ արժանի չեմ ես։ Տեսէք . . . (Մերսէտէս իր դէմքը բոլորովին բացաւ) տեսէք . . . Աչքը այնչափ արտասուք թափեցին, որ յանիշակագոյն երերս այնչափ արտասուք թափեցին, որ յանիշակագոյն երակներով շրջանակուած են և ճակատս խորշոմած է . . . Ընդհակառակը, զուք, էտմօն, միշտ առոյգ, միշտ գեղեցին և միշտ վեճ էք։ Որովհետեւ զուք հաւատք և ոյժ ուցիկ և միշտ վեճ էք։ Որովհետեւ զուք Աստուծոյ վատահեցաք և Աստուծնէիք, որովհետեւ զուք Աստուծոյ վատահեցաք պաշտպանեց ձեզ։ Սակայն ես վատութիւն ըրի և ուրացայ զայն ու Աստուծած լքեց զիս և այս վիճակին մէջ ինկայ։

Մերսէտէս յորդ արցունք կը թափէր։

Իր սիրալ տիսուր յիշատակներով կը ձմլուէր։

Մօնթէ-Քրիսթօ անոր ձեռքը բոնեց եւ ակնածանքով համբուրեց։ Բայց Մերսէտէս զգաց որ սուրբի մը արձանին մարմարէ ձեռքը համբուրելու պէս ցուրտ էր կրմսին այդ համբոյրը։

— Այնպիսի նախասահմանուած կեանքեր կան, շառունակեց Մերսէտէս, որոնց մէջ մարդս անգամ մը սխալելով, իր ապագան կը կործանէ: Զեզ մեռած կը կարծէի, ուստի ես ալ մեռնելու էի: Ի՞նչ բանի ծառայեց սրտիս մէջ մշտնջնապէս ձեր սուզը կրելս, եթէ ոչ՝ երեսունըինը տարեկան հասակիս մէջ յիսուն տարեկան կնոջ նմանիլ, ի՞նչ բանի ծառայեց որ միայն ձեզ ճանչցայ ու իմ զաւակս միայն աղատեցի, Միեւնոյն ատեն պարտաւոր չէի՞ աղատելու այն անձը, որ որքան ալ յանցաւոր ըլլար, իմ ամուսինս էր: Սակայն, թողուցի որ մեռնի: Ի՞նչ կ'ըսեմ, ո՞վ Աստուած իմ, իմ վատ անզգայութեամքս և իմ արհամարհանքովս անոր մասուան օգնեցի, չյիշելով և չուզելով իսկ յիշել որ ինծի համար ըրած էր այդ երդմազանցութիւնն ու մատնութիւնը: Վերջապէս, ի՞նչ բանի կը ծառայէ մինչեւ հոս զաւկիս ընկերանալս, երբ անկէ կը բաժնուիմ, երբ կը թողում որ առանձին մեկնի և երբ Ափրիկէի կիզիչ երկրին կը յանձնեմ զայն: Ո՛հ, կը կրկնեմ, ո՛րչափ վատասիրա եմ եղեր, որ իմ սէրս ուրացայ և ուրացողներու պէս զիս շրջապատզներուն թշուառութեան պատճառ կ'ըլլամ:

— Ո՛չ, Մերսէտէս, ըսաւ Մօնթէ Քրիսթօ, ո՛չ, ձեր վրայ ունեցած գէջ գաղափարնիդ ուղղեցէք: Դուք ազնիւ և սուրբ կին մըն էք ու ձեր վիշտովը խորտակեցիք իմ զէնքս: Սակայն Աստուած, որ աներեւութապէս կը պաշտպանէր զիս, չուզեց որ արձակած շանթս զոպեմ: Ո՛հ, կ'երդնում այն Աստուծոյ առջեւ, որուն ոտքիրուն առջեւասը տարիէ ի վեր ամէն օր երկրպագութիւն կ'ընեմ, թէ իյ կեանքս ձեզի համար զոհեցի և իմ կեանքիս հետ շըղթայուած գաղափարներս ալ միասին: Սակայն պարծանքով կ'ըսեմ, Մերսէտէս, որ Աստուած ինծի հետ էր և ուզեց որ ապրիմ: Քննեցէք անցեալս, քննեցէք ներկաս ու ջանացէք ապագաս գուշակել և տեսէք թէ ի՞նչպէս Աստուած ամէն բանի մէջ օգնեց ինծի: Կեանքիս առաջին յասին մէջ ահուելի թշուառութիւններ, անտանելի տառապանքներ կրեցի, սիրելիներս զիս լքեցին և անծանօթներէ հալածուեցայ: Բայց զերսէթենէ, առանձնութենէ և թշուառութենէ յետոյ, յանկարծ աղատաւթեան և այնպիսի փառաւոր, հիա-

նալի ու անսահման հարստութեան մը տիրացայ, որ սկսայ յտածել թէ Աստուած է զանոնք ինծի ղրկողը, որպէսզի իմ զաղափարներս գործադրեմ: Այն ժամանակէն ի վեր ինծի այնպէս երեւցաւ, թէ այդ հարստութիւնը նուիրական պարտը մը կը դնէր վրաս և բնաւ մտքէս անգամ չանցաւ այն կեանքը վարել, որուն քաղցրութիւնը դուք վայելեցիք: Ժամ մը անգամ հանգստութիւն չունեցայ: Անիծեալ քաղաքները այրելու համար երկնակամարին վերայ շրջաղ հրային ամպերուն պէս մղուած կը կարծէի ինքզինքս: Վատանգաւոր ճամբորդութեան մը պատրաստըւող բախտախնդիր նաւապետներու պէս: Իմ պարէնս կը պատրաստէի, զէնքերս կը լցենէի, յարձակման և պաշտպանութեան միջոցները ձեռք կը բերէի: Մարմինս ամենախիստ աշխատութեանց, սիրսս ամէնէն դառն աղէտներուն, բազուկս սպաննելու, աչքերս թշուառները տեսնելու, բիրանս ամէնէն սոսկալի տեսարաններուն առջեւ ժպտելու վարժեցուցի: Ժամ անակաւ որչափ բարեսիրա, բարեմիտ եւ անյիշաչար էի: Նոյնչափ քինախնդիր, կեղծաւոր, չարասիրա եւ կամ թէ, լաւ եւս է ըսել, անկարեկից եղայ խուլ եւ կոյր բախտին պէս: Այն ատեն, առջիս բացուած ասպարէզին մէջ նետուեցայ: անջրպետ կտրեցի եւ նպատակիս հասայ: Վայ անօնց, որոնց պատահեցայ ճամբուս վրայ:

— Բաւական է, ըսաւ Մերսէտէս, բաւական է, էտմօն, հաւատացէք որ ձեզ ճանչնալու միայն կարող եղողը՝ նոյնպէս ինքը միայն կրցաւ հասկնալ ձեր միտքը: Եթէ ձեր ճամբուն վրայ ձեզ ճանչցող եւ ձեր միտքը հասկցող անձին հանդիպէիք եւ ապակիի պէս զայն փշրէիք, այն անձը պիտի հիանար ձեր վրայ, էտմօն: Ինչպէս որ իմ ու անցի միջեւ վիճակ յը կայ, նոյնպէս վիճ մը կայ ձեր եւ ուրիշ մարդոց միջեւ: Տրտմութեամբ կ'ընեմ այս քաղդատութիւնը: Աշխարհի մէջ բան մը չկայ որ ձեզմէ նախամեծար ըլլայ, բան մը չկայ որ ձեզի նմանի: Հիմա «մաքրաբով» ըսէք ինծի, էտմօն, եւ իրամէ բաժնուինք:

— Զեզմէ բաժնուելէս առաջ, ըսէք, Մերսէտէս, ի՞նչ կը խնդրէք, հարցուց Մօնթէ Քրիսթօ:

— Միայն կը փափաքիմ, էտմօն, որ զաւակս երջանիկ ըլլայ:

— Աղօթեցէք Աստուծոյ, որմէ կախում ունի բոլոր մարդոց կեանքը, որպէսզի կենդանի պահէ զայն: Մնացեալը ես կը հոգամ:

— Շնորհակալ եմ, էտմօն:

— Բայց դո՞ւք, Մերսէտէս:

— Ես բանի մը պէտք չունիմ: Երկու գերեզմաններու մէջ կ'ապրիմ, որոնց մէկը էտմօն Տանթէսինն է, զոր այնչափ կը սիրէի եւ որ երկար ատենէ ի վեր մեռած է: Այս խօսքը թարշամած շրթունքներուս ա'լ չի վայլեր, բայց անոր յիշատակը սրտիս մէջն է եւ աշխարհիս մէջ բան մը չկայ, որ կարենայ զայն սրտէս հանել: Միւս գերեզմանը այն անձինն է, զոր էտմօն Տանթէս սպաննեց: Այդ սպաննութեան համար չեմ մեղադրեր զինքը, բայց մեռեալին համար պարտաւոր եմ աղօթելու:

— Երջանիկ պիտի ըլլայ ձեր զաւակը, տիկին, յարեց կամուք:

— Այն ատեն ես ալ չափազանց երջանիկ պիտի ըլլամ:

— Բայց... վերջապէս... ի՞նչ պիտի ընէք:

Մերսէտէս տխուր ժպիտ մը արձակեց:

— Այս քաղաքիս մէջ առջի Մերսէտէսին պէս, այսինքն աշխատելով պիտի ապրիմ: Պիտի չհաւատաք ըսածիս, աղօթելէ զատ բան մը չեմ գիտեր, աշխատելու ալ պէտք չունիմ. որովհետեւ ձեր պահած փոքր գանձը ձեր նշանակած տեղը գտնուեցաւ: Ամէն մարդ պիտի ուզէ գիտնալ, թէ ո՞վ եմ ես ու պիտի հարցնէ թէ ի՞նչ կ'ընեմ, բայց պիտի չկրնայ գիտնալ թէ ի՞նչպէս կ'ապրիմ: Աստուծոյ, ձեր ու իմ զիտնալիք բանն է ատ:

— Մերսէտէս, ըսաւ կամուք, չեմ մեղադրեր ձեզ, բայց ձեր զոհողութեան չափը անցուցիք պ. աը Մորսէրֆի բոլոր հարստութիւնը մերժելով, որուն կէսը, ձեր խնայողութեանը եւ հօկողութեանը շնորհիւ, ձեզի կը վերաբերէր իրաւամբ:

— Ձեր առաջարկելիքը կը գուշակեմ, բայց չեմ կըրնար ընդունիլ, էտմօն, զաւակս պիտի շնորհէ ինձի:

— Ուստի ես ալ պ. Ալպէր աը Մորսէրֆին հաճելի չեղող բան մը ընելէն պիտի զգուշանամ: Անօր դիտաւորութիւնները կը հասկնամ և ըստ այնմ ի գործ կը դնեմ: Բայց եթէ իմ ընելիք գործիս հաւանութիւն յայտնէ, առանց դժկամակութեան պիտի ընդունի՞ք:

— Էտմօն, գիտէք որ այսուհետեւ կենդանի արարած մը չիմ, թէ ի՞նչ պիտի ըլլամ և ի՞նչ պիտի ընեմ, չիմ գիտեր, Գլուխս եկած դժբախտութիւնները այն աստիճան շփոթեցուցին զիս, որ կամքս անգամ կորսնցուցած եմ: Արծիւին մազիլներուն մէջ եղող ձնձղուկի մը նման բախտին ձեռքը կը գտնուիմ: Աստուած չուզեր որ մեռնիմ, որովհետեւ կենդանի կը թողու զիս: Եթէ ինձի օգնութիւն մը զրկէ, անօր կամքը պիտի օրհնեմ և պիտի ընդունիմ զայն:

— Զգուշացէք, տիկին, ըսաւ Մօնթէ-Քրիսթօ, Աստուած այդպէս չեն պաշտեր: Աստուած կ'օւզէ որ իր միտքը հասկնանք և այնպէս իր զօրութիւնը փորձենք: Ահա այս պատճառաւ է որ անձնիշխանութիւն տուած է մեղի:

— Ո՛հ, այդպէս մի' խօսիք, գոչից Մերսէտէս: Եթէ գիտնայի որ Աստուած անձնիշխանութիւն տուած է ինձի, դիւրութեամբ կ'ազատէի յուսահատութիւնէ:

Մօնթէ-Քրիսթօ, կնոջ անպայման վիշտէն ընկճուած, թեթեօրէն գունատեցաւ և գլուխը խօնարհեցուց:

— Զէ՞ք համիր դարձեալ տեսնուինք ըսել, յարեց կամուք իր ձեռքը անոր կարկառելով:

— Անցուշա նորէն պիտի տեսնուինք, պատասխանեց Մերսէտէս հանդիսաւորապէս երկինքը ցուցնելով: Կ'օւզեմ փորձով ցուցնել ձեզի որ յոյս չեմ կտրած դեռ:

Ու իր գողդոջուն ձեռքը կամսին ձեռքը բռնելէն յետոյի սանդղուխին մէջ նետուեցաւ և կամսին առջեւէն աներեւոյթ եղաւ:

Այն ատեն Մօնթէ-Քրիսթօ կամաց մը դոնէն դուրս ելլելով, գէպի նաւահանդիսա ուղղուեցաւ:

Բայց Մերսէտէս անոր հեռանալը չտեսաւ, թէև ծերունի Տանթէսին փոքր սենհակին պատուհանը կը գտնուէր, իր աչքերը ընդարձակ ծովին յառելով, զաւակը տանող նաւը կը փնտոէր:

Սառութ է որ իր ձայնը ակամայ կը մրմնջէր. «Էտ-
մօ՞ն, էտմօ՞ն, էտմօ՞ն»...

ԺԴ. ԳԼՈՒԽ

Ը Ն Ֆ Ե Ը Լ Բ

Կոմսը վիրաւորուած սրտով մեկնած էր այն տունէն,
ուր Մերսէտէսը ձգած էր, հաւանաբար մէյ մըն ալ չտես-
նելու համար զայն:

Փաքը էտուարի մահուընէն ետքը Մօնթէ-Քրիսթոյի
սիրաը մեծ փոփոխութիւն մը կրած էր, զեռաւոր և դժո-
ւարին ճամբաներէ վրէժինդրութեան գագաթը հասնելով,
լերան միւս կողմը տարակոյսի անդունդը տեսած էր:

Ատկէ զատ, Մերսէտէսի հետ ունեցած տեսակցութիւ-
նը իր սրտին մէջ ա'յնչափ յիշատակներ արթնցուցած էր,
որոնց վրայ պէտք էր երկարօրէն մտածել, թայց կոմսին
բնութիւնը ունեցող մարդ մը չէր կրնար երկար տաեն
մելամաղձութեան մէջ մնալ, որ գոհիկ մտքերու կրնայ
վնաս չպատճառել յայտնի տարօրինակութիւն մը տալով
անոնց, թայց բարձր մտքերու մահ կը պատճառէ:

Կոմսը կը մտածէր, թէ ինքզինքը մեղադրելու հա-
մար, պէտք էր որ իր հաշիւներուն մէջ սխալ մը սպրդած
ըլլար:

«Անցեալը գէշ կը նկատեմ, կ'ըսէր, և չեմ կրնար
այսպէս խարուիլ ի'նչ, միթէ նպատակս անխռո՞ւրդ էր,
միթէ տաօը տարիէ ի վեր բռնած ճամբաս սխա՞լ էր, մի-
թէ ժամ մը բաւական չէ՞ր ճարտարապետին ապացուցա-
նելու համար թէ իր յուսալից գործը՝ եթէ ոչ անկարեի՝
գէթ ուղիղ չէր»

Ո՛չ, չեմ ուզեր այդպիսի գաղափարի մը առջև կանգ
առնել, որ կրնայ խենթեցնել զիս:

Այս խորհրդածութեան մէջ կը տեսնեմ որ անցեալին
բռւն յարդը լաւ չեմ ճանչցած, որովհետեւ այդ անցեալը
հորիզոնին միւս ծայրը կը տեսնեմ նորէն:

Սառութիւ, ժամանակը ո'րչափ յառաջանայ, ա'յնչափ

անցեալը կ'անհետի, ինչպէս ճամբորդ մը իր ետին կը ձգէ
դաշտերը:

Երազի մէջ վիրաւոր մարդոց պատահածը ինծի ալ
կը պատահի, իրենց վէրքը կը տեսնեն և կը զգան անոնք,
բայց ե՛րը վիրաւորուենին չեն յիշեր:

Օ՛ն, ո'վ վիրածնած մարդ, հարուստ անօրինակ,
արթնցած քնացող, դանդաշող զօրաւոր և միլիոնատէր
անյալթելի, վայրկեան մը թշուառ և սովալլուկ կեանքիդ
աղետալի պատկերը մտքիդ առջև բեր, նորէն անցիր այն
ճամբաներէն, ուր ճակատագիրը քեզ մղեց, ուր թշուա-
ռութիւնը քեզ տարաւ, ուր յուսահատութիւնը քեզ ըն-
դունեց, Ադամանդները, ոսկին ու երջանկութիւնը խիստ
կը փայլին այսօր այն հայելիին վրայ, որուն մէջ Մօնթէ-
Քրիսթօ կը տեսնէ Տանթէսը: Պահէ այն ադամանդները,
ջնջէ այն ոսկին, նսեմացուր այն փառքերը և գնա իրը
հարուստ՝ աղքատը գտիր, իբր ազատ՝ բանտարկեալը տես
և իբր կենդանացած՝ դիակը դիաէ:

Այս խօսքերը ընելէ յետոյ, Մօնթէ-Քրիսթօ Քէսըրի
փաղացը ուղղուեցաւ:

Այն փողոցն էր, ուրկից քսանըչորս տարի առաջ գի-
շերային պահապաններու լոկի խումբ մը զինքը տարած էր:

Այդ զուարթ և բազմամարդ տուները նոյն գիշերը
տիսուր, անձայն և փակուած էին:

— Սակայն միեւնոյն տուներն են, մրմնից Մօնթէ-
Քրիսթօ: Միայն թէ այն տաեն գիշեր էր, մինչ այսօր՝
պայծառ ցերեկ: Ամէն բան այսպէս պայծառ և զուարթ ե-
րեւցնողը արեւն է:

Այն կորան փողոցէն նաւամատոյց իջաւ և դէպի այն
կողմը յառաջացաւ, ուր ճամբորդները կ'արձանագրուին:
Բանտարկութեան իրիկունը զինքը նաւահանգստին այդ
կողմէն նաւակ մտցուցած էին:

Կտաւէ հովանոցով նաւակ մը այդ միջոցին հօնկէ
կ'անցնէր:

Մօնթէ-Քրիսթօ նաւավարը կանչեց: Այս վերջինը,
առատաձեռն օտարական մը գուշակող նաւավարներու ա-
ճապարանքով, դէպի կոմսը թիավարեց իսկայն:

Օդը գեղեցիկ էր և նաւագնացութիւնը՝ զուարձալի;
Արեւը հորիզոնին վրայէն ալիքներուն մէջ կ'իջնէր,
անօր բոցերէն գոգթես պիտի այրէին ալիքները:

Հայելիի պէս միապաղազ ծովը տեղ.տեղ կը վէտվէ-
տէր ձուկերու ոսակւններէն, որոնք պահութառած թշնամիէ
մը հալածուելով՝ ջուրէն դուրս կը ցատկէին, ուրիշ տարւ
րի մէջ իրենց ազատութիւնը գտնելու համար:

Վերջապէս հորիզոնին վրայ սպիտակ և վայելուչ ու-
րորներու պէս դէպի Մարթիկ գացող օրսորդներու մա-
կոյկներուն կամ Քորսիքացի և կամ Սպանիոյ համար բեռ-
նաւորուած առեւտրական նաւերուն անցնիլը կը տեսնէին:

Այս պայծառ երկինքին առջև, շնորհալի շրջաններ
ընող յակոյկներուն և ծովին յակերեւոյթը ոսկեգոյն դար-
ձնող արեւուն խայտանքը վայելելու տեղ, կոմսը իր վե-
րաբերին մէջ փաթթուած, քսանըչորս տարի առաջ իր սոս-
կալի ճամբորդութեան մանրամասն պարագաները մէկիկ
մէկիկ յիտքը կը բերէր; Քաթալանի մէջ վառ մնացած միակ
լոյսը, իֆ դղեակին երեւոյթը, որ իրեն կ'իմացնէր ո՛ւր
տարուիլը, ծովը նետուիլ ուզած ատեն ոստիկան զինուոր-
ներուն հետ մղած պայքարը, անոնցմէ յաղթուած, կը յի-
շէր իր յուսահատութիւնը և ատրճանակներու բունին ծայ-
րը սառած օղակի նման իր քունքին կոթնցնելնին, ու
սոսկում կը զգար:

Ամառը չորցած այն աղբիւրներուն պէս, որոնք աշ-
նան կուտակուած ամպերէն տակաւ կը խոնաւնան ու կը
սկսին կաթիլ կաթիլ բխիլ, Մօնթէ-Քրիսթօ կոմսն ալ տա-
կաւ զգաց իր կուրծքին մէջ ցամքած այն հին լեղիին շիթ
առ շիթ բխիլը, որ ատենօք էտմօն Տանթէսի սրաին մէջ
յորդած էր:

Իրեն համար ո՛չ երկինքը պայծառ կ'երեւէր, ո՛չ մա-
կոյկները շնորհալի և ոչ ալ արեւը շքեղ, երկինքը սպա-
ւոր քողով ծածկուեցաւ և իֆ դղեակ կոչուած սեւադէմ
հսկային երեւոյթը յանկարծ մահացու թշնամիի մը ուր-
ուականին նման իր բոլոր էութիւնը սարսուացուց:

Նաւակը իֆ դղեակին առջև հասած էր,

Կոմսը բնազդումով մինչեւ նաւակին ծայրը քաշուեցաւ:

Նաւավարը իր խիստ քաղցր ձայնովը ի զուր կ'ըսէր
անոր.

— Հասանք, պարոն:

Մօնթէ-Քրիսթօ յիշեց որ նոյն տեղը և նոյն ժայռին
վրայ պահապանները բռնութեամբ դուրս հանած էին զին-
քը և սուբինի մը ծայրը իր կողերուն խթելով, ստիպած
էին զինքը որ սանդուխէն վեր ելլէ:

Ստենօք, ճամբան խիստ երկար թուած էր Տանթէ-
սին, բայց այս անգամ Մօնթէ-Քրիսթոյին շատ կարճ ե-
րեւցաւ: Թեւձակին ամէն մէկ հարուածը ծովուն խոնաւ-
նովին հետ անհամար գաղափարներ և յիշատակներ ցայտե-
ցուցած էր մաքէն:

Յուլիսի Յեղափոխութենէն ի վեր իֆ դղեակին մէջ
բանտարկեալ չէր մնացած: Պահապանները միայն՝ մաք-
սաննենգութիւնը արդիկելու համար՝ հոն կը կենային: Դըու-
նապան մը դրան առջև հետաքրքիր այցելուներու կը սպա-
սէր, որպէսզի հետաքրքրութեան յիշատակարան դարձած
այդ սոսկալի բանտը անոնց ցուցնէ:

Թէկ այդ բալոր տեղեկութիւնները իրեն տուած էին,
սակայն երբ կոմսը գմբէթին տակը մտաւ, մութ սանդու-
խէն վար իջաւ ու զինքը սոսկերկրեայ բանտերը տարին,
զորս տեսնել ուզած էր, ցուրտ դեղնութիւն մը ճակատը
պատեց, որուն սառած քրաինքը մինչև սիրաը յորդեց:

Կոմսը հարցուց թէ՝ արդեօք թագաւորութեան վե-
րահաստատութեան ժամանակին հին բանտապահներէն մէ-
կը կա՞ր: Այէնքն ալ կամ պաշտօնէ քաշուած էին և կամ
ուրիշ պաշտօնի մէջ մտած էին:

Զինքը պարտցնող դոնապանը 1830էն ի վեր հոն կը
գտնուէր: Տանթէսի բուն ստորեկրեայ բանտը տարաւ
կոմսը:

Կոմսը նորէն տեսաւ իր բանտին նեղ լուսամուտէն
ներս թափանցող տժգոյն լոյսը, անկողինին տեղը, զոր
այն ժամանակէն վերցուցած էին, և անկողնին եաին ար-
բայ Ֆարիայի բացած ծակը, զոր թէկ խցած էին, բայց
հոն դրուած նոր քարերէն տակաւին յայտնի էր:

Մօնթէ-Քրիսթօ իր ոտքերուն ոյժը կորսնցուցած էր։
Անյենարան փայտէ աթողի մը վրայ նստաւ։

— Միրապոյի բանտարկութենէն զատ՝ այս դղեակին
վրայ ուրիշ պատմութիւն մը կա՞յ, հարցուց կօմսը։ Ա-
ւանդական պատմութիւն մը կա՞յ այս աղետալի բնակու-
թեան վրայ, ուր կը տարակուսի մարդ և չի կրնար հա-
ւատալ թէ՝ մարդիկ կենդանի էակ մը բանտարկած ըլլան
հոս։

— Այս՛, պարոն, ըստ դռնապանը, և ճիշտ սա բան-
տին վրայ Անթուան բանտապահը պատմութիւն մը ըրաւ
ինծի։

Մօնթէ-Քրիսթօ սարսուաց Անթուան իր բանտա-
պահն էր։

Կոմսը գրեթէ անոր անունը և դիմագծութիւնը մոռ-
ցած էր։ Բայց երբ անունը լսեց, կատարելապէս յիշեց մօ-
րուքով շրջանակուած դէմքովը, թուխ բաճկօնովը և բա-
նալիներու արձակովը, որոնց հնչիւնը տակաւին ականջին
կու դար։

Կոմսը գլուխը դարձուց և կարծեց թէ զայն կը տես-
նէր նրբանցքին ստուերին մէջ, որ դռնապանին ձեռքը
գտնուող լոյսին պատճառաւ, աւելի թանձր կ'երեւէր։

— Պարոնը կը հաճի՞ որ պատմութիւնը պատմեմ,
հարցուց դռնապանը,

— Այս՛, պատախանեց Մօնթէ-Քրիսթօ, պատմեցէք։

Ու իր բուն պատմութիւնը ուրիշի մը բերնէն լսելու
վախնալով, ձեռքը կուրծքին վրայ դրաւ, որպէսզի սրտին
ուժգին բարխումը զսպէ։

— Պատմեցէք կրկնեց Մօնթէ-Քրիսթօ։

— Այս ստորերկրեայ բանաը, յարեց դռնապանը, առ-
կէ շատ տարի առաջ բանտարկեալ մը կը բնակէր, որ երե-
ւութապէս խիստ վտանգաւոր մարդ մըն է եղեր, մանա-
ւանդ հնարագէտ ըլլալուն համար։ Իրեն ժամանակակից
ուրիշ բանտարկեալ մը կար, բայց նոյնքան չար չէր, այլ
խենթեցած հէգ քահանայ մը։

— Իե՛նթ մը, կրկնեց Մօնթէ-Քրիսթօ, բայց ի՞նչ
տեսակ խենթութիւն ունէր։

— Իր ազատութեան համար միլիոններ կ'առաջար-
կէր։

Մօնթէ-Քրիսթօ իր աչքերը դէպի երկինք բարձրա-
ցուց, բայց երկինքը չտեսաւ. երկինքին և իր մէջտեղը
քարերու քօղ մը կար։

— Բանտարկեալները կրնայի՞ն զիրար տեսնել, հար-
ցուց Մօնթէ-Քրիսթօ։

— Ո՞հ, ո՛չ, պարոն, մասնաւորապէս արգիլուած էր։
Բայց բանտարկեալները մէկ բանտէն միւսը ճամբայ մը
բանալով, այդ արգելքը ի դերե հանեցին։

— Երկու բանտարկեալներէն օ՞րը ճամբան բացաւ։

— Ո՞հ, անշուշտ երիտասարդը, ըստ դռնապանը,
նրիտասարդը հնարագէտ և ուժեղ էր. խեղ խեղա արբան՝
ծեր և տկար. ասկէ զատ, անոր խելքը կատարեալ չէր, որ
այդպիսի բան մը խորհիւր։

— Կո՛յր մարդիկ. . . մրմիջեց Մօնթէ-Քրիսթօ։

— Այսպէս ուրեմն, շարունակեց դռնապանը, երի-
տասարդը ճամբայ մը բացաւ, ինչո՞վ չի գիտցուիր, սա-
կայն բացաւ, և ապացոյցը աւասիկ, դեռ ծակին հետքը
կայ։

Ու պատին մօտեցուց լոյսը։

— Ո՞հ, սառուգիւ, ըստ կօմսը, սրտին յուզումէն
նուաղած ձայնով մը։

— Հետեւարար երկու բանտարկեալները իրարու հետ
կը հաղորդակցէին։ Ո՛րչափ ատեն տեսեց այս հաղորդակ-
ցութիւնը, չի գիտցուիր. Վերջապէս օր մը ծերունի բան-
տարկեալը հիւանդացաւ և մեռաւ. Գուշակցէք ի՞նչ ըրաւ
երիտասարդը, հարցուց դռնապանը խօսքը ընդմիջելով։

— Հսէք։

— Մեռեալը իր սենեակը տարաւ, անկողնոյն վրայ
պառկեցուց զայն և երեսը պատին դարձուց, ինքը ծե-
րունիին բանաը դարձաւ, ծակը գոցեց և մեռեալին պա-
տանքին մէջ սահեցաւ։ Այսպիսի խելք մը լսա՞ծ էիք։

Մօնթէ-Քրիսթօ իր աչքերը գոցեց, Դիակին պաղու-
թենէն սառած այն հաստ կտաւը իր երեսին դպչած միջո-
ցին իր զգացած բոլոր ազդեցութիւնները նորէն սկսած էր
զգաւ։

— Մակկ ըրէք անոր նպատակը, շարունակեց զո՞նասպանը: Կը կարծէր թէ մեռեալները իֆ դղեակին մէջ կը թաղուին, և որովհեաև գիսէր թէ բանտարկեալներուն համար գագաղի ծախք չին ըներ, կը յուսար իր ուժերովը հօղը վերցնել: Սակայն, դժբախտաբար, իֆ դղեակին մէջ սովորութիւն մը կար, որ իր նպատակը ի դերե կը հանէր: Մեռեալները չէին թաղեր, այլ անոնց ոտքին գնտակ մը կապելով, ծովը նետել կու տային: Այսպէս ըրին իրեն ալ: Բանտարկեալը վերի յարկէն ջուրին մէջ նետեցին: Հետեւեալ օրը բուն մեռեալը իր անկօղնոյն մէջ գտան և ամէն բան գուշակեցին: Դիապատիկները, որոնք մինչև այն ատեն չէին համարձակեր ըսել, հաստատեցին թէ բանտարկեալին մարմինը նետած ատեննին ահոելի ճիչ մը լսած էին, որ իսկոյն ջուրին մէջ կորսուած էր իրեն հետ: Կոմոք դժուարաւ շունչ կ'առնէր: Քրափինքը ճակտէն կը վազէր և սիրտը անձկութեամբ կը սեղմուէր:

— Ո'հ, մրմիջեց Մօնթէ-Քրիսթօ, իմ զգացած տարակոյս մոռացումի սկիզբ յըն էր: Բայց ո'չ, սիրտս նորէն հոս կը հաստատուի և վրէժինդրութեան ծարաւ կը զգայ: Այնուհետեւ այդ բանտարկեալին խօսքը չեղա՞ւ, հարցուց կոմոք:

— Բնաւ: Անշուշտ երկուքին մէկը եղած է, գրեթէ յիսուն ոտք բարձրութենէ նետուած ըլլալով, երեսի վրայ ինկած և իսկոյն մեռած է:

— Ո'չ, ոտքի վրայ ինկած է, որովհեաև քիչ մը առաջ ըսիք թէ զնտակ մը կապեցին անոր ոտքին:

— Եւ կամ ոտքի վրայ ինկած է, կրկնեց դռնապանը, այն ատեն գնտակին ծանրութիւնը զինքը ծովուն խօրը տանելով, խեղճ մարզը հոն մնացած է:

— Կը ցաւի՞ք անոր վրայ:

— Այսո՛, թէև իր տարրին մէջ գնաց:

— Ի՞նչ ըսիլ կ'ուղէք:

— Տարաձայնութիւն մը կար, թէ այդ թշուառ մարդ ատենօք իբր պանափարթեան բանտարկուած ծովային պաշտօնատար մըն էր:

— Ո'վ ճշմարտութիւն, մրմիջեց կոմոք, Աստուած կո-

հակներու և բոցերու վրայ ծփալու համար ստեղծած է քեզ: Ուրեմն, խեղճ նաւասարին միայն քանի մը պատմողներու յիշողութեան մէջ կենդանի մնացած է, անոր սոսկալի պատմութիւնը կրակարաններու անկիւնները կը զրուցուի և ամէն մարդ կը սոսկայ: Երբ կը լսէ որ անիկա անջըրպեաը ճեղքելով, խորունկ ծովուն մէջ ընկղմած է: Անոր անունը ի՞նչ էր, հարցուց կոմոք բարձրածայն:

— 34 րդ թիւ կը կոչուէր, պատասխանեց դռնապանը:

— Ո'վ Վիլֆօր, Վիլֆօր, մրմիջեց Մօնթէ-Քրիսթօ, ո'րչափ անգամ այդ անունով կոչած ես զիս արդեօք, երբ իմ ուրուականս քեզ կը տանչէր երբեմն:

— Պարոնը կը հաճի՞ իր շրջագայութիւնը շարունակել, հարցուց դռնապանը:

— Այսո՛, մանաւանդ եթէ խեղճ աբբային սենեակը ցուցնէք ինձի:

— Ո'հ, թիւ 27 սենեակը:

— Այսո՛, թիւ 27, կրկնեց Մօնթէ-Քրիսթօ:

Իրեն այնպէս թօւեցաւ թէ աբբայ Ֆարիային ձայնը կը լսէ: Երբ ինքը անոր անունը հարցուցած էր, աբբան պատին միւս կողմէն այս թիւը պոռացած էր իրեն:

— Եկէք ուրեմն:

— Կեցէք, ըսաւ Մօնթէ-Քրիսթօ, վերջին անգամ մըն ալ այս բանտին բոլոր կողմերը դիտեմ:

— Աղէկ յարմարեցաւ, ըսաւ առաջնորդը, միւսին բանալին մոռցած եմ առնելու:

— Դացէք բերէք ուրեմն:

— Առէք լամբարը:

— Ո'չ, հետերնիդ տարէք զայն:

— Բայց մութը պիտի մնաք:

— Մթութեան մէջ կը տեսնեմ:

— Ի՞նչ կ'ըսէք, ան ալ այսպէս է եղեր:

— Ո'վ:

— Թիւ 34 սենեակին մէջ բնակողը: Կ'ըսեն թէ մընթութեան մէջ այնչափ վարժուած էր, որ բանտին ամէնէն մութ կողմը ասեղ մը կրնար տեսնել:

— Տասը տարօւան մէջ հազիւ թէ այդ վարժութիւնը
ստացաւ, մը մնջեց կոմսը:

Առաջնորդը դուրս ելաւ լոյսով:

Կօմսը ճիշտ ըսած էր: Մթութեան մէջ քանի մը
երկվայրկեան մնալէն յետոյ, ամէն բան լոյսի մէջ եղածի
պէս զանազանեց:

Այն ատեն իր շուրջը գիտեց: Իր բանտին բոլոր կող-
մերը ճանչցաւ:

— Այո՛, ըսաւ, ահա՛ այն քարը, որուն վրայ կը
նստէի: Ահա՛ պատին վրայ կաթնցուցած ուսերուս նշանը:
Ահա՛ ճակտէս հստած արիւնին հնատքը, երբ օր մը զլուխս
պատին զարնելով, ուզեցի ջախջախել զայն... Ո՛հ, կը յիշ-
շեմ այս հաշիւներն ալ, զորս օր մը հօրս և Մերսէտէսին
տարիքը հաշուելու ատենս ըրի, որպէսզի գիտնամ թէ
հայրս կենդանի և սիրականս ազատ պիտի գտնե՞մ ար-
դեօք... Այդ հաշիւը ընելէս յետոյ, քիչ մը ատեն յուսա-
ցի... սակայն անօթութիւնը և անհաւատարմութիւնը
հաշուի առած չէի:

Ու կօմսը սկսաւ զառնապէս ծիծաղիւ:

Երազին մէջ կը տեսնէր, որ իր հայրը գերեզման կը
տանէին... և Մերսէտէս դէպի տաճար կը յառաջանար:

Միւս պատին վրայ գտնուող արձանագրութիւն մը
իր ուշադրութիւնը գրաւեց:
«ԱՍՏՈՒԱԾ ԻՄ, կարդաց Մօնթէ-Քրիսթօ, ԽԵՂԲ
ԱՌՈՂՋ ՊԱՀԵ»:

— Ո՛հ, այո՛, զոչեց կոմսը, աս էր իմ վերջին ա-
տեններուս միակ աղօթքը: Այնուհետեւ ազատութիւն չէի
խնդրեր, այլ կը խնդրէի որ խելքս չկորսնցնեմ: Կը վախ-
նայի որ չխենթենամ և ամէն բան չմոռնամ: Աստուած իմ,
դուն իմ խելքս պահեցիր և ամէն բան յիշեցի: Շնորհակալ
եմ, Աստուած իմ, շնորհակալ եմ:

Այդ միջոցին, լոյսը պատերուն զարկաւ: դռնապանը
վար կ'իջնէր:

Մօնթէ-Քրիսթօ դիմաւորեց:

— Ետեւէս եկէք, ըսաւ դռնապանը և առանց վեր ել-
լելաւ, ստորերկրեայ ճամբէ մը ուրիշ բանտ մը տարաւ:

Այդ բանտին մէջ ալ կօմսին մտքին շատ մը մտա-
ծումներ ներկայացան:

Իր ուշադրութիւնը գրաւող բանը պատին վրայ գըծ-
ուած միջօրէական շրջանակը եղաւ, որուն միջոցաւ ար-
բայ Թարիան օրուան ժամերը կը համրէր Յետոյ անկող-
նին մնացորդները տեսաւ, որուն վրայ խեղճ բանտարկեա-
լը մեռած էր:

Ասոնք տեսնելով, բանտին մէջ զգացած սրտի անձ-
կութեանց տեղ՝ երախտագիտութեան քաղցր զգացում մը
կոմսին սիրաը ունեցուցած էր և արտասուքի երկու կա-
թիւներ իր աչքերէն վար սահեցան:

— Ահա հոս կը բնակէր խենթ արբան, ըսաւ առաջ-
նորդը, և այդ ճամբայէն է որ երիտասարդը կ'երթար տես-
նելու զայն:

Ու այդ կողմէն տակաւին բաց մնացած ստորերկրեայ
ճամբուն ծակը ցոյց տուաւ Մօնթէ-Քրիսթօյին:

— Քարին գոյնէն, աւելցուց գոնապանը, գիտուն
մը հաստատեց թէ երկու բանտարկեալները գրեթէ տասը
տարի իրարու հետ կը հաղորդակցէին: Խեղճ մարդիկ, այդ
տասը տարիներուն մէջ ո՛րչափ ձանձրացած ըլլալու են:

Տանթէս գրպանէն քանի մը ոսկի հանեց և ձեռքը
այդ մարդուն երկնցուց. որ առանց զինքը ճանչնալու,
երկրորդ անգամ իր վրայ կը ցաւէր:

Դոնապանը ընդունեց զանոնք, կարծելով թէ քանի
մը մանր գրամներ են անօր տուածները. ուայց լամբարին
լոյսովը այցելուին տուած զումարին արժէքը տեսնելով.

— Պարոն, ըսաւ, սխալեցաք:

— Ի՞նչպէս:

— Զեր տուածները ոսկի են:

— Գիտեմ:

— Ի՞նչպէս, գիտէ՞ք:

— Այո՛:

— Ուրիմ առանց խղճահարութեան կրնա՞մ ընդունիլ
զանոնք:

— Այո՛:

Դոնապանը Մօնթէ-Քրիսթօյին նայեցաւ ապշած:

— Առաքինութիւն, ըսաւ կոմսը Համլէտի պէս։
 — Պարոն, յարեց դռնապանը՝ չհամարձակելով իր
 բախտաւորութեան հաւատալ, պարօն, ձեր առատաձեռո-
 նութիւնը զարմանալի կը թուի ինծի։
 — Ինաւ մի՛ զարմանաք, բարեկամ, ևս ատենօք նա-
 ւաստի էի և ձեր պատմութիւնը շատ ազդեց իմ վրաս։
 — Պարօն, քանի որ դուք այդչափ առատաձեռն էք,
 պէտք է որ սև ալ բան մը նուիրեմ ձեզի։
 — Ի՞նչ պիտի նուիրէք, բարեկամ, ծովային խեցի-
 նե՞ր, յարդի գործուածնե՞ր, շնորհակալ եմ։
 — Ո՛չ, պարօն, ո՛չ, հիմա ըրած պատմութեանս վե-
 րաբերեալ բան մը։
 — Իրա՞ւ կ'ըսէք, գոչեց կոմսը աշխուժօրէն, ի՞նչ
 բան է ատ։
 — Մարիկ ըրէք. ինքնիրենս կ'ըսէի, թէ տասնընինդ
 ասրի բանտարկուածի մը սենեակին մէջ միշտ բան մը կը
 գտնուի ու սկսայ պատերը զննել։
 — Ա՛հ, ի՞նչ գտաք, գոչեց Մօնթէ-Քրիսթօ՝ աբրային
 գաղտնի պահարանը յիշելով։
 — Այնչափ վնտոցի որ անկողնոյն գլխի կողմը և
 կրակարանին տակը ձայն հանող խոռոչ մը գտայ, յարեց
 դռնապանը։
 — Այս՛, ըսաւ Մօնթէ-Քրիսթօ, այս՛։
 — Բարերը վերցուցի և ի՞նչ գտնեմ աղէկ։
 — Չուանէ սանդուխ մը, գործիքներ, գոչեց կոմսը։
 — Ի՞նչէ՞ն գիտէք, հարցուց դռնապանը զարմանքով։
 — Չեմ գիտեր, բայց կը գուշակեմ, ըսաւ կոմսը,
 բանտարկեալներուն պահարաններուն մէջէն սովորաբար
 այդ տեսակ բաներ կը գտնուին։
 — Այս՛, պարօն, չուանէ սանդուխ մը և գործիք-
 ներ գտայ։
 — Տակաւին պահա՞ծ էք զանոնք, գոչեց Մօնթէ-Քրիս-
 թօ։
 — Ո՛չ, պարօն, խիստ հետաքրքրական բաներ ըլլալ-
 նուն, այցելուներու ծախեցի զանոնք, բայց ուրիշ բան մը
 պահած եմ։

— Ի՞նչ բան, հարցուց կոմսը անհամբերութեամբ։
 — Կտաւի շերտերու վրայ գրուած գրքի պէս բան մը։
 — Ո՛հ, գոչեց Մօնթէ-Քրիսթօ, պահա՞ծ էք զայն։
 — Այս՛։
 — Դացէք բերէք այդ գիրքը, բարեկամ, և եթէ
 գուշակածն է, անհոգ եղէք, բարեկամ։
 — Հիմա կու գամ, պարօն։
 Ու դռնապանը դուրս ելաւ։
 Այն ատեն կոմսը գնաց այդ անկողնոյն մնացորդնե-
 րուն առջև ծնկան վրայ եկաւ ջերմիուանդաբար։
 — Ո՛վ իմ երկրորդ հայրս, ըսաւ, գուն որ ինծի ա-
 զատաւթիւն, գիտաւթիւն և հարստութիւն շնորհնեցիր, գուն
 որ գերագոյն արարած մըն էիր, եթէ գերեզմանիդ խո-
 րութենէն կրնաս տակաւին երկրի վրայ մնացողներուն
 ձայնը լսել, եթէ հոգիիդ կենդանական մէկ յասը տակա-
 ւին կը սաւառնի այս տեղերուն վրայ, ուր զիրար ճանչ-
 ցանք և շատ նեղութիւններ կրեցինք, ո՛վ ազնիւ սիրտ,
 գերազանց հանձա՞ր, կ'երդնում յանուն այն հայրական սի-
 րոյն, զոր ինձ շնորհնեցիր, և այն որդիական ակնածու-
 թեան, որ քեզի ուխտեցի, մէկ խօսքով, մէկ նշանով կամ
 որ և է յայտարարութեամբ զնիէ սրտիս մէջէն տարակու-
 սանքի մնացեալ մասը, սրովկնետե, եթէ այս տարակոյսս
 չփարատի, խղճի խայթ մը պիտի ըլլայ ինծի։
 Կոմսը զլուխը խոնարհնեցուց և ձեռքերը իրարու միա-
 ցուց։
 — Ահա՛, պարօն, ըսաւ ձայն մը հանէն։
 Մօնթէ-Քրիսթօ սարսուց և երեսը անոր դարձուց։
 Դռնապանը կտաւի այդ շերտերը կը ներկայացնէր
 կոմմախն. անոնց վրայ աբրայ Ֆարիհա իր գիտութեան բոլոր
 գանձերը թափած էր։ Այդ ձեռագիրը իտալիայ թագաւո-
 րութեան վրայ գրուած աբրայ Ֆարիհայի մեծ գործն էր։
 Կոմսը փութով ձեռքին մէջ առաւ զայն և ամէնէն
 առաջ անոր վերնագիրը աչքին զարնելով, կարդաց.
 «Վիշապին ակռաները պիտի խլես և առիւծները ու-
 նակոխ պիտի ընես, ըսաւ Տէրը»։
 — Ո՛հ, գոչեց կոմսը, ահա իր պատասխանը, շնորհա-
 կալ եմ, հայր իմ, շնորհակալ եմ։

Ու գրպանէն փոքր թղթապանակ մը հանելով, որուն
մէջ հազար ֆրանքնոց դրամատոմսեր կային, ըսաւ.

— Առէք այս թղթապանակը:

— Ինձի՞ կը նուիրէք զայն:

— Այո՛, բայց այն պայմանաւ որ մեկնելէս յետոյ
անոր մէջ պիտի նայիք:

Եւ այդ գիրքը, որ իրեն համար թանկագին գանձ
մըն էր, կուրծքին մէջ պահելէն յետոյ, ստորերկրեայ բան-
տերէն դուրս նետուեցաւ և նաւակին մէջ մտնելով.

— Մարսիլիա քաշէ, ըսաւ,

Նաւակը հեռանալու միջոցին. կոմսը իր նայուածքը
այդ տխուր բանտին վրայ յառելով, ըսաւ.

— Վա՛յ անոնց, որոնք զիս այս մութ բանտին մէջ
բանտարկեցին, և վա՛յ անոնց որոնք բանտարկուած ըլ-
լալս մոռցան:

Քաթալանցիներու գիւղին առջեւէն անցնելու ատեն,
կոմսը երեսը դարձուց և գլուխը իր վերարկուին մէջ
փաթթելով, կնոջ մը անունը մրմնջեց:

Յաղթութիւնը կատարեալ էր: Կոմսը երկու անդամ
յաղթած էր տարակոյներու:

Դրեթէ սիրով լիցուած և գորովալից զգացումով ար-
տասանած անունը Հայտէինն էր:

Մօնթէ-Քրիսթօ ցամաք ելլելով, դէպի գերեզմանա-
տուն գնաց. ապահով էր թէ Մորէլը պիտի գտնէր հոն:

Կոմսն ալ տասը տարի առաջ, այդ գերեզմանատան
մէջ ի զուր գերեզման մը փնտոած էր: Միլիոններով
Ֆրանսա վերադառնողը չէր կրցած անօթութենէ մեռած
հօրը գերեզմանը դտնել:

Մորէլ թէս խաչ մը գնել տուած էր անոր վրայ,
բայց խաչը ինկեր էր և գերեզմանափորը կրակը նե-
տելով այրած էր զայն, ինչպէս ամէն գերեզմանատան մէջ
կ'այրեն ինկած հին խաչերը:

Բարի վաճառականը աւելի բախտաւոր եղած էր: Իր
զաւակներուն բազուկներուն մէջ մեռնելով, զինքը զե-
րեզմանատուն տարած և իրմէ երկու տարի առաջ մեռած
կ'նողը քով տեղաւորած էին:

Երկու մարմարէ մեծ քարեր, որոնց վրայ իրենց ա-
նունը արձանագրուած էր. իրարու քով դրուած էին եր-
կաթ վանդակներով վակուած և չորս նոճիներէ հովանա-
ւորուած շրջապատի մը մէջ:

Մաքսիմիլիէն այդ ծառերէն մէկուն կոթնած, երկու
գերեզմաններուն վրայ յառած էր մթագնած աչքերը:

Իր վիշտը այնչափ խորունկ էր, որ զողցիս խելքը
պիտի կորսնցնէր:

— Մաքսիմիլիէն, ըսաւ կոմսը, պէտք չէ հոդ նա-
յիլ, այլ հոն:

Ու երկինքը ցոյց տուաւ:

— Մեռհաւաները ամէն կողմ են, ըսաւ Մորէլ: Փարի-
զէն մեկնելու ատեննիս դուք այսպէս չըսի՞ք ինծի:

— Մաքսիմիլիէն, ըսաւ կոմսը, ուզեցիք քանի մը
օր Մարսիլիա մնալ, միշտ նոյն վափաքը ունի՞ք:

— Կոմս, վափաք ըսուած բանը չօւնիմ, Միայն թէ
ինծի այնպէս կը թուի որ ուրիշ տեղերէն աւելի Մարսի-
լիոյ մէջ պիտի կրնամ գիւրութեամբ սպասել:

— Աւելի աղէկ, Մաքսիմիլիէն, որովհետեւ ես պիտի
բաժնուիմ ձեզմէ և դուք խօսք տուած էք ինծի, այնպէս չէ:

— Ո՛հ, տուած խօսքս պիտի մօռնամ, կոմս:

— Ո՛չ, պիտի չմօռնաք, որովհետեւ ամէն բանէ ա-
ռաջ դուք պատուախնդիր մարդ մըն էք, Մորէլ, մանա-
ւանդ որ երդում ըրիք և դարձեալ երդում պիտի ընէք:

— Ո՛հ, կոմս, զթացէք ինծի, խիստ թշուառ մարդ
մըն հմ ես:

— Զեզմէ աւելի թշուառ մէկը տեսայ, Մորէլ:

— Անկարելի է:

— Ափսո՞ս, ըսաւ Մօնթէ-Քրիսթօ, խեղճ մարդկու-
թեան հսասիրութիւններէն մէկն ալ սա է որ ամէն մարդ
իր քովը լացող և հեծող թշուառէն աւելի թշուառ կը կար-
ծէ ինքզինքը:

— Աշխարհիս մէջ իր սիրածը և վափաքածը կոր-
սնցնող մարդէն աւելի թշուառ մէկը կրնա՞յ դանուիլ:

— Մատիկ ըրէք, Մորէլ, ըսաւ Մօնթէ-Քրիսթօ, և
պահ մը աղէկ ուշադրութիւն ըրէք ըսածիս Մարդ մը

ճանչցայ, որ ձեզի պէս իր երջանկութեան բոլոր յոյսերը կնոջ մը վրայ դրած էր, Այդ մարդը երիտասարդ էր, ծեր հայր մը ունէր, զոր կը սիրէր և իր նշանածը կը պաշտէր: Անոր հատ ամուսնանալու վրայ էր, երբ յանկարծ բախտին մէկ հարուածը, որ կրնար Աստուծոյ բարութեանը վրայ տարակոյսներ ներշնչել, եթէ Աստուած քիչ մը ետքը չյայտնէր որ իրեն համար ամէն բան դէպի մշանջենական միութիւնը տանելու միջոց մըն է, երբ յանկարծ բախտին մէկ հարուածը անոր ազատութիւնը, նշանածը, երազած ապագան յափշտակեց և ստորերկրեայ բանտի մը խորը նետեց զայն:

— Ո՞հ, գոչեց Մորէլ, ութը օրէն, մէկ ամիսէն կտմ մէկ տարիէն բանտէն կ'արձակուի մարդ:

— Տասնըչորս տարի ստորերկրեայ բանտի մը մէջ մնաց, Մորէլ, ըսաւ կոմսը՝ իր ձեռքը երիտասարդին ու սին վրայ դնելով:

Մաքսիմիլիէն սարսոաց:

— Տասնըչորս տարի, մրմթեց:

— Այո՛, տասնըչորս տարի, կրկնեց կօմսը: Այդ տասնըչորս տարիներուն մէջ յուսահատութեան շատ ժամեր ունեցաւ ան: Ան ալ ձեզի պէս, Մորէլ, ինքզինքը աշխարհիս ամէնէն թշուառ մարդը կարծելով, ինքզինքը սպաննել ուզեց:

— Յետո՞յ, հարցուց Մորէլ:

— Յետոյ, վերջին վայրկեանին, Աստուած անոր օգնութեան հասաւ մարդկային միջոցաւ մը, Գուցէ սկիզբը այդ մարդը Աստուծոյ անսահման մարդասիրութիւնը չըհասկցաւ, (որովհետև արտասուքով քողարկուած աչքերը բացուելու համար ատենի պէտք ունին), բայց վերջապէս համբերութիւն ունեցաւ և սպասեց: Օր մը, հրաշքով իր գերեզմանէն դուրս ելաւ, բոլորովին այլափախուած, հարուստ և զօրաւոր: Ամէնէն առաջ իր հայրը փնտեց, բայց հայրը մեռած էր:

— Իմ հայրս ալ մեռած է, ըսաւ Մորէլ:

— Այո՛, բայց ձեր հայրը ձեր բազուկներուն մէջ, սիրուած, երջանիկ, պատաւուած, հարուստ և ծերացած մէ-

ուաւ: Բայց անոր հայրը աղքատ, վշտալից ու յուսահատ մեռաւ: Երբ տասը տարի ետքը՝ անոր որդին հօրը գերեզմանը փնտուց, ան իսկ անհրեւոյթ եղած էր և չկրցաւ իր այնչափ սիրած հօրը հանգչած տեղը գտնել:

— Ո՞հ, գոչեց Մորէլ:

— Ուրիմն այն մարդը ձեզմէ աւելի թշուառ էր, Մորէլ, որովհետև իր հօրը գերեզմանին տեղն անգամ չէր գիտեր:

— Բայց գոնէ սիրած կինը չէր կորսնցուցած:

— Կը սխալիք, Մորէլ, այն կինը...

— Մեռա՞ծ էր արդեօք, գոչեց Մաքսիմիլիէն:

— Աւելի գէշ, Այն կինը իրեն հաւասարիմ չէր մնացած, այլ իր նշանածը հալածաղներէն մէկուն հետ ամուսնացած էր: Կը տեսնէք, Մորէլ, որ ոյդ մարդը ձեզմէ աւելի թշուառ սիրահար մըն է եղեք:

— Աստուած այդ մարդը միխթարե՞ց, հարցուց Մորէլ:

— Գոնէ անօր սիրած հանդարտեցուց:

— Այդ մարդը պիտի կրնա՞յ օք մը երջանիկ ըլլալ:

— Կը յուսայ, Մաքսիմիլիէն:

Երիտասարդը գլուխը կուրծքին վրայ խոնարհեցուց:

— Խօսք տուած եմ ձեզի, ըսաւ վայրկեան մը լուս մնալէ յետոյ և իր ձեռքը Մօնթէ Քրիսթոյին երկնցնելով, միայն թէ յիշեցէք...

— Հոկտեմբերի 5 ին, Մորէլ, Մօնթէ Քրիսթօ կղզին ձեզի կը սպասեմ: 4 ին շեղակայմ նաւ մը Պասթիայի նաւահանգիստը ձեզի պիտի սպասէ: Շեղակայմին անունն է Եւրոս: Անուննիդ նաւապետին տուէք ու ան իմ քովս պիտի առաջնորդէ ձեզ: Այսպէս որոշուած է, այնպէս չէ, Մաքսիմիլիէն:

— Նատ լաւ, կոմս, ձեր հրամանը պիտի կատարեմ, բայց հոկտեմբերի 5 ը յիշեցէք:

— Տղայ էք ու չէք գիտեր թէ մարդու մը խոստումը ինչ է... Բայց ան անգամ ըսի, որ այն օրը եթէ մեռնիլ ուզէք, ևս պիտի օգնեմ ձեզի, Մորէլ, Մնաք բարօվ:

— Կը բաժնուե՞ք ինձմէ:

— Այո՛, ևս իտալիոյ մէջ գործ ունիմ: Զեղ առան-

ձին կը թողաւմ, թշուառութեան հետ առանձին, այն զօրաւոր թեւերով արծիւին հետ առանձին, զոր Աստուած իր ընտրելիներուն կը զրկէ իր ոտքերուն առջեւը առանձ համար, Կանիմէտի պատմութիւնը առասպել մը չէ, Մաքսիմիլիէն, այլ այլարանութիւն մը...»

— Ե՞րբ պիտի մեկնիք:

— Այս պահուս շոգենաւը ինծի կը սպասէ: Ժամէ մը արդէն ձեզմէ բաժնուած պիտի ըլլամ: Մինչև նաւահանգիստ կ'ընկերանա՞ք ինծի, Մորէլ:

— Բոլորովին ձերն եմ, կոմս:

— Գրկեցէք զիս:

Մորէլ մինչև նաւահանգիստ կոմսին ընկերացաւ: Արդէն շոգենաւին ծուխը, երկար փետուրի մը պէս, սև խողովակէն դուրս կ'ելլէր:

Շոգենաւը շուտով ճամբայ ելաւ և ժամ մը ետքը, Մօնթէ-Քրիսթոյի ըստծին պէս, սպիտակ ծուխով այդ թոշունը գիշերային առաջին մառախուղէն մթաղնած արեւելեան հօրիզոնին վրայ կ'աներեւութանար:

ԺԵ. ԳԼՈՒԽ

Փ Է Փ Փ Ի Ն Օ

Կոմսին շոգենաւը Մորժիսւ հրուանդանին ետին աներեւոյթ ըլլալու վրայ էր: Երբ մարդ մը սուրհանդակի կառքով Աքուաբէնտէնթէր փոքր քաղաքէն կ'անցնէր ու Ֆիորէնցիայէն Հոռմ տանող ճամբուն կը հետեւէր:

Կառքը առանց կասկածելի ըլլալու, շատ արագ կ'ընթանար:

Այդ մարդը ճամբորդութենէ աղտոտած թիկնոց մը հագած էր, Պատուոյ ինգէոնի ժամանականով մը զարդարուած: Ներքին զգեստին վրայ ալ պատուանշան կար: Ոչ միայն այդ երկու պատուանշաններէն, այլ և սուրհանդակներուն հետ խօսած ատեն իր արտասանութենէն յայտնի կը տեսնուէր: որ Փրանսացի մըն էր:

Տիեզերական լեզուի երկրին մէջ ծնած ըլլալուն մէկ

ապացոյցն ալ իր իտալերէն չգիտնալն էր, բացի քանի մը երաժշտական բառերէն, որոնք Ֆիկարոյի կոտքու ին պէս մասնաւոր լեզուի մը ամէն մասնայատկութիւններուն տեղը կրնան զրաւել:

— Աի կ'կրո, կը պոռար սուրհանդակներուն, երբ զառիվեր մը կը հասնէին:

— Մոտերա'րօ, կ'ըսէր իւրաքանչիւր զառիվարին: Աստուած գիտէ թէ Ֆիորէնցիայէն Հոռմ երթալու համար Աքուաբէնտէնթէր ճամբուն վրայ ո՛րքան զառիվերներ և զառիվարներ կան:

Սակայն սուրհանդակները շատ կը ծիծառէին այդ երկու բառերը լսելով:

Յաւիտենական քաղաքին առջև, այսինքն Սթորահասնելնուն, ուրկից Հոռմը կ'երեւի, ճամբորդը չզգաց այն եռանդագին հետաքրքրութիւնը, որով ամէն օտարական գրգուած, իր տեղէն կ'ելլէ, ամէնէն առաջ հեռուէն երեցաղ Սուրբ Պետրոսի հոչակաւոր գմբէթը տեսնելու համար:

Միայն զրպանէն թղթապանակ մը և անոր մէջէն չորս ծալլուած թուղթ մը հանեց, բացաւ զայն և նորէն ծալլեց այնպիսի զդուշութեամբ մը, որ յարգանքի կը նմանէր և գոն եղաւ ըսելով.

— Լաւ, միշտ քովս է:

Կառքը տէլ Փոփոլոյի դոնէն անցնելով, ճախակողմուղղուեցաւ և «Սպանիա» պանդոկին առջև կեցաւ:

Փասթրինի պանդոկապետը, որ մեր հին ծանօթներէն մէկն է, զրան սեմերուն վրայ և գլխարկը ձեռքը, ընդունեց սւղեւորը:

Ճամբորդը կառքէն իջաւ, լաւ ճաշ մը հրամայեց ու թոմսըն և Ֆրէնչ սեղանաւորներուն ո՛ւր բնակիլը հարցուց: Փասթրինի իսկոյն գոհացուց զայն, օրովհետեւ այդ դրամատունը Հոռմի ամէնէն ծանօթ հաստատութիւններէն մէկն էր:

Սուրբ Պետրոս եկեղեցիին մօտ, Տէի Պանքի փողոցին մէջ կը գտնուէր ան:

Ինչպէս ամէն տեղ, Հոռմի մէջ ալ, սուրհանդակի կառքի մը ժամանումը իրարանցում առաջ կը բերէ:

Մարիսսի և Կրաքոսսի սերունդներէն տառնի չափ երիտասարդներ, ոտքերնին բոպիկ, արմուկնին ծակած, սակայն բուլնցընին իրենց ազգրերուն վրայ դրած և թեւերնին կորացած, ճամբորդին, կառքին և ձիերուն կը նայէին:

Քաղաքին այդ ընտրեալ ստահակներուն յիսունի չափ Հոռմի դատարկապրատներն ալ միացած էին, որոնք Սանթ Անձէլօ կամուրջին վրայէն Տիբեր գետին մէջ թքնելով ատեն կ'անցընեն:

Եւ որովհետեւ ստահակները և Հոռմի դատարկապրատները Փարիզիններէն աւելի բախտաւոր ըլլալով՝ ամէն լեզու կը հասկնան, յանաւանդ ֆրանսերէնը, ճամբորդին բնակարան մը և ճաշ մը խնդրելը ու վերջապէս Թոմուն և Ֆրէնչ վաճառատան ուր գտնուիլը հարցնելը հասկցան:

Հետեւաբար, երբ մեր ճամբորդը, առաջնորդ մը առած, պանդոկէն դուրս ելաւ, մարդ մը այդ հետաքրքիրաներուն խումբէն բաժնուելով, առանց ճամբորդին և անոր առաջնորդին ուշադրութեան ենթակայ ըլլալու, քիչ մը հեռուէն քալելով, օտարականին հետեւէն գնաց Փարիզի սստիկանութեան գործակալէ մը աւելի մեծ ճարպիկութեամբ։

Ֆրանսացին այնքան աճապարած էր Թոմուն և Ֆրէնչ դրամատունը երթալու, որ ձիերը կառքին լծելու անգամ չսպասեց։ Կառքը կա՛մ ճամբան իր հետեւէն պիտի հասնէր և կամ դրամատան դուռը իրեն պիտի սպասէր։

Կառքը իրեն չհասած, ֆրանսացին դրամատուն հասաւ և ներս մտաւ՝ առաջնորդը նախասենհակին մէջ թողլով, որ Հոռմի դրամատանց, եկեղեցիներու, աւերակներու, թանգարաններու և կամ թատրոններու մէջ գտնուող անառուեստ, կամ թէ աւելի ճիշտը, ամէն աեսակ արուեստներունեցող արուեստաւորներու հետ իւկոյն խօսակցութեան բռնուեցաւ։

Հետաքրքիրներու խումբէն բաժնուողն ալ ֆրանսացին հետ ներս մտած էր։ Ֆրանսացին գրասենհակին դուռը գարկաւ և առաջին սենետակին մէջ մտաւ։ նոյնը ըրաւ սառւերը։

— Թոմուն և Ֆրէնչ պարոնները հո՞ս կը գտնուին, հարցուց օտարականը։

Գրադրի մը նշանին վրայ, սպասաւոր մը, որ առաջին գրասենհակին պահապանն էր, ոտքի ելաւ։

— Որո՞ւ գալուստը պիտի իմացնեմ, հարցուց սպասաւորը, օտարականին առջնուէն քալելու պատրաստուելով։

— Պառն Տանկլարին, պատասխանեց ուղեւորը։
— Եկէք, ըստ սպասաւորը։

Դուռ մը բացուեցաւ, սպասաւորը և պառանը ներս յտան։

Տանկլարի հտեւէն մտնող մարդը նստարանի մը վըրայ նստաւ։

Գրագիրը գրեթէ հինգ վայրկեան ալ իր գրութիւնը շարունակեց, այդ միջոցին՝ նստաղ մարդը խորին լուսթիւն մը և կատարեալ անշարժութիւն մը կը պահէր։

Գրագիրը գրիչը ձեռքէն թողաւց, գլուխը վերցուց, ուշադրութեամբ իր շուրջը նայեցաւ և դիմացը գտնուողը ճանչնալով։

— Ա՛ հա՛, ըստ, դո՞ւն ես Փէփիփինօ։

— Այո՛, պատասխանեց նստաղը լակոնական ոճով։

— Ուրեմն այդ մեծ մարդուն վրայ լու հո՞տ մը առիր։

— Զայն գտած ըլլալու արժանիքը մեզի չի պատկանիր, այլ իմաց տուին մեզի։

— Ուրեմն գիտե՞ս ի՞նչ բանի համար գալը, ո՞վ հետաքրքիր։

— Անշուշա դրամ առնելու եկած է։ Միայն կ'ուզեէնք գիտնալ թէ ի՞նչ գումար պիտի առնէ։

— Հիմա կ'իմացնեմ քեզի, բարեկամ։

— Լա՛ւ, բայց անցեալ օրուան պէս սխալ տեղեկութիւն մի՛ տար։

— Ատ ի՞նչ խօսք է և որո՞ւն համար ըսել կ'ուզես։ Արդեօք այն անգլիացիին համար, որ անցեալ օր երեք հազար սկուտ առաւ ասկէ։

— Ո՛չ, անգլիացին իրօք երեք հազար սկուտ ունէր և յենք ճիշտ նոյն գումարը գտանք անոր վրայ։ Ռուս իշխանին համար է խօսք։

— Ճիշտ չե՞ր ըսածու:
— Դուն մեզի երեսուն հազար ֆրանք ըսիր և մենք
միայն քսաներկու հազար գտանք:

— Լաւ չե՞ր փնտոեր:
— Լուիձի վանիքան անձամբ փնտոեց:
— Ուրեմն պարտք մը հատուցած է:
— Ռո՛ւս մը պարտք ընէ:
— Կամ գուցէ ծախօսած է:
— Կարելի է:
— Անշուշտ այդպէս պէտք է ըլլայ: Բայց կեցիր դի-
տարանս երթամ, գուցէ ճիշտ գումարը չիմացած՝ ֆրան-
սացին իր գործը լմնցնէ:

Փէփփինօ հաստատական նշան մը ըրաւ և գրաւանչն
համրիչ մը հանելով, սկսաւ աղօթք մը մրմիջել, մինչ
գրագիրը այն գոնէն աներեւոյթ եղաւ. ուրկէ սպասաւորն
ու պառոնը ներս մտած էին:

Գրեթէ տասը վայրկեան հտքը, գրագիրը ուրախ դէմ-
քով վերագարձաւ:

— Ի՞նչ լուր, հարցուց փէփփինօ իր բարեկամին:
— Արթնցի՛ր, արթնցի՛ր, ըսաւ գրագիրը, գումարը
մեծ է:

— Հինգ կամ վեց միլիոն ֆրանք, այնպէս չե՞:
— Այո՛, ո՞ւրկէ գիտես:

— Նորին Վսեմութիւն Մօնթէ-Քրիսթօ կոմսին ըն-
կալազրին փոխարէն վճարելի տոմսակ մը ունի:

— Կոյսը կը ճանչնա՞ս:
— Հոռմի, վենետիկի և Վիեննայի դրամատանց մէջ
պիտի վճարուի:

— Միշտ այդպէս, գոչիթ գրագիրը ո՞ւրկէ այդքան
լաւ տեղեկութիւն ստացար:

— Քեզի ըսի որ առաջուց իմաց տրուած է մեզի:
— Ուրեմն ինչո՞ւ կը հարցնես:

— Որպէսզի ապահով ըլլանք, թէ մեր փնտուածը ճիշտ
նոյն մա՞րդն է:
— Ճիշտ ան է... հինգ միլիոն ֆրանք, գեղեցիկ

— Այո՛:

— Երբեք այդչափ գումար մը պիտի չկրնանք ձեռք
անցըլնել:

— Գոնէ, պատասխանեց Փէփփինօ փիլիսոփայօրէն,
անոնց կառուուանքը ձեռք բերած կ'ըլլանք:

— Լոէ՛, ահա մարդը կու գայ:
Գրագիրը վերստին իր գրիչը ձեռքը առաւ և Փէփ-
փինօ՝ իր համրիչը: Դուռը բացուած ժամանակ, ասոնցմէ
յէկը գիր կը գրէր և միւսը աղօթք կ'ընէր:

Տանկլար ուրախ կ'երեւէր և սեղանաւորը անոր ըն-
կերանալով, մինչև գուռը տարաւ զայն:

Տանկլարի հաեւէն Փէփփինօ ևս գուրս ելաւ:
Ինչպէս որ օրոշուած էր, Տանկլարի հաեւէն հասնե-
լիք կառքը թումուն և մրէնչ դրամատան առջև կը սպասէր:

Սոաջնորդը անոր գոնակը բռներ էր, վասնզի ճամ-
բորդներուն առաջնորդները խիստ մարդահաճոյ անձեր
կ'ըլլան և ամէն բանի կրնան գործածուիլ:

Տանկլար քսան տարեկան մարդու մը թեթեւաշար-
ժութեամբը կառքին մէջ ցատկեց:

Սոաջնորդը գուռը գոցեց և կառավարին քովը նստաւ:
Փէփփինօ կառքին հաեւի նստարանին վրայ ելաւ:

— Ձեր Վսեմութիւնը կ'ուզէ՞ Սուրբ Պետրոսի եկե-
ղեցին տեսնել, հարցուց առաջնորդը:

— Ի՞նչ ընելու համար, պատասխանեց սեպուհը:

— Տեսնելու համար չեկայ ևս չոռմ, ըսաւ Տանկլար
բարձր ձայնով և անյափ ժպիտով մը կամաց մը աւելցուց,
ստակ առնելու համար եկայ ևս:

Ու ձեռքը թղթապանակին վրայ դրաւ, որուն մէջ
նամակ մը պահած էր:

— Ուրեմն ձեր Վսեմութիւնը ո՞ւր կ'ուզէ երթալ:
— Պանդոկ:

— Փասթրինիք պանդոկը քաշէ, գոչեց առաջնորդը
խօսքը կառապանին ուղղելով:

Կառքը տան կառքի մը պէս արագութեամբ ճամբայ
ելաւ:

Տասը վայրկեան ետքը պառոնը իր բնակարանը դարձաւ և Փէփիինո պանդոկին առջե գտնուաղ նստարանին վրայ տեղաւորութեցաւ՝ քիչ մը առաջ յիշուած Մարիսոի և Կրաքոսի սերունդներէն եղող մէկուն ականջին քանի մը խօսք ընելէն յետոյ։ Ա.ասոր վրայ՝ այդ մարդն ալ իր սըրունգներուն բովանդակ արագութեամբ կապիտոլի ճամբան բռնեց։

Տանկլար յոգնած և գոհ ըլլալով՝ քուն ունէր։

Իր թղթապանակը բարձին տակը դրաւ և քնացաւ,

Փէփիինո հանգստանալու տաեն ունէր։ Իր ընկերներուն հետ սոռա խաղաց. երեք սկուտ կօրսնցուց և մը խիթարուելու համար սրուակ մը Օրվիէթոյի զինի խմեց։

Հետեւեալ առտու, Տանկլար ուշ արթնցաւ, թէե առ. ջի իրիկուընէ կանուխ պառկած էր, որովհեաւ հինգ վեց գիշերէ ի վեր հանգիստ քնացած չէր։

Լաւ նախաճաշ մը ըրաւ և, ինչպէս ըսած էր, յաւիտենական քաղաքին գեղեցկութիւնները տեսնելու հետաքրքիր չըլլալով, հրամայեց որ սուրհանդակի ձիերը կէս օրին պատրաստ ըլլան։

Բայց Տանկլար սոտիկանութեան օրէնքը և սուրհանդակապետին ծուլութիւնը հաշուի առած չէր։

Ուստի. ձիերը ժամը երկուքէն առաջ չկրցան հասնիլ և իր անցագիրը, սոտիկանութիւնէն մակադրուած, ժամը երեքին եկաւ։

Այս բոլոր պատրաստութիւնները Փասթրինիի պանդոկին դրան առջե բազմաթիւ ստահակներ հաւաքած էին։

Կրաքոսի և Մարիսոի սերունդներն ալ անոնց հետ խառնուած էին։

Պառոնը գոռազութեամբ այդ խումբերուն մէջէն անցաւ, որոնք փոքր նուէր մը ընդունելու համար «Վաեմութիւն» կը կոչէին զինքը։

Տանկլար, ինչպէս արդէն գիտենք, խիստ ուամիկ մարդ մը ըլլալով՝ գոհ եղած էր մինչե այն տաեն «պառոն» կոչուելուն համար, քանի որ զինքը «Վաեմութիւն» կոչած չէին։ Այդ տիտղոսը փաղաքչեց զինքը և քսանի չափ սկուտ բաժնեց բոլոր այն դատարկապօրտ մարդոց,

որոնք պատրաստ էին ուրիշ տասներկու ոկուտի համար «Բարձրութիւն» տիտղոսը տալ անոր։

— Ո՞ւր պիտի երթանք, հարցուց սուրհանդակը իւալերէն լեզուով։

— Դէպի Անքոնա, պատասխանեց պառոնը։

Փասթրինի պանդոկապետը այդ հարցումը և պատասխանը թարգմանեց և կառքը մեկնեցաւ սրարշաւ։

Տանկլար վենետիկ կ'ուզէր երթալ և իր հարստութեան մէկ մասը անկէ առնել։ Յետոյ վենետիկէն վիեննա պիտի անցնէր, ուր գումարին մնացեալը պիտի ստանար։

Իր դիտաւորութիւնը վենեննա հաստատուիլ էր, որուն գումարնութեանց քաղաք մը ըլլալը հաւասած էին։

Հոսմի դաշտին մէջ երեք մզոն տեղ չյառաջացած՝ գիշերը վրայ հասաւ։ Տանկլար ընաւ մտքէն չէր անցուցած որ այնչափ ուշ ճամբայ ելած էր, եթէ ոչ այն իրիկուն պանդոկը կը մնար. ուստի հարցուց սուրհանդակին, թէ ո՛րչափ ատենի պէտք կար առաջին քաղաքը հասնելու համար։

— Նօն գափիսօ (չեմ հասկնաբ), պատասխանեց սուրհանդակը։

Տանկլար գլխովը շարժում մը ըրաւ, որով «Շա՛տ լաւ» ըսել կ'ուզէր։

Կառքը իր ճամբան շարունակեց։

— Առաջին կայարանը կը կենամ, ըսաւ Տանկլար ինքնիրեն։

Տանկլար առջի իրիկունը ունեցած քունին փափաքը նորէն կը զգար։ Կրկին ձգտալարերով անգլիական գեղեցիկ կառքի մը մէջ փափկօրէն երկնցած էր և երկու հուժկու ձիեր կառքը կը քաշէին սրարշաւ։

Գիտէր որ իւրաքանչիւր եօթը մզոնին կը փոխեն ձիերը։

Ի՞նչ պէտք էր ընել, երբ մարդ սեղանաւոր և բարեբախտաբար սնանկացած է։

Տանկլար Փարիզ մնացած իր կնոջը վրայ ասսը վայրկեան մտածեց, տասը վայրկեան ալ իր աղջկան վրայ, որ օր ա՛Արմիլի հետ աշխարհը կը շրջէր։ վերջապէս տասը

վայրկեան ալ իր պարտատէրներուն և անոնց դրամը գորս
ծածելու կերպին վրայ մտածեց։ Յետոյ, ուրիշ մտածում
չունենալով, աչքը գոցեց և քնացաւ։

Սակայն, երբեմն կառքը սովորականէն աւելի տա-
տանելուն, Տանկլար վայրկեան մը կը բանար աչքերը։

Այն ատեն կը զգար որ կառքը միշտ միեւնոյն արա-
գութեամբ Հոռմի դաշտերուն մէջ կը յառաջանար, ուր
տեղ տեղ գտնուած խորտակուած ջրմուզները իրենց ըն-
թացքին մէջ քարացած կրանիթէ հսկաներ կ'երեւէին։

Բայց գիշերը ցաւրտ, տիուր և անձրեւոտ էր։ Կէս
քուն յարդ մը աւելի լաւ ըրած պիտի ըլլար աչքերը գո-
ցելով կառքին մէջ սպասել, քան թէ գլուխը դռնակէն
դուրս հանել և ուր զտնուիլը հարցնել սուրհանդակին,
որ նօն գափիսօէն ուրիշ բան չէր պատասխաներ։

Ուստի Տանկլար դարձեալ քնացաւ, ըսելով որ ձիերը
փոխուած ատեն կրնայ արթննալ։

Կառքը կեցաւ։

Տանկլար մտածեց որ իր այնչափ փափաքած նպատա-
կին վերջապէս հասած էր։

Աչքերը բացաւ, պատուհանէն դուրս նայեցաւ, կար-
ծելով թէ քաղաքի մը կամ գոնէ գիւղի մը քով հասած
են, բայց կղզիացած աւերակ տունէ մը զատ բան չտեսաւ,
որուն առջեն երեք չորս մարդիկ կ'երթեւեկէին ստուերի
նման։

Տանկլար սպասեց որ իր ճամբան լրացնող սուրհան-
դակը գայ և իր իրաւունքը պահանջէ։

Կը յուսօր այդ առթիւ իր նոր սուրհանդակէն տե-
ղեկութիւն մը ստանալ, բայց ձիերը ք կուեցան, անոնց
տեղը ուրիշ ձիեր լծուեցան և ճամբարդէն դրամ պահանջող
մէկը չներկայացաւ։

Տանկլար զարմանքով բացաւ դռնակը, բայց հուժկու
ձեռք մը զինքը ներս հրեց և կառքը սկսաւ յառաջանալ։

Պառոնը ապշահար, բոլորվին արթնցաւ։

— Է՛ն, ըստ սուրհանդակին, ինծի նայէ, է՛ն, միօ
զարո (սիրելիս)։

Այս իտալերէն բառն ալ Դավալզանթի իշխանին հետ
իր աղջկան երդած երդէն սորված էր Տանկլար։

Սակայն միօ զարոն չպատասխանեց բնաւ։

Այն ատեն Տանկլար պատուհանը բացաւ։

— Հէ՛, բարեկամ, ո՞ւր կ'երթանք, հարցուց գլուխը
դուրս հանելով։

— Տէ՛նքրո լա քեսր, զոչեց խիստ և խրոխտ ձայն
մը սպառնական չարժումով։

Տանկլար հասկցաւ որ տէ՛նքրո լա քեսր՝ գլուխդ ներս
քաշէ կը նշանակէ։ Ինչպէս կ'երեւէր, իտալերէն լեզուին
մէջ շուտով կը յառաջդիմէր։

Սրտի անհանգստութեամբ մը հնազանդեցաւ այդ
ձայնին, իր մտահոգութիւնը վայրկեանէ վայրկեան կ'ա-
ւելնար, և իր միաքը, որ ճամբայ ելած ատենը այնչափ
հանդարա էր և քնացած էր, այնպէսի բազմադիմի գա-
ղափարներով լեցուեցաւ, որոնք ճամբորդի մը մանաւանդ
Տանկլարի կացութիւնը ունեցող սւղեւորի մը սւչադրու-
թիւնը իր շահերուն վրայ կը դարձնեն։

Իր աչքերը մթութեան մէջ այն աստիճան յստակա-
տեսութիւն ստացան, զոր սրտի սաստիկ յուզումը մէկէն
կը հաղորդէ անոնց, բայց այդ յստակատեսութիւնը տաս
կաւ յոգնելով, կը տկարանայ։

Վախնալէն առաջ մարդ ճիշտ կը տեսնէ, վախցած ա-
տեն ամէն բան կրկին կ'երեւի իրեն, իսկ վախնալէն ե-
տե շփոթ կը տեսնէ։

Տանկլար վերարկուով փաթթուած մարդ մը տեսաւ,
որ իր կառքին աջ կողմէն ձիով կ'արշաւէր։

— Զինակիր մըն է գուցէ, ըստաւ, Ո՛վ ըլլալս ֆրան-
սական հեռագիրները քահանայապետական կառավարու-
թեան յայտնեցի՞ն արդեօք։

Ուզեց իր անհանգստութիւնը փարատել։

— Ո՞ւր կը տանիք զիս, հարցուց դարձեալ։

— Տէ՛նքրո լա քեսր, կրկնեց նոյն ճայնը միեւնոյն
սպառնական արտասանութեամբ։

Տանկլար դէպի ճախ կողմի զոնակը դարձաւ։

Ուրիշ մարդ մը կառքին ճախ կողմէն կ'ընկերանար
ձիով։

— Անշուշա բռնուեցայ, ըստ իւրովի Տանկլար ձակաւը քրտինքով պատաճ:

Նորէն կառքին մէջ նետուեցաւ, բայց այս անգամ ոչ թէ քնանալու, այլ մտածելու համար:

Ժամ մը ետքը լուսինը ելաւ:

Կառքին մէջէն նայուածքը դաշտին վրայ պարացուց: Այն ատեն նորէն տեսաւ այն մեծ ջրմուղները, այն քարէ ուրուականները, զորս քիչ մը առաջ տեսած էր: Միայն թէ փոխանակ աջակողմէն տեսնելու, այս անգամ ձախակողմէն էր տեսնէր:

Հասկցաւ որ կառքին կէս շրջան մը ընել տալով, Հոռմ կը վերադարձնէին զինքը:

— Ո՛հ, ի՞նչ տարաբախտ եմ, մրմիջեց, անշուշա ֆրանսական կառավարութեան պիտի յանձնեն զիս:

Կառքը մեծ արագութեամբ կը յառաջանար:

Ժամ մը սոսկումով անցաւ: Իր ճամբուն վրայ նըշմարտէ իւրաքանչիւր նշանէն փախստականը յայտնի էր տեսնէր որ ետ կը տանէին զինքը:

Կերջապէս մութ քարակոյտ մը տեսաւ, որուն դէմ կարծեց թէ կառքը պիտի ընդհարէր, բայց կառքը դառնասլով, քարակոյտին քովէն անցաւ, որ ուրիշ բան չէր, բայց եթէ չոսմը շրջապատող պարիսպներու զօտին:

— Օ՛հօ՛, մրմիջեց Տանկլար, քաղաք չնչք վերադառնար եւ ոստիկանութիւնը չէ զիս բռնողը: Տէր Աստուած, արդեօք... Ու մազերը քստմնեցան:

Հոռմայեցի աւազակներու ծանօթ պատմութիւնները յիշեց, որոնց Փարիզի մէջ այնչափ չէին հաւատար: Ալպէր աը Մորսէրփ այդ պատմութիւնները ըրած էր տիկին Տանկլարի եւ Էօժէնիին: Երբ երկու երիտասարդները նըշանուելու վրայ էին:

— Արդեօք գո՞ղ են ասոնք, մրմիջեց:

Յանկարծ կառքը աւազուտ ճամբէ մը աւելի դերբուկ գետնի մը վրայ սկսաւ յառաջանալ:

Տանկլար համարձակեցաւ ճամբուն երկու կողմը դիտել ու տարօրինակ ձեռով չէնքեր տեսաւ: Մորսէրփի պատմութիւնը իր միտքը դրաւած ըլլալով, այդ պահուն բու

լոր պարագաներովը կը յիշէր զայն եւ կը խորհէր որ անշուշա Արբիայի ճամբուն վրայ կը գտնուի:

Կառքին ձախակողմը, հովիտի մը մէջ, բոլորակ խոռոչ մը կը տեսնուէր:

Դարագալլայի կրկէսն էր ան:

Կառքին աջ կողմէն արշաւող մարդուն մէկ հրամանին վրայ, կառքը կեցաւ:

Նոյն ժամուն ձախ կողմի դռնակը բացուեցաւ:

— Շինչի (իջիր), հրամայեց ձայն մը:

Տանկլար կառքն իջաւ իսկայն:

Իտալիէն լեզուն տակաւին չէր կրնար խօսիլ, բայց սկսած էր հասկնալ:

Պառոնը, մեռելատիպ դէմք մը առած, իր շօւրջը նայեցաւ:

Սուրհանդակէն զատ չօրս հոգի կը շրջապատէին զինքը:

— Տի եռա (աօկէ), ըստ չորս մարդոցմէ մէկը, Հոռմի դաշտին անհաւասար գծերուն մէջ Արբիայի ճամբան տանող վոքը շաւիղի մը մէջ իջնելով:

Տանկլար, առանց ընդդիմութեան, առաջնորդին հետեւցաւ, իսկ միւս երեք մարդոց իրեն հետեւիլը հասկնալու համար ետին նայելու հարկ չտեսաւ:

Սակայն իրեն այնպէս թուեցաւ որ այդ մարդերը, իրարմէ գրեթէ հաւասար հեռաւորութեամբ, պահնորդներու պէս կեցան:

Առանց խօսելու, գրեթէ տասը վայրկեան քալելէ յետոյ, Տանկլար բլրակի մը և երկար խոտերով մացառներու մէջտեղը գտաւ ինքզինքը: Երեք անձայն մարդիկ եռանկիւն մը կը կազմէին, որոնց կեղրոնը ինքն էր:

Ուզեց խօսիլ, բայց չփոթեցաւ:

— Ավանի (յառա'ջ), ըստ նոյն ձայնը կարուկ և հրամայական ձեւով:

Այս անգամ Տանկլար երկու կերպով հասկցաւ, թէ՝ խօսքով և թէ շարժումով, քանզի իր ետեւէն քալող մարդը այնպիսի խստութեամբ հրեց զինքը, որ գնաց իր առաջնորդին զարնուեցաւ:

Այդ առաջնորդը մեր Փեփփինօ բարեկամն էր, որ

բարձր խոտերուն մէջ մխրճուեցաւ այնպիսի մանուածառ
պատ ճամբէ մը, որուն անցնելու ճամբայ մը ըլլալը կու-
զերը և մողէզները միայն կրնային ճանչնալ:

Փէփփինո թանձր մացառներով ծածկուած ժայռի մը
առջեւ կցաւ:

Այդ ժայռին արտեւանունքի նման բացուածքէն ներս
մտնելով, աներեւոյթ եղաւ, քարայրի մէջ անհետացող սա-
տանայի մը նման:

Տանկլարի ետեւէն եկողին ձայնը ու շարժումը սե-
ղանաւորը հարկադրեցին որ Փէփփինոյին հետեւի:

Ալ տարակոյա չկար, ֆրանսացի սնանկը հոօմայեցի
աւազակներու ձեռքը ինկած էր:

Տանկլար երկու սոսկալի վտանգի մէջ դանուող և
վախէն զօրացած մարդու մը պէս ըրաւ.

Հոօմի դաշտին ծերպերէն մէկուն մէջ մանելու ան-
յարմար փոր մը ունէր, սակայն աչքերը գոցելով Փէփ-
փինոյի ետեւէն ծակին մէջ յտաւ և իր ոտքերուն վրայ
ինկաւ:

Այն ատեն աչքերը բանալով, տեսաւ որ իր առջեւ
բացուած ճամբան լայն, բայց մութ էր:

Հիմա որ Փէփփինոն իր բնակարանին մէջ կը դանը-
ւէր, բնաւ պահութեալու հոգ չըրաւ, այլ կայծահանը հա-
նեց և ճրագ մը վառեց:

Վերջապահ զինուորի պէս երկու մարդիկ ալ Տանկ-
լարի ետեւէն ներս յտան և սեղանաւորին կեցած ատեն,
անոր ետեւէն հրելով, հազիւ զգալի զառիթափէ մը վար
իջնցուցին, յետոյ տխուր երեւոյթով քառուղիի մը կե-
դրոնը տարին զայն:

Տանկլարի այնպէս կ'երեւէր, թէ իրարու վրայ զե-
տեղուած դադաղներու նման փորուած պատերուն րաժա-
նումներուն մէջ սե ու խորունկ աչքերով մեռելի գլուխ-
ներ կը տեսնէ:

Պահնորդ մը իր ձախ ձեռքը լայնափող հրացանին
զարկաւ:

— Ո՞վ է ան, գոչեց:

— Բարեկամ ենք, ըսաւ Փէփփինո: Ո՞ւր է մեր պետը:

— Հօն է, ըսաւ պահնորդը, ժայռի մէջ փորուած
մեծ սրահի պէս տեղ մը ցուցնելով, ուրկէ լոյսը դուրս կը
ցոլար, կամարածե բացուածքներուն մէջէն անցնելով:

— Լաւ որս մը ունինք, տէր իմ, ըսաւ Փէփփինո ի-
տալերէն լեզուով:

Ու Տանկլարի վերարկուին օձիքէն բռնկլով՝ զուոի
նման բացուածքի մը առջև տարաւ զայն, ուրկէ երեւու-
թապէս պետին բնակարանը եղող այդ սրահին մէջ կը
մտնուէր:

— Այն մա՞րդն է. հարցուց աւազակապետը, որ մեծ
ուշադրութեամբ Աղեքսանդրի կենսագրութիւնը կը կար-
դար Պլուտարքոսի մէջ:

— Այս', նոյն ինքն է:

— Շատ լաւ, ցուցուցէք տեսնեմ:

Այդ անպատեն հրամանին վրայ, Փէփփինո իր լոյսը
այնչափ յօտեցուց Տանկլարի երեսին, որ կալանաւորը իր
յօնքերը չայրելու համար ետ քաշուեցաւ փութով:

Տանկլարի այլայլած դէմքը սոսկումի ամէն նշաննե-
րը կը կրէր իր վրայ:

— Այդ մարդը յօդնած է, ըսաւ պետը, անկողինը
տարէք զայն:

— Ո՞հ, մը մնջեց Տանկլար, այդ անկողինը անշուշտ
պատին մէջ փորուած դադաղներէն մէկը պիտի ըլլայ: Հոն
քնանալը կը նշանակէ այն դաշոյններէն մէկէն սպաննը-
ւիլ, որոնց փայլիլը կը տեսնեմ ստուերին մէջ:

Ընդարձակ սրահին խորերը, մթութեան մէջ, չոր խո-
տերէ կամ գայլի մորթերէ խշտեակներու վրայ պակողնե-
րուն տաքի ելլելը տեսաւ: Այն մարդուն ընկերներն էին,
որուն «կեսարու Յիշատակարանները» կարդալը Ալպէր տը
Մորսէրփ տեսած էր և Տանկլար անոր Աղեքսանդրի կեն-
սագրութիւնը կարդալը կը տեսնէր:

Սեղանաւորը մելմաձայն հառաջանք մը հանեց ու ա-
ռաջնորդին ետեւէն գնաց:

Աղաչելու կամ ձայն հանելու փորձ չըրաւ:

Ա'լ ոչ ոյժ ունէր, ոչ կամք, ոչ կարսղութիւն և ոչ
զգացում,

Քաշելով տանելնուն համար, ինքն ալ կ'երթար։
Ոտքը սանդուխի աստիճանի մը ընդհարելով և հաս-
կնալով որ իր առջև սանդուխ մը կայ, գլուխը չզարնելու
համար, բնագլումով ծռեցաւ և միակտուր ժայռէ փոր-
ուած խցիկի մը մէջ գտաւ ինքզինքը։

Այդ խցիկը յաքուր, մերկ և չոր էր, թէև մեծ խո-
րութիւն ունեցող գետնի մը տակ կը զանուէր։

Այծի մորթով ծածկուած չոր խոռէ անկողին մը խը-
ցիկին մէկ անկիւնը փոռուած էր։

Տանկլար զայն տեսնելուն պէս իր ազատութիւնը զու-
շակեց։

— Ո՞հ, օրհնեալ ըլլայ Աստուած, մրմնջեց, ստուգիւ
անկողին մըն է աս։

Ժամէ մը ի վեր երկրորդ անդամն էր որ Աստուծոյ
անունը օգնութեան կը կանչէր։ Տասը տարիէ ի վեր այդ
բանը պատահած չէր։

— Ե՛թօ (ահա), ըսաւ առաջնորդը։

Ու Տանկլարը խցիկին մէջ հրելով՝ դօւոր անոր վը-
րայ փակեց։

Պարզունակ մը կռնչեց ու Տանկլար բանտարկուած
մեաց։

Եթէ պարզունակը չդրուէր իսկ, պէտք էր Սուրբ Պետո-
րոս մը ըլլալ և երկնքի հրեշտակ մը առաջնորդ ունենալ,
որպէսզի կարենար Սան Սեպաստիանոյի ստորերկրեայ գե-
րեզմանատունը պահպանող և իրենց գլխաւորին շուրջը
բնակող բազմութեան մէջէն անցնիլ։

Անշուշտ մեր ընթերցողները հասկցան թէ աւազակա-
պետը Լուիձի վանփան էր։

Տանկլար իսկ այն աւազակապետը ձանչցած էր, ո-
րուն գոյութեանը չէր ուզած հաւատալ, երբ Մօրսէրփ կը
ջանար անոր անունը Թրանոայի մէջ ալ ծանօթացնել։

Ոչ միայն այն ձանչցած էր, այլ և այն խցիկը, ո-
րուն մէջ Մօրսէրփ բանտարկուած էր և որ հաւանաբար ա-
մէն օտարականներու յատկացուած բնակարանն էր։

Մօրսէրփի պատմութիւնը յիշելով, Տանկլարի սիր-
ուը հանդարտած էր։

Քանի որ աւազակները անմիջապէս չէին սպաններ
զինքը, ուրեմն սպաննելու դիտաւորութիւն չունէին։

Կողոպտելու համար միայն բոնած էին, և օրովհետեւ
իր վրայ միայն քանի մը սոկի ունէր, անշուշտ փրկանք
պիտի պահանջէին։

Յիշեց որ Մօրսէրփէն չորս հազար սկուտի չափ փըր-
կանք մը պահանջած էին, և որովհետեւ ինքզինքը Մօր-
սէրփէն վեր կը դասէր, իր փրկանքը ութը հազար սահ-
մանեց։

Ութը հազար սկուտի քառասունըութը հազար ֆրանք
կ'ընէր։

Այդ գումարը վճարելէն յետոյ, տակաւին հինգ մի-
լիսն յիսուն հազար ֆրանքի չափ գումար մը կը մնար ի-
րեն, որով կրնար դործ տեսնել։

Ուստի իր ազատ ձգուելուն վրայ գրեթէ ապահով,
որովհետեւ բնաւ տեսնուած բան չէր որ հինգ միլիոն յի-
սուն հազար ֆրանք փրկանք սահմանուէր, Տանկլար իր
անհողնոյն վրայ փոռւեցաւ, ուր երկու երեք անդամ մէկ
կողմէն միւսը դառնալէն յետոյ, քնացաւ այն դիւցազնին
հանդարտութեամբ, որուն պատմութիւնը կուիձի Վան
փան կը կարդար։

ՃԶ. ԳԼՈՒԽ

ԼՈՒԻՁԻ ՎԱՆՓԱՅԻ ԿԵՐԱԿՈՒՐՆԵՐՈՒՆ ԳԻՆԸ

Ամէն քնացող պէտքէ որ արթննայ, բացի այն քու-
նէն, ուրկէ կը վախնար Տանկլար։

Տանկլար ալ արթնցաւ։

Մետաքսէ վարագոյրներու, թաւշապատ օրմերու,
կրակարանին մէջ վառուած փայտին անոյշ հոտերուն
վարժուած փարիզցիի մը համար կաւիճապատ քարայրի մը
մէջ արթննալը գէշ երազի մը կը նմանէր։

Իր վրայ գանօւող այծի մորթերուն դպչելով՝ Տանկ-
լար անշուշտ կը կարծէր որ Լաբոնները կ'երազէ։

Բայց այդպիսի պարագայի մէջ երկվայրկեան մը բա-

ւական է ամէնէն գօրաւոր տարակոյսը սառւդութեան փունկու:

— Այո՛, այո՛, մրմնջեց, Ալպէր տը Մորոէրֆին պատած աւազակներուն ձեռքը ինկած եմ:

Իր առաջին շարժումը շունչ առնելը եղաւ, որպէսզի ապահով ըլլայ թէ վիրաւորուած չէ. այդ միջոցը «Տօն Քիշօթ»ին մէջ տեսած էր, զոր ոչ թէ կարդացած, այլ անոր մէջէն մէկ երկու բան քաղած էր,

— Ո՛չ, ըստ, զիս սպաննած կամ վիրաւորած չեն, այլ գուցէ կողմագած:

Իսկոյն իր գրպանները խառնեց:

Ամէն բան տեղն էր:

Հոռմէն վենետիկ ճամբորդութիւն ընելու համար, պահած հարիւր ոսկին տարատին գրպանին մէջն էր և հինգ միլիոն յիսուն հազար ֆրանքնոց վարկատոմուը վերարկուին գրպանին մէջ կը գտնուէր:

— Ի՞նչ զարմանալի աւազակներ են ասոնք, ըստ ինքնիրեն, քսակիս և գրպանիս չեն դպչեր, ինչպէս երէկ պառկած ատենս կ'ըսէի, անոնք ինձմէ փրկանք պիտի պահանջեն, Զարմանալի բան, ժամացոյցս ալ քովս է. տեսնք ժամը քանի՞ն է:

Տանկլարի ժամացոյցը, որ Պրէկէի գլխաւոր գործերէն մէկն էր և զոր սեղանաւորը առջի իրիկունը ճամբայ ելելէն առաջ լարած էր, առտուան ժամը հինգ ու կէս հնչեց:

Առանց այդ ժամացոյցին, Տանկլար ժամանակի ժամին անստուգութեան պիտի ժամանուէր, որովհետեւ ցերեկաւան լոյսը խցիկին մէջ չէր թափանցեր:

Արդեօք իր վիճակին վրայ աւազակներէն րացաւրութիւն խնդրելո՞ւ էր, թէ սպասելու էր որ անոնք խօս սին: Վերջին որոշումը աւելի խելացի բան մը պիտի ըլլար:

Տանկլար մինչև կէս օր սպասեց:

Այդ միջոցին պահնորդ մը դրան առջև իր վրայ կը հսկէր:

Առտուան ժամը ութին պահնորդը փոխուած էր:

Տանկլարի վրայ վափաք մը եկաւ տեսնելու, թէ զինքը պահպանողը ո'վ էր:

Ո՛չ թէ ցերեկուան, այլ ճրագի մը լոյսին ճաճանչները ներս կը թափանցէին իրարու լաւ չմիացած դրան տախտակներու միջոցներէն:

Տանկլար դրան ճեղքուածքներէն մէկուն մօտեցաւ ձիչտ այն միջոցին, երբ աւազակը քանի մը ումապ օղի կը խմէր, որ թէև արկի մէջ դրուած էր, բայց այնպիսի հոտ մը տարածեց, որմէ Տանկլար գանեցաւ:

— Բո՞ւ՛, ըստ իր խցիկին ամէնէն ներսի կողմը քաշուելով:

Կէս օրին՝ օղի խմող մարդուն տեղը ուրիշ պահնորդ մը դրուեցաւ:

Տանկլար իր նոր պահապանը տեսնելու հետաքրքրութիւնը ունեցաւ:

Նորէն ծակին մօտեցաւ:

Այդ պահապանը մեծ աչքերով, հաստ շրթունքներով, տափակ քիթով հսկայ աւազակ մը, Գողիաթ մըն էր, Իր գորշազոյն մագերը օձի նման գալարուած պատրոյդի պէս իր ուսերուն վրայ կախուած էին:

— Օ՛օ՛, ըստ Տանկլար, այս մարդը աւելի հրէշի կը նմանի, քան թէ մարդկային արարածի մը, իմ բանիս չի գար ան:

Նոյն միջոցին, պահապանը զոգցես ապացուցանելու համար օր հրէշ մը չէ, խցիկին դրան դիմաց նստաւ, պարկին մէջէն սև հաց, սոխ և պանիր հանեց ու սկսաւ անցագութեամբ ուտել:

— Զեմ կրնար հսկնալ, ըստ Տանկլար իր դրան ճեղքուածքին մէջէն աւազակին ճաշին նայելով, թէ ի՞նչպէս կրնայ մարդ այսպիսի գարշելի բաներ ուտել:

Ու զնաց այծի մորթերուն վրայ նստաւ, որոնք առջի պահնորդին օղիին հոտը կը յիշեցնէին իրեն:

Բայց Տանկլար թող ուզածը ըսէ և ընէ, ընութեան գաղտնիքները անիմանալի են, անօթի ստամօքսները ամէնէն անախորժ կերակուրներուն անգամ կը յօժարին:

Տանկլար յանկարծ զգաց, որ իր ստամօքսը դատարկ էր, և այն ատեն մարդը նուազ տգեղ, հացը նուազ սև պանիրը աւելի թարմ երեւցաւ:

Վերջապէս այն բիրտ մարդուն նողկալի կերակուրը
եղողը հում սոխերը երեն կը յիշեցնէին Ռոպէրի շինած
համեմանքը և խօհարարին վարպետութեամբ պատրաստած
շերտաձն խորովածը:

Տանկլար ոտքի ելաւ և գնաց դուռը զարկաւ:

Աւազակը զլուխը վեր առաւ և Տանկլար տեսաւ որ
ձայնը լսուած էր: Կրկին դուռը զարկաւ:

— Ի՞նչ կ'ուզես, հարցուց աւազակը:

— Բարեկամ, ըսաւ Տանկլար իր մատներովը դրան
վրայ թմբկահարելով, կարծեմ թէ ժամանակը եկած է որ
ինծի ալ կերակուր բերէք:

Սակայն, կամ Տանկլարի լեզուն չասկնալուն և կամ
անոր կերակուր բերելու հրաման չունենալուն, իր ճաշը
շարունակց աւազակը:

Տանկլար անոր այս ընթացքը նուաստացուցիչ հա-
մարելով և չուզելով այդ բիրտ մարդուն հետ աւելի խօ-
սիլ, նորէն այծի մորթերուն վրայ պառկեցաւ և ձայն չը-
հանեց:

Ասոր վրայ չորս ժամեր անցան:

Ուրիշ աւազակ մը պահնորդ դրուեցաւ:

Տանկլար, որ ստամոքսին մէջ մեծ անձկութիւն մը
կը զգուր, կամաց մը ոտքի ելաւ, իր աչքերը դրան ճեղ-
քուածքին մօտեցուց և իր պահնորդին դէմքը ճանչցաւ:

Մտուգիւ, առջի պահնորդին տեղը Փէփփինօն էր ե-
կողը, որ դրան դիմաց նստաւ ու իր երկու սրունգներուն
միջև հողէ պտուկ մը դրաւ, սրուն մէջ խոզի ճարպով ե-
փած սիսեռին ճենճերը ու հոտը կ'ելէին:

Այդ կերակուրին քով Փէփփինօ դրաւ վէլէթրիի խա-
ղողով լեցուն փոքրիկ սիրուն կողով մը և Օրվիէթոյի գի-
նիով լեցուն սրուակ մը:

Մտուգիւ Փէփփինօ որկրամոլ մըն էր:

Այդ ախորժարեր պատրաստութիւնները տեսնելով,
Տանկլարի բերնին ջուրերը կը վազէին:

— Տեսնենք, ըսաւ բանտարկեալը, արդիօք այս ա-
ւազակը միւսէն աւելի խղճանք ունի:

Ու կամաց մը դուռը զարկաւ:

— Եկայ, ըսաւ աւազակը, որ Փասթրինիին պանդո-
կը միշտ յաճախելով, ֆրանսերէն լեզուն լաւ սորված էր:
Մտուգիւ եկաւ դուռը բացաւ:

Տանկլար ճանչցաւ այդ մարդը, որ ճամբան սոսկալի
ձայնով՝ «Գլուխի ներս քաշէ» պառացողն էր:

Սակայն վիճելու տաեն չէր, ընդհակառակը զուարթ
դէմք մը առաւ և քաղցր ժպիտով մը ըսաւ:

— Կը ներէք, պարոն, բայց ինծի ալ բան մը պիտի
չտա՞ք ուտելու:

— Արդիօք Զեր Վահմութիւնը անօթի՞ է, գոչեց Փէփ-
փինօ:

— Հարցումը զարմանալի է, մրմնջեց Տանկլար:
Ճիշտ քսանըչորս ժամէ ի վեր բան մը կերած չեմ: Այս՝
պարոն, անօթի իմ և բաւական անօթի, յարեց ճայնը
բարձրացնելով:

— Զեր Վահմութիւնը կերակո՞ւր կ'ուզէ...

— Հիմա, եթէ կարելի է:

— Ատկէ դիւրին բան չկայ. ըսաւ Փէփփինօ, հսս
մարդ ուզածը կրնայ գտնել. միայն թէ դրամը տալով,
ինչպէս ամէն բարի քրիստոնեաներու տունը կ'ըլլայ:

— Անշուշտ, գոչեց Տանկլար, թէև զիս բռնող և բան-
ատրկող մարդիկ պարտաւոր էին գոնէ իրենց բանտարկեա-
լը կերակրելու:

— Ո՛հ, աէր իմ, յարեց Փէփփինօ, այդ սովորու-
թիւնը չունինք:

— Պատճառ մը չի կրնար ըլլալ ատ, ըսաւ Տանկլար:
յուսալով իր պահնորդին սիրտը վաղաքշել, սակայն այդ
կերպով ալ գոն կ'ըլլամ: 0՛ն, թող կերակուր բերեն ինծի:

— Իսկոյն, աէր իմ, ի՞նչ կ'ուզէք ուտել:

Փէփփինօ պտուկը գետինը դրաւ, այնպէս որ անոր
ճենճերը Տանկլարի քթի ծակերուն մէջ կը մտնէին ուզ-
դակի:

— Հրամայեցէք, ըսաւ:

— Խոհանոց ունի՞ք հոս, հարցուց սեղանաւորը:

— Ի՞նչ, խօհանոց ունենալի՞ս կը հարցնէք. շատ լաւ
խօհանոցներ ունինք:

— Խոհարարնե՞ր։
 — Ընտիր խոհարարներ ալ ունինք։
 — Ուրեմն վառեակ մը, ձուկ մը կամ որսի միս և
 կամ ի՞նչ կուզէ թող ըլլայ, միայն թէ կերակուր բերեն
 ինծի։
 — Ինչպէս որ կը հաճիք։ Ուրեմն վառեակ մը կ'ու-
 զէք, այնպէս չէ։
 — Այս, վառեակ մը։
 Փէփփինո բոլոր ուժովը պոռաց։
 — Նորին Վսեմութեան համար վառեակ մը բերէք։
 Փէփփինոյի ձայնը գմբէթներուն տակ կը հնչէր դեռ,
 երբ վայելուչ, նուրբ և կիսամերկ երիտասարդ մը երեւ-
 ցաւ, արծաթ պնակի մը վրայ դրսւած վառեակ մը բերե-
 լով։
 — Կարծիս թէ Քաֆէ աը Փարին կը գտնուինք,
 մրմնջեց Տանկլար։
 — Ահա, տէր իմ, ըսաւ Փէփփինո վառեակը երիտա-
 սարդին ձեռքին առնելով և որդնահար սեղանի մը վրայ
 դնելով, որ անյենարան աթոռով մը և այծեմորթէ ան-
 կողնով խցիկին բոլոր կարասին կը ձեւացնէր։
 Տանկլար դանակ մը և պատառաքաղ մը ուղեց։
 — Ահա, տէր իմ, ըսաւ Փէփփինո բթածայր դանակ
 մը և տոսախէ պատառաքաղ մը ներկայացնելով։
 Տանկլար մէկ ձեռքը դանակը և միւս ձեռքը պատա-
 ռաքաղը առաւ ու պատրաստուեցաւ վառեակը մանրելու։
 — Կը ներէք, տէր իմ, ըսաւ Փէփփինո մէկ ձեռքը
 սեղանաւորին ուսին վրայ դնելով։ հոս ուտելին առաջ
 դրամը կը վճարեն։ Կրնայ ըլլալ որ մարդ գոհ չըլլայ
 դուրս հլած ատեն….
 — Ա՛հ, մրմնջեց Տանկլար, այդ սավօրութիւնը Փա-
 րիզի մէջ չկայ, հաւանաբար գուցէ զիս կողոպտեն ալ,
 բայց մենք առատաձեռնութիւն ծախենք։ Լսած եմ որ ի-
 տալիս մէջ կերակուրները խիստ աժան են։ Հոռմի մէջ
 վառեակի մը գինը տասներկու սու պէտք է որ ըլլայ։ Ա-
 հա ձեզի սոկի մը, ըսաւ ու սոկի մը նետեց Փէփփինոյին։
 Փէփփինո սոկին գետնէն առաւ և Տանկլար դանակը
 վառեակին մօտեցուց։

— Կեցէք, տէր իմ, ըսաւ Փէփփինո, Զեր Վսեմու-
 թիւնը տակաւին պարտք ունի ինծի։
 — Իրաւամբ ըսի թէ պիտի կողոպտեն զիս, մրմնջեց
 Տանկլար։
 Բայց խօրհելով որ այդ հարստահարութեան պէտք էր
 հնաղանդիլ։
 — Հսէ'ք, այս վտիտ վառեակին համար տակաւին
 ո՞րչափ պարտք ունիմ, հարցուց։
 — Զեր Վսեմութիւնը առ հաշիւ ոսկի մը տուաւ։
 — Վառեակի մը համար առ հաշիւ ոսկի մը։
 — Անշուշտ առ հաշիւ է աս։
 — Շատ լաւ... ուրիշ։
 — Զեր Վսեմութիւնը տակաւին չորս հաղար ինը հա-
 րիւր իննուուն և ինը սոկի պարտական է։
 Տանկլար այդ բիրտ կատակին վրայ աչքերը բացաւ
 արտակարգ կերպով։
 — Ո՛հ, այս ի՞նչ ծաղրաշարժ մարդ է, մրմնջեց։
 Ուզեց վառեակը մանրել, բայց Փէփփինո ձախ ձեռ-
 քով սեղանաւորին աջ ձեռքը բոնելով, միւս ձեռքը անոր
 երկարեց։
 — Ո՛հ, տուէք, ըսաւ։
 — Ի՞նչ, կատակ չէ ըրածնիդ, ըսաւ Տանկլար։
 — Երբեք կատակ չենք ըներ, տէր իմ, յարեց Փէփ-
 փինո ծանրութեամբ։
 — Ի՞նչ, վառեակի մը համար հարիւր հաղար ֆրանք
 ուզելնիդ կատակ չէ։
 — Տէր իմ, չէք հաւատար, երբ ըսենք թէ այս ա-
 նիծեալ քարայրին մէջ հաւեր սնուցանելու համար ո՛ր-
 քան գժուարութիւններ կը կրենք։
 — Բաւական է, ըսաւ Տանկլար, ստուգիւ խիստ
 ծաղրաշարժ և խիստ զուարձալի է ըսածնիդ։ Բայց որով-
 հետեւ անօթի եմ, ձգեցէք որ ուտամ։ Ահա ուրիշ սոկի մը
 ձեզի համար, բարեկամ։
 — Այն ատեն չորս հաղար ինը հարիւր իննուուն և
 ութը սոկի կը միայ պարտքերնիդ, ըսաւ Փէփփինո նոյն
 անտարբերութեամբ։ Համբերութեամբ պիտի հասնինք մեր
 նպատակին։

— Ո՞ւ, երբեք, ըսաւ Տանկլար, անոր միօրինակ հեղնութենէն ձանձրանալով. գացէք, կորսուեցէք հոսկէ. չէք գիտեր թէ որո՛ւ հետ է ձիր գործը:

Փէփփինօ նշան մը ըրաւ: Երիասասարդ սպասաւորը երկու ձեռքերը երկարեց և խսկոյն վառեակը յափշտակեց:

Տանկլար այծեմորթէ անկողնոյն վրայ նետուեցաւ:

Փէփփինօ դուռը նորէն զոցեց և սկսաւ իր կերակուրը ու ուտել:

Տանկլար Փէփփինոյի ըրածը չէր կրնար աեսնել, բայց աւազակին ակոաներուն կափկափումը բնաւ տարակոյս չէր ձգեր ըրածին վրայ:

Յայտնի էր որ կ'ուտէր և մանաւանդ ձայնով ու անկիրթ մարդու մը պէս կ'ուտէր:

— Անկի'րթ, ըսաւ Տանկլար:

Փէփփինօ այդ խօօքը չլսել ձեւացուց և առանց գլուխը անգամ դարձնելու, իր ճաշը շարունակեց, բայց աւելի կամաց ձայնով:

Տանկլարի այնպէս կը թուէր թէ իր ստամոքսը Դանայեան տակառին պէս ծակուած էր: Զէր կարծեր որ երեք պիտի կարենար լեցնել զայն:

Սակայն կէս ժամ մըն ալ համբերեց: Բայց ճիշտը ըսկու համար, այդ կէս ժամը դար մը թուեցաւ իրեն:

Նորէն ոտքի ելաւ և դրան մօտեցաւ:

— Սւելի երկար ատեն մի՛ տանջէք զիս և ըսէք շուտով թէ ի՞նչ կ'ուզէք ինձմէ:

— Բայց, տէր իմ, դուք ըսէք մեզի թէ ի՞նչ կ'ուզէք մեզմէ... Հրամայեցէք և մենք ձեր հրամանները պիտի կատարենք:

— Ուրեմն նախ դուռը բացէք:

Փէփփինօ դուռը բացաւ:

— Կերակուր կ'ուզեմ, ըսաւ Տանկլար:

— Անօթի՞ էք:

— Հարցնելու պէտք չկայ:

— Ձեր Վաեմութիւնը ի՞նչ կ'ուզէ ուտել:

— Պատառ մը չոր հաց, քանի որ վառեակները այս անիծեալ մառաններուն մէջ անօրինակ գին մը ունին:

— Հա՞ց կ'ուզէք, շատ լաւ, ըսաւ Փէփփինօ: Շուտով հաց բերէք հոս, գոչեց:

Սպասաւորը հացի կտոր մը բերաւ:

— Անա՛, ըսաւ Փէփփինօ:

— Ի՞նչ պիտի վճարեմ, հարցուց Տանկլար:

— Զորս հազար ինը հարիւր իննասունը ութը ոսկի, երկու ոսկի կանխիկ վճարած էք:

— Ի՞նչպէս, պատառ մը հացը հարիւր հազար Փրանք կ'արժէ:

— Այս՛, հարիւր հազար Փրանք, ըսաւ Փէփփինօ:

— Բայց վառեակի մը համար հարիւր հազար Փրանք կը պահանջէիք:

— Կերակուրներուն համար զանազան գիներ չունինք, այլ մեր գիները որոշուած են: Շատ ուտէք կամ քիչ, տասը պնակ կերակուր խնդրէք կամ միայն մէկ պընակ, միեւնոյն հաշիւն է մեզի համար:

— Դարձեալ կատակի սկսանք: Միրելի բարեկամ, կ'իմացնիմ ձեղի, որ ըրածնիդ այլանդակ և անխօնիմ գործ է: Աւելի լաւ կ'ըլլայ խսկոյն ըսել թէ կ'ուզէք անօթութենէ մեռնել զիս:

— Ո՞չ, տէր իմ, դուք կ'ուզէք ինքզինքնիդ սպաննել, վճարեցէք և կերէք:

— Ի՞նչպէս վճարեմ, տխմար անասուն, ըսաւ Տանկլար բարկութիւմը, կը կարծէք որ մարդ հարիւր հազար Փրանք կ'ունենայ: Իր գրպանը:

— Ձեր գրպանը հինգ միլիոն յիսուն հազար Փրանք ունիք, տէր իմ, ըսաւ Փէփփինօ: Հարիւր հազար Փրանք նոց յիսուն վառեակի և յիսուն հազար Փրանքնոց կէս վառեակի գինն է:

Տանկլար սարսուաց:

Գաղտնիքը երեւան ելած էր, միշտ կատակ էր այն, բայց վերջապէս նպատակը կը հասկնար:

Պէտք է ըսել, որ այդ կատակը քիչ մը առաջ կարծածին չափ անպատեհ չէր գտներ:

— Այս հարիւր հազար Փրանքը վճարելէս յետոյ, գը-

նէ պարտքէս ազատած պիտի համարէ՞ք զիս և պիտի կըր-
նա՞մ հանգստօրէն ուտել:

— Անտարակյա, ըսաւ Փէփփինօ:

— Բայց ի՞նչպէս տամ այդ գումարը, ըսաւ Տանկլար
աւելի ազատօրէն շունչ առնելով:

— Ատկէ աւելի դիւրին բան չկայ, Հոռմի Թոմուն
և Ֆրէնչ վաճառատան վրայ բացուած վարկ մը ունիք:
Այդ պարոններուն վրայ չօրս հազար ինը հարիւր իննսու-
նը ութը ոսկիի վճարագիր մը տուէք մեղի: Մեր սեղա-
նաւորը կ'ընդունի զայն:

Տանկլար բարիկամեցողութեան արժանիքը զոնէ ի-
րեն պահել ուզեց: Փէփփինոյի իրեն ներկայացուցած գրի-
չը և թուղթը առաւ, վճարագիրը գրեց և ստորագրեց:

— Ահա՛, ըսաւ, առէք ձեր խնդրած հատուցագիրը,
գրաբերին վճարելի:

— Ահա՛ ձեր ալ խնդրած վառեակը:

Տանկլար հառաջելով վառեակը մանրեց և ոկսաւ ու-
տել: Այդպիսի մեծ գումարի մը փոխարէն, իրեն խիստ
վտիտ կ'երեւէր վառեակը:

Իսկ Փէփփինօ հատուցագիրը ուշադրութեամբ կար-
դալէն յետոյ, գրպանը դրաւ և սկսաւ իր սիսեռը ուտել
նորէն:

ԺԷ. ԳԼՈՒԽ

Ն Ե Ր Ո Ւ Մ Ը

Հետեւեալ առտօւ Տանկլար դարձեալ անօթեցաւ: Քա-
րայրը ախորժակ բացող օդ մը ունէր: Կալանաւորը այն-
պէս կարծեց թէ այն օրուան համար ընելիք ծախք չունի:
Խնայող մարդու մը պէս, վառեակին կէսը և հացին
մէկ կտօրը խցեկին մէկ անկիւնը պահած էր:

Բայց ասոնք ուտելուն պէս ծարաւ զգաց: Այս բանը
մտքէն անցած չէր:

Իր ցամքած լեզուն բերնին առաստաղին փակչելով,
ծարաւին դէմ մաքառեցաւ:

Բայց իր ներսը այրող կրակին չդիմանալով, պահ-
նորդը կանչեց:

Պահնորդը դուռը բացաւ: Տանկլար նոր դէմք մը
տեսաւ և մտածեց որ աւելի լաւ կ'ըլլար ծանօթի մը հետ
գործ ունենալ: ուտելի Փէփփինօն կանչեց:

— Ահա եկայ, աէր իմ, ի՞նչ կը փափաքիք, ըսաւ
աւոզակը այնպիսի աճապարանքով մը, որ աղէկ նշան մը
երեւցաւ Տանկլարին:

— Մարաւ եմ, ըսաւ կալունաւորը:

— Տէր իմ, ըսաւ Փէփփինօ: գիտէք որ Հոռմի շրջա-
կաները գինին շատ սուլ է:

— Ուրեմն ջուր տուէք ինծի, ըսաւ Տանկլար, անոր
անիրաւ պահանջումէն ջանալով խուսափիլ:

— Տէր իմ, ջուրը գինիէն աւելի հազուագիւտ է:
Այս կօղմերը երաշտութիւն կը տիրէ:

— Ո՛հ, կ'երեւի թէ նորէն պիտի սկսինք, յարեց
Տանկլար:

Ու կատակի զարնելու համար ժապելով հանդերձ,
խեղանաւորը կը զգար որ իր քունքերը քրտինքով
թրջուած էին:

— Ո՛հ, բարեկամ, ըսաւ Տանկլար, տեսնելով որ
Փէփփինօ անկարեկիր կեցած էր, գաւաթ մը ջուր կը խըն-
քիմ, պիտի մերժէ՞ք:

— Արդէն ըսի ձեզի, աէր իմ, պատասխանեց Փէփ-
փինօ ծանրութեամբ, փաքրաքանակ չենք ծախեր:

— Ուրեմն շիշ մը գինի բեր:

— Ո՞ր տեսակէն:

— Ամէնէն աժան տեսակէն:

— Ամէնքն ալ նոյն գինը ունին:

— Ի՞նչ է անոնց գինը:

— Քսանընինգ հազար ֆրանք իւրաքանչիւր շիշը:

— Աւելի լաւ կ'ըլլայ, եթէ ըսէք որ զիս կաղոպակէ-
կ'ուզէք, քան թէ այդ կերպով դրամս սպառէք, ըսաւ
Տանկլար այնպիսի դառնագին ձայնով մը, որուն աղդե-
ցութիւնը միայն կծծի մարդը կրնայ զգալ:

— Կարելի է որ մեր պետին դիտաւորութիւնը տա է,
յարեց Փէփիփինու:

— Ո՞վ է ձեր պետը:

— Այն անձը, որուն առջև ձեղ հանեցինք անցեալ օր:

— Ո՞ւր է հիմա:

— Հոս է:

— Կ'ուզեմ տեսնել զի՞նքը:

— Շատ լաւ:

Պահ մը եաքը, Տանկլարի դիմացը կը զանուէր Լուի-
ձի Վանիա:

— Զի՞ս կանչեցիք, հարցուց աւազակապետը:

— Զիս հոս բերող մարդոց պետը դո՞ւք էք, պարոն:

— Այս', տէր իմ:

— Ի՞նչ կը խնդրէք ինձմէ, որ զիս ազատ թողուք:

— Ձեր գրպանը ունեցած հինգ միլիոններէն զատ
քան չենք խնդրեր:

Տանկլար զգաց որ ջղային պրկում մը իր սիրաը կը
ճմլէր:

— Բոլոր ունեցածս և ամբաւ հարստութենէս մնացածը
աս է, պարոն, և երբ դուք յափշտակէք զանոնք, աւե-
լի լաւ կ'ըլլայ որ կեանքէս ալ զրկէք զիս:

— Մեզի արգիլուած է ձեր արիւնը թափել, տէր իմ:

— Ո՞վ է այդ բանը արգիլողը:

— Այն անձը, որուն մենք կը հնազանդինք:

— Ուրեմն դուք մէկո՞ւն կը հնազանդիք:

— Այս', պետի մը:

— Ես կը կարծէի թէ դուք էք պետը:

— Ես այս ժարդոց պետն եմ, բայց ուրիշ անձ մը
իմ պետս է:

— Եւ ան ալ մէկուն կը հնազանդի՞ս:

— Այս':

— Որո՞ւն:

— Աստուծոյ:

Տանկլար վայրկեան մը մտախոհ մնաց:

— Ձեր ըսածները չեմ հասկնար, ըսաւ:

— Կարելի է:

— Եւ այդ պետը ըսաւ ձեզի որ ինձի հետ այսպէս
վարուիք:

— Այս':

— Ի՞նչ է անոր նպատակը:

— Զիմ գիտեր:

— Բայց այդ կերպով իմ քսակս պիտի պարպէք:

— Հաւանական է:

— Հաէ'ք, միլիոն մը կ'ուզէ'ք:

— Ո՞չ:

— Երկո՞ւ միլիոն:

— Ո՞չ:

— Երե՞ք միլիոն... չո՞րս... Այս', չորս միլիոն կու-
տամ, եթէ ազատ ձգէք զիս:

— Ինչո՞ւ հինգ միլիոն արժած բանին չորս միլիոն
կ'առաջարկէք, ըսաւ Վանիա: Անիրաւ տակոս մը առնել
կ'ուզէք, տէր սեղանաւոր, և կամ թէ ձեր միտքը չեմ
հասկնար:

— Առէք ամէնքն ալ, առէք ամէնքն ալ և զիս ալ
սպաննեցէք, գոչեց Տանկլար:

— Ո՞հ, ո՞չ, հանդարտեցէք, տէր իմ, և ձեր արիւնը
մի' գրգոէք, այդ կերպով ախորժակնիդ պիտի բացուի և
պիտի ստիպուիք օրը մէկ միլիոն ուտել: Է՞ն, աւելի խնա-
յողութիւն ըրէք:

— Բայց երբ ձեզ վճարելու դրամ չունենա՞մ, գոչեց
Տանկլար սրտնեղութեամբ:

— Այն ատեն պիտի անօթենաք,

— Պիտի անօթենա՞մ կ'ըսէք, յարեց Տանկլար տը-
գունած:

— Հաւանական է, պատախանեց Վանիա պաղարիւ-
նութեամբ:

— Բայց զիս սպաննել չէք ուզեր ըսիք:

— Ո՞չ, չինք ուզեր:

— Պիտի թողուք զիս որ անօթութենէ մեռնի՞մ:

— Նոյն բանը չէ ատ:

— Ո՞հ, թշուառականներ, գոչեց Տանկլար, ես ձեր
անիրաւ հաշիւները ի դերեւ պիտի հանիմ: Մարդ երկու

անգամ չի մեռնիր: Կը նախընտրեմ ամէն բանի վերջ տալ: Տանջեցէք չարչարեցէք և սպաննեցէք զիս, բայց իմ սուրագրութիւնո պիտի չստանաք:

— Ուզածնուղ պէս ըրէք, տէր իմ, ըստ Վանիս:

Ու խցիկէն դուրս ելաւ:

Տանկլար մոնջիւն մը արձակելով, այծի մորթերուն վրայ նետուեցաւ:

Արդեօք ո՞վ էին այդ մարդիկը և ո՞վ էր այն անտեսանելի պիտի: Իրեն համար ի՞նչ դիտաւորութիւն ունէին արդեօք, և երբ աւազակներուն ձեռքը ինկողները իրենց փրկանքը տալով կ'ազատէին, ինչո՞ւ չէր կրնար ազատիլ:

Ո՞հ, անշուշտ արագ և դառն մահ մը լաւ միջոց մը պիտի ըլլար իր կատաղի թշնամիները յուսահատեցնելու համար, որոնք կարծես թէ իր վրայ անիմանալի վրէժինդրութեան մը գոհացում կու տային:

— Այս', բայց ի՞նչպէս մեռնելու էր:

Տանկլար իր կեանքի երկար ընթացքին, զուցէ առաջին անգամն էր որ մեռնելու փափաքով և միանգամայն վախով մահուան վրայ կը մտածէր: Բայց իրեն համար ժամանակը եկած էր ա՛լ իր նայուածքը յառել բոլոր էակներու սրտին մէջ կենդանի եղող այն անսղոքելի ոգիին վրայ, որ իր սրտին ամէն մէկ բարախման հետ իրեն կ'ըսէր. «պէտք է որ մեռնիս»:

Տանկլար այն եղջերաւոր անասուններուն կը նմանէր, որոնք որսօրդները տեսնելով, կը գրգուրին և իրենց յուսահատութեանը մէջ երբեմն կը յաջողին փախչիլ:

Տանկլար մտածեց որ փախչի:

Սակայն պատերը ժայռեր էին: Իր խցիկէն դուրս ելլելու միակ ճամբաւն վրայ մարդ մը նստած կը կարդար և այն մարդուն ետին հրացանակիր ստուերներու անցուդարձը կը տեսնէր:

Զստորագրելու համար տուած որոշումը երկու օր տեւեց, յետոյ կերակուր խնդրեց և միլիոն մը տուաւ:

Լաւ ճաշ մը տուին անոր և մէկ միլիոնը առին:

Այնուհետև խեղճ բանտարկեալին կեանքը սովորական ընթացքէն դուրս ելած էր:

Այնչափ նեղութիւն կրած էր, որ չէր ուզեր այնուշետե ինքզինքը նեղել և աւազակներուն ամէն պահանջումներուն կը հնազանդէր:

Տասներկու օրէն յետոյ, իր հարստութեան երջանիկ օրերուն մէջ ըրածին պէս ճաշ մը ընելէն ետքը, հաշիւը ըրաւ և նայեցաւ որ այնչափ վճարագիրեր տուած էր: Որ միայն յիսուն հազար ֆրանքը մնացած էր իրեն:

Այն ատեն զարմանալի ազդեցութիւն մը կրեց նորէն: Հինգ միլիոնը կորսնցնելէն յետոյ, աշխատեցաւ մնացած յիսուն հազար ֆրանքը ազատել:

Նախընտրեց զրկուած կեանք մը անցընել, քան թէ այն յիսուն հազար ֆրանքը տալ և յիմարութեան մօհցնող յոյսեր ունեցաւ:

Ինքը, որ այնչափ երկար տահնէ ի վեր Աստուած մոռցած էր: Ակսաւ մտածել, որ Աստուած շատ անգամ հըրաշչքներ գործած էր: Կրնար այն քարայրը գետնին տակը անցընել: Քահանայապետական կառավարութեան հրացանակիրները կրնային այդ անիծեալ առանձնարանը զըտնել և իրեն օգնութեան համնիլ: այն ատեն յիսուն հազար ֆրանքը իրեն պիտի մնար: Յիսուն հազար ֆրանքը անօթութեանէ չմեռնելու համար բաւական գումար մըն էր:

Աղօթք ըրաւ Աստուծոյ, որ այդ յիսուն հազար ֆրանքը պահէ, և աղօթք ըրած տահնը լացաւ:

Երեք օրեր այսպէս անցան, երբ Աստուծոյ անունը եթէ ոչ իր սրտին մէջ, գոնէ իր շրթունքներուն վրայ յաձախ կրկնուեցաւ:

Մերթ ընդ մերթ զառանցանքի ժամեր ունէր: Այնպէս կը կարծէր, թէ խեղճուկ սենեակի մը մէջ խշտեակի մը վրայ օրհասական ծերաւնի մը կը տեսնէ:

Այդ ծերաւնին ալ անօթութեանէ կը մեռնէր:

Չորրորդ օրը ա՛լ կենդանութիւն չէր մնացած անօր վրայ, այլ կենդանի դիակ մը զարձած էր:

Իր առջի օրուան կերածներուն ամենափոքր փշրանքը գետնէն ժողվելով, սկսած էր գետինը փուռած փոխաթը ուտել:

Այն ատեն, պահապան հրեշտակի մը աղաչելու պէս՝

Փէփիինոյին աղաչեց որ քիչ մը ուտելիք տայ իրեն։
Պատառ մը հացի փոխարէն հազար ֆրանք խոստացաւ։
Բայց Փէփիինո պատասխան անգամ չտուաւ։
Հինգերորդ օրը՝ մինչև խցիկին դուռը հասաւ քաշ-
կոտուելով։

— Ուրեմն դուք քրիստոնեայ չէք, ըստ իր ծունկե-
րուն վրայ ելլելով։ Աստուծոյ առջեւ ձեր եղբայրը եղող
մարդը սպաննել կ'ուզէք։ Ուր էք, ո՞վ իմ նախկին բա-
րեկամերս, մըմիջեց։

Ու երեսի վրայ գետինը ինկաւ։
Յետոյ յուսահատութեամբ ոտքի ելլելով։

— Աւազակապե՛տ, պոռաց, ուր ես։

— Աւաւասիկ եմ, ըստ Վանփա յանկարծ երեւան
գալով, ի՞նչ կ'ուզէք նորէն։

— Առէք իմ ունեցած վերջին ոսկիներս, կակազեց
Տանկլար իր թղթապանակը ներկայացնելով։ և ձգեցէք որ
այս քարայրին մէջ ապրիմ։ Այսուհետեւ աղատութիւն չեմ
խնդրեր, այլ կը խնդրեմ որ ապրիմ։

— Ուրեմն շա՞տ նեղութիւն կը զգաք, հարցուց Վանփա։

— Ո՛հ, այո՛, և կրնամ ըսել՝ անտանելի նեղութիւն։

— Սակայն ձեզմէ աւելի նեղութիւն կրող մարդիկ
եղան։

— Զեմ կարծեր։

— Այո՛, անոնք որ անօթութենէ մեռան։

Տանկլարի միտքը եկաւ այն ծերունին, որուն ան-
կողնին վրայ տանջուիլը տեսած էր զառանցանքի ժամե-
րուն մէջ։

Հառաչանք մը արձակելով գլուխը գետինը զարկաւ։

— Այո՛, ստոյգ է, ինձմէ աւելի նեղութիւն կրող
մարդիկ եղան, սակայն անոնք յարտիրոսներ էին գէթ։

— Թոնէ դուք ալ կը զղա՞ք, ըստ ախուր և հան-
դիսաւոր ձայն մը, որ Տանկլարի յազերը քումնեցուց։

Իր տկարացած նայուածքով ջանաց շուրջը դիտել և
աւազակապեաին ետին վերաբրուով փաթթուած ու քարէ
սիւնի մը ստուերին մէջ պահուըտած յարդ մը տեսաւ։

— Ի՞նչ բանի վրայ զղամ, կակազեց Տանկլար։

— Ձեր գործած չարութեան վրայ, ըստ նոյն ձայնը։
— Ո՛հ, այո՛, այո՛, կը զղամ, գոչեց Տանկլար։
Ու իր վատուժ բռունցքը կուրծքին իջեցուց։
— Այն ատեն ես ալ կը ներեմ ձեզի, ըստ մարդը,
վերաբրուուն իր վրայէն նետելով և քայլ մը լոյսին մէջ յա-
ռաջանալով։

— Մօնթէ-Քրիսթօ կոմսը, ըստ Տանկլար, քիչ մը
առաջ անօթութենէն և նեղութենէն ունեցած տժգունու-
թենէն աւելի այս անգամ սասկումէն տժգունած։

— Կը սխալիք, ես Մօնթէ-Քրիսթօ կոմսը չեմ։

— Ո՞վ էք ուրեմն։

— Ես այն անձն եմ, զոր դուք զրպարտեցիք, մատ-
նեցիք և անպատճեցիք։ Ես այն անձն եմ, որուն նշա-
նածը դուք խայտառակեցիք։ Ես այն անձն եմ, զոր սա-
նակուխ ըրէք, հարստութեան գահը ելլելու համար։ Ես այն
անձն եմ, որուն հայրը անօթութենէ մեղցուցիք և զիս ալ
անօթութենէ մեռնելու դատապարտեցիք։ Սակայն կը նե-
րեմ ձեզի, որովհետեւ ես ալ ներումի պէտք ունիմ։ Ես՝ էտ-
մօն Տանթէսն եմ։

Տանկլար միայն ձիչ մը հանեց և երեսը մինչև զե-
տին խոնարհեցաւ։

— Ոտքի ելէք, ըստ կոմսը, ձեր կեանքը աղատ է։
Այս երջանկութենէն զուրկ գտնուեցան ձեր միւս երկու
մեղսակիցները, որոնց մէկը խենթեցաւ, իսկ միւսը մե-
ռաւ։ Ձեր քով մնացած յիսուն հազար ֆրանքը պահեցէք,
ձեզի կը նուիրեմ զանոնք, բայց աղքատանոցներու վե-
րաբերեալ ձեր գողցած հինգ միլիոնները արդէն տեղեր-
նին զրկուեցան անծանօթ ձեռքով։ Հիմա կերէք և խմե-
թէք, այս իրիկուն իմ հիւրս էք։ Վանփա՛, երբ այս մար-
դը կշտանայ, աղատ ձգէ զայն։

Տանկլար արդպէս գլուխը ծռած մնաց, մինչև որ կոմ-
սը առջնեւէն հեռացաւ։

Երբ գլուխը վերցուց, ստուերի պէս բան մը տեսաւ,
որ բակին մէջ աներեւոյթ կ'ըլլար և որուն առջեւ բոլոր
աւազակները կը խսնարհէին։

Կոմսին հրամանին համեմատ, Տանկլարին կերա-

կուրներ տուաւ վանփաւ իտալիոյ ամէնէն ազնիւ գինիէն
և ամէնէն ընտիր պտուղներէն հրամցուց և իր սուրհան-
դակի կառքովը անկէ հեռացնելով զայն, ճամբուն մէջահ-
ղը թողուց, ուր Տանկլար մինչեւ լոյս կեցաւ, որովհետեւ
ուր գտնուիլը չէր գիտեր:

Առառուն տեսաւ որ աղբիւրի մը մօտ կը գտնուէր:
Ծարաւ ըլլալուն՝ ուզեց ջուր խմել և ծնրադրած տաեն
ջաւրին մէջ դիտեց որ ժաղիրը ճերմկեր էին,

ԺԵ. ԳԼՈՒԽ

ՀՈԿՃԵՄԲԵՐ ՀԻՆԴԻ

Իրիկուան գրեթէ ժամը վիցն էր: Պայծառ երկնքին
վրայ փայլող աշնան գեղեցիկ արեւը իր ոսկեզոյն ճառա-
գայթներով կապտագոյն ծովուն վրայ կը ցոլար:

Արեւուն ջերմաթիւնը աստիճանաբար մելմանալով,
սկսած էր այն թեթև հովը փչել, որ տաք երկիրներուն
մէջ միջօրեայ քունէն յետոյ բնութեան շնչառութիւնն է
կարծես, այն քաղցր սիւգը, որ Միջերկրականին ծովեղրե-
րը կը զովացնէ և ծովուն բարկ հոտին հետ ծառերու բու-
րումները խառնած, ծովեղերք կը տանի:

Ճիպրալթարէն Տարտանէլ և թունուզէն վենետիկ
տարածուող այդ ընդարձակ լճին վրայ պարզ ու վայելուչ
ձեւով թեթեւաշարժ շեղակայմ մը իրիկուան առջի մշուշ-
ներուն մէջէն կը սահէր:

Իր յառաջացումը կարապին շարժման կը նմանէր,
որ իր թեւերը հովին բացած, ջուրին երեսէն կը սահի
կարծես:

Շեղակայմը արագաշարժ և միեւնոյն տեհն շնորհալի
ընթացքով կը յառաջանար, իր ետիւէն փոսփորական ա-
կոս մը ձգելով:

Կամաց կամաց արեւը, որուն վերջին ճառագայթնե-
րը ողջունեցինք, արեւմտեան հորիզոնին վրայ աներեւու-
թացած էր: Բայց իր ցոլացումները, դիցարանական տե-
սիլները հաստատելու համար կարծես, իւրաքանչիւր ալի-

քի ծայրը երեւելով, երեւան կը հանէին կուսոյ չաստուա-
ծին Ամֆիտիտի գիրկը պահուըտիւը, որ ի զուր կը ջանար
իր կապտագոյն վերարկուին ծալքերուն յէջ իր սիրահարը
պահելու:

Շեղակայմը արագօրէն կը յառաջանար, թէև հազիւ
նորաաի աղջկան մը խոպոպ մազերը շարժելու չափ հով
կար երեւութապէս:

Նաւուն զլիի կողմը, բարձրահասակ և պղնձագոյն
մարդ մը կանգնած, ցամաքին մօտենալը կը դիտէր, որ
բրգածե մութ հողակոյաի նման կ'երեւէր և ալիքներուն
մէջէն դուրս կ'ելլէր քաթալանցիներուն լայն գլխարկին
նման:

— Մօնթէ-Քրիսթօ կղզի՞ն է ան, հարցուց ծանրու-
թեամբ և խորին ախրութեամբ տպաւօրուած ձայնով՝ ու-
ղեւորը, որուն հրամանին ներքե կը գտնուէր փոքր շե-
ղակայմը կարծես առժամապէս:

— Այս', աէր իմ, պատասխանեց նաւապետը, կը մօ-
տենանք:

— Կը մօտենանք, մրմիջեց ճայբորդը խիստ մելա-
մաղձուա ձայնով մը:

Յետոյ ցած ձայնով աւելցուց.

— Այս', հոն պիտի ըլլայ նաւահանգիստը:

Արաւասուքի տխրութենէն աւելի տխուր ժպիտ մը
ցոյց կու տար: Ճամբորդը իր մասնութերուն մէջ ընկո-
մեցաւ նորէն:

Քանի մը վայրկեան յետոյ, կղզիին վրայ բոցի մը
լոյսը երեւցաւ և իսկոյն մարեցաւ, միեւնոյն տաեն հրա-
զէնի մը շառաչիւնը մինչեւ շեղակայմ հասաւ:

— Տէր իմ, ըստ նաւապետը, ցամաքէն մեզի նշան
կու տան, կ'ուզէ՞ք դուք ալ պատասխանել այդ նշանին:

— Ի՞նչ նշան, հարցուց ճամբորդը:

Նաւապետը ճեռքը դէպի կղզին երկնցուց, որուն կո-
ղիրէն սպիտակագոյն ծուխ մը վեր կ'ելլէր և ընդարձակ-
ուելով, ողին մէջէկը ցըուէր:

— Ո՞հ, այս', տուէք, ըստ երազէ սթափած մարդու
մը պէս:

Նաւապետը լիցուն հրացան մը ներկայացուց։ Ճամ-
բորդը առաւ զայն, կամաց մը վերցուց և կրակեց։

Տաօը վայրկեան յետոյ, առազաստները ամփոփեցին
և փոքր նաւահանգիստէ մը հարիւր քայլ հեռու խարիսխ
նեացին։

Մակոյկը արդէն իսկ ծով իջեցուցած էին չորս թիա-
վարներով և մէկ նաւուղիղով։

Ճամբորդը մակոյկ իջաւ և փոխանակ ղեկին կողմը
նստելու, ուր կապայտ գորդ մը փոռւած էր, ոտքի վրայ
թեւերը ծալլած կեցաւ։

Թիավարները, թեւերնին չորցնող թռչուններու պէս,
թիերնին կէս մը վերցուցած կը սպասէին։

— Քաշեցէք, ըսաւ ճամբորդը։

Ութը թիեր միեւնոյն ատեն ծովին մէջ իջան, առանց
կաթիլ մը ջուր ցայտեցնելու։

Մակոյկը այդ մղումին հնազանդելով, արագօրէն
սահեցաւ։

Մէկ վայրկեանէն, բնական կիսալուսնի ձեւով փոքր
խորշի մը մէջ մտաւ և բարակ աւագէ յատակի մը վրայ
յառաջացաւ։

— Տէր իմ, ըսաւ նաւուղիղը, մեր մարդոցմէ մէկուն
կոնակը հեծէք, որպէսզի ցամաք տանի ձեզ։

Երիտասարդը այդ հրաւէրին կատարելապէս անտար-
բեր շարժումով մը պատասխանեց և մակոյկին վրայէն
ջուրին մէջ սահեցաւ։ Զուրը մինչեւ յէջքը կը հասնէր։

— Ո՛հ, տէր իմ մրմնջեց նաւուղիղը, մի՛ ընէք այդ
բանը, հիմա մեր տէրը պիտի յանդիմանէ մեզ։

Երիտասարդը մտիկ չընելով դէպի ծովեզը յառաջա-
ցաւ, երկու նաւաստիներու հտեւէն քալելով, որոնք ճամ-
բան ցոյց կու տային։

Երեսուն քայլի չափ յառաջանալէ յետոյ, ցամաք հա-
սան։ Երիտասարդը իր ոտքերը թօթվելով շուրջը կը դի-
տէր և երթալիք ճամբան կը փնտոէր, որովհետեւ բոլորս
վին մթնած էր։

Դլուխը դարձուցած ատեն ուսին վրայ ձեռք մը զգաց
և ձայն մը սարսուացաւ զինքը։

— Բարի եկաք, Մաքսիմիլիէն, Կ'ըսէր այդ ձայնը,
ճշտապահ էք եղեր, շնորհակալ եմ։

— Դո՞ւք էք, կոմս, գոչեց երիտասարդը այնպիսի
շարժումով մը, որ ուրախութեան կը նմանէր, և երկու
ձեռքով Մօնթէ-Քրիսթոյի ձեռքը սեղմեց։

— Այո՛, ինչպէս կը տեսնէք, ես ալ ճշտապահ ըլլալ
ուզեցի։ Բայց ձեր վրայէն ջուրերը կը վազեն, բարեկամ,
պէտք է զգեստնիդ փոխել, ինչպէս Կալիպսօ կրնար ըսել
Տելէժաքին։ Եկէք ուրեմն, հոս ձեզի համար կատարելապէս
պատրաստ բնակարան մը կայ, ուր ձեր յոգնութիւնը և
ցրտութիւնը պիտի մոռնաք։

Մօնթէ-Քրիսթօ նկատեց որ Մորէլ ետ կը դառնար։
Սպասեց։

Ստուգիւ երիտասարդը զարմանքով տեսաւ, որ զին-
քը հոն բերողները բերաննին բացած չէին բնաւ և առանց
դրամ առնելու մեկնած էին։

Դէպի շեղակայմը վերադառնող մակոյկին թիակնե-
րուն ձայնը կը լսուէր արդէն։

— Ո՛հ, այօ՛, ըսաւ կոմսը, նաւավարներուն զրայմը ը-
տալ կ'ուգէք։

— Անշուշտ, բան մը չվճարեցի և անոնք մեկնեցան։

— Հոգ մի՛ ընէք, Մաքսիմիլիէն, ըսաւ Մօնթէ-
Քրիսթօ ծիծաղելով։ Իմ նաւաստիներուն հետ պայման
դրած եմ, որ իմ կղզիիս մօւտքը ճամբորդութեան ոեւէ
ծախքէ ազատ ըլլայ։ Ինչպէս կ'ըսեն քաղաքակրթեալ քա-
ղաքներուն մէջ՝ բաժանորդ եղած եմ։

Մորէլ զարմանքով նայեցաւ կոմսին երեսը։
— Կոմս, Փարիզ եղած ատեն այսպէս չէիք, ըսաւ

Մորէլ։

— Ի՞նչպէս։

— Այօ՛, հօս կը խնդաք,

Մօնթէ-Քրիսթոյի դէմքը ախրութիւն մը պատեց
յանկարծ։

— Իրաւունք ունիք ինձի յիշեցնել տալու ինքզինքս։
Ինձի համար՝ ձեզ նորէն տեսնելը երջանկութիւն մըն էր
և մասցայ որ ամէն երջանկութիւն վաղանցուկ է։

— Ո՞հ, ո՞չ, ո՞չ, կոմս, գոչեց Մորէլ իր բարեկամին երկու ձեռքերը բռնկելով, ընդհակառակը, ծիծաղեցէք, երօ ջանիկ եղէք և ձեր անտարբերութեամբը ապացուցէք, թէ կեանքը միայն նեղութիւն կրողներուն համար անտանելի է, Ո՞հ, դուք մարդասէր, բարի ու մեծ էք, բարեկամ, և զիս քաջալերելու համար է որ այդ զուարթութիւնը կը կեղծէք:

— Կը սխալիք, Մորէլ, ըստ Մօնթէ-Քրիսթօ, պատաճառը սա է, որ իրօք երջանիկ էի:

— Ուրիմն մոռցաք զիս, աւելի լաւ,

— Ի՞նչպէս:

— Այո՛, հիմա ձեզի կ'ուղղեմ այն խօսքը, զոր ըմբէշ կրկէսին մէջ մտնելով, կայսեր ըստ «Մեռնելու վըրայ եղողը կ'ողջունէ քեզ»:

— Զմիխթարուեցա՞ք միթէ, հարցուց Մօնթէ-Քրիսթօ տարօրինակ նայուածքով մը:

— Ո՞հ, ըստ Մորէլ գառն նայուածքով մը, իրօք կարծեցի՞ք որ պիտի կրնամ մխիթարուիլ:

— Մաիկ ըրէք, ըստ կոմսը, անշուշտ կը հասկնաք ըստածներս, այնպէս չէ՛, Մաքսիմիլիէնն: Անտարակոյս զիս ուամբիկ մարդու կամ կոչսակի պէս անորոշ և դատարկ ձայներ հանող շաղակրատի տեղ դրած չէք: Երբ ձեզի կը հարցնեմ թէ արդեօք միխթարուեցա՞ք, իբր այնպիսի մէկը կը հարցնեմ, որուն համար մարդկային սիրտը գաղանիք չունի: Մորէլ, միատեղ իջնենք ձեր որտին խորը և քըննենք զայն: Միթէ անհամբեր վիշտերը տակաւին պաշտրա՞ծ են ձեզ, որոնցմէ մարդ մժեղէ խայթուած առիւծի նման կը խրաչի: Միշտ նոյն սաստիկ ծարաւը կը զգա՞ք, որ միայն գերեզմանին մէջ կ'անցնի: Միշտ այն խաչական վիշտը ունի՞ք, որ կենդանի մարդը կեանքէն դուրս կը հանէ և մեռեալը փնտոել կու տայ, և կամ ուժի տկարութիւն ունի՞ք և ամէն բանէ ձանձրացած, ձեր յոյսը կորսնցուցա՞ծ էք: Ո՞հ, սիրելի Մաքսիմիլիէն, եթէ այսպէս է, եթէ ձեր ուժը միայն Աստուծոյ վրայ դրած էք և միայն դէպի երկինքունք կը խօսինք, ու ամուսին մէջ կը գոյաց մամական մէջ մամական մէջ աւելի անդամ է:

— Դուք այսպէս:

— Կոմս, ըստ Մորէլ իր քաղցր և հաստատ ձայնովը, մաիկ ըրէք ինծի, ինչպէս պէտք է մաիկ ընել այն յարդուն, որ իր մատը երկրի վրայ երկնցուցած և աչքերը դէպի երկինք վերցուցած կը խօսի: Բարեկամի մը թեւերուն մէջ մեռնելու համար ես ձեր քովը եկած եմ: Թէե սիրելիներ ունիմ տակաւին, ինչպէս իմ ժիւլի քոյրս և անոր կմմանուէլ ամուսինը, սակայն իմ վերջին վայրկաններուս մէջ զօրաւոր քաղուկներու և ժպտող դէմքի պէտք ունիմ: Քոյրս այդ վայրկաննին կրնայ լալ և նուազիլ: Բաւական վիշտեր կրած ըլլալուս, պիտի չկրնամ անոր վշակրութիւնը տիսնել: Էմմանուէլ կրնայ զէնքը ձեռքէս առնել և տանը իրար անցընել: Բայց դուք, որ խօսք տուած էք, կոմս, դուք որ գերագոյն էտկ մը պիտի երեւէիք ինծի, եթէ մահկանացու չըլլայիք, մինչև մահուան զուոր խաղաղութեամբ և սիրով պիտի ընկերանաք ինծի, այնպէս չէ:

— Բարեկամ, ըստ կոմսը, տարակոյս մը ունիմ դեռ Արդեօք ձեր վիշտը չափազանց ցուցնելնիդ ձեր հպարտութեան արդիւնքն է:

— Ո՞չ, նայեցէք, սիրտս հանդարտ է, ըստ Մորէլ, ձեռքը կոմսին երկնցնելով: Իմ երակներուս բարախիւնը սովորականէն ո՞չ աւելի սաստիկ է և ոչ աւելի մեղմ: Կը զգամ որ ճամբուն ծայրը հաստած եմ ու աւելի առաջ պիտի չերթամ: Ինծի ըսիք որ սպասեմ և յուսամ: Գիտէ՞ք ի՞նչ ըրիք թշուառ մարդու մը: Ամիս մը սպասեցի այսինքն ամիս մը նեղութիւն կրեցի: Յուսացի: Մարդս խեղճ և թշուառ արարած մըն է: Յուսացի, ըսյց ի՞նչ բան, չիմ գիտեր, անծանօթ, տարօրինակ և յիմարական բան մը, հրաշք մը յուսացի... ի՞նչ հրաշք, Աստուծ միայն կրնայ ըսկել. Աստուծ միկ խելքին խառնած է յոյս կոչուած յիշարութիւնը: Այո՛, սպասեցի, յուսացի, կոմս, և քառորդէ յը ի վեր երբ իրարու հետ կը խօսինք, տուանց գիտնալու, հարիւր անգամ իմ սիրտս վիրաւորեցիք, տանջեցիք: Ձեր ամէն մէկ խօսքը ապացոյցով հաստատեց թէ ինծի համար այլեւս յոյս չկայ: Ո՞վ կոմս, ո՞րքան խաղաղութեամբ և հանգստութեամբ պիտի հանգչիմ գերեզմանիս մէջ:

Մորէլ այս վերջին խօսքերը այնպիսի ուժգնութեամբ
արտասանած էր, որ կոմսը սարսուց:

— Բարեկամ, շարունակեց Մորէլ, տեսնելով որ կոմ-
սը լուս կը մնար, հոկտեմբեր 5 ը պայմանաժամ որոշեցիք
և այսօր հոկտեմբեր 5 ն է:

Մորէլ ժամացոյցը նայեցաւ:

— Ժամը ինն է, ըստ, դեռ երեք ժամ ունիմ ապ-
րելու:

— Թող այնպէս ըլլայ, պատասխանեց Մօնթէ. Քրիսթօ:

Մորէլ մեքենաբար կոմսին ետեւէն զնաց և երկուք-
նին ալ քարայրը յտած էին: Մորէլ ո՛ւր զանուիլը չէր
դիտած տակաւին:

Իր ստքերուն տակ զորգեր գտաւ, իր առջև դուռ մը
բացուեցաւ, անուշանոտ բուրումներ ամէն կողմ ծաւալած
էին: Լոյս մը զարկաւ աչքերուն:

Այն տաեն Մորէլ կեցաւ, վարանելով աւելի առաջ եր-
թալ, որովհետև զինքը շրջապատող մեղկացուցիչ հեշտու-
թեանց չէր վստահեր ինքզինքը:

Մօնթէ. Քրիսթօ մեղմով առաջ տարաւ զայն:

— Զի՞ վայլեր որ մնացած երեք ժամերը այն նախնի
հոսմայեցիներուն պէս անցընենք, որոնք իրենց ներոն
կայսրէն դատապարտուելով, ծաղկեպոակներով սեղան կը
նստէին ու արեւածաղկներու և վարդերու բուրման հետ
մահը կը շնչէին:

Մորէլ ժպտեցաւ:

— Ինչպէս որ կը հաճիք, ըստ, Մահը միշտ մահ է,
մահը մոռացումն է, այսինքն հանգստութիւնն է, այսինքն
կեանքի և հետեւաբար վշտի բացակայութիւնն է:

Մաքսիմիլիէն նստաւ և Մօնթէ Քրիսթօ անոր դի-
մացը տեղաւորուեցաւ:

Այն հիանալի սեղանատան մէջ կը գտնուէին, զոր ա-
տենօք նկարագրած ենք և ուր մարմարէ արձանները ի-
րենց գլուխնուն վրայ միշտ ծաղիկներով ու պառլներով
լեցուն կողավներ կը կրէին:

Մորէլ ամէն բան տարտամօրէն կը դիտէր և հաւա-
նաբար բան մը տեսած չէր:

— Իբր մարդ խօսակցինք, ըստ ապշտութեամբ կոմ-
սին նայելով:

— Խօսինք, պատասխանեց կոմսը:

— Կոմս, կրկնեց Մորէլ դուք մարդկային գիտու-
թեանց բովանդակութիւնն էք և մերինէն աւելի յառաջ-
դիմած ու աւելի հանձարեղ աշխարհէ մը իջած մարդու մը
ազգեցութիւնը կ'ընէք իմ վրասւ:

— Հսածնուդ մէջ սաոյդ կէտ մը կայ, Մորէլ, ըստ
կոմսը այնպիսի տիսուր ժպիտով մը, որ գեղեցկութիւն
կ'ընծայէր անոր: Վիշտ կոչուած մոլորակէ մը իջած հմ ես:

— Ամէն ըստծնուդ կը հաւատամ, առանց անոնց
միտքը հասկնալու, կոմս, և ատոր ապացուց՝ ինծի հրա-
մայեցիք որ ապրիմ, և ապրեցայ, ըսիք որ յուսամ, և
գրեթէ յուսացի: Հետեւաբար, պիտի համարձակիմ հարցնել
ձեզի, կոմս, որպէս թէ անգամ մը մեռած ըլլայիք. «Կոմս,
մեռնելու տաեն ցաւ կը զգա՞յ մարդ»:

Մօնթէ. Քրիսթօ խորին խանդաղատանքով Մորէլին
կը նայէր:

— Այո՛, ըստ, անտարակոյս, շտա ցաւ պիտի զգաք
եթէ բոնի մահով անշնչացնէք այն մահացու մարմինը, որ
յամառութեամբ կ'ուզէ ապրիլ: Եթէ դաշոյնի մը անտեսա-
նելի ակոաներով ձեր մարմինը յօշոտէք, եթէ զիւրավրէպ
գնտակով մը ձեր տիսուր ուղեղը ծակէք, խիստ ցաւեր պի-
տի զգաք և դժգոհութեամբ կեանքին պիտի բաժնուիք:
զոր ձեր յուսահատական հոգեվարքին մէջ այնչափ սուղ
գնուած հանգստութենէ մը լաւագոյն պիտի գտնէք:

— Այո՛, կը հասկնամ, ըստ Մորէլ, կեանքին պէս
մահն ալ վշտի և հեշտութեանց գաղանիքն ունի: Ամէն
բան զանոնք ճանչնալէն կախույ ունի:

— Ճիշտ այգպէս է, Մաքսիմիլիէն, շտա ճիշտ խօսե-
ցաք: Մահը, իրեն հետ լաւ կամ գէշ վարուելուն համե-
մատ, կամ բարեկամ է մեզ և սնուցիչի պէս մեղմով կը
սփօփէ մեզ և կամ թշնամի է ու բոնութեամբ մեր հոգին
մարմինէն կը խլէ: Եթէ ատեն զայ, որ մարդիկ հազա-
րաւոր տարի ապրին և, ինչպէս կ'ըսէիք, մահուան գաղ-
անիքը իմանան, այն ատեն մահը սիրուհի մը գրկին մէջ

վայելուած քունէն աւելի քաղցր և աւելի հեշտալի պիտի
ըլլայ:

— Եւ եթէ դուք մեռնիլ ուզէիք, այդ կերպով պիտի
կրնայի՞ք մեռնիլ, կոմս:

— Այո՛:

Մորէլ անոր երկնցուց ձեռքը:

— Հիմա հասկցայ, ըսաւ, թէ ինչո՞ւ ժամադիր եղաք
ինծի ովկէանոսի մը մէջտեղը այս առանձնացեալ կղզին
և այս ստորերկրեայ պալատին մէջ, որ Փարաւոնի մը նա-
խանձելի գերեզմանը կրնայ ըլլալ: Զիս խիստ սիրելնուդ
համար, ուզեցիք որ ձեր հիմա յիշած մահով մեռնիմ, այս-
ինքն առանց հոգեվարքի, և կարենամ վալանթինի անու-
նը արտասանել ու ձեր ձեռքը սեղմել:

— Այո՛, աղէկ գուշակեցիք, Մորէլ, ըսաւ կոմսը
պարզմտութեամբ մը, իմ միտքս ալ ատ էր:

— Ենորհակալ եմ, վազը ամէն վիշտերէ ազատելու
գաղափարը քաղցր կ'երեւի տառապած սրտիս:

— Բանի մը համար չէ՞ք ցաւիր բնաւ, հարցուց Մօն-
թէ Քրիսթօ:

— Ո՛չ, պատասխանեց Մորէլ:

— Եւ ոչ իսկ ինծի՞ համար, հարցուց կոմսը սրտի
խորին յուզումով:

Մորէլ պատասխան չտուաւ: Իր պայծառ աչքերը
յանկարծ աղօտանալէն յետոյ, անսօվոր պայծառութեամբ
փայլեցան: Արտասուքի խոչոր կաթիլ մը այտին վրայ ար-
ծաթագոյն ակօս մը գծելով վար գլորեցաւ:

— Ի՞նչ, ըսաւ կոմսը, երկրի վրայ ցաւելու բան մը
ունի՞ք, որ մեռնիլ կ'ուզէք:

— Ո՛հ, կ'աղաշիմ, գոչեց Մորէլ ակար ձայնով մը,
ուրիշ խօսք մի՛ ընէք և իմ տանջանքս աւելի մի՛ երկարէք:

Կոմսը կարծեց թէ Մորէլ կը տկարանար:

Այդ կարծիքը նորէն այն սոսկալի տարակոյօը առաջ
բերաւ, որուն անգամ մը յաղթած էր իֆ գղեակին մէջ:

— Այս մարդը երջանկացնելու կը զբաղիմ, մտածեց
կոմսը, որպէսզի անոր ընկելիք հատուցումս գործուած չա-
րութեանց զուգակչիո ըլլայ: Բայց եթէ չմ սխալիք, եթէ

այս մարդը երջանկութեան արժանի ըլլալու չափ ողորմե-
լի մէկը չէ, ափսո՞ս, ի՞նչ պիտի ըլլայ իմ գործս, քանի
որ միայն բարիք ընելով չարութիւնը մոռնալ կ'աւզեմ:
Յետոյ աւելցուց բարձրածայն:

— Մտիկ ըրէք, Մորէլ յայտնի կը տհսնեմ, որ ձեր
վիշտը անտանելի է, սակայն դուք Աստուծոյ կը հաւա-
տաք և ձեր հոգիին փրկութիւնը վտանգի մէջ ձգել չէք
ուզեր:

Մորէլ ժպտեցաւ տիրագին:

— Կոմս, ըսաւ, գիտէք որ կատակ չիմ ըներ: Կ'երգ-
նում որ հոգիս իմս չէ այսունիտեա:

— Մտիկ ըրէք, Մորէլ, ըսաւ Մօնթէ Քրիսթօ, գի-
տէք որ աշխարհի մէջ ազգական չունիմ և ձեզ իբր զա-
ւակս կը նկատեմ: Իմ զաւակս ազտակու համար կեանքս
և աւելի իրաւամբ հարստութիւնս պիտի զանեմ:

— Ի՞նչ ըսել կ'ուզէք:

— Ըսել կ'ուզեմ թէ խիստ հարուստ կեանքի մը բո-
լոր հեշտութիւնները չճանչնալնուդ համար մեռնիլ կ'ու-
զէք: Մորէլ, հարիւր միլիսնի մօտ հարստութիւն ունիմ,
զոր ձեզի կը նուիրեմ: Այսպիսի հարստութեամբ ձեր բո-
լոր նպատակներուն կրնաք հասնիլ: Եթէ փառասէր էք,
ամէն ասպարէզներ ձեր առջև պիտի բացուին: Աշխարհի
բոլոր զուարձութիւնները վայելեցէք և ուզածնիդ ըրէք,
բայց ապրեցէք:

— Կոմս, խօսք տուիք: պատասխանեց Մորէլ պազ-
արիւնութեամբ, և ժամը տասնըմէկ ու կէսն է, աւելցուց
ժամացոյցը նայելով:

— Մորէլ, իմ աչքերուս առջև և տանս մէջ այդպի-
սի բան մը ընել կը խորհի՞ք:

— Ուրիմն ձգեցէք որ մեկնիմ, ըսաւ Մաքսիմիլիէն
ախրութեամբ, եթէ ոչ պիտի կարծեմ թէ չէք սիրեր զիս:
Ու ոտքի ելաւ:

— Շատ լաւ, ըսաւ Մօնթէ Քրիսթօ, աւելի զուարթ
գէմք մը առնելով: Մորէլ, ուրիմն կ'ուզէք և անխախտ-
օրէն մտքերնիք գրած էք: Այս՛, խիստ թշուառ անձ մըն

էք գուշ և ինչպէս ըսիք, միայն հրաշք մը կրնայ բուժել ձեզ։ Նստեցէք ուրեմն, Մորէլ և սպասեցէք։

Մորէլ հնազանդեցաւ։ Մօնթէ Քրիսթօ ոտքի ելաւ, զդուշութեամբ գոցուտծ պահարանի մը մօտեցաւ, որուն բանալին ոսկի զղթայով մը իր վրայ կը կրէր, և անոր մէջէն շքեղօրէն դրուագուած արծաթ արկղիկ մը հանեց։ Արկղիկին անկիւնները չորս կնոջ պատկերներ կը ներկայացնէին։

Արկղիկը սեղանին վրայ դրաւ, բացաւ զայն և անոր մէջէն ոսկի տուփ մը հանեց, որուն կափարիչը դաղտնի զսպանակէ մը սեղմուելով կը բացուէր։

Այդ տուփը կէս լոյծ իւղային նիւթ մը կը պարունակէր, որուն գոյնը տուփը զարդարող փայլուն ոսկիին, շափիւղաններուն, սուտակներուն և զմրուխտներուն գոյներուն հետ խառնուելով, անկարելի էր նկարագրել։

Կապոյտի, ծիրանիի և ոսկեգոյնի ճաճանչներ ունէր ան։ Կոմսը ոսկեզօծ դգալով մը այդ նիւթէն քիչ մը առաւ և Մորէլի տալով, երկար նայուածք մը սեւեռեց անոր վրայ։

Այն ատեն նիւթին կանաչ գոյն ունենալը տեսաւ։

— Անա ձեր խնդրածը, ըսաւ կոմսը, և անա ձեզի խոստացած։

— Դեռ չմեռած, ըսաւ երիտասարդը, Մօնթէ Քրիսթօյի ձեռքէն դգալը առնելով, սրտանց շնորհակալ եմ ձեզի։

Կոմսը երկրորդ դգալ մը առաւ, ոսկի տուփին մէջէն լեցնելով զայն։

— Ի՞նչ պիտի ընէք, բարեկամ, հարցուց Մորէլ անոր ձեռքը բռնելով։

— Մորէլ, ստուգիւ, ես ալ ձեզի չափ կեանքէն ձանո ձրացած հմ, մանաւանդ որ առիթը ինքնին կը ներկայանայ, պատասխանեց կոմսը ժապագին։

— Կեցէ՛ք, զոչեց երիտասարդը։ Ո՛հ, դուք որ փոխարձ սէր կը զգաք և յուսոյ կը հաւատաք, իմ ըրածս մի՛ ընէք։ Զեզի համար մեղք մը կրնայ համարուիլ։ Մընաք բարով, աղնիւ և մէծսիրտ բարեկամս, ես պիտի երթամ վաւանթինին ըսելու ինչ որ դուք ըրիք ինծի համար։

Մորէլ առանց երկմառւթեան և գէպի կոմսը երկնցուցած ձեռքը սեղմելով, Մօնթէ Քրիսթօյի տօւած գաղտնի նիւթը կլլեց. կամ աւելի ճիշտ կ'ըլլայ ըսել, ախորժակով ճաշակեց։

Այն ատեն երկու քնին ալ լուռ մնացին։ Ալի լուսթեամբ և զգուշութեամբ ներս մտաւ, ծխախոտ և ծխափողներ բերաւ, սուրճ հրայցուց անոնց և աներեւոյթ եղաւ։

Կամաց կամաց մարմարէ արձաններուն ձեռքը եղած ձրագներուն լոյսը Մորէլի համար աղօտացաւ և խնկամաններուն անոյշ հոտերը նուազ ազդու դարձան։

Մօնթէ Քրիսթօ անոր դիմաց, ստուերին մէջ նստած՝ երեսը կը նայէր։ Մորէլ կոմսին փայլուն աչքերէն զատըան չէր տեսներ։

Երիտասարդը անհուն վշտով մը համակուեցաւ։ Ծըխափողը ձեռքէն կը սահէր կարծես։ Սուրկանները անզգաւի կերպով իրենց ձեւն ու գոյնը կը կորսնցնէին։ Իր այլայլած աչքերուն այնպէս կ'երեւէին թէ դռներն ու վարպոյըները կը բացուէին։

— Բարեկամ, ըսաւ, կը զգամ մեռնիլս, շնորհակալ հմ։ Վերջին անգամ մը իր ձեռքը կոմսին երկնցնելու փորձ ըրաւ, բայց իր վատոյժ ձեռքը վար ինկաւ։

Այն ատեն իրեն այնպէս երեւցաւ, թէ Մօնթէ Քրիսթօ կը ժպտէր, բայց ո՛չ իր տարօրինակ և սոսկալի ժպիտովը, որ շատ անգամ այդ խորամիտ անձին գաղտնիքը յայտնած էր իրեն, այլ այն մարդակաէր խանդաղատանոքով, զոր հայրերը ցոյց կու տան անմիտ խօսքեր ընող իրենց փոքր տղոց նկամամբ։

Նոյն միջոցին, կոմսը իր աչքերուն առջե կը մեծանար։ Անոր հասակը գրիթէ կրկին բարձրութիւն ստանալով. կարմիր վարագոյըներուն վրայ կը նկարուէր։ Սև մազերը ետին ձգած էր և սէգ կեցուածքով մը, վերջին դատաստանին օրը չարերուն սպառնացող հրեշտակներէն մէկուն պէս կ'երեւէր։

Մորէլ, ուժապառ, թիկնաթոռին վրայ թաւալեցաւ։ Իր ամէն երակներուն մէջ մեղմ թմրաւթիւն մը տիրեց։ Իր տեսածը երազ մըն էր։ Իրեն այնպէս կ'երեւէր, թէ

Մահուան առաջնորդող տարտամ զառանցանքին մէջ կը գտնուի:

Անգամ մըն ալ իր ձեռքը կոմսին երկնցնել ուզեց, բայց այս անգամ ձեռքը չշարժեցաւ իսկ: Ուզեց վերջին ողջյն մը տալ: Բայց իր լեզուն գերեզմանի մը վրայ փակուած քարի մը պէս իր կոկորդին մէջ դարձաւ ծանրութեամբ:

Իր տկարացած աչքերը ակամայ գոցուեցան: Սակայն իր արտեւանունքներուն ատկէն պատկերի մը շարժիլը տեսաւ: Աչքերուն մթագնութեանը մէջ հասկցաւ որ կոմսն էր ան և դուռ մը կը բանար:

Իսկոյն մօտակայ սենեակի մը, կամ աւելի ճիշտը, հիանալի պալատի մը մէջ վառուած խիստ պայծառ լրյու այդ սրահը յորդեց, ուր Մորէլ իր քաղցր հոգեվարքին մէջ կը գտնուէր:

Այն ատեն սրահին սեմերուն վրայ հիանալի գեղեց կութեամբ կին մը տեսաւ, որ զունատ էր և մեղմ ժպիտով մը իրր գթութեան հրեշտակ կ'երեւէր իրեն:

— Արդեօք երկի՞նքն է, որ առջիս կը բացուի, մտածեց հոգեվարքը, այս հրեշտակը իմ կորսնցուցածիս կը նմանի:

Մօնթէ Քրիսթօ մատովը ծաղկատի կնոջ ցոյց տուաւ այն բազմոցը, որուն վրայ Մորէլ կը հանգչէր:

Կինը, ձեռքերը միացուցած և մպիտը դէմքին վրայ, յառաջացաւ:

— Վալանթի՞ն, Վալանթի՞ն, գոչեց Մորէլ իր սըրտին խորէն:

Բայց Մորէլ ուրիշ բան չըսաւ: Ներքին յօւզման հետ իր բոլոր ուժը միացուցած՝ հառաչանք մը հանելով՝ աչքերը գոցեց:

Վալանթին անոր քով վազեց:

Մորէլի շրթունքները կը շարժէին դարձեալ:

— Զեզ կը կանչէ, ըսաւ կոմսը, իր քունին մէջէն, որուն ձեր բախտը վատահեցաք և որմէ մահը կ'ուզէր զըրկել ձեզ, սակայն բարեբախտաբար ձեր քովն էի ու մահուան յաղթեցի: Վալանթին, այսուհետեւ իրաբմէ պիտի

չբաժնուիք երկրի վրայ, որովհետեւ ձեզ գտնելու համար գերեզման մտնել կ'ուզէր: Եթէ ես չըլլայի, երկուք ալ մեռած էիք, Ես կը միացնեմ ձեզ: Աստօւած բարեհաճի ինձի շնորհել աղատած երկու անձերուս վարձքը:

Վալանթին Մօնթէ-Քրիսթոյի ձեռքը ըռնեց և իր անզուսպ ուրախութեան եռանդէն, իր շրթունքներուն մօտեցուց զայն:

— Ո՛հ, շնորհակալ եղէք ինձի և մի' ձանձրանաք ձեր շնորհակալութիւնը կրկնելու, ըսաւ կոմսը: Շատ անգամ ըսէք որ ես երջանիկ ըրի ձեզ: Զէք գիտեր թէ ո՛րչափ պէտք ունիմ այդ ստուգութեան:

— Ո՛հ, այս', այս', բոլոր սրածված շնորհակալ եմ ձեզի, ըսաւ Վալանթին, և եթէ իմ երախտագիտութեանս անկեղծութեանը վրայ կը կասկածիք, Հայտէին հարցուցէք, իմ սիրելի քրօջու, որ Ֆրանսայէն մեկնելէս ի վեր ձեր վրայ խօսելով, այս երջանիկ օրուան համբերութեամբ սպասցնել տուաւ զիս:

— Ուրեմն կը սիրէ՞ք Հայտէն, հարցուց Մօնթէ-Քրիսթօ այնպիսի յուզումով մը, զոր անկէ գաղտնի պահել կ'ուզէր:

— Ո՛հ, բոլոր սրածված:

— Ուրեմն մտիկ ըրէք, Վալանթին, ըսաւ կոմսը, շնորհ մը պիտի խնդրեմ ձեզմէ:

— Ի՞նչ կ'ըսէք, արդեօք այնչափ երջանիկ եմ որ...

— Այս', Հայտէն ձեր քոյրը կոչեցիք: Թո՛ղ իրօք ձեր քոյրը ըլլայ: Վալանթին, ինչ որ կը կարծէք թէ ինձի պարտաւոր էք, անոր ըրէք: Մորէլ և զուք պաշտպանեցէք զայն, որովհետեւ (քիչ մնաց որ կոմսին ձայնը իր կոկորդին մէջ պիտի մարէր) այսուհետեւ առանձին պիտի մնայ աշխարհի վրայ...

— Ինչո՞ւ առանձին պիտի մնայ, յարեց կոմսին ետեւէն ձայն մը:

Մօնթէ-Քրիսթօ ետին դարձաւ և Հայտէն տեսաւ, որ գունատած և սարսուագին, խորին աղջութեամբ կոմսին կը նայէր:

— Որովհետեւ, աղջիկս, վաղը դուն ազատ պիտի ըլ-

լաս, պատասխանեց կոմոը, և քեզի արժան եղած պատիւը պիտի ընդունիս վերջապէս, չեմ ուզեր որ իմ ճակատագիրս քուկդ նսեմացնէ։ Ո՞վ իշխանուհի, հօրդ հարստութիւնները և անունը կը վերադարձնեմ քեզի։

Հայտէ գունատեցաւ, ինքզինքը Աստուծոյ յանձնող կոյսի մը նման իր սպիտակ ձեռքերը բացաւ և լալէն այլայլած ձայնով մը ըստւ։

— Ուրեմն, տէր իմ, սփախ թողուս զիս։

— Հայտէ՛, Հայտէ՛, դուն ծաղկատի եւ գեղեցիկ, մինչեւ իսկ անունս մոոցիր եւ երջանիկ եղիր։

— Շատ լաւ, ըստւ Հայտէ, հրամաննիրդ կը կատարեմ, տէր իմ, Մինչեւ իսկ անունդ պիտի մոռնամ եւ երջանիկ պիտի ըլլամ։

Ու մեկնելու համար քայլ մը ետ գնաց։

— Տէ՛ր Աստուած, զոչեց Վալանթին, Մորէլին թըմած գլուխը իր ուսին կոթնցնելով, կո՛մս, չէ՞ք տեսներ ի՞նչպէս գունատեցաւ եւ չէ՞ք հասկնար որ ըստածնիդ չափազանց կը վերաւորէ զայն։

— Ի՞նչպէս կ'ուզէք որ հասկնայ, քոյր իմ, միթէ իմ տէրս չէ՞ եւ ես անօր սպասուհին չե՞մ, Բան մը չտեսնելու իրաւունք ունի։

Կայսը Հայտէի ձայնին այդ հնչիւնէն սարսուաց, որ մինչեւ սրտին խորը ազգեց, իր աչքերը նորատի աղջկան աչքերուն հանդիպեցան եւ չկրցան անոնց կրակին դիմանալ։

— Աստուած իմ, Աստուած իմ, ըստւ Մօնթէ-Քրիսթօ, ուրեմն ստոյդ է կարծածս, Հայտէ, ինձմէ բաժնուելով երջանիկ պիտի չըլլա՞ս միթէ։

— Ծաղկատի եմ դեռ, պատասխանեց Հայտէ մեղմ ձայնով, կը սիրեմ կեանքը, զոր միշտ քաղցր երեւցուցիք ինծի, եւ մեծ ցաւով պիտի մեռնիմ։

— Ուրեմն ըսել կ'ուզես, որ եթէ ես քեզմէ բաժնուիմ, Հայտէ։

— Պիտի մեռնիմ, տէր իմ։

— Ուրեմն կը սիրե՞ս զիս։

— Վալանթին, կը հարցնէ, թէ զինքը կը սիրե՞մ։ Վալանթին, լըսէ անոր թէ Մաքսիմիլիէնը կը սիրե՞ս դուն։

Կոմսը իր կուրծքին ընդլայնիլը և որտին ուսիլը զգաց, թեւերը բացաւ և Հայտէ ճիչ մը արձակելով անսնց մէջ նետուեցաւ։

— Ո՞հ, այս՝ կը սիրեմ քեզ, կը սիրեմ քեզ, ըստւ, ինչպէս մարդ կը սիրէ իր հայրը, եղբայրը և ամուսինը։ իւ կեանքիս պէս կը սիրեմ քեզ, որովհետեւ դուն ինծի համար աշխարհիս ամէնէն գեղեցիկ, ամէնէն ընտիր և ամէնէն մեծ մարդն ես։

— Ուզածիդ պէս թող ըլլայ ուրեմն, սիրելի հրեշտակս, ըստւ կոմսը։ Աստուած, որ իմ թշնամիներուս դէմ յարոյց զիս և յաղթող հանդիսացուց, յայտնի կը ցուցնէ թէ չուզեր որ յաղթութեանս մէջ զղջամ։ Կ'ուզէի ինքզինքը պատժել, բայց Աստուած կը ներէ ինծի։ Սիրէ զիս ուրեմն, Հայտէ։ Ո՞վ գիտէ, գուցէ քու սէրդ մոոցնել տայ ինծի ինչ որ պէտք է մոռնամ։

— Բայց ի՞նչ կ'ըսես, տէր իմ, հարցուց նորատի աղջիկը։

— Կ'ըսեմ թէ քու մէկ խօսքդ, Հայտէ, իմ քսան տարուան գիտութենէս աւելի միտքս լուսաւորեց։ Միայն քեզ ունիմ աշխարհիս վրայ, Հայտէ, քեզմօվ պիտի ապրիմ նորէն, քեզմօվ պիտի կրնամ երջանիկ կամ դժբախտ ըլլալ։

— Կը լսե՞ս, Վալանթին, զոչեց Հայտէ, կ'ըսէ թէ ինձմով դժբախտ պիտի ըլլայ, մինչ իմ կեանքս կու տամանոր համար։

Կոմսը վայրկեան մը լուս մնալով ինքզինքին եկաւ։

— Արգեօք ճշմարի՞մ է գուշակածս, ըստւ, Ո՞վ Աստուած իմ, կ'ընդունիմ այդ ճակատագիրը թէ՛ վարձատրութեան և թէ պատիմի համար, եկուր, Հայտէ, եկուր։

Ու իր թեւը ծաղկատի աղջկան մէջքին անցընելով, Վալանթինի ձեռքը սեղմեց և աներեւոյթ եղաւ։

Գրեթէ ժամ մը անցաւ, Վալանթին ոգեսպառ, անձայն և աչքերը սեւեռուն, Մորէլի քով կեցաւ։

Վերջապէս զգաց որ անոր սիրտը սկսած էր բարտխել, հազիւ զգալի շնչառութիւն մը անոր շրմունքը բացած էր, վերակենդանութիւնը յայտնող թեթեւ սարսուռ մը պատեց երիտասարդին բոլոր մարմինը։

Վերջապէս աչքերը նորէն բացուեցան, բայց ապօւշի և յիմարի նայուածք մը ունէին: Պահ մը եաքը յստակօրէն կը տեսնէր: Իր նայուածքին հետ զգացումը և զգացման հետ վիշտը վերստացած էր:

— Ո՞հ, գոչեց յուսահատական ձայնով, դեռ կենդանի եմ, կոմսը խաբեց զիս:

Ու ձեռքը դէպի սեղանը երկարելով, դանակ մը յափշտակեց:

— Սիրելիս, ըստ Վալանթին, իր խիստ քաղցր ժպիտավը, արթնցիր և երեսս նայէ:

Մորէլ սուր ճիչ մը արձակեց և զառանցանքի տարակոյսով լցուած և երկնային երեւոյթէ մը շլացած կարծիս, երկու ծունկերուն վրայ ինկաւ...

Հետեւեալ առտու. լուսնալուն պէս, Մորէլ և Վալանթին իրարու թև յտած, ծովկերքին վրայ կը պարտէին: Վալանթին Մորէլին կը պատմէր, թէ ի՞նչպէս Մօնթէքրիսթօ իր սենեակը մտնելով, ամէն բան իրեն յայտնած և հրաշքով զինքը յահուընէ ազատած էր, ամէնուն հաւատադնուվ թէ մեռած է:

Քարայրին դուռը բաց գտնելով, դաւրս ելած էին, դիւն վերջին աստղերը առտուան արշալոյին մէջ երկինքի երեսը կը փայլէին տակաւին:

Այս ատեն Մորէլ մարդ մը տեսաւ, որ ժայռերուն քով կեցած, նշանի մը կը սպասէր որ մօտենայ, ու Վալանթինին ցոյց տուաւ զայն:

— Ո՞հ, ժագոյօն է, ըստ, շեղակայմին նաւապետը:

Ու նշան մը ընելով, իրենց քով կանչեց զայն:

— Բա՞ն մը ունիս մեղի ըսելու, հարցուց Մորէլ:

— Կոմսին կողմէ այս նամակը ձեզի պիտի յանձնեմ:

— Կոմսի՞ն կողմէ, յրմնջեցին Մորէլ ու Վալանթին:

— Այս, կարդացէք:

Մորէլ նամակը բացաւ և կարդաց.

«Սիրելի Մաքսիմիլիէն,

Զեղի համար նաւ մը պատրաստ կը գտնուի, որ կիվոնո պիտի տանի ձեզ: Հան պ. նուարթիէ իր թոռը օրէնելու կը սպասէ, ձեզի հետ ամուսնանալէն առաջ:

Այդ քարայրին մէջ ինչ որ կայ, Շանդ էլիզէի տունս և Թրէքորի փոքր աշտարակն հարսանեկան այն ընծաներն են, զորս էտոն Տանթէս իր Մորէլ տիրոջը որդւոյն կ'ընէ:

Օրիօրդ աը Վիլֆօր ալ թող բարեհածի անոնց կէսը ընկունիլ: Կը խնդրեմ, որ Փարիզի աղքատներուն բաշիէ բոլոր այն հարստութիւնը, որ իր խենթեցած հօրը և իր մօրուին հետ սեպտեմբերի մէջ մեռնող եղբօրը կողմէ իրեն կ'իյնայ:

Զեր կեանքին վրայ հսկելու պատրաստուող հրեշտառ կին ըսէք, Մորէլ, որ աղօթք ընէ հրբեմն այնպիսի մարդու մը համար, որ սատանային նման ատեն մը ինքզինքը Աստուծոյ հաւասար կարծեց, եւ քրիստոնեայի մը խոսնարհութեամբ ճանչցաւ որ Աստուծոյ ձեռքն է միայն գերազոյն իշխանութիւնը եւ անսահման իմաստութիւնը:

Այս աղօթքները գուցէ իր սրտին խղճի խայթերը մեղմացնեն:

Իսկ ձեզի, Մորէլ, միայն սա գաղտնիքը ունիմ հազարդելու. աշխարհիս մէջ ոչ երջանկութիւն կայ եւ ոչ դժբախտութիւն, այլ մէկ վիճակին միւս վիճակին հետ եղած բաղդատառութիւնն է, եւ ոչ ուրիշ բան:

Ցետին դժբախտութիւն կրողը միայն կարող տարեալ երջանկութիւնը վայելիլ:

Պէտք է մեռնիլ ուզել, Մաքսիմիլիէն, որպէսզի գիտնայ յարդ թէ ո'րչափ քաղցր է կեանքը:

Ապրեցէք ուրեմն եւ երջանիկ եղէք, ո'վ սրտակից զաւակներս, եւ երբեք մի մոռնաք, որ մինչեւ այն օրը որ Աստուծ պիտի բարեհածի ապագան յայտնելու, բոլոր մարդկային իմաստութիւնը սա երկու բառերուն մէջ բովանդակուած է:

Սպասել եւ յուսալ:

Զեր բարեկամը
ԷՏՄՈՆ ՏԱՆԹԷՍ
ԿՈՄՄ ՄՕՆԹԷ.ՔՐԻՍԹՈ

Վալանթին այդ նամակէն իր հօրը խենթենալը եւ եղբօրը մահը իմանալով, հառաչ մը արձակեց եւ արտա-

սուքի կաթիւներ լուսւթեամբ իր այտերէն վար գլորեցան։
իր երջանկութիւնը շատ սուղի նստած էր իրեն։

Մորէլ իր շուրջը նայեցաւ մտահոգութեամբ։

— Բայց ստուգիւ կոմսը իր առատաձեռնութեան չա-
փը կ'անցընէ, ըստ, Վալանթին կրնայ իմ չափաւոր հա-
րստութեամբս ալ գոն ըլլալ։ Ո՞ւր է կոմսը, բարեկամ, ա-
նոր քովը տար զիս։

Ժագօպօ իր ձեռքը դէպի հորիզոնը երկնցուց։

— Ի՞նչ ըսել կ'ուզես, հարցուց Վալանթին, ո՞ւր է
կոմսը ո՞ւր է Հայտէն։

— Հոն նայեցէք, ըստ Ժագօպօ։

Երկու երիտասարդները նաւասատին մատնանշած կող-
մը նայեցան։ Հորիզոնին եւ Միջերկրական ծօվը երկին-
քէն բաժնող մութ կապոյտ կէտի մը վրայ նշմարեցին ո-
րորի մը թեւին նման սպիտակ առագաստ մը։

— Գնա՞ց, գոչեց Մորէլ գնա՞ց Երթա՛ս բարով,
բարեկամս, հայրս։

— Գնա՞ց, մըմիջեց Վալանթին։ Մնա՛ս բարով, բա-
րեկամուհիս, միաս բարով, քոյր իմ։

— Ո՛վ գիտէ թէ մէյ մըն ալ զանոնք պիտի տես-
նե՞նք, ըստ Մորէլ իր արտասուքը սրբելով։

— Սիրելիս, ըստ Վալանթին, միթէ կոմսը չէ՞ր ը-
ստծ որ մարդկային բոլոր իմաստութիւնը սա երկու բա-
սերուն մէջն է։

«ՍՊԱՍԵԼ ԵՒ ՅՈՒՍՈՒ»

1898

Ա.ԵՐՋ Ա.ԵՐՑԵՐՈՐԴԻ ԵՒ Ա.ԵՐՑԵՐԻՆ ՀԱՏՈՐԻՆ



180 n

14
300 -

1-36

Գիւ.

Ե . Եւ Զ. ՀԱՏՈՐ ՄԻԱՍԻՆ 150 ԼԵՎ,
ԻՍԿ ՎԵՅ ՀԱՏՈՐԸ ՄԻԱՍԻՆ Կ'ԱՐԺԵ՛ 400 ԼԵՎ.